



პ/მგ. რედაქტორი—ს. მაკალათია  
მხატვარი ლ. ავალიანი

კორექტორი— } ფ. ჯაყელი  
გამომშვები— }

გადაეცა წარმოებას 16/II—1939 წ.  
ხელმოწერილია დასაბეჭდად 25/IV—39  
მთავლიტის № 2128

შეკვეთა № 213

ტირაჟი—3000

ზომა წიგნისა 5X8 კვ.

ქალაქი 70X108

## წიგანის ტექსტი

წინამდებარე წიგნის ავტორი მე-19 საუკ. მეორე ნახევრი ცნობილი მწერალი იონა მეუნარგია (1852—1919) ამ შემთხვევაშიც, როცა ის სამეგრელოს სამთავროს უკანასკნელ პერიოდს და მთავრის დავით დადიანის ცხოვრებასა და მოღვაწეობას აგვიწერს, მწერლობაში თავის ჩვეულ პოზიციაზე დგას.

აქაც მას ახასიათებს ის თავისებური მეთოდი ბიოგრაფიის შედგენისა, წერის მანერა და სტილი, როგორსაც ის მწერალთა ცხოვრების აღწერისას მიმართავდა.

მაგრამ, რამდენაღ დავით დადიანი არ იყო ლიტერატურული ფიგურა, არამედ იყო მსხვილი ფეოდალი-მფლობელი გარკვეული ტერიტორიისა, მთავარი და მსგავსი მეფისა, რომელიც „მეფურის მზრუნველობით იღწვოდა“ თავისი ხალხისა და ქვეყნისათვის, ამდენად აღნიშნული შრომა ბიოგრაფიულ ცნობებთან ერთად უფრო აშუქებს სამეგრელოს სამთავროს უკანასკნელი პერიოდის ისტორიულ ამბებს—ლევან დადიანის მთავრობიდან, ან „დადიობიდან“ (როგორც მეგრელები იტყვიან), ვიდრე დავით დადიანის გარდაცვალებამდე, ე. ი. 1830-იან წლებიდან მოყოლებული 1853 წლამდე.

ამგვარად აღნიშნულ თარიღებს შორის ი. მეუნარგია ამ ნარკვევში უფრო სამეგრელოს ისტორიკოსია, ვიდრე მთავრის ბიოგრაფი—ცხოვრების აღმწერი. იგი დოკუმენტალურად, მასალების დაგროვების გზით აშუქებს სამეგრელოს ისტორიის ამ პერიოდის სხვადასხვა საკითხს.

ამიტომ ი. მეუნარგიას ეს შრომა მნიშვნელოვანი წყაროა ფეოდალურ-ბატონყმური სამეგრელოს უკანასკნელი პერიოდის შესასწავლად და ამასთანავე ლიტერატურული ღირებულების მქონეც; ამ წიგნის მანძილზე ვხვდებით ჩვენი მწერლობისათვის ცნობილ ფიგურებს, მათი მოქმედების—ცხოვრებისა და მოღვაწეობის მნიშვნელოვან მომენტებს.

მონოგრაფია ეხება სამეგრელოს სამთავროს სწორედ იმ პერიოდს, როცა ბატონყმური წყობილება გრძნობდა რა თავის აღსას-

რულის მოახლოვებას, უკანასკნელ გაბრძოლებაში იყო, განახლებას ცდილობდა ახალი, ვითომდა რეფორმისტი და „განათლებული“ მთავრის მტკიცე ხელმძღვანელობით. მაგრამ ეს „რეფორმები“ სრულიად გასაგები მიზეზებისა გამო მიხანს ვერ აღწევდა.

სწორია ავტორი, როცა წერს, რომ „დავითი იყო სამეგრელოს პირველი მთავარი, ნანახი და ნაკითხი, შედარებით კარგად განათლებული“-ო და...„ რეფორმის გზაზე დამდგარს, დავითს უნდოდა მისი ახალი მმართველობა ყველაფერს დასჩენოდა“-ო... მაგრამ იმაში კი ვერ დავეთანხმებით, როცა ის ცდილობს დავით დადიანი დაახასიათოს, როგორც კარგი მმართველი, თავის ერისათვის საყვარელი და, კერძოდ, ხალხისათვის კეთილმომამაგე; ამის წინააღმდეგ თვითონ ავტორის მიერ, ამ წიგნში თავმოყრილი ფაქტები მეტყველებს.

რა რეფორმა ჩაატარა ამ, მაშინდელ „პეტერბურგში განათლებულმა,“ „ევროპაში ნამყოფმა“ სამეგრელოს დიდმა ფეოდალმა?

. . . „გაათავისუფლა მებატონეთა მონობიდან სამღვდელთა, აღკრძალა კაცის სულის გაყიდვა სამთავროს გარეშე (ხაზი ჩემია—ს. ც.).

„აღკრძალა გლეხების დატყვევება და გალაბვა მებატონეთაგან“... „გზები და არხები გაიყვანა“ . . . „მიწის მეურნეობას და ვაჭრობას ხელი მიჰყო“ . . . „სასამართლო და ადმინისტრაცია ფეხზე დააყენა“ . . . და სხვა ამგვარნი.

მართლაც, ამ წიგნის ცალკე თავებიდან ვტყუბილობთ, რომ დავითი ცდილობს გაატაროს ეს თავისი რეფორმები, იგი ხელს უწყობს ვაჭრობას, აარსებს საწარმოებს, აშენებს პლანტაციებს, აწყობს ბაზრობას, აგებს ფაბრიკას და სხვა.

თითქოს გვეჩვენება,—ეს ფეოდალი ხელს უწყობს სამეგრელოში კაპიტალიზმის განვითარებას და რაღაც წინააღმდეგობას ვხედავთ, მაგრამ თუ ჩავუკვირდებით, ნამდვილად ასეც უნდა მოქცეულიყო ის მთავარი, რომლის პაპამ, გრიგოლ დადიანმა, პირველად 1803 წ. უკვე მიიღო რუსეთის ქვეშევრდომობა განსაზღვრული ინვენსტიტიურით; მამამ,—ლევანმა,—კი თავის მთავრობის პერიოდში უფრო გააფართოვა და მეტი გზა მისცა რუსეთის ცარიზმის დამყარებას, ხოლო დავით დადიანი, თვითონ რუსეთში განათლება მიღებული და ევროპაში ნამყოფი, უფრო მკაფიოდ ხედავდა, თუ საითკენ მიიმართებოდა სამეგრელოს ისტორიის ახალი გეზი, ხედავდა იმასაც, თუ როგორ

უბერავდა რუსეთის ცარიზმის სუსხიანი ქარი ჩრდილოდან სამხრეთისაკენ და კარგად ამჩნევდა იმასაც, თუ ამასთანავე ერთად, როგორ იკიდებდა ფეხს ნორჩი ბურჟუაზია.

მაშასადამე, საჭირო იყო ალღოს აღება მომენტისადმი, პოლიტიკური სიტუაციის განსჭვრეტა, მობერილი ქარის დაყნოსვა და ისე მოქმედება, რომ ხელისუფლება არ დაცემულიყო, ე. ი. საჭირო იყო არსებულის შენარჩუნება, მთავრობის—„დადიობის“<sup>1</sup> არ დაკარგვა,

დავით დადიანის მოქმედებაც თავიდანვე ამ გზით წარიმართა, მისი ყოველი რეფორმა ამ საფუძველზე იყო აღმოცენებული, მაგრამ ზოგიერთი თითქოს ნაადრევიც გამოდგა. ახალ ნერგს საამისო ნიადაგი ვერ ხვდებოდა, მისი მოვლა და გაფურობა მეტ საშუალებას ითხოვდა, ვიდრე მთავრის განკარგულებაში არსებობდა.

ამავე წიგნში გამოქვეყნებულ დოკუმენტებიდან ვხედავთ, რეფორმირებულ სამთავროს და მთავრის სასახლის გაზრდილ მოთხოვნილებას არ ყოფნის მის განკარგულებაში არსებული წყარო, არ ყოფნის შემოსავალი. საჭირო შეიქნა შემოსავლის გაზრდა, რაც ცხადია, როგორც მოსალოდნელი იყო, გლეხობაზე გადასახადების გადიდებით მოხდა. დავით დადიანმა მარტო სამთავრო, ე. ი. საკუთარ გლეხებს როდი აკმარა გადასახადების გადიდება,—საბატონო და საეკლესიო გლეხობაშიც შეიჭრა, მათაც დაადვა სხვადასხვა სახის გადასახადი და ამ გზით სამთავრო შემოსავალი გაზარდა.

ამრიგად, მთელი ეს „რეფორმა“ გლეხობის ათკეცი დაბეგვრის ხარჯზე ტარდებოდა და თქმა იმისა, რომ დავით დადიანი „კარგი მთავარი“ იყო ხალხისათვის, ამ ხალხში მხოლოდ სასახლის ხალხი უნდა ვიგულისხმოთ და არა მასა, გლეხობა.

გლეხობის მდგომარეობა, პირიქით, უფრო გაუარესდა, მაგ., თუ ოცი ძველი ბეგარა აწუხებდა მას, ოცი—ახალი კიდევ შეემატა, თუ თავისი უშუალო ბატონი—თავადი, თუ აზნაური ვით მაჯლაჯუნა აწვა კისერზე, მთავარმაც დაადგა განსაკუთრებული და და მძიმე უღელი. გლეხმა არ იცოდა, რომელ ერთს უნდა გამკლავებოდა და ამგვარად, ნიადაგი უმზადდებოდა სამეგრელოს გლეხო-

---

<sup>1</sup> „დადია“, „დადიობა“ (დადიანობა) თანამედრობა იყო და არა გვარი. სამეგრელოს უკანასკნელი მთავრები (დადიანები) ჩიქვანთა გვარიდან იყვნენ. ამის შესახებ იხ. ამ წიგნის 164 გვ.

ბის იმ ცნობილ აჯანყებას, რომელმაც თავი იჩინა 1857 წელს მჭედელ უტუ მიქას და უტუია თოდუას მეთაურობით.

ამ მხრივ, სანტერესოა თვით ი. მეუნარგიას შემდეგი განმარტებაც, რომელსაც იგი მთავრის სახლთუხუცესი და თაჩიქვანის გადმოცემით გვაცნობს (იხ. თავი — „სამთავროს შემოსავალ-გასავალი“ გვ. 86): „დავითის ისეთი კარგი მრჩეველები ყავდა, როგორც იყვნენ ალექსანდრე ჭავჭავაძე, ივანე და გიორგი მუხრან-ბატონები, ბარონ-ნიკოლაი დავასილ ბებუთოვი (ხაზი ჩემია—ს. ც.) და იმათგან იცოდა, რომ სამეგრელოს სამთავრო დიდნანს არ დარჩებოდა დამოუკიდებელ სამთავროდ, რომ საბოლოოდ ამას და მის შვილებს მარტოს დარჩებოდა, რაც ექნებოდა ხელში სამეგრელოს სამთავროს გაუქმების დროს და ამის გამო დავითმა მამულის და სხვა ქონების შეძენას მაგრად მიჰყო ხელი“... და შემდეგ,—განმარტავს ავტორი,—მთავრის ასეთი სამეურნეო პოლიტიკა უკმაყოფილებას იწვევდა, როგორც გლეხურ, ისე მაღალ წრეებშიც, რამაც ხელი შეუწყო აჯანყების დაჩქარებასო.

ამ აჯანყების დაჩქარებამ კი დააჩქარა პროცესი სამეგრელოს სამთავროს ავტონომიურობის გაუქმებისაც. არც ამით მოსვლია გლეხობას რაიმე გაუმჯობესება. თავად-აზნაურობა ადვილად შეურიგდა რუსეთის თვითმპყრობელობას, როგორც მისი კლასობრივი ინტერესის გამომხატველი ელემენტი. თავდაპირველად ვითომ „ეროვნულ დამოუკიდებლობისათვის“ მებრძოლი „ბრწყინვალე წოდება“ საბოლოოდ რუსეთის ცარიზმის დამყარების ბურჯი გახდა, რამაც შემდეგში ყმა გლეხის ორმაგი ექსპლოატაცია გამოიწვია. ეს ექსპლოატაცია სხვა ფორმებში ბატონყმობის გაუქმების შემდეგაც გაგრძელდა. უმიწაწყლოდ განთავისუფლებული გლეხობა ფაქტიურად მემამულის მონა იყო. სამეგრელოს სინამდვილეში, — ყველაზე დიდი მემამულის — სამეგრელოს ყოფ. მთავრისა და მის ჩამომავალთა. მაგ. წინამდებარე წიგნის მე-63 გვ., საცა ავტორი სალხინოს სასახლის შესახებ წერს, რომ „დრონი იცვალნენ და ლხინის სასახლე შეიქნა შრომის სასახლედ, ცენტრად სალიპარტიანოს მეურნეობისა და მრეწველობისა“—ეხება მხოლოდ დავ. დადიანის სიძის აშ. მიურატის კერძო მეურნეობას. ფრაზა „შრომის სასახლე“ თანამედროვე შინაარსით არ უნდა იქნას გაგებული. ის იყო სასახლე გლეხთა მასების უმაგალითო ექსპლოატაციისა ახალ

ფორმებში. იქ დაღვრილი ოფლისა და შრომის პროდუქტია შეადგენდა საფრანგეთიდან გადმოხვეწილ პრინც აშ. მიურატის საკუთრებას და არა საზოგადოებისას. იქ, შრომა და „შრომის სასახლე“ არ იყო თავისუფალი. მიურატიმ, რომელმაც მოაწყო კულტურული მეურნეობა სამეგრელოში, გარდა ყვლეფისა ვერაფერი შესძინა ბატონყმობიდან უკვე განთავისუფლებულ გლეხურ მეურნეობას. მის ექსპლოატაციას მხოლოდ ოქტომბრის რევოლუციამ მოუღო ბოლო. მანამდე მომხდარი გლეხთა აჯანყებანი საბოლოო მიზანს ვერ აღწევდნენ. და ეს იმიტომ, რომ მათ არ ხელმძღვანელობდა მუშათა კლასი, თუმცა ამ აუეთქებათ მაინც ჰქონდათ მნიშვნელობა. „ამ ხალხის გამოსვლებში—ამბობს ამხანაგი სტალინი— ჩვენ ვხედავდით ჩაგრულ კლასების სტიქიური აღშფოთების, ფეოდალური ჩაგვრის წინააღმდეგ გლეხობის სტიქიური აჯანყების გამოხატულებას“-ო (იხ. ამხანაგი სტალინის საუბარი გერმანულ მწერალ ემილ ლიუდვიგთან გვ. 12).

ამგვარად უდავოა, ცნობილი „უტუს ბუნტი,“—როგორც მეგრელები იტყვიან,—უკვე ისტორიაში შესული ფაქტია, რომლის ნიადაგი მომზადდა დავით დადიანის „დადიობის“ (მთავრობის) პერიოდში.

სწორედ ეს ნარკვევიც სამეგრელოს სამთავროს ამ უკანასკნელ პერიოდს გვიხატავს, ფაქტიური მასალების გადმოლაგებით: ამდენად ის ღირებულების შემცველია და შეიძლება ითქვას ერთ-ერთი საყურადღებო შრომაც აღნიშნული პერიოდის შესასწავლად, რომლისაკენ ყურადღება გაამახვილა უკანასკნელ ხანებში არა მარტო ამ საქმის სპეციალისტებმა, მკვლევარებმა და ისტორიკოსებმა, არამედ ჩვენმა მხატვრულმა ლიტერატურამაც: არა ერთი და ორი საბჭოთა მწერალი მუშაობს დღეს ამ ცნობილ აჯანყების თემაზე ლიტერატურის სხვადასხვა ჟანრის მომარჯვებით.

ორიოდე სიტყვა თვით ნარკვევის ტექსტის შესახებაც:

თუ რომელ წელს დაუწყო ი. მეუნარგიას ზრუნვა ამ ნარკვევის შედგენაზე დახუსტებული არა გვაქვს, მაგრამ, როგორც ამ წიგნის შენიშვნებიდან დაინახავთ, მასალის დაგროვებას 90-იან წლებიდან შედგომია. ამ ხნის მანძილზე თანდათანობით შევსებული შრომა შემდეგ ერთბაშად დაულაგებია, თეთრად გადაუწერია და, როგორც ნარკვევის ავტოგრაფის სატიტულე გვერდიდან ჩანს, 1913 წლისათვის დასაბეჭტად გაუმზადებია<sup>1</sup>. თუმცა შრომა სავსებით დამთავრებული ჯერ კიდევ არ ყოფილა, რასაც ადასტურებს შემდეგი:

<sup>1</sup> როგორც ავტობიოგრაფიიდან გვაცნობებს, ავტორს აღნიშნულ ნარკვევიდან რამდენიმე თავი ლექციებად წაუკითხავს ხუგდიდში.

1. წიგნში რუსულსა და ფრანგულ ენებზე მოყვანილი მასალები, დოკუმენტებისა და ციტატების არც ერთ ტექსტს თარგმანი არ ქონდა. ჩვენ აღნიშნულ დოკუმენტების წიგნში თარგმანით მოცემა ვარჩიეთ.

2. ზოგიერთ თავს აკლია საჭირო საბუთებიც, მაგ.:

ა) მე-3 თავს—„ტახტზე ასვლა“, აკლია—მთავრის ინვენსტიტურა, გრამოტა უფლება-მოვალეობის შესახებ, რომლის ჩამატებას ავტორი ფიქრობდა, როცა ასე წერდა: „აი თვით ეს ღრამოტა, რომლის დედანი ინახება დღეს სამეგრელოს თავადის კაბინეტში“-ო, რისთვისაც პირადად გახლდით სამეგრელოს მთავრისეულ ყოფ. სასახლეში—ამჟამად სამეგრელოს მუზეუმში, საცა დაცულია მთავრის კაბინეტი და არქივი, მაგრამ აღნიშნული ინვენსტიტურა ჯერჯერობით არ აღმოჩნდა.

ბ) მე-4 თავს „კანცელარია“-ს აკლია ბეჭედი და მთავრის ხელის მოწერა, როგორც ავტორი გვაცნობს თავისივე მინაწერით;

გ) მე-5 თავში „საქმეთა აღწესება“, სადაც ლაპარაკია: „ბერძნებს დადიანის კაცებმა ფოთამდე მისდიეს“-ო, ქვევით ნახევარი გვერდი მთლიანად ცარიელია და აქვს ასეთი მინაწერი; „აქ უნდა ჩაუმატო характер... მაგრამ არაფერია ჩამატებული.

დ) ამავე თავში, სადაც ბაკიჩია გეგელიას ვირზე შესმაზეა ლაპარაკი, გვერდზე ასეთი მინაწერი აქვს: „УДОНО ЛН?“ მაგრამ ეს ადგილი რაკი ავტორს ხელუხლებლად აქვს დატოვებული ტექსტში, ჩვენც ასევე დავტოვეთ.

ე) მე-6 თავს ასეთი მინაწერი აქვს: „არ არის გათავებული“ და თუ რა უნდა ჩამატებოდა, მითითებული არ არის. საერთოდ ეს თავი დაუმუშავებლად დალაგებული მასალების კრებაა.

ვ) მე-10 თავს—„მიწის მეურნეობა“—მიწერილი აქვს: „ოჯალეზე ცალკე ვილაპარაკებ“.

ზ) მე-12 თავის მინაწერია „ბაჩილა“, მაგრამ არ ჩანს თუ რა უნდა ეთქვა ბაჩილაზე. გადმოცემა კი ასეთია: ბაჩილა (გვარია), რომელიც ბატონმა, ცნადია ძალზე დაჩაგრა და დადიანთან საჩივლელად წავიდა, მაგრამ, რაკი შეიტყო, რომ დადია გორდს<sup>1</sup> იყო წასული და მალე გამოივლისო ამ გზაზე დაიჩოქა შესახვედრად. მაგრამ, დახეთ, ბაჩილას ბედს, განებვირე-

<sup>1</sup> იხ. ამ წიგნის გვ. 60



ბული მთავარი დიდხანს დარჩა აგარაკზე და, როცა დაბრუნდა მაშინაც სხვა გზით წამოვიდა, ხოლო ამ ხნის განმავლობაში ბაჩი-ლაა გზაზე იყო დაჩოქილიო—ამბობს ხალხური ზეპირგადმოცემა. სამეგრელოში დღესაც გავრცელებულია ასეთი ანდაზა: „დადიანი გამოივლისო და ბაჩილაა გზაზე იყო დაჩოქილიო“ (დადია მიკურსია დო ბაჩილა შარას გილაჩოქუდუა); ალბათ, ამის ჩამატება თუ უნდოდა ავტორს.

თ) ამავე თავში, სადაც სამეგრელოს ცნობილ ქურდებზეა ლაპარაკი, გვერდით მიწერილია: „УДОБНО ЛИ ПЕЧАТАТЬ?“ ხოლო თვით ტექსტი ხელუხლებელია, რომელსაც ასევე ვსტოვებთ;

ი) მე-13 თავის—„სასამართლოს“-ს მინაწერებია: ამტკიცებდა ვინმე თუ არა. უზენ. საქმ. გადავხედო თუ არა ქუთაისში. ქვატახტი. „რუხის ბრძოლა“. „დავუმატო, თურმანიძე“? და სხვ.

კ) „დავით დადიანი მწიგნობარი“ თითქოს ცალკე თავად არის გამოყოფილი, მაგრამ მე-14 თავის „განათლების“ ნაწილად შეგვაქვს, იგი მისი ორგანული ნაწილია და ამავე დროს თვით ავტორის მიერ ჩამოთვლილ თაურებში (ავტოგრაფში) ცალკე არ არის დასახელებული. აგრეთვე „დავით დადიანი შინაურობაში“, რომლის ტექსტიც არაა გადათეთრებული და დაზიანებისა გამო ამოკითხვაც ძლიერ გაგვიძნედა, ამავე თავში შევიტანეთ, როგორც ერთერთი ნაწილი; სხვაგან, მისთვის ავტორს ადგილი არ ჰქონდა ნაჩვენები; აგრეთვე დაზუსტებული არა აქვს ავტორს ცნობა დავ. დადიანის ძიძის, მაიკოს, ივანე ორზოლიას ცოლის შესახებ.

ლ) მე-15 თავის მინაწერია: „ბობოხიძის სახელი, „მეტრიჩესკები“ როდის? დავით დადიანის დროს შედგენილი დეპუტ. სობრ. მოვითხოვო“,—შესრულებული არ არის. ამავე თავში, სადაც ლაპარაკია აზნ. ანდრია ხუხუნის თხოვნაზე, გვერდით მიწერილია: „УДОБНО ЛИ?“ ტექსტი კი ხელუხლებლად დატოვებულია, ჩვენც ასევე ვიქცევით.

მ) მე-16 თავში:—„ჩასამატია: ქალაქები როდის გაშენდა, ფაღვას ქალი, როზმორდუკზე უფრო ვრცლად. ლამბერტი. უმთავრესად ბაზრობა იმართება სექტემბრის პირველ კვირას წიფურიას, ილორში, ბედიაში, კორცხელში“ და სხვ.

წ. ამგვარად, რიგი კითხვებისა და შენიშვნებისა ავტორს ამოუწურავი და გაუშუქებელი დარჩა, მაგრამ ეს კითხვები იმდენად წვრილმანი და ზოგიერთიც ადვილმისახვედრია, რომ მათი გაუშუ-

ქებლობით ნარკვევის მნიშვნელობა, როგორც მასალების კრებისა, ოდნავადაც არ მცირდება.

ტექსტი, გარდა თითო-ორი უსწორო გამოთქმისა უცვლელად დავტოვეთ; იგი აღდგენილია პირვანდელი სახით — ავტორის სტილისა და მართლწერის დაცვით. შესწორება შეგვაქვს თერთონ წიგნის სახელწოდებაში. პირვანდელი ვარიანტი, ე. ი. ავტორგრაფზე დაწერილი სათაური „დავით და დიანი და მისი დრო“-ს ნაცვლად, ისტორიულ სინამდვილეს უფრო შეესაბამება ამ ნარკვევს ვუწოდოთ: სამეგრელოს სამთავროს უკანასკნელი პერიოდი და დავით და დიანი“, რომლის გასამართლებულ არგუმენტაციაზე ზევით მოგახსენეთ.

დასასრულ, ამ წიგნის გამოცემის შესახებაც. ეს ახრი დაიბადა ავტორის გარდაცვალების 15 წლის თავზე (1934 წ.), როცა მის არქივში დაცულ დაუბეჭდავ შრომათა გამოქვეყნებას შევუდექით, მაგრამ ჩვენგან დამოუკიდებელ მიზეზებისა გამო მისი გამოქვეყნება დღემდე ვერ მოხერხდა. ნარკვევის გამოცემა იკისრა საქ. სსრ სამხარეთმცოდნეო საზოგადოებამ, რისთვისაც მას დიდ მადლობას მოვახსენებ.

მუშაობაში პრაქტიკული დახმარებისა და ყოველმხრივ ხელისშეწყობისათვის უღრმეს მადლობას მოვახსენებ საქართველოს-სამხარეთმცოდნეო საზოგადოების სწავლულ მდივანს სერგი მაკალათიას და აგრეთვე ზუგდიდის სამხარეთმცოდნეო მუზეუმის მუშაკებს რამდენიმე სურათის მოწოდებისა და ზოგიერთი მასალის დაზუსტებაში დახმარების გაწევისათვის.

მადლობას ვუძღვნი აგრეთვე პატივცემულ მწერალს თედოსახოკიას, ნარკვევში მოქცეულ ზოგიერთი დოკუმენტის თარგმანის შესრულებისათვის.

წიგნს დამატების სახით დავურთე ი. მეუნარგიას არქივიდან ამოღებული, რამდენიმე გამოუქვეყნებელი მასალა, რომელსაც ნათესავური კავშირი აქვს ამ ნარკვევთან და დაგროვილია მის დამუშავების პერიოდში. დავუმატე აგრეთვე საკუთარ სახელთა საძიებელი.

**სოლ. ცაიშვილი**

1939 წ. 25 თებერვალი  
ტფილისი.

\* \* \*

Автор книги — „Последний период мегрельского княжества и Давид Дадиани“—Иона Меунаргия (1852—1919) в грузинской литературе известен, как биограф-исследователь. Им составлены биографические очерки целого ряда грузинских общественных деятелей и писателей.

В предлагаемом вниманию читателей труде, который является описанием жизни и деятельности последнего владельца Мегрелии Давида Дадиани, мастерски обрисовано социально-политическое и экономическое положение Мегрелии первой половины XIX века.

Давид Дадиани (1812—1853) был последним владельцем Мегрелии. Находясь под покровительством царской России, он старался разными реформами проводимыми в области внутренней жизни подвластного ему народа, сохранить и укрепить свои права владельца.

В истории Мегрелии это был политически весьма острый и трудный период, когда царское самодержавие с целью захвата Черноморского побережья держалось агрессивной политики в отношении Турции и заодно, разными дипломатическими

путями старалось присоединить к себе владения Мегрелии, Гурии и Абхазии, а затем вовсе упразднить их независимость.

Появление русского и иностранного капитала в XIX веке—поколебало устои крепостничества в Мегрелии, и вызвало социальное движение среди крестьянства.

В таких сложных политических и социальных условиях пришлось стать владельцем Мегрелии Давиду Дадияни, который мечтал о том, чтобы разными реформами начать „европеизацию“ своего края. Однако, в условиях крепостнической и экономически отсталой Мегрелии, осуществить эту мечту оказалось невозможным.

Существующие доходы не могли удовлетворить возросшие требования владельца. В крае слабо были развиты производство и торговля.

Обедневший владелец, с целью повышения своих доходов, принялся за увеличение податей взимаемых с крестьян.

В результате увеличения податей, правда возросли и его доходы, но благодаря этим „реформам“ экономическое положение народа постепенно ухудшалось и политика владельца вызывала сильное недовольство крестьян. Это в свою очередь готовило почву известному возманию, которое под руководством кузнеца Уту Микава началось в 1857 году в Мегрелии.

Очерк Иона Меунаргия касается именно этого периода. Автор, на фоне биографии Давида

Д а д и а н и, развертывает картину социально-политического состояния тогдашней Мегрелии.

Давид еще при жизни отца своего Левана был возведен в наследники престола.

В данном очерке Меунаргия, предметом описания является период продолжающийся с момента княжения Левана Дадияни до смерти Давида Дадияни, т. е. с 1830 до 1853 года.

В труде Меунаргия собраны весьма ценные документы: письма, воспоминания современников, предания и т. д., которые играют огромную роль в деле освещения отдельных моментов описанного автором периода.

Благодаря этому, очерк в целом является важным источником, как в смысле изучения феодальной Мегрелии, также с точки зрения ознакомления с деятельностью некоторых исторических личностей.

Рассказы некоторых современников, легшие в основу этого труда, принадлежат авторству таких лиц—каким был отец самого Иона Меунаргия, Михаил—бывший придворный священник владельца Мегрелии, а затем протоиерей Цаишского кафедрального монастыря, человек пользующийся большим авторитетом и почетом среди населения.

Как это было указано выше, в очерке описан тот период, когда крепостной строй в Мегрелии был обречен на гибель и в лице „реформатора“ Давида Дадияни, он последний раз пытался „обновить“ и на некоторое время укрепить себя.

Но предрешенная историей гибель оказалась неминуемой и независимое существование княжества подходило к концу.

Как видно из документов, Меунаргия работу над этим очерком начал в 90-х годах прошлого столетия и закончил ее в 1913 году. Издать же его стало возможным в наше время, при советской власти, когда особое внимание уделяется изучению исторического прошлого наших народов, а вместе с этим также изданию материалов и документов исторического характера.

Приношу благодарность Краеведческому Обществу Грузинской ССР, которое взяло на себя ответственность за редактирование и издание этого очерка.

С. Цаишвили

საზოგადოებრივ საერთაშორისო  
უკანასკნელი პერიოდი  
და  
დავით დადიანი

# I

დავით დადიანის დაბადება—მისი გაზაფხნა აღსაწრდელად ქუთაისს და თბილისს. სამეგრელოს მემკვიდრედ დამტკიცება. დავით მოურავთა-ზედა მოურავი. სამეგრელოს არავ-დარავა.

დავით დადიანი დაიბადა 26 იანვარს 1813 წ. სოფელ ქაქვიანის ციხის მახლობლად, საცა მამა მისს, მთავარ ლევან დადიანს ქონდა უბრალო ოდა, რომლის ბუხარი დღემდე ზეზე იყო. 26 იანვარი დავით აღმაშენებლის დღე არის და მთავრის ოჯახი ამ დღეს ამას შემდეგ ყოველ-წლივ დღესასწაულობდა. გრიგოლ დადიანმა მიაშბო: „დავითის მიმრქმელი იყო ცაიშელი მიტროპოლიტი გრიგოლი, ლალა—პეპუ ჩიჩუა და ძიძა—როგორც მეგრელს ამის უთქმელობა არ მარგია—ივანე ორზოლიას ცოლი მაიკო.

რომ წამოიზარდა დავითი, ლევან დადიანმა სამეგრელოს მომავალი მთავარი გაგზავნა ქუთაისს, საცა მას ჰყავდა დიდ-ძალი ნათესავობა დედის მხრით (დედა მისი, დედოფალი მართა იყო თავადის ზურაბ წერეთლის ასული). აქვე ეგულვებოდა დადიანს დავითის მფარველად იმერეთისა და გურია-სამეგრელოს მმართველი თავადი ვასილ ბებუთოვი, სამთავრო სახლის დიდი მეგობარი, რომლის სახელს ხშირად შეხვდება კაცი წარსული საუკუნის სამეგრელოს ისტორიაში.

ბებუთოვის რჩევით, ლევან დადიანმა ითხოვა, მისი შვილები დავით და გრიგოლი მიეღოთ სასწავლებლად



პაეების კორპუსში. მთავარ-მართველმა გენ, ერმოლოვმა და შემდეგ პასკევიჩმა კიდევ აღძრეს ამ საგანზე საჭირო შუამდგომლობა<sup>1</sup>, მაგრამ სანამ პაეების კორპუსიდან პასუხი მოვიდოდა დავითის შესახებ, არ ვიცი რაგვარად, დავითი მიღებულ იქნა კორნეტად ლეიბ-გვარდიის ყაზახების პოლკში.

როდესაც ბებუთოვი გადაიყვანეს ქუთაისიდან, ლევან დადიანმა დავითი თბილისს გაგზავნა.

აქ ახალგაზრდა მთავრის შვილს, რომელსაც ნათესაობითი კავშირი ქონდა საქართველოს სამეფო სახლთან, წრედ დაუხვდა თბილისის რჩეული საზოგადოება, ამ საზოგადოების საშუალებით დავითი დაუახლოვდა მთავარ-მართველის ამაღას და თვით მთავარ-მართველსაც—ბარონ როზენს, — რომელმაც დავითი მოკლე ხანში თავის საგანგებო მინდობილებათა მოხელედ დანიშნა.

სხვას ვისმე დავითის ადგილზე მთელი თავისი მოცალეობა და ახალგაზრდა გულის სიმბუროვალე სამსახურისათვის უნდა მიეცა ამ მაღალ წრეში, მაგრამ დავითს სამსახურისთვის ამ დროს მარტო სანახევროდ ეცალა. ის იყო სამეგრელოს სამთავროს მემკვიდრე და ამ მემკვიდრეობის მიღებაზე იმას სულ მუდამ დღე უნდა ეფიქრნა, რადგანაც მამა მისს გარდაწყვეტილი ქონდა მისსავე სიცოცხლეში გადაეცა მთავრობა დავითისათვის და თვალი სულ იმისკენ ეჭირა.

რომ არ აეცდინა დავითისათვის მთავრობა და შემდეგ თვისის სიკვდილისა ტახტის მემკვიდრეობაზე არ ამტყდარიყო ცილობა, როგორც შემდეგ კაცია დადიანის სიკვდილისა, ლევან დადიანმა 1831 წელს სთხოვა მთავარ-

---


<sup>1</sup>. იხ. პასკევიჩის წერილი ლევან დადიანთან, 16 აპრ. 1834 წ. *Акты археографической комиссии*, ტ. VII გვ. 395, 1878 წ.

მართებელს პასკევიჩს, წარედგინა მისი შვილი დავითი ხელმწიფე იმპერატორთან სამეგრელოს მთავრის მენკვიდრედ დასამტკიცებლად. ხელმწიფემ კეთილინება მისი დამტკიცება ამავე წელს, რაზედაც ეცნობა ლევანს ჩერნიშევის წერილით პასკევიჩთან 27 მარტს 1831 წ. <sup>1</sup>.

სამეგრელოს საქმეები ამ დროს თანდათან უარესად შიდიოდა. მთავარმა ლევან დადიანმა, ნადირობით და ლხინით უფრო დამაშვრალმა ვიდრე მმართველობით, რომლის სისუსტემ საქმე იქამდის მიიყვანა, რომ შიგ სამთავროში იმას ზოგიერთი პროვინციები ურჩობას უწყევდნენ, დაიწყო თავისი განზრახვის სისრულეში მოყვანა და მის მემკვიდრეს მიანდო „მოურავთა-ზედა მოურავობა“ და „წინამჯდომელობა მდივანშიდ“, ე. ი. არწმუნა მას უმაღლესი ადგილი სამეგრელოს ადმინისტრაციაში და სასამართლოში. ამაზე ლევან დადიანმა აცნობა მთავარ-მართებელს ბარონ როზენს, რომელსაც სთხოვა შემოეთვალა მისთვის თუ ამ მისს განზრახვას ის სცნობდა კეთილსაიმედოდ.

ბარონ როზენმა ამის პასუხად მოსწერა მთავარს: „დადად გმადლობთ იმ ნდობისა და პატივისცემისათვის, რომელშიც მე თქვენ დამიმოწპეთ თქვენის განზრახვის შეტყობინებით. ვისწრაფი გაცნობო, რომ რაკი თქვენს უგანათლებულესობას სურს თქვენს შვილს, უმაღლესად დამტკიცებულს მემკვიდრედ, ამ თავითვე მიანიჭოთ მონაწილეობა მმართველობაში და აპირებთ, თქვენის ავადმყოფობის გამო, დანიშნოთ იგი მმართველად სამეგრელოსა, მოურავთა-ზედა მოურავად და მდივანბეგთა უფროსად, შე ჩემის მხრით, არაფერს ისეთს არ ვხედავ, რაც შეიძლება იქმნეს საწინააღმდეგო მთავროს“.

<sup>1</sup> იხ. АКТЫ арх. ком. Г. VII გვ. 399. 1878 წ.



სამეგრელოს მთავარი ლევან V დადიანი (1804—1840—1846)

ბისა, რომ მოიყვანოთ ასრულებაში თქვენი განზრახვა, მით უმეტეს რომ ის არის უმაღლესად დამტკიცებული სამეგრელოს მემკვიდრედ. დაახლოვებით ვიცნობ თქვენს უგანათლებულებსობის შვილს თავ. დავითს და სრულიად დარწმუნებული ვარ, რომ მისი კეთილი თვისებანი განუყრელად იქნებიან მასთან და თქვენგან მისდამი მინიჭებულის მოვალეობის აღსრულებით ის დაგანახებს, რომ არის ღირსეულბ თქვენი შვილი. რაც შეეხება იმ დარიგებას, რომელსაც თქვენ მთხოვთ მისთვის, მე არ ვხედავ საჭიროდ გაუმეორო მას ერთი და იგივე, მე მხოლოდ ვთხოვ მას გაიხსენოს ჩემნი დარიგებანი ამ სამი წლის განმავლობაში, როცა ის იყო ჩემთან, რომელთაგან უმთავრეს ის არის, რომ ვიდოდეს თქვენის უგანათლებულებსობის კვალზე და ხელმძღვანელობდეს იმ კეთილგანზრახვით, რომლითაც თქვენ ყოველთვის განსხვავდებოდით წინაშე მთავრობისა“<sup>1</sup>.

ძლიერ ცოტა მასალები მაქვს ხელში, რომ კვალდაკვალ მივყვე დავით დადიანის ცხოვრებას იმ დღიდან დაწყებული, როცა ის დაინიშნა, როზენის თანხმობით, მოურავთა ზედა მოურავად იმ დრომდის, როცა იმის ხელში გადავიდა სრული უფლება სამეგრელოს მართვამეგობისა, ე. ი. 1840 წლამდის.

სხვა მასალათა შორის მე ხელთა მაქვს ორმოციოდე ბარათი დავით დადიანისა სხვადასხვა წლებში მიწერილი თავის ძმა გრიგოლ დადიანთან. ამ წერილებიდან სჩანს, რომ დავითმა დიდის გულსმოდგინებით მიჰყო ხელი სამეგრელოს ადმინისტრაციის და სასამართლოს ხელმძღვანელობას. „განკვირდებოდნენ თუ სადამე გე-

<sup>1</sup> წერილი 24 ოკტ. 1834 № 6051, АКТЫ арх. ком. Г. VIII 83-437, 1881 წ.



დედოფალი მართა — მეუღლე ლევან დადიანისა ზურაბ წერეთლის  
ასული

ხილა დაუსრულებელი შრომა ჩემი“ სწერდა ის გრიგოლ დადიანს ერთს წიგნში, რომელიც არის დაწერილი 29 ტირისკონს<sup>1</sup> 1834 წელსა. „პასუხი ვერ მოგწერე, საყვარელო ჩემო. სხვა და სხვაებს მიზეზებს დავსდებ განსამართლებლად ჩემდა... აჰა, ძვირფასო ჩემო, მიზეზი: შეცულ-ყოფა უშრავლესთა მიერ საქმობათა და გამგეობათა, რომელიცა მერწმუნა მე ჩვენისა მშობლისაგან, რომელმანცა გარდმონაკადა ჩემზედ უმაღლესი დარწმუნება და ღირს-მყო წოდებად განსხვავებულისა... ყურადღებით მმართველად პროვინციების მოურავთა ზედა მოურავობა, შინაგან მენგრელებისა, წინამჯდომელობა მდივან-შიდ გინა საგანმზრახვოშიდ. ესოდენი მრჩობლელი მოწყალება ჩემზედ და დარწმუნება არა ნებას მკემდენ საქმეებთაგან განშორებისა“...

ერთის წლის შრომის შემდეგ დავითი სწერს თავის ძმას:

„ვცდილობ საქმეების წარმართვას შორის რეგვენთა და ბრიყვთა გონებათა. ნუ დამგმომ აქამომდე თუ ვერა შემოვიყვანე დიადი ცვალება, ხელნი და ფეხნი შეკრულნი მაქვენ“<sup>2</sup>.

ამავე წელს ერთს დიდს წერილში (რომლის თავი დაკარგული არის) დავითმა აუწერს თავის ძმას სამეგრელოს საქმეთა მიმდინარეობას და სხვათა შორის უჩივის მას თვისს მარტოობას სამეგრელოს მართვა-გამგეობის სარბიელზე.

„... მოყრავნი ლეჩხუმისანი დაცვლილ არიან ჩემს მიერ და სხვანიცა საზოგადოდ დაწყობილება სრულიად სამეგრელოსა ზედა მალ განეცემიან. მე ფრიადსა ვალა-

<sup>1</sup> ტირისკონი, ე. ი. ნოემბერი.

<sup>2</sup> წერილი 13 იანვ. 1936 წ.

ლებასა შინა მყოფი, ურიცხვთა საქმეთაგან გარეშეცული ქვეყანასა მას ყანდარეთისასა, ვარ ჭმუნვარებით ჰირად-პირადთა გამო საქმეთა და არ მივის მისთანა ვინმე, რომელს იგი წარუთხრა ყოველი გრძნობილი ჩემგან საამო და სამწუხარო და მით მივსცე თავსა ჩემსა მათ მიერ ლხენა...

„ფრიადსა ვალალებასა შინა მყოფს“ ახალგაზრდა მმართველს წინ გადაეღობა სხვადასხვა დაბრკოლება. და ეს დაბრკოლება უმეტეს ნაწილად ძველის თაობისაგან მომდინარეობდა, რომლის თავხედობას დავეითი ალაგმეფას უპირებდა. ამათ წრეს ხანდახან თვით ლევან დადიანი უჭერდა მხარს და ამის გამო, დავეითმა მოარიდა თავი მამის ურჩობას, დაუტევა სამეგრელო და ის წავიდა თბილისს 1838 წ. ზაფხულის დამლევს.

იქილამ დავეითი სწერდა მის ძმას გრიგოლს: „ნაცვლად სიამოვნებისა და მადლობისა ღვაწლისათვის მარად შიშს (და) ლანძღვას ველარ გავუძელ. რაღა დროს აწი ჩემი ლანძღვა არის. მოვშორდი და მოვარიდე (ამათ) თავი. პარტიები მრავალი გაკეთდა ოდიშში საწინააღმდეგოდ ჩვენდა. საქმობა აღარ არის. მამულს და ადგილს (მამა) ბზესავით იცემება. მამა ჩვენს ერთ მინუტს თავის მდგომარეობაზე ვერ ნახავს ველარც სტუმარი, ველარც მასპინძელი. მე ველარ გავსძელ და გამოვიქეც“<sup>1</sup>.

მეორე წერილში მასთანვე ისა სწერს: „შინაურობა ჩვენი ფრიად აღრეულს მდგომარეობაშია. შემოსავალი დატაცებულ, სამართალი დაღუმებულ, წესი და წყობილება აღრეულ, ვაჭრობა დაცემულ, მე ველარ შემძლე მუნ რისამე წარმართებისა დაუუტევე ყოველი და ვსცხოვრებ თბილისს გოლოვინისგან პატივცემული მეტად. ორი

<sup>1</sup>. წერილი გრიგოლ დადიანთან 14 სექტ. 1838 წ.

რაიმე გარეშობი წინამიდგა: ანუ ჯერ იყო შფოთი მამისათანა მოსპობისათვის ამა ყოველთასა, ანუ დაცვა სამღვთოისა სჯულისა და აწი უკანასკნელი ჭღვირჩიე მინდობილმან ღვთისამან<sup>1</sup>.

მაგრამ ლევან დადიანის თითქმის 35 წლის ოდიშ-ლეჩხუმის მმართველობას ბოლო ჰქონდა მოღებული. თუ ავადმყოფობილდამ ის როგორმე მოიბრუნებდა პირს, მისი დრო ნადირობას და ლხინს უნდებოდა და ქვეყნის მმართველობა უპატრონოდ იყო მიშვებული. ამის გამო ბევრგან სამეგრელოში უწესობა მოხდა. საჩიხოში ნამდვილი ბუნტი ატყდა წინააღმდეგ მთავრისა. კაცია ჩიჩუამ საშათასს კაცს იარალი აკიდა და ციხეები გაიმაგრა. ამათ ხელს იწყობდა „დიდი ნიკო“ დადიანის შვილი გიორგი. ამ დღის მომსწრემ, ლევან დადიანმა განიზრახა თავის მემკვიდრის დავითისათვის, რომელიც დღემდის მოურავთა ზედა მოურავიც იყო და უზენაესი სასამართლოს თავმჯდომარეც, გადაეცა სამეგრელოს მმართველობა და თითონ უარი ეთქვა მთავრობაზე. ამ განზრახვის სისრულეში მოყვანას ლევან დადიანმა მიჰყო ხელი იმავე 1838 წელს.

---

<sup>1</sup> წერილი გრ. დადიანთან 1 დეკემბ. 1838 წ.





სამეგრელოს უკანასკნელი მთავარი  
დავით ღაღიანი

## II

დავით დადიანი სამეგრელოს მმართველი. მისი ჯვარის-  
წერა.—მთავრობის გადაცემის ცერემონია ზუგდიდში.

დავით დადიანის თბილისში წასვლა 1838 წელს მის ურჩობის თავის არიდებაც იყო და დამაშვრალის კაცის სულის მოთხოვნისა, განშორებულიყო რამდენსამეხნით მაინც სამეგრელოს ჭაობებსა და საზოგადო სიღარიბეს. როგორც ეხლა, ისე ყოველთვის, საქართველოს სატახტო ქალაქი ანდამატი იყო, რომელიც იზიდავდა საქართველოს პროვინციებიდან საუკეთესო მამულისშვილებს და „გადმოანაკადებდა“ მათ ზედა კეთილსაზნეს და განათლებას. ყველა ამასთან თბილისი ბებია მისის ნინო დედოფლის სამშობლო იყო და იმ მაღალს ქართველთ საზოგადოებაში, რომელთანაც დავითი უკვე იყო გაცნობილი, იმას ეგულვებოდა აერჩია მისი საბედო, სამეგრელოს მომავალი დედოფალი.

სამეგრელოში დავითის შემდეგ საქმეები თანდათან უარესად მიდიოდა. ღონე მიხდილმა ლევან დადიანმა, მოუხშირა წიგნები თავის მემკვიდრეს, დაბრუნებულ-იყო სამშობლოს და სამთავრო საქმეებისთვის უფრო მაგრად მოეკიდა ხელი.

1 დეკ. 1838 წელს დავითი სწერდა მისს ძმას გრიგოლს: „აწ გრძნობს რა მამა ჩემი ტკივნეულობასა თვისსა, მოვალეობასა ფრიადსა და ვერღა ასრულებასა, სურს წერილითა თავისითა საკუთარის ხელითა ჩემდა არა ერთ-

გზის მოწერილითა შთაძაბაროს მე მმართველობა ყოველისა მენგრელიისა და კუთვნილთა მისდა სამფლობელოთა, მე წინედ მხედველი ყოველთა სიძნელეთა, რაიცა შეუდგების ამა ორთა გარემზომთა საქმეთა ვარ ყოვლად წინააღმდეგისა აზრისა. გარნა საჭიროება ჩვენის სახლისა და სამთავროისა ესრედ მაიძულებს რომ აჰა უკანასკნელს მივსცემ მოლოდინებას შენს რჩევას თუ ამაზედ როგორ აზრსა და რჩევას მომწერ და მყისვე შევუდგები ასრულებასა“.

დავითი ცხადად ხედავდა, რომ მისი განთავრების დრო ახლოვდებოდა და თავის მხრით ისიც შეუდგა ამის თავდარიგის დაჭერას.

შემდეგი წლის დამდეგს, თებერვალში, დავითი დაბრუნდა ზუგდიდს და აქ მამა მისს განუცხადა თანხმობა, მიეღო მამის სიცოცხლეშივე მთავრის უფლება. მთავარმა მამამ, ამის გამო გაგზავნა შუამდგომლობა კავკასიის მთავარ-მართველთან, გამოეთხოვა ხელმწიფის ნებართვა, — სამეგრელოს მთავრობა გადაეცა შვილისათვის.

ამავე დროს დავითმა გამოითხოვა მთავრისგან ნებართვა ჯვარის-დაწერაზე. თბილისში ყოფნის დროს დავითი დაუახლოვდა საქართველოს მგოსნის ალექსანდრე ჭავჭავაძის ოჯახს, რომელთან დაახლოვებას ეძიებდა მშინ მთელი იმ დროის თბილისის მალალი საზოგადოება და რუსეთში შამილთან საბრძოლველად ჩამომავალი სამხედრო არისტოკრატია. ალექსანდრეს ქალიშვილებთან ერთი, ნინო, შეირთო შესანიშნავმა რუსი მწერალმა გრიბოედოვმა, მეორე — სოფიო, ბარონ ნიკოლაიმ, შემდეგში სახალხო განათლების მინისტრმა. მესამე ქალს, ეკატერინეს, თავს ევლებოდა ყველა ჩვენი შესანიშნავი მწერლები: ტატო ბარათაშვილი, გრიგოლ

# ორბელიანი, გიორგი ერისთავი... თავის ლექსში:

ვითა პეპელა  
არხვეს ნელ-ნელა...

ბარათაშვილი შენატროდა იმ ბედნიერს კაცს, ვინც  
თავის სუნთქვას გაიგრილებდა ეკატერინეს საყურეს  
ჩრდილში. გრიგოლ ორბელიანის:

წინანდლის ვარდო

ეკატერინეზედ არის დაწერილი. როდესაც თავ. ივანე  
მუხრან-ბატონმა, რომელსაც მსგავსადვე გული უთქმოდა  
ეკატერინესათვის, დავით დადიანის და ნინო შეირთო.  
ჩვენი დრამატურგი გიორგი ერისთავი სწერდა გრიგოლ  
ორბელიანს: „ივანე მუხრანსკის დავით დადიანის და  
ნინო შეურთავს, ღმერთო, ეგებ ეხლა კატინკა მე  
მხედეს“-ო.

მგვრამ ეკატერინეზე თვალი ეჭირა დავით დადიანს<sup>1</sup>  
და ეკატერინესაც სხვაზე უფრო ეს სამეგრელოს მომა-  
ვალი მთავარი მოსწონდა, რომლის ხელში იმას „ეკატე-

<sup>1</sup> აღსანიშნავია, რომ ეკ. ჭავჭავაძის შერთვამდე დავ. დადიანს  
ცოლად ჰყოლია სვანეთის (ჩუბუბევის თემის) მთავრის ციოყ  
(მურზაყანის-ძის) დადეშქელიანის და, დარეჯანი, რომელიც 1823 წ.  
ლევან დადიანს თავის შვილის დავითისათვის შეურთავს სვანეთის  
დამოყვრების მიზნით. 12 წლის შემდეგ დავითს მიუტოვებია  
დარეჯანი, რასაც სვანეთსა და სამეგრელოს სამთავროებს შორის  
ურთიერთობა მეტად გაუმწვავებია. სვანეთის ფაქტიური მმართველი  
დიგორხანი (მცირეწლოვანი ციოყის დედა)—სვანეთში განთქმული  
თავისი სისასტიკითა და დაუცხრომლობით—ამ საქმის შესახებ  
მოხსენებით ჰხლებია მთავარ-მართველს ბარონ როზენს (დავითის  
აღმზრდელს) ტფილისში. ბარონ როზენი აღ. თარხნიშვილის ხელით  
ლევან დადიანს უგზავნის შემდეგ წერს: „ჩემთან მოსულმა სვანეთის  
კნენამ დიგორხანმა მომახსენა, რომ სვანეთის მთავრის ციოყის და,

რინე დედოფლის“ წოდება მოელოდა. დავითმა ხელი სთხოვა ეკატერინეს და, რა რომ თანხმობა მიიღო მისგან, ალექსანდრე ჭავჭავაძემ დალოცა ყმაწვილი კაცები და 18 მაისს 1839 წელს, დავითმა და ეკატერინემ ჯვარი გარდაიწერეს ქაშუეთის ეკლესიაში.

ამასობაში ლევან დადიანის მთავრობაზე უარის თქმა და შუამდგომლობა,--გარდაეცათ მთავრობა დავითისათვის აღიოდა მთავარ-მართებლის კანცელარიიდან მინისტრის კანცელარიამდის და ბოლოს მარტში 1840 წელს მოხსენდა ხელმწიფე იმპერატორს, რომელმაც კეთილ-ინება ლევანის თხოვნაზე, გამოეცხადებია თანხმობა. 25 მარტს, 1840 წელს ჩერნიშევი სწერდა მთავარ-მმართველს გოლოვინს:

„ჩემს უქვეშევრდომილეს მოხსენებაზე იმის შესახებ, რომ სამეგრელოს მართვა-გამგეობის საქმე ჩაბარდეს სა-

დარეჯანი დანიშნული ჰყავს ცოლად თქვენს მემკვიდრეს დავითს და 12 წელია, რაც იგი ცხოვრობს თქვენი ბრწყინვალეების ოჯახში. მას ჩამოუტანია თქვენს ოჯახში დიდი მზითვეი. რადგანაც ამჟამად თავ-დავითს არა აქვს სურვილი მასთან ცხოვრებისა, სვანეთის კნენია თხოულობს, რომ დარეჯანი გამოგზავნონ მასთან ტფილისში და თანვე გამოატანონ მის მიერ თქვენს ოჯახში მიტანილი მთელი მზითვეი, რომლის სიასაც ამასთანავე გიგზავნი“...

აღნიშნულ წერილს ბევრი ახსნა არ სჭირდება. ბარონ როზენს საქმე ასე მოუგვარებია: დადგეშქელიანის მოთხოვნილება დადიანისაგან დაუკმაყოფილებია, ხოლო დავ. დადიანის უკვე ყოფილი მეუღლე დარეჯანი მიუთხოვებია კახელ თავად დავით აფხაზისათვის, რომლისთვისაც დაუნიშნია პენსია წელიწადში 150 ჩერვონეცი (იხ. საქ. ცენტრ. არქივი—სვანეთის შესვლა რუსეთის ქვეშევრდომობაში, საქმე № 7, გვ. 52—53, 71—76; *Отношение Б. Розена Вице-канцлеру Несельроду да аგრეთვე Письмо Левану Дадиани от Б. Розена 21/III—1833 г. № 1626*). აღნიშნულ მასა-ლის მითითებისათვის ამხ. გივი გაბლიანს და სოკრატ ძიმისტარიშვილს დიდ მადლობას მოვახსენებ. ს. ც.

მეგრელოს აწინდელ მთავრის შვილს როტმისტრ თავად  
დავით დადიანს, ხელმწიფე იმპერატორმა უმაღლესად  
კეთილ-ინება ებრძანებია: ნება მიეცეს თავ. დადიანს  
მართოს სამეგრელოს საქმეები, ამასთანავე მასთან დაი-  
ნაშნოს საჭირო რჩევისა და თვალყურის გდებისათვის  
კეთილსაიმედო შტაბ-აფიცერი, თანახმად წინადადებისა,  
რომელიც განმარტებულია თქვენს წერილობითს მოხსე-  
ნებაში ამა წლის იანვრის 16-სა დღესა“<sup>1</sup>.

ამ მოწერილობის თანახმად კავკასიის მთავარ-  
მართებელმა გოლოვინმა მიანდო ქუთაისის გუბერნა-  
ტორს ესპენოს წასულიყო ზუგდიდს და გამოეცხადებია  
სამეგრელოს საზოგადოებისათვის უმაღლესი ბრძანება,  
რომ მთავრის ლევან დადიანის თხოვნით, სამეგრელოს  
მთავრის უფლება გადაეცა მისს მემკვიდრეს უგანათლე-  
ბულესს თავადს დავით დადიანს, რომლისადმი საზოგა-  
დოებას ემართა ამას იქით იგივე მორჩილება, როგორც  
ემართა მას დღემდის მთავრისადმი. ესპენო მოვიდა ზუგ-  
დიდს 10 მაისს, 1840 წელს და 11 მაისს დილით, გამო-  
უცხადა უმაღლესი ბრძანება მთავრის სასახლეში შეკრე-  
ბილს საზოგადოებას მთავრის და მისი მემკვიდრის დას-  
წრებით. შემდეგ მთელი კრება გაემართა ეკლესიაში, სა-  
ცა წირვის შემდეგ იქნა გადახდილი პარაკლისი და  
ეპისკოპოსის გიორგისაგან წაკითხული ეკლესიის გა-  
რეთ, ლევან დადიანის მიმართვა საზოგადოებისადმი უფ-  
ლების გადაცემაზე მემკვიდრისადმი. ამის შემდეგ ლევან  
დადიანმა ჩააბარა თავის მემკვიდრეს უმაღლესად ბოძე-  
ბული ბაირალი და ხმალი. მოხსენება ამ საგანზე გაუ-  
გზავნა მთავარ-მართებელს გუბერნატორმა ესპენომ ყუ-  
ლევვიდამ 19 იმავე მაისს. აი როგორ არის შემდგარო  
თვით ეს მოხსენება:

<sup>1</sup> Акты арх. комиссии, т. IX, стр. 180, 1834 г.

„თანახმად მარტის 31-ის მოწერილობისა, სამეგრელოს მთავრისაგან წინასწარ უწყების შემდეგ ამ თვის 10-ს ჩამოვედი ზუგდიდში, სადაც თავის დროზე, 11 რიცხვისათვის, მოწვეულ იყვნენ მისის უგანათლებულესობის გაფლენიანი პირნი, როგორც დადიანის გვარისანი, ისე საზიგადოდ სამეგრელოს თავად აზნაურობისანი, რომელთაც 11-ს, დილის 9 საათზე, მთავრის სასახლეში შეკრებილი გამოვუცხადე მისის იმპერატორებითის უმაღლესობის უმაღლესი თანხმობა მისის უგანათლებულესობის თხოვნაზე—სამეგრელოს მართვა-გამგეობის გადაცემის შესახებ მის შველსათვის და აუუხსენი მათ, რომ იმ ფიცის ძალით, რომელიც მათ მიუციათ ხელმწიფე იმპერატორისათვის, ისინი მოვალენი არიან თავადს დავითს ისევე ემორჩილნენ და უერაგულონ, როგორც აქამდე ემორჩილებოდნენ და ერთგულობდნენ თავადს ლევან გრიგოლის-ძეს.

ამის შემდეგ მთავარმა გამოუცხადა დამსწრეთ, რომ იგი თავის უმაღლესად დამტკიცების ღირსქმნილი, ნებით გადასცემს თავის ძესა და მემკვიდრეს თავის ძალაუფლებას და ურჩია ყველა თავის ქვეშევრდომთ თავად დავითსაც ისევე პატივისცემით, მორჩილებით და ერთგულობით მოეპყრან, როგორც აქამდე თვითონ მას ეპყრობოდნენ, ამის შემდეგ, როგორც მთავარი, ისე მისი მემკვიდრე, ჩემთან ერთად, აიღეს რა ხელმწიფე იმპერატორის მიერ უუმოწყალესად მისთვის ბოძებული დროშა, ყველა დამსწრეთა თანხლებით გაემართნენ ეკლესიაში, სადაც საღმრთო წირვისა და ხელმწიფე იმპერატორისა და მთელის უმაღლესობის სახლობის სადღეგრძელო პარაკლისის გადახდის შემდეგ, გიორგი ჭყონდიდელმა, ეკლესიიდან გამოსვლისას, საყოველთაოდ წაიკითხა მთავრის მომართვა იმის შესახებ, რომ იგი, მთავარი, თავის ძალა-

უფლებას გადასცემს თავის-ძეს დავითს, და ამის შემდეგ მთავარმა თავის ძეს ჩააბარა უმაღლესად ბოძებული დროშა და ხმალი.

პატივი მაქვს მოგახსენოთ ამის შესახებ, და მოვალედა ვრაცხ ჩემს თავს დავსძინო, რომ თავადმა ლევანმა, თუმცა თავისი ძალა-უფლება სამეგრელოს მართვა-გამგეობისა თავის ძესა და მემკვიდრეს თავ. დავითს გადასცა, მაგრამ ცხადზე უცხადესია, რომ თავის სიცოცხლეში მთავრის ტიტული არ შეიძლება არ ატაროს მისის უგანათლებულესობის პიროვნებამ, ამიტომ პატივი მაქვს გთხოვოთ და გვიბრძანოთ, როგორ ვუწოდოთ თავადს დავითს: ამ სამთავროს მემკვიდრე, როგორც აქამდე ერქვა, თუ უნდა ატაროს ტიტული სამეგრელოს მთავრისა, მსყავსად მისი ბებისა, დედოფლის ნინოსი, რომელიც სამთავროს მემკვიდრის თავადის ლევანის მცირეწლოვანობის დროს, სამეგრელოს დედოფლის ტიტულს ატარებდა.

ამ უკანასკნელს ამბავს მოგახსენებთ, როგორც თვით სამეგრელოს მთავრისა, ისე მისის მემკვიდრის თავადის დავითის თხოვნის თანახმად<sup>1</sup>.

გიორგი ეპისკოპოსისაგან წაკითხული მიმართვა საზოგადოებისადმი მთავრის ლევან დადიანისა იყო შედგენილი ამ გვარად:

**სამეგრელოს მთავრის ლევანის წერილობითი მიმართვა.**

სამეგრელოს სამღვდელთა, თავად-აზნაურთა და სხვათა დიდად პატივცემულთა საზოგადოებაჲ!

1840 წ. მაისსა 11-ს გრიგორიობლით<sup>2</sup>

„სამეგრელოს მთავრის სახელზე რუსეთის საიმპერატორო ტახტის კეთილისმყოფელობითმა სუფევამ განაბნია

<sup>1</sup> АКТЫ арх. комиссии, томъ IX, გვერდი 180, 1884 წ.

<sup>2</sup> ზუგდიდი.





სამეგრელოს დედოფალი ეკატერინე—ალექსანდრე ჭავჭავაძის ასული  
(1816—1882)

წყვდიადი, რომელიც გადაჭყენოდა ამ ჩვენს მხარეს, განუკურნა იარანი, რომელნიც მიეღო იმ დაუდგრომელ ხანებში და რომელნიც ჰქენჯნიდნენ სამეგრელოს გულღვიძლსა; გვრჩებოდა მხოლოდ შინაური კეთილგანრიგებით დაგვეყენებია ფეხზე კეთილდღეობა სამთავროსი საუკუნოდ. ამას მივაპყარით მთელი ჩვენი ყურადღება იმ დროიდანვე, როცა მათის უდიდებულესობის ბრძანებით, ჩემის ნეტარხსენებულის მშობლის გრიგოლის შემდეგ, ჩავიბარე სამეგრელოს მთავრობა უმაღლესად დამტკიცებული სათხოვნელი პუნქტების თანახმად. მე სულ იმასა ვნატრობდი, რომ მოქალაქებრივის ცხოვრების დამყარებით და შრომისა და ხელოსნობის გაცხოველებით ჩემის სამთავროს კეთილმოწყობილება დამსგავსებოდა სხვა სამთავროთა კეთილმოწყობას. ჩემის ამ ზრუნვის დროს, თქვენ, თქვენის მოქმედებით დაამტკიცეთ ერთგული ქვეშევრდომობა ჩვენის ხელმწიფისა და მორჩილება თვისის კანონიერი მთავრისა, სამაგალითოდ მშველოდით სამშობლოს სასარგებლოდ მიმართულ ყოველს ჩემს საქმიანობაში, და ყოველივე ამისათვის, ხელმწიფის სხვა მრავალი წყალობის გარდა დაჯილდოვებულთ, როგორც თვით სახლი მთავრისა, ისე თქვენცა ამით, რომ საყვარელი პირმშო ძე ჩემი დავითი 1831 წ. მაისის 30-ს უმაღლესად ბოძებული სიგელით ცნობილია და დამტკიცებული სამეგრელოს და სხვა მხარეების მთავრის მაღალი ღირსების მემკვიდრედ. რამდენად დიდი მნიშვნელობა ჰქონდა ასეთს უმაღლეს დანიშვნას ჩემის შვილის დავითისათვის ჯერ ისევ მის სიყრმეში, იმდენად წმინდა მოვალეობად მიმაჩნდა მისი წოდების შესაფერისად აღმეზარდნა ის. მისი აღზრდის საქმეს ვხელმძღვანელობდი ნაწილობრივ საკუთრად მე და ნაწილობრივ გამოცდილი და კეთილსაიმედო წარჩინებუ-

ლნი გვამნი სახელმწიფოსნი. ამ უამად მე დამშთენია დროითვე ვიზრუნო ჩემის სამფლობელოს შინაურ საქმეთა მოგვარებისათვის, ვუმზირო ჩემის თვალთ, როგორ მართავს მხარეს ჩემი შვილი და დავიტკბო ჩემის სიცოცხლის უკანასკნელი დღენი.

ჩვენ ამ ბედნიერ დღემდე მივალწიეთ, სამეგრელოს მემკვიდრემაც თვისის ჭეშმარიტის ღირსებით გაამართლა ჩემი იმედი და უმეტესად შეიქმნა ძვირფასი ჩემის გულისათვის.

მიუხედავად ამისა განუწყვეტელმა ზრუნვამ და 30 წელზე მეტის ხნის სახელმწიფო სამსახურმა და ისიც მძიმე გარემოებაში, უდროვოთ წამართვა ტანსიმრთელე და რადგან ვგრძობ, ჩემი ძალღონე იმდენად დასუსტდა, რომ არ შემეძლება განვაგრძო მართვა სამეგრელოსი, ამ სამართლიან მიზეზთა გამო მე ბედნიერება მქონდა უქვეშევრდომილესად მიმემართნა ხელმწიფე იმპერატორისათვის და მეთხოვნა გავეთავისუფლებინე თანამდებობისაგან და სამეგრელოს და მასთან შემოერთებულ სხვა მხარეთა მართვის საქმე ჩამებარებინა ჩემი საყვარელი ძის, სამეგრელოს მემკვიდრის დავითისათვის.

აწ საქართველოს მთავარმართებელმა შემატყობინა, რომ ხელმწიფე იმპერატორს ჩემს თხოვნაზე თავისი თანხმობა უბრძანებია.

თანახმად ჩემის სურვილისა, რომელიც ღირს იქმნა უმაღლესად დამტკიცებისა, ამ რიცხვიდან ჩემს საყვარელს ძეს დავითს გადავსცემ სამეგრელოს და სხვა მასთან შემოერთებულ მხარეთა მართვა-გამგეობის წმიდა მოვალეობის ტვირთს, ყველა წოდების მცხოვრებთ და მათს შესახებ ყოველგვარ საქმეებს, მემკვიდრეობის იმავე უფლებათა თანახმად, რომელნიც მოხსენებულნი არიან

იმ სათხოვნელ პუნქტებში, რომლებიც უმაღლესად დამტკიცდა ჩემს განსვენებულს მშობელს გრიგოლ დადიანს, და თვით უმაღლესადვე 1831 წ. მაისსა 30-სა დღეს ჩემის ძისა დავითისათვის ბოძებულ სიგელში; ამასთანავე ერთად მას გადავსცემ სამთავრო სახლის დიდებულებას (საინვენსტიტურო ნიშნებს), რომელიც მემკვიდრეობით გვებოდა ხელმწიფე იმპერატორისაგან და სარდლობის ნიშნად ბოძებულ დროშასა და ხმალს.

სამთავროს მართვა-გამგეობის ჩაბარების ჟამს არ შემძლია არ მიემართო საყვარელსა ძესა ჩემსა დავითს და არ გავეუძღავენო გრძნობანი ჩემნი და ჩემი აზრი, რომლითაც უნდა იხელმძღვანელოს იმან, რაზედაც აქ საქვეყნოდ ვაცხადებ:

საყვარელო შვილო ჩემო, დავით! პირველ და მთავარ კანონად გულის სიღრმეში გქონდეს: სიყვარული ღვთისა, ერთგულება ხელმწიფისა და მამულისა და მზადყოფნა მისდა მსახურებად უკანასკნელ სულის ამოხდამდე; პატივეც კანონებსა, როგორც მბრძანებელმა და მამამ, იზრუნე შენთვის ჩაბარებულ მცხოვრებთათვის, როგორც საკუთარ მამის სახლისათვის; კანონად დაისახე, რომ ისინი კმაყოფილნი იყვნენ შენის მართვა-გამგეობითა, არავის გააყვანინო თვითნებობა და ერთიმეორე არავის დააჩაგვრინო. ვინ არ იცის, რომ ქვეშევრდომთა სურთ იცხოვრონ და იმოქმედონ ისე, როგორც მათი მთავარი ცხოვრობს და მოქმედობს, მაშასადამე, უნდა ეცადო კეთილი მაგალითი უჩვენო, რომ შენის მართვა-გამგეობის ჟამს სუფევდეს სამართლიანობა, საკუთრების დაცვა დაფარვა და კანონიერება ყოველ ქვეშევრდომისათვის. >

თუ ამაებს აასრულებ, შენ დაამტკიცებ, რომ ღირსი ხარ, იმ მაღალ ხარისხისა, რომელშიც ყოვლადმოწყალე

ხელმწიფემ ღირსგვყო დადგინებად; თუ არა, იშიშვებდე, რომ ყოველს შენს მოქალაქეობის აუსრულებლობას მოსდევეს შავსვიანი დამცირება.

როცა ჩემს საყვარელს ძეს დავითს მამაშვილურს დარიგებას ვაძლევ, მე უნდა მოგახსენოთ, სამეგრელოს სამთავროს დიდადპატივცემულო საზოგადოებავე, რომ თქვენი მოვალეობაა: ემორჩილებოდეთ კანონიერს მთავრობას, თავი არ გეზოგებოდესთ ჩემის შვილის დავითისათვის, რომელსაც ჯერ ისევ ჭაბუკობაშივე ხვდა წილად ტვირთი თავისი ქვეყნის მართვა-გამგეობისა, მშობლიური მზრუნველობით ჩამიბარებია მისი თავი თქვენთვის, მთავრის ოჯახის ყველა ერთგულთათვის და დაგარიგებთ: ემორჩილებოდეთ ყველა მისს განკარგულებას, ერთგულად ექსახურებოდეთ ხელმწიფე იმპერატორს, თქვენის მთავრის მშვიდობიანი მართვა-გამგეობა საკუთარ კეთილდღეობად ჩასთვალეთ; როცა მისი საქმე კარგად წავა, მაშინ ყველა თქვენც კეთილდღეობაში იქნებით, მთავარი საქმე ისაა, ყველა ეს ღირსება დააფასოთ, არ გაუბოდეთ სიკეთეს, და მაშინ თქვენთვის სულ ადვილი იქნება ეწიოთ სანატრელს ბედნიერებას, ოლონდ კი ერთგულება და სიმართლე გამოიჩინოთ თქვენს მოქმედებაში.

დასასრულ, ვსასოებ, რომ ყოველი თქვენგანი, ვინც ჩემის შვილის მართვა-გამგეობის ქვეშ უნდა იყვეთ, ჩემ მიერ მოცემულ წინდად მოიგონეთ თქვენთა წინაპართა ერთგულება მთავრის ოჯახისადმი, აღასრულეთ, რასაც გიბრძანებენ როგორც ღვთიური, ისე კაცობრიული კანონები თქვენზე დაყენებულ მთავრისადმი და ამით დაავიროგვინებთ და სამარადისოდ განამტკიცებთ მისთა საქმეთა თქვენის შთამომავლობისათვის. ამგვარად, თუ

აღასრულებთ თქვენს ურთიერთშორის დამოკიდებულე-  
ბას, გაიგებთ კეთილ მართვა-გამგეობის ფასსა და იხი-  
ლავთ თქვენს თავს ბედნიერად.

ამ აქტით გამოვხატავ უმაღლეს ნება-სურვილს,  
რათა ჩემის სამთავროს მართვა-გამგეობა გადაეცეს ჩემს  
შვილს დავითს, ამით სრულიად დაჯილდოვებულად ვთვლი  
ჩემს თავს და გულსავეებით თქვენთან ერთად ვთხოვ  
უზენაესს, მიანიჭოს მას ძალა და მადლი კეთილად ზიდოს  
მისი ახალი ტვირთი, ხოლო მე ვნუგეშობ იმით, რომ ჩემის  
სიცოცხლის უკანასკნელ დღეებს ტკბილად გავატარებ,  
და ჩემს წმინდა მოვალეობადა ვთვლი მარადჟამ ერთგუ-  
ლი ქვეშევრდომი ვიყვე ხელმწიფე იმპერატორისა, რის-  
თვისაც სულიერი ძალა ჩემი შეინარჩუნებს თვისს მხნეო-  
ბას ხორციელ ძალზე უმეტესად.

ეს აქტი უნდა დაცულ იქნეს მთავრის საქმეებში,  
ხოლო სამეგრელოს უზენაეს მართვა-გამგეობას ებრძანე-  
ბა ამის პირი ყოვლად უსამღვდელოესის ჭყონდიდელ  
გიორგის საშუალებით დაურიგოს ყველა ეკლესიას მთე-  
ლის სამეგრელოს ერისათვის გამოსაცხადებლად<sup>1</sup>.

ეს მიმართვა საზოგადოებისადმი მთავრის ლევან  
დადიანისა მინდოდა დამებეჭდა აქ ქართულად ისე, რო-  
გორც ის იყო დაწერილი და წაკითხული გიორგი ეპის-  
კოპოსისაგან, მაგრამ იმის პირი ვერ ვიშოვე ვერც საე-  
პარქიო კანცელარიაში, ვერც ეკლესიებში, რომელთაც  
ის მიმართვა დაურიგდათ მრევლთათვის წასაკითხად და  
ამიტომ მომყავს ეს მიმართვა აქ რუსულ ენაზე, ისე  
როგორც ის არის დაბეჭდილი არხეოგრაფიის კომისიის  
აქტებში<sup>2</sup>.

<sup>1</sup> АКТЫ арх. КОМИССИИ т. IX, гв. 181, 1884 ф.

<sup>2</sup> ამგვარად, როგორც ი. მეუნარგია გადმოგვცემს მიმართვის  
ქართული ტექსტიც არსებულა. აქ მოყვანილი თარგმანი შესრულე-  
ბულია ჩვენ მიერ.—რედ.

### III

ლევანის გარდაცვალება. დავითის წერილი ნიკოლოზ I-თან. დავით დადიანის ტახტზე ასვლა. ინვენსტიტურა.

ამის შემდეგ დავით დადიანი იყო სრულის უფლებით აღჭურვილი სამეგრელოს მთავარი, თუმცა სანამ მამა მისი ლევან ცოცხალი იყო, ის ამის შემდეგაც იწვრებოდა და იწოდებოდა სამეგრელოს მემკვიდრე-მმართველად. როგორც თინათინს, რომელსაც როსტევანმა გადასცა თავისი ტახტი, აკლდა „მართოდენ კეისრობა“, ისე დავით დადიანს, რომელსაც მამა მისმა დაუთმო მთავრობა, აკლდა მართოდენ მთავრის სახელი, მთავრობა.

სამეგრელოს მმართველად დავით დადიანი იჯდა მამა მისის ტახტზე 1840 წლიდან 1846 წლამდე. ამ წელს სოფელს აბასთუმანს<sup>1</sup> გარდაიცვალა მთავარი ლევან დადიანი და თანახმად მთავარ-მართველის თავ. ვარანცოვის წარდგინებისა, 4 დეკ. 1846 წელს ხელმწიფე იმპერატორმა ნიკოლოზ პავლეს ძემ მემკვიდრე-მმართველი დავით დადიანი დაამტკიცა სამეგრელოს მთავრად.

ლევან დადიანი რა გარდაიცვალა, მისმა მემკვიდრემ შემდეგი წერილი მისწერა ხელმწიფე იმპერატორს მთავარ-მართველის თავ. ვარანცოვის საშუალებით:

---

<sup>1</sup> სოფელი ზუგდიდის რაიონში, ამჟამად იწოდება ძველ აბასთუმნად, სადაც სააგარაკო სასახლე ჰქონდათ სამეგრელოს მთავრებს.

რ ე დ.

**უქვეშევრდომილესი წერილი თავადის დადიანისა  
1846 წ. აგვისტოს 8-სა დღესა.**

„ჩვენს ოჯახსა ზედა განრისხებულსა მამა ზეციერსა ენება წარსულ ივლისის 30-ს ამიერ ჩათვლით წარეყვანა ჩემი ძვირფასი მშობელი და კეთილისმყოფელი, ხოლო თქვენის იმპერატორებითის უმაღლესობის ერთგული ქვეშევრდომი. შევუდექი რა სამეგრელოს მართვას თანახმად 1831 წლის მაისის 30-ს თქვენი იმპერატორებითის უმაღლესობის მიერ უმოწყალესად ბოძებულ ღრამოტისა, ბედნიერად ვთვლი ჩემს თავს შევუვრდე პატივსაცემელ ფერხთა თქვენთა, უუმოწყალესო ხელმწიფეო, და განგიცხადოთ ჩემი უქვეშევრდომილესი ერთგულება. მსგავსად ჩემის ღვთივგანსვენებულის მშობლებისა, თავმდებად დავიყენებ უზენაეს გამჩენს, რომ ურყეველად ერთგული და თავდადებული ვიქნები ტახტისა და თქვენის წმინდა გვარისა, აგრეთვე ღვთისა და თქვენის იმპერატორებითის უმაღლესობის მიერ ჩაბარებულ სამეგრელოს ხალხისა. მიგვიღეთ, ხელმწიფეო, მე და თქვენი ერთგული და თქვენთვის თავდადებული მეგრელები თქვენის უმაღლესობის საფარველის ქვეშ და ნება გვიბოძეთ ჩემი სიცოცხლის უკანასკნელ წუთამდე მოწიწებით მაქენდეს ბედნიერება ვიყო თქვენის იმპერატორობითის უმაღლესობის, უმოწყალესის ხელმწიფის, ერთგული ქვეშევრდომი“<sup>1</sup>.

ეს წერილი მთავარ-მართველმა თავ. ვარანცოვმა წარუდგინა ხელმწიფე იმპერატორს შემდეგის რაპორტით:

**უქვეშევრდომილესი რაპორტი თავადის ვარანცოვისა  
1846 წ. აგვისტოს 28-ს დღესა, № 664 კისლოვოდსკით.**

„წარსულ ივლისის თვის 30-ს გარდაიცვალა სამეგრელოს მთავარი თავადი ლევან დადიანი. მისმა უფ-

<sup>1</sup> Акты арх. комиссии, том X, стр., 271, 1885.



როსმა შეიღმა, დავითმა შემატყობინა, რომ იგი შეუდგა სამეგრელოს მართვას თანახმად თქვენის იმპერატორობითის უმაღლესობის მიერ 1831 წ. მაისის 30-ს ბოძებული ღრამოტისა და მთხოვს თქვენს ფერხთა ქვეშე შეეფუძრო, უუმოწყალესო ხელმწიფეო, თავისი და მისი ხალხის უქვეშევრდომილესი ერთგულება და თქვენს იმპერატორობითს უმაღლესობას მივართვა მისი წერილი.

ვასრულებ თავადის დადიანის სურვილს და წმინდა მოვალეობადა ვთვლი დავსძინო, რომ თავის მამის ხანგრძლივის ავადმყოფობის დროს დიდი ხანია მართავდა სამეგრელოს და არ მეეჭვება მისი ერთგულება თქვენის იმპერატორობითის უმაღლესობის ტახტისადმი და ის უქვეშევრდომილესნი გრძნობანი, რომელთაც ის გამოსთქვამს“<sup>1</sup>.

ამის პასუხად მთავარ-მართებელს თავ. ვარანცოვს მოუვიდა ჩერნიშევისაგან შემდეგი წერილი.

**წერილი თავადის ჩერნიშევისა თავად ვარანცოვთან**  
**მიწერილი 1846 წ. დეკემბრის 4-ს № 1750.**

„ხელმწიფე იმპერატორმა, თქვენის ბრწყინვალეობის ოქტომბრის 16-ის № 1003 მოხსენება რომ მივართვი, უმაღლესად კეთილინება დაემტკიცებია ამ წერილთან ერთად პროექტი საინვენსტიტურო გრამოტისა სამეგრელოს მთავრის თავად დადიანისათვის.

ამის შესახებ მე მოვახსენე საგარეო საქმეთა სახელმწიფო კანცლერს.

ახლა გრაფ კარლ ვასილის ძისაგან მივიღე ნამდვილი გრამოტა ოქროს ფარჩის ყდაში ჩასმული. ეს გრა-

---

<sup>1</sup> Акты арх. комиссия, том X, стр. 261, 1885. г.

მოტა ნოემბრის 30-ს ღირს-იქმნა უმაღლესის ხელისმოწერისა, დაეკრა სახელმწიფო ბეჭედი და ჩაედვა ოქროცურვილ ვერცხლის კიდობანში. მე პატივი მაქვს ეს გრამოტა თქვენს ბრწყინვალებას გამოეუფზაენო, რათა მიაართვათ თავ. დავით დადიანს, და უმორჩილესად გთხოვთ პატივი მცეთ და მისი შილება მაცნობოთ“<sup>1</sup>.

ამ პასუხთან თავ. ვარანცოვს მოუვიდა ხელმწიფისაგან დამტკიცებული ინვენსტიტურის გრამოტა დავით დადიანის სახელზე, რომლის პროექტი თვით ვარანცოვისაგან იყო შედგენილი.

აი თვით ეს გრამოტა, რომლის დედანი ინახება დღეს სამეგრელოს თავადის კაბინეტში;<sup>2</sup>

---

<sup>1</sup> Акты арх. комиссии, том X, стр. 261, 1885 г.

<sup>2</sup> ი. მეუნარგიას ხელით დედანში ამავე თავის პირველ გვერდზე მიწერილია „აკლია ინვენსტიტურის გრამოტა“. მაშასადამე ეს ინვენსტიტურა აქ უნდა იყოს ჩართული, რაიც ავტორს შეუსრულებელი დარჩენა. ჩვენ თუმცა მივმართეთ სამეგრელოს მუზეუმს, სადაც დაცულია ეს „სამეგრელოს თავადის კაბინეტი“ მაგრამ აღნიშნული დოკუმენტი ჯერჯერობით იქ არ აღმოჩნდა.—ს. ც.

## IV

ბროსეს აზრი ღვით დადიანზე. მთავრის კანცელარია: ქართული და რუსული. ივა-ბერი, ანდრი გეგეჭკორი. ვარანცოვის გეგდის ძეგნა.

ღვით დადიანი განაგებდა სამეგრელოს სამთავროს 13 წელიწადი.

ფეოდალურს სამთავროში, საცა ყველაფერი ბატონის ნებაზე იყო დაფუძნებული, საცა, მაშასადამე, დიდისა და პატარასათვის სავალდებულო, დაწერილი კანონი არც კი არსებობდა, საცა არც ხალხის განათლებას, არც საზოგადო ცხოვრების განვითარებას, არც ვაჭრობას, არც მრეწველობას, რომელნიც არ არსებობდენ, არ შეეძლოთ თავი მაღლა აეწიათ და მოეთხოვათ მთავრისაგან საზოგადოების ცხოვრების გაუმჯობესება, ახალგაზრდა მთავარს (ღვით დადიანი იყო 27 წლისა, როცა ის შეიქნა სამეგრელოს მმართველად) დიდი ხასიათი და ქვეყნის სიყვარული უნდა გამოეჩინა, რომ თავიდანვე სამეგრელოს საქმეების გაუმჯობესებას და რეფორმების გზას დასდგომოდა. და მართლაც, ღვითის თანამედროვე, საქართველოს მეისტორიე მარი ბროსსე, რომელიც ესტუმრა მთავარს 1848 წელს, აი რაგვარად აგვიწერს სამეგრელოს მთავარს და მის საქმეებს:

„ვინც იცნობს ღვით დადიანს, ყველამ იცის, რომ სრულებით არა სჭირია მას კაცმა აქოს. ეს თავადი შესანიშნავია თავისი კეთილ, შესანიშნავი თავისი აღზრდით,

რომელიც მან ს.-პეტერბურგში მიიღო; უცხოვრია ევროპაში და იქ ცხოვრების დროს გაეცნო ახალს აზრებს და იცის რა აკლია მის ხალხს, მის ქვეყანას. და ყოველ ღონესა ხმარობს გააუმჯობესოს მდგომარეობა როგორც ერთისა, ისე მეორისა. თავის ქვეყანაში ისეთი მართვა-გამგეობა მოაწყოს, როგორცაა საქართველოს იმ ნაწილებში, რომელიც უშუალოდ რუსის კანონებს ემორჩილებიან. <თვით-მპყრობელური მართვა-გამგეობის მაგიერ, შემოიღოს სამოურავოები. მთელს სამეგრელოში თორმეტი მოურავია. ესენი არიან სამოურავოების უფროსები, მოურავებს ემორჩილებიან მაზრის უფროსები, რომელთა საშუალებით მთავრობა საქმეს იჭერს სოფლის უხუცესებთან. ხალხი მოგებულა. იმის მაგიერ, რომ შორს იაროს მთავართან საჩივლელად, ან სადმე გზის პირას ელოდოს მის გამოვლას, იქვე ახლოს ჰყავს უფროსი, რომელსაც მინიჭებული აქვს უფლება, გაარჩიოს მთხოვნელთა საჩივარი. ბევრი ძალიან კმაყოფილნი უნდა იყვნენ ამ მდგომარეობით. მოურავი თავის ხშირ-ტოტებიან ხის ჩრდილ ქვეშ მოუსმენს მთხოვნელს, ხელმძღვანელობს ადათით ან ვახტანგ მეფის კანონებით და განაჩენს მაშინათვე გამოიტანს. მანქანა მეტად მარტივია და ადვილადაც მოძრაობს. მართლაც რომ სასიამოვნოა ხოლმე ამ მანქანის მუშაობის ყურება.

დადიანის ფიქრი, როგორც ეტყობა, მეორე საგანსაც მიუპყრია: ის ცდილა მეგრელს განცალკევებით, განმარტებულად ცხოვრებაზე ხელი აეღო და ერთობლივ ცხოვრების სიტყბო და სარგებლობა განეცადნა. <დადიანმა ამისათვის დააარსა ზუგდიდი—ქალაქი და ბაზარი. მეგრელი ჯერ გაოცდა,—ეს რა გააკეთესო და ერთბაშად ვერ მიხვდა რაც ამბავი იყო; მაგრამ როცა აქ თავისი ნაწარ-

მოები გამოიტანა, როცა გამოიტანა თავისი ხამი, აბრე-  
შუმი, თავისი თუთუნი, თავისი ზედმეტი ღომი ან სხვა  
რამ, დაუხვდნენ მყიდველები, რომლებიც ელოდებოდნენ,  
დაუხვდათ დუქნები, საცა ელაგა ფართალი, აბრეშუმის  
ქსოვილები, შუშის ჭურჭლეულობა, რკინეულობა, ერთის  
სიტყვით, ყველაფერი რაც საჭიროა, სასარგებლოა, სასია-  
მოვნოა თუნდ სულ ხელმოკლე ოჯახში, — ჰო, მაშინ ისიც  
შეეცადა გამოეტანა აქ მეტი ნედლი მასალა და თითო-  
ნაც უფრო გაეფართოვებინა თავისი წარმოება“.

ცოტ-ცოტად დავით დადიანის კარგი მმართვე-  
ლობა სულ ყველაფერს დაეტყო სამეგრელოში: სოფლის  
მეურნეობას, მრეწველობას, ვაჭრობას, ადმინისტრაციას,  
სასამართლოს, საეკლესიო საქმეებს... მაგრამ სანამ ამაე-  
ბზე ვილაპარაკებდეთ, ჯერ იმ დაწესებულებაზე უნდა  
ვთქვათ ცოტა რამ, საიდანაც ვრცელდებოდა სამეგრელოში  
მთავრის განკარგულება. მე ვამბობ მთავრის კანცე-  
ლარიაზე.

დუბროვინი წერს: სამეგრელოს მთავრები წერი-  
ლობით საქმის წარმოებას გაუბობდნენ<sup>1</sup>. ძველის-ძვე-  
ლად რაც იყო სამეგრელოში ეს დაბეჯითებით არ ვიცი,  
მაგრამ ეს კია, რომ მეთვრამეტე საუკუნეში და ცოტა  
იმის გადაღმაც და გადმოღმაც ადმინისტრატიული განკა-  
რგულება და სამართალი მართლა უფრო სიტყვიერად  
ხდებოდა და სწყდებოდა, ვიდრე წერილობით. არსე-  
ბობდა მთავრის მიწერილობა თანამდებობის კაცებთან,  
რადგანაც ათასში ერთხელ ამგვარ მიწერილობას, უმეტეს  
ნაწილად მთავრის მოძღვრებისგან ნაწერს, კიდევ როგო-  
რმე შეეყრება კაცი სოფლითი-სოფლად, იწერებოდა  
წყალობის წიგნები, სიგელები. მაგრამ არ იყო დაწესე-

<sup>1</sup> Ист. войны и влад. рус. на Кавказе. т. I кн. II, стр. 265.

ბუღება, საცა უნდა დაცულიყო სამთავრო საქმეთა წარმოება და მიწერ-მოწერა, დღევანდელის ენით რომ ვთქვათ არ იყო კანცელარიაჲის როგორც დაწესებულება შემოიღო პირველად მთავარმა დავით დადიანმა. სამეგრელოს სამთავროს გაუქმების შემდეგ ქუთაისის გუბერნიის სამმართველოსადმი გადაცემულ მთავრის კანცელარიის საქმეებიდამ, (Дела канцелярии владетеля Мингрелии) სჩანს რომ პირველი საქმეები დღემდის ჩვენამდის ჩამოწეული, ეკუთვნიან დავით დადიანის მემკვიდრეობის დროის მმართველობას. (1836 წლამდე შედგენილი საქმე გუბერნიის სამმართველოში არ არის, აქედამ ცხადია, რომ წერილობითი საქმის წარმოება, პირველად შემოიღო სამეგრელოში მთავარმა დავით დადიანმა.)

დავით დადიანს ორი კანცელარია ქონდა: ქართული და რუსული.

ქართული კანცელარიის მდივანი იყო იეროდიაკონი ივანე ხოშთარია, ივა ბერად წოდებული. ამას დიდად უჯეროდა მთავარი, მაგრამ სამეგრელოს დიდაკაცობა ემდუროდა. თუ ამათ მთავართან თხოვნა არ გაუვიდოდა ივა-ბერის ბრალი იყო და შემდეგ მთავრის გარდაცვალებისა, როცა საქყონდილოში გლეხების ამბოხება ატყდა, დიდ კაცობამ შური იძია ღირსეულ მდივანზე. ის დააბეზღეს უმაღლეს მთავრობასთან და ივა-ბერი ხელფებ შეკრული სამეგრელოდან სადღაც გადაკარგეს. ივა-ბერის მწერლებად იყვნენ თევდორე ხოშთარია, შემდეგში სასახლის მოძღვარი და ორი სხვა ყმაწვილი კაცი. მთავრის კაბინეტის პირად სეკრეტრად იყო ნადიაკვნარი გიორგი ცხვიტარია.

მთავრის რუსულს კანცელარიას განაგებდა დეკაბრისტი პოტოცკი, ბესტუჟევის ამხანაგი, რომე-

ლიც ციმბირიდან იყო დაბრუნებული. გრიგოლ გურიელისაგან გამიგონია, ეს კაცი დიდი იეზუიტი იყო და ერთხელ დავითი მოსწამლაო. რუსულ კანცელარიაში მწერლებად იყვნენ ანდრი გეგეჭკორი და ევგენი დგებუაძე.

იმ დროებში, რომელზედაც ჩვენ ვლაპარაკობთ, ანდრი გეგეჭკორი იყო, თუ არა ერთად-ერთი, იშვიათი მეგრელი, რომელმაც რუსული წერა-კითხვა იცოდა. ამის გამო ამ საჩინო კაცის თავ-გადასავალი დღემდის არ დავიწყებია სამეგრელოს. დავით დადიანმა რაღაც შემთხვევისა გამო ის გალახა, გაროზგა. საზოგადოდ დავით დადიანი ყოველ ხელობას და სწავლას დიდად აფასებდა თავის სამთავროში და რა იყო მიზეზი მთავრის ამ ზომამდის გულის წყრომისა ვერ შევიტყე. თუ მიდგომაში არ ჩამოერთმევა მის ძმას გრიგოლ დადიანს, იმან მიაბო: „ანდრი გეგეჭკორი წაეკიდა ერთს მწერალს, მის ამბანაგს და დავითმა ამის გამო ის დატუქსა. ამან თურმე იუკადრისა შენიშვნა და სიტყვა შეუბრუნა მთავარს, „დედა შეაგინაო“ და მთავარმა ამის გამო ის დასაჯაო.“ ბესარიონ ხოფერიას, გეგეჭკორის დასჯის მიზეზად ის გაუგონია, რომ ის გაარშიყებია მთავრის ადიუტანტის არლოვის ცოლს, რაც უნდა ყოფილიყო მიზეზი გეგეჭკორის დასჯისა. ანდრი გეგეჭკორი იმდენად შეაძრწუნა მთავრის ძალადობამ, რომ ის ჭკუილამ შეირყა. რომ დადიანი გონს მოეყვანა, როზგის ქვეშ მწოლარე ანდრიმ დაუძახა თურმე მთავარს:

—ვისა სცემ, დავით?

—ანდრისო, დაუძახა თურმე გულმოჯერებულმა, მაგრამ შეუბრალებელმა მთავარმა.

მეორე მწერალს ევგენ დგებუაძესაც ერთი სიტყვა დავით დადიანის ისტორიაში. ამას რომ დაუმთავრებია სწავლა მარტვილის სასწავლებელში, მამა მისს ის გაუგზავნია ქუთაისს ექვთიმე წერეთელთან, რომელიც გუბერნიის მმართველობის სეკრეტარი იყო, ამ უკანასკნელს კი გაუმწესებია ჯამაგირზე უეზდის სასამაროლოს მწერლად 120 მანეთად წელიწადში. ეს რომ მთავარს შეუტყვია, დაუბარებია მამა მისი და უთხოვნია მისი შვილი მოეყვანა და მთავრის კანცელარიაში დაეყენებია. მამამ მთავრის თხოვნა ბრძანებად ჩასთვალა და ის მაშინვე წავიდა ქუთაისს, მაგრამ იქ ურჩიეს, ნუ წაიყვან, სწავლას მოცდებო, გაფუჭდებო და მამა ხელ-ცარიელი დაბრუნდა. ეს რომ მოხსენდა მთავარს, ბრძანა: ოთხი მოსახლე გლეხი ჩამოართვით დგებუაძეს სანამ შვილი არ მოიყვანოსო, მეტი გზა არ იყო, ქუთაისის უეზდის სასამართლოდამ ევგენი დგებუაძე მთავრის კანცელარიაში გადმოაყვანეს <sup>1</sup>.

როგორც მერაბ გრიგოლიამ მიაჩნო — ქართული კანცელარია მთავრისა იდგა სასახლის ეკლესიის გვერდით. რუსული კანცელარია იმაზე ცოტა მოშორებით, არხის გადაღმა. რუსული კანცელარიის სეკრეტრად იმან დამისახელა ერთი ვილაც ლატარი.

მთავრის კანცელარიას დიდ-ძალი მიწერ-მოწერა ქონდა გამართული. ეს კანცელარია იყო ერთად-ერთი დაწესებულება სამეგრელოში, საცა მიდიოდა მთავრის სახელზე ყოველგვარი ქალაქი, როგორც შიდა სამეგრელოდამ (თხოვნები), ისე ცირკულიარები გუბერნატორი-დამ და სხვა საქმის ქალაქდები სხვადასხვა უწყებიდამ. როცა დავით დადიანი მმართველი იყო სამეგრელოსი

<sup>1</sup>. გრიგოლ ანჯაფარიძის წამბობი.



იმას თხოვნას აძლევდენ უკმდეგის ტიტულით: „მემკვიდრე მმართველს მენგრელიისას დავით ლეონის-ძეს დადიანს“ (ნახე დაბეჭდილი ბლანკი უზენაეს სასამართლოს საქმეში 1832 წ.). სამეგრელოს გარედამ მთავარს ქალაქი მოს-დიოდა რუსულს ენაზე. მთავრის კანცელარია თუ ქალა-ლის ხასიათი ითხოვდა გზავნიდა მოწერილობის ასლს მაზრის მდივანბეგებთან რუსულს ენაზე და მაზრის მდი-ვანბეგები მოხსენებას წარმოუდგენდნენ მთავარს ქართუ-ლად. და რაზე გინდათ მოწერილობა არ მიეღო მთავარს! ესა და ეს ფრანცუზი კილიანი გაქცეულა და თუ სამე-გრელოში აღმოჩნდეს დაიჭირეთ და წარმოადგინეთო; ამა და ამ მეგრელმა ამა და ამ კაცს ცხენი მოპარა და თუ აღმოჩნდეს ჩამოართვით და პატრონს გამოუგზავნეთო; ამა და ამ ჯანოევს სომხას ფული მართებს, გადაახდევინ-ეთ და გამოუგზავნეთ მოვალეს დასაკმაყოფილებლადო და სხვა და სხვა.

ამ სხვა და სხვაობაში მე ერთს ახირებულს მიწერ-მოწერას წავაწყდი გუბერნიის მმართველობის საქმეებში. 1852 წ. მთავარს მოუვიდა ქუთაისის გუბერნატორის ქალაქი, რომელშიაც აცნობებდნენ მას, რომ ქუთაისსა და გორს შუა მთავარ-მართველს ვარანცოვს დაკარ-გვია თითზე წამოსაცმელი ბეჭედი და სთხოვდენ გამოე-ცხადებიათ სამეგრელოში, რომ იმ ბეჭდის მპოვნელს საჩუქრად მიეცემა გლეხთაგანს 50 მანეთი. მთავარმა ეს მოწერილობა ყველა მდივანბეგებს დაუგზავნა ცირკულია-რით და შეიქმნა ოდიშ ლეჩხუმში გორში დაკარგულის ბეჭდის ძებნა. ამ ცირკულიარის პასუხად ჯვარის დივან-ბეგი თავ. ჩიქვანი სწერდა მთავარს 3 თებერვალს 1853 წელს №99: „შეუღეპი რწმუნებულ ჩემდამი მაზრასა შინა მოველ' სოფელშიდ თითოეულად მოპოებას კავკასიის

ნამესტნიკის მოგზაურობის დროს დაკარგულის ბეჭდისა, მაგრამ ვერა სადა გაეხადე ღონე მისის მოპოებისათვის“.<sup>1</sup>

№ ახალი საქმე იყო სამეგრელოში და თუ უნომროდ რამე დაიწერებოდა არ ეგონათ თანამდებობის კაცებს. ერთხელ მაზრის მდივანბეგმა კაცია დადიანმა მოსწერა ჯვარიდამ მთავარს დავით დადიანს:

—ბოდიშს ვიხდი თქვენთან, ბატონო მთავარო, მთაში ვიმყოფები და ამ მოხსენებას უნომროდ გიგზავნიო.

—არაფერია, ბიძიავ, მისწერა იმას ხუმრობით მთავარმა, მე დიდი ხანია ვიცი, რომ შენ ნომერი გაკლიაო.<sup>2</sup>

---

<sup>1</sup> Дело Канц. влад. Мингрелии 1721/52

<sup>2</sup> ბესარიონ ხოფერიასაგან განაგონი.

დავითის საქმეთა აღწუსება. სხვა და სხვა მოგონებანი.

ამ წიგნის მთავარი დანიშნულება ის არის, რომ სხვა და სხვა დროს სხვათა და სხვათა პირთაგან განაგონი ცნობები დავით დადიანის მთავრობის შესახებ ერთად მოაქუჩავოს და რამდენადაც შეიძლება ეს ცნობები სისტემაში მოიყვანოს.

ნამდვილი ისტორია კი დავით დადიანის მთავრობისა, ვიცი, ამ ცნობების გამოქვეყნებით არ დაიწერება, რადგანაც ზეპირ-გადმოცემა, თუ ეს გადმოცემა არ არის განმტკიცებული წერილობითი საბუთებით, არ შეიძლება არ ასცდეს ჭეშმარიტებას. მხოლოდ მაშინ, როცა წიგნში მოყვანილი კერძო პირთაგან განაგონი ამბები შეუფარდება იმ წერილობითი მასალებს, რომლებიც ჯერ გამოურკვევლად განისვენებენ მთავარ-მართველის კანცელარიის და ქუთაისის გუბერნიის სამმართველოს არხივებში, შესაძლებელი იქნება დაიწეროს უტყუარი ისტორია სამეგრელოს უკანასკნელის მთავრისა. მაგრამ არხივების გადახედვას და მით შეცდომის გასწორებას ყოველთვის მოესწრება კაცი და ზეპირად გადმოცემული ისტორია კი გაიფანტება დროთა მიმდინარეობისაგან.

როცა მე ვთხოვე დავით დადიანის მინისტრად ნამყოფს სახლთ-უხუცესს დათა ჩიქვანს ჩემთვის ჩამოეთვალა თუ რა გააკეთა დავით დადიანმა სამეგრელოს სასარგებლოდ მან პასუხად მითხრა შემდეგი:

დავით დადიანმა: გაანთავისუფლა მებატონთა მონობიდან სამღვდლოება;

აკრძალა კაცის სულის გაყიდვა სამთავროს გარეშე; აკრძალა გამზითვება, ან როგორც ის ამბობდა მოთხრა;

ჩამოართვა ბერებს უფლება უკანონოდ-შობილ ბავშვებზე. (ეს ბავშვები დავითის წინათ, ბერებს მიყავდათ და დავითმა დედებს დაუტოვა.) თუ ეცოდინებოდათ მამა ვინ იყო, იმას წილს ადებინებდა ბავშვის აღსაზრდელად;

აკრძალა გლეხების დატყვევება და გალახვა მებატონთაგან. დამნაშავეთ სასტიკად სჯიდა;

მოშალა მემკვიდრედ დარჩენილის ქალის მამულის ჩამორთმევა მებატონისაგან. თუ მამას მარტო ქალი დარჩებოდა მემკვიდრედ და ამ ქალს უნამუსობა დაუმტკიცდებოდა, მამული მებატონეს მიქონდა.

სხვებმა მოთხრეს:

გზები და არხები გაიყვანაო.

ყოველ-წლივ ათ-თორმეტ მეგრელს გზავნიდა თბილისში სხვა და სხვა ხელობის სასწავლებლადო;

ტყვეთა ყიდვა და ქურდობა ალაგმაო;

მიწის მეურნეობას და ვაჭრობას ხელი შეუწყოო;

სასამართლო და ადმინისტრაცია ფეხზე დააყენაო.

სულ ყველა ამაებზე, რაც რამ ზეპირი გადმოცემით გამიგონია, ან სხვადასხვა ნაწერი წყაროებიდან შემიტყვია, ამ წიგნის შემდეგ თავებში წაიკითხავს მკითხველი.

აქ კი რამდენიმე ჩემგან შეკრებილი მოგონება უნდა მოვათავსო დავით დადიანის ცხოვრებიდან, რომ შემდეგში, უადგილობისა გამო, ეს მოგონებანი წიგნის გარეშე არ დამირჩეს დაუბეჭდავად.

დავით დადიანზე სახლთ-უხუცესმა დათო ჩიქვანმა მიაგებო:

სეფიეთში რალაც ჭირი გაჩნდა და როდესაც ამაზე აქბაგი მოუვიდა მთავარს, მიბრძანა წავსულიყავი იმ სოფელში, დამეთვალე რებია მანდაურობა და გარემოება მომეხსენებია მისთვის. „თუ მართლა ჭირია, მე საჩქაროდ მოვალ იქ. უნდა ზომები მივიღოთ რამე, ხომ ხედავ რუსები როგორ მუშაობენ, ფოჩტიდამ დაჩხვლევტილი წიგნები მოგვდისო“, — მიბრძანაო მთავარმა.

(აქ უეჭველია, ხოლერაზედ არის ლაპარაკი. 1847 წელს 26 ივნისიდან 1-ლ ნოემბრამდის სულ გახდა ავად სამეგრელოში ხოლერით 1385 კაცი, რომელთაგან გარდაიცვალა 508, ამავე წელს მუცელ-კეთილით გახდა ავად 8012 კაცი; ამათგან გარდაიცვალა 4032)<sup>1</sup>.

მღვდელმა სამსონ თვალთვაძემ მიაგებო:

დავით დადიანი ყურადღებას აქცევდა, რომ არ შეხებოდნენ მის დროში ისტორიულს ნაშთებს ძველის დროებისა, მეტადრე ძველს ეკლესიებს და მონასტრებს. არ ვიცი ვისი განკარგულებით, მაგრამ ეს კია, რომ ბერძნის კალატოზებს შეუღესიათ წალენჯიხის ეკლესიაში ზოგიერთი ადგილები და კირ-ქვეშ მოუყოლებიათ ამ ეკლესიის ძველი მხატვრობა. ეს რომ დაუნახავს დ. დადიანს, ის განრისხებულა და გაურეკნია მანდედამ ბერძნები. ბერძნებს დადიანის კაცებმა ფოთამდის მისდიეს.<sup>2</sup>

სხვა წერილმანები:

თავ. ნიკო ფალავამ მიაგებო:

დავით დადიანს ვაჟკაცები უყვარდა.

<sup>1</sup> წიგნი დავით დადიანისა მიწერილი რაევსკისთან.

<sup>2</sup> აქ დედანში ავტორის მინაწერია „აქ ერთი უნდა ჩაუმატო“ რაც არაა ჩამატებული — რედ.

ბოკიჩია გეგელია, რომელიც შეკვეთილის ბრძოლას გამოქცევია, მთავარმა ვირზე შესვა პირუკულმა, თავზე ლეჩაქი დაახურა და ისე არონინა სახალხოდ. მას აქეთ იმას და მისიანებს „გირინიში გიმახვენჯის“<sup>1</sup> ეძახდნენო სამეგრელოში,

ცნობილმა მღვდელ-მონაზონმა ბენედიქტემ, ათონის მონასტრის ვექილმა, მიაშბო:

დავით დადიანი ხშირად თურმე იმეორებდა გურულის მოსწრებულ სიტყვას.

ომის დროს სოჭის მახლობლად ერთი გურული გაქცევია გაცხელებულ სროლას.

— აჰ, შე ჭაკო გურულო, სად მიიპარები, არა გრცხვენნიან ტყვიას გაექეციო, უთხრეს გურულს.

— თუ კაი ულაყი ხარ იქ მიბრძანდი და დაინახავ შენს სეირსო, უპასუხა უკან მიხედვით გურულმა.

მერაბია გრიგოლიამ<sup>2</sup> მიაშბო.

ერთხელ გორდში შინაყმებმა სიმღერა გააბეს ხის ქვეშ, სანამ მზარეულები ძროხას მოუხარშავდენ იმათ. ეს რომ დაინახა მთავარმა, უქმად დროს ტარების მტერმა, ბრძანა არც ერთს სადილი არ აჭამოთო და იმ დღეს მომღერლები ხახა-მშრალნი თურმე დარჩენ. ამის მომთხრობმა დასძინა: ყველა მაშინდელ სიმღერებში დადიანს მხოლოდ ის სიმღერა მოსწონდაო, საცა არის ნათქვამი:

შინა ვაგე, ვაგეოსა,  
ვოო შინა ვოგეგე.<sup>3</sup>

<sup>1</sup> ვირზე შემჯდომი, უფრო კი ვიროსანი, — ს. ც.

<sup>2</sup> ნამდვილად გრიგოლიას ეძახდნენ ხუგდიდში, პირადად მეც ვცნობდი — ს. ც.

<sup>3</sup> ფფიქრობ სწორად ვერ არის ჩაწერილი. ეს სიმღერა სვანურია, და როგორც შე შომისმენია შემდეგ სიტყვებს ამბობენ:

ვოსა ვორგილ, ვორგილ ვოსა  
ვოო შინა ვოგეგე. — ს. ც.

გრიგოლ დადიანმა მიაშბო:

ერთხელ დავით დადიანს გულბაათ ჭავჭავაძე ესტუმრა, რომელიც თავის ღროს განთქმული იყო ღვინის სმით.

— აბა, დადიანო, ერთი თქვენი მარანი მაჩვენეთ, უთხრა მთავარს ცოლის ნათესავემა.

— მიბრძანდით, ბატონო. წიწა, შენ წაყვევი გულბაათს— უთხრა მთავარმა მის ძმას კონსტანტინეს (შინაურობაში წიწას ეძახდნენ) და რამდენიც აზარტაშა და ბადიები დაცალოს სახსოვრად მიართვით.

რომ დალია და დალია გულბაათმა, შეეშინდათ, ე, მანდ არა დაემართოს. რა სტუპარსაო, მაგრამ გულბაათმა მიირთვა ოთხი - ხუთი დიდი აზარტაშა და ორი - სამი ბადია ოჯალეში და არხეინად ეახლა სასახლეში სიძე-ბატონს.

თავ. კონსტანტინე დადიანმა მიაშბო:

თბილისში ყოფნის ღროს დავითს ყვავილი დაემართა და ძლივს გადურჩა სიკვდილს. ამბობენ აცრილო თუმცა იყო, მისთვის სპირტი წაესვათ, გამიზეზებია და რომ აქიმი პრიბილი არ მიშველებოდა მისი მორჩენა შეუძლებელი იყო. ქართველ მოლექსეს ლარაძეს ენახა ახალგაზრდა მთავრის შვილი და ეს ლექსი დაუწერია მისთვის:

ყვავილთ მეფე ყვავილთაგან  
ვნახე სრულად დანასებით,  
ვკითხე, აგრე რამან შეგქმნა  
შენ ხელმწიფე აგრე ვებით.  
მან მითხრა თუ ყვავილთ მიმტრეს  
შევიქენი ასე ვნებით  
პირი სრულად დამილებეს  
ლაწვი ვარდი...

საზოგადოდ ნათქვამია:

დავითი იყო სამეგრელოს პირველი მთავარი, ნანახი და ნაკითხი, შედარებით კარგად განათლებული, რომელსაც ყველაფერი ხელს უწყობდა სამეგრელოს სამთავროს მმართველობას გასძლიოლოდა ახალის დროების შესაფერად. დავითმა ზურგი აქცია მამა მისის ლევან დადიანის ფეოდალურს წეს-წყობილებას. მისთვის არ იყო არც ქიარი, არც მიმინო (ბათუ ფალავას მიმინოს თავი გააგდებია, იმიტომ რომ ფალავამ მწყერობის დროს გლებკაცს ღომი გაუთელა), არც კურდღელ-მწევარი, არც გამოუღეველი სიმღერა, ლხინი და სროლა ლევან დადიანისა.

რეფორმის გზაზე დამდგარს, დავითს უნდოდა მისი ახალი მმართველობა ყველაფერს დასჩენოდა... თვით მეგრელების ტანისამოსს და პირის სახესაც.

წვერმოშვებული კაცი იმას არ უყვარდა. ცაიშის მოურავი პეხუ ყორღანი და დაიბარა და ძალაუნებურად წვერები მოაპარსვინა.

არ უყვარდა თავი უკან გადავარცხნილი, ბოხობი, ჩაღმა.

ერთხელ ზუვდიდში წინ შეეგება იმას ჩაღმიანი კაცი.

— ვინ არის ეს თათარი, — იკითხა მთავარმა.

— ეს, თათარი კი არა, ალექსი ჩიქვანია, ბატონო, ოტიას შვილი, — უბასუხა მხლებელმა.

— მოხადეთ ახლავე იმას თავსახური და გაგზავნეთ მეფურნესთან. აიღოს ლეჩაქი და მის ფასში პური გაუგზავნოს ბალის მუშებს, ბრძანა მთავარმა.



ლეჩაქი 6 ალაბი გამოდგა და მუშებს ხუთი პური გაუგზავნა.<sup>1</sup>

ლარიბ ქვეყანაში დავითს არც ის მოსწონდა რომ ტანისამოსი ერთობ მდიდრულად კაზმული ყოფილიყო.

ერთ ვილაც კობტად ჩაცმულ ქავთარაძეს მესტი ჩაეცვა სირმით გაწყობილი. მთავარი მიუახლოვდა იმას, დაადგა ფეხზე ჯოხი და უთხრა:

— აბა დახედე ჩემს წადებს, დაკერებული მაცვია. შენ, ეს რა გიქნია, შე პლუტო, ჰაა!—და ხელი თურმე ჩაუფაჩუნა თავში.

---

<sup>1</sup> ნიკო ფაღვასგან განაგონი.

## VI

სატახტო ქალაქი და სასახლეები. ზუგდიდის ბაღი.

ვლამერნის ხატი.

„საქონლის ყიდვა - გაყიდვისათვის არც ღუქნები აქვთ და არც მოედნები, ისე რომ ვერსად ვერ ნახავთ, ხალხი იკრიბებოდეს სანოვაგის საყიდლად. მხოლოდ სომხების ქალაქში<sup>1</sup>, რომელიც აშენებულია აწინდელ მთავრის დროს, არის მოედანზე რამდენიმე ღუქანი, სადაც იყიდება სხვა და სხვა სპარსული ტილო და შალი<sup>2</sup>.

„ახალი ზუგდიდი შენდება ვრცელს მინდორზე, რომელსაც სამზღვრავენ: აღმოსავლეთით სასახლე და ბაღი დადიანისა; ჩრდილოეთით რამდენიმე სასახლეები და პატარა მდინარე; დასავლეთით დროებითი სასახლე თავადის გრიგოლისა, ძველი სასახლე მთავრისა და დაღმართით, წყლისაკენ, რომელზედაც გამწკრივებულია სახლები და მათ შორის ახალი, ჯერ კიდევ მოუთავებელი სახლი თავ. გრიგოლისა... და დასასრულ, სამხრეთით, საკმაოდ ვრცე-

---

<sup>1</sup> არ ვიცი რომელია ეს სომხების ქალაქი, უეჭველად ზუგდიდია (თუ არა სენაკი), რადგანაც ლამბერტის რუკაში არც ლაილაშია ნახსენები და არც . . .

(ეს მინაწერი არაა დასრულებული, — ს. ც.).

<sup>2</sup> სამეგრელოს აღწერა არქანჯელო ლამბერტისა, თარგმანი ალ. ჭყონიასი გვ. 167.

ლი ბაზარი, აგებული დავით დადიანისაგან, რომელსაც ეტყობა სახეში ჰქონია დაეფუძნებია აქ დიდი ვაჭრობა თავის ქვეყნის მიწის ნაყოფისა და ერთმანეთთან თუ გარეშეებთან დაახლოებით, გაეგრცვლებინა აქ იღეები განათლებისა. რამდენიმე ასიული სახლები გაშენდნენ აქ ორ-სამ წელს საყოველთაო სასარგებლოდ. თუ ეს მოძრაობა გაგრძელდა, ზუგდიდს მალე დაეტყობა აყვავება“<sup>1</sup>.

„ღევან დადიანმან სიმდიდრით აღზევებულმან ჰყო სასახლე იბ ოდიშსა შინა ყოველთა მოწყობილობითა, რამეთუ არა წარიღოს ერთიღამ მეორესა შინა არა რათმე სახმარნი ანუ ცხენნი და გარემო წყარო და უახლოესთა დასდვა ფიალნი ოქროსანი და უშორესთა ვეცხლისა დაბნულნი ძეწკვებით, რათა სმიდგნ მგზავრნი მით ვინადგან ვერვინ იკადრებდა ქურდობასა ანუ პარვა-ავაზაკობასა ქვეყანათა შინა მისთა“<sup>2</sup>.

1851 წელს ზუგდიდში ითვლებოდა 2000 კაცის სული. მთავრის კანცელარიის საქმეში №—1437/51 ჩანს, რომ ამ წელს ანაკლიაში იყო 200 კაცის სული, ლენტეხში 630 და მარანში 352.

„დიდსა ველსა ზედა არს ზუგდიდი სასახლე დადიანთა დიდ - შენი და პალატებიანი, ზღუდე გოდლიანი“<sup>3</sup>.

---

<sup>1</sup> ბროსსე, *Rapports sur un voyage archéologique*, ნაწ. პირველი მეშვიდე მოხსენება გვ. 20—21.

<sup>2</sup> იხ. ქართლის ცხოვრება, გამოცემა ჩუბინოვისა ნაწ. მეორე, გვ. 199.

<sup>3</sup> „ღეოღრაფიული აღწერა საქართველოსი ბატონიშვილის ვახუშტის მიერ“—გვ. 396.

ბარონ როზენის შიმართვა გრაფ ნესელროდესთან  
1837 წლის იანვრის 29-სა დღეს, №66.

„საგარეო საქმეთა სამინისტროს საქმეებიდან თქვენი ბრწყინვალეობა კეთილსინებებთ და იხილავთ, რომ ნეტარხსენებულმა იმპერატორმა ალექსანდრე I-მა, 1806 წელს, მაისის 31 სამეგრელოს ყოფილი დედოფლის, კნენინო გიორგის ასულის სახელობაზე დაწერილი რესკრიპტთან ერთად გაუგზავნა საჩუქრად მთავრის ოჯახს და მთელს სამეგრელოს ხალხს წმინდა ხატი ვლახერნის ღვთისმშობლისა, თანაც უმაღლესად ბრძანა აღეშენებინათ ოდიშში (ქვემო სამეგრელოში) იმ ადგილას, სადაც დედოფალი ზრჩევიდა, ეკლესია ვლახერნის ღვთისმშობლის სახელობაზე და ამისათვის პირველ ხანებში 2 ათასი ჩრვონეცი მიეცათ, ამავე დროს გამოითქვა მისის უმაღლესობის სურვილი, რომ ის ადგილი, საცა აშენდება ეს ეკლესია, გადაიქცეს სამეგრელოს მთავართა საცხოვრებელ ადგილად და შემდეგში, როცა მის გარშემო მცხოვრებნი გამრავლდებიან, აქაურობა იქცეს ქალაქად და იწოდებოდეს გრიგორიოპოლად, განსვენებულ უგანათლებულეს თავად გრიგოლ დადიანის, სამეგრელოს აწინდელ მთავრის მამის, მოსაგონებლად.

ერთის მხრით თავადის, გიორგის ასულის ნინოს წასვლამ რუსეთში, მეორე მხრით, მაშინდელმა ადგილობრივმა გარემოებამ ხელი შეუშალა მისს უგანათლებულესობას გაეკეთებინა რაიმე უმაღლესის ბრძანების ასა სრულებლად; ხოლო სამეგრელოს მთავარმა ლევანმა ასეთი უმაღლესი ზრუნვა მის სამთავროსათვის განსაკუთრებულ წყალობად ჩასთვალა ხელმწიფის მხრივ და ზრუნვას არ აკლებდა გამოენახნა საჭირო თანხა იმპერატორ ალექ

სანდრეს უმაღლესი ნების ზედმიწევნით ასასრულებლად; ეკლესიისათვის აღვილად აარჩია სოფ. ზუგდიდი და შეუდგა, შეძლებისადა კვალად, თავის ხარჯით ქვეთკირის ეკლესიის შენებას ვლახერნის ღვთისმშობლის სახელობაზე. ეს ეკლესია სრულიად დამთავრდა 1830 წელს, და მთავარმა ეს აღგილი თავის მუდმივ საცხოვრებლად გაიხადა.

ეს ორი ათასი ჩერვონეცი-კი, რომელიც უმაღლესად გადადებული იყო ამ ეკლესიის ასაშენებლად გასაწევ ხარჯებისათვის პირველ ხნობითად, 1808 წლიდან ჩემ წინამოდგილეთა დროს დანიშნულებისამებრ არ მოხმარებულა და ინახებოდა ჯერ მთავარ-მართველის ხაზინაში, ხოლო შემდეგ საზოგადოებითის შეწევნის საბრძანებელში; მაგრამ რადგან ეს ფული, თავად დადიანის მიერ თავის საფასით ეკლესიის აშენების შემდეგ მისსაკუთრებას შეადგენდა, მე თანახმად მისი მოთხოვნისა 1833 წ., განკარგულება გავეცი ეს ფული უსარგებლოდ მას დაბრუნებოდა.

ამას წინათ ჩემს სამეგრელოში ყოფნის დროს მე ვნახე ზუგდიდში აშენებული ეკლესია, მომეწონა და მასალის აღვილობრივ ფასების კვალობაზე მისი აშენება 15 ათას მანეთზე მეტად უნდა დამჯდარიყო და ამიტომ სამეგრელოს მთავრის მიერ ამ ტაძრის აშენება ყოვლადვე ქების ღირსია.

ამ უამად თავადს დადიანს განზრახვა აქვს დიდის ზეიმით გადმოასვენოს წმინდა ხატი ვლახერნის ღვთისმშობლისა ზუგდიდში ახლად აშენებულ ტაძარში მარტვილის მონასტრიდან, სადაც ეს ხატი დროებით დასვენებული იყო. სურს აგრეთვე, ის აღგილი, სადაც აშენებულია ვლახერნის ღვთისმშობლის სახელობაზე ეკლესია,

იწოდებოდეს გრიგორიოპოლად, ამიტომ ითხოვს ვიშუამდგომლო—მისმა იმპერატორობითმა უმაღლესობამ უმაღლესად ნება დართოს ამაზე.

ჩემის მხრით, ადგილობრივის პირობების მიხედვით, არამც თუ შესაძლებლად მიმაჩნია დაკმაყოფილებულ იქნეს სამეგრელოს მთავრის თხოვნა, პირიქით, მის განზრახვას აზრად აქვს, ერთის მხრით, ასრულება ნეტარხენებულის იმპერატორ ალექსანდრე I-ის სურვილისა, ხოლო მეორე მხრით, სამეგრელოში კეთილწესიერების დამყარებისა, პატივი მაქვს ზემორე ხსენებული თქვენს ბრწყინვალეებას ვაუწყო, თან დაუერთო პირი 1806 წლის მაისის 31-ს უმაღლესად ბოძებულის რესკრიპტისა და უმორჩილესად გთხოვთ იშუამდგომლოთ, რათა თავად დადიანს მისმა იმპერატორობითმა უმაღლესობამ უმაღლესად ნება დართოს ზუგდიდი იწოდებოდეს გრიგორიოპოლად, სადაც მთავარს შეეძლოს, როცა სამეგრელო უფრო კეთილად მოეწყობა, ადგილობრივი პირობების შესაფერი საქალაქო მართვა-გამგეობა შემოიღოს თავის მიხედვისამებრ იმ უფლების ძალით, რაც მას უმაღლესად მინიჭებული აქვს<sup>1</sup>.

**მიმართვა საიდუმლო მრჩევლის ბლუდოვის ბარონ  
როზენთან 1837 წლის ნოემბრის 4, № 5783.**

„მივიღე თქვენის უდიდებულესობის წერილი წარსულ სექტემბრის 9-ისა იმის შესახებ, თუ რა ძნელია ქ. გრიგორიოპოლის აშენება თანახმად არქიტექტურის წესებისა, ამის შესახებ ზოვახსენე მინისტრთა კომიტეტს, რომელმაც წარსულ ოქტომბრის 12 ქურნალით დაადგინა:

<sup>1</sup> Акты арх. комиссии, том VIII, стр. 439, 1881 г.

რადგან ძნელია ქ. გრიგორიოპოლის აშენება თანახმად არქიტექტორის წესებისა, ნება მიეცეს მთავარს ააშენებინოს მცხოვრებლებს სახლები ისე, როგორც მათ ჩვეულებად აქვთ და იციან, მხოლოდ, უბნები, ქუჩები და მოედნები უნდა გაყვანილ იქნეს თანახმად ამ ქალაქის საზოგადო გეგმისა.

კომიტეტის ამ დადგენილებაზე მისმა იმპერატორებიტის უმაღლესობამ საკუთარის ხელით მოაწერა და ბრძანა: „ეს ადგილი მინახავს და ვეჭვ აქ როდისმე გაშენდეს ქალაქი, რადგან იქაურობა ხავსსა და ჭაობშია. სამეგრელოს მთავარს რომ ვასიამოვნოთ, მარტო იმისათვის თუ შეიძლება ამ ადგილს გრიგორიოპოლი ვუწოდოთ, მაგრამ ქალაქის სახელი მაშინ-ღა უნდა ვუწოდოთ, როცა მართლა ქალაქი გაშენდება“.

პატივი მაქვს გაუწყოთ ეს უმაღლესი ბრძანება სათანადო განკარგულების გასაცემად“<sup>1</sup>.

### ვლაქერნის ხატი<sup>2</sup>

ვლაქერნი ეწოდებოდა ძველად სტამბოლის კუთხეს, რომელიც მდებარეობს ქალაქის ჩრდილო განაპირას. ამ ადგილას იყო აშენებული ეკლესია ვლაქერნის ღვთისმშობლისა, რომელშიაც ესვენა შესანიშნავი ხატი ღვთისმშობლისა ამავე სახელით. ეს ეკლესია დღეს არ არსებობს, მაგრამ ხატი ღვთისმშობლისა, „რომელმანცა დაიწვა და დაიფარა, კონსტანტინეპოლი განადგურებისაგან 626 წელს“, დღესაც არსებობს და დაცულია სამეგრელოს თავადის მუზეუმში. როგორც ამბობს პლატონ იოსელიანი, ეს ხატი მისცა საქართველოს ერს საბერძნეთის

<sup>1</sup> Акты арх. комиссии—ტომი VIII, გვ. 440, 1881 წ.

<sup>2</sup> აღნიშნული ხატი 1921 წ. გაიტაცეს მენშევიკებმა—რედ.

კეისარმა ჰერაკლემ მეშვიდე საუკუნეში ქრისტეს შემდეგ<sup>1</sup>. მას აქეთ სად რა ალაგას ესვენა „სასწაულთმოქმედი“ ხატი ცნობა არა მაქვს. „ქართლის-ცხოვრებიდამ“ ვიცით მხოლოდ, რომ ეს ხატი მეჩვიდმეტე საუკუნეში გიორგი გურიელმა, იმერეთის მეფე ალექსანდრე მეოთხესთან საბრძოლველად წამოსულმა, „განსძარცვა“ და ჰყო სამკაულად თვისად“<sup>2</sup>. მეცხრამეტე საუკუნის დამდეგს 1805 წელს, სამეგრელოს მთავრინა ნანოს სურვილისამებრ ეს ხატი წაასვენა პეტროგრადს საგანგებო დეპუტაციამ, რომელსაც შეადგენდნენ დიდი ნიკო გიორგის ძე დადიანი, ბეჟან მანუჩარის ძე დადიანი და კარის დეკანოზი იოანე იოსელიანი და მიართვა სამეგრელოს ერის სახელით ხელმწიფე იმპერატორს ალექსანდრე I-ს ისე, როგორც ოთხის წლის წინად იმავე იმპერატორს მიერთვა საქართველოს მეფის ჩამომავალთაგან წმინდა ნინოს ჯვარი<sup>3</sup>. ალექსანდრე პირველმა ეს ხატი ძვირფასად შეამკო და დაუბრუნა სამეგრელოს ერს.

სამეგრელოს დეპუტაციის წევრი ნიკო დადიანი, აი რა გვარად აგვიწერს თუ როგორ მიერთვა ვლადიმერის ღვთისმშობლის ხატი ალექსანდრე ხელმწიფეს.

„მივედით ქალაქს სანკტო-პეტერბურგს, შეგვიწყნარეს და მიგვიღეს სამაგალითოთა პატივითა, რომლისა აღწერა დიდსადამე განგრძელდების და შემდგომად რამოდენისამე ხანისა ინება და ღირსი ვიქმენით ხილვად და თაყვანისცემად მისის იმპერატორებითის დიდებულების მოწყალისა და დიდისა

---

<sup>1</sup> იხილეთ პლ. იოსელიანის „Древ. памят. Тифлиса“, გვ. 17.

<sup>2</sup> „ქართლის-ცხოვრება“ ნაწილი მეორე, გამოც. ჩუბინა-შვილისა გვ. 209.

<sup>3</sup> იხილეთ საბინინის წიგნი.



ხელწიფისა აღექსანდრეს პავლეს ძისა და ყოველ-  
 თა მისთა ფამილიათა და შემდგომად ხილვისა წა-  
 რუგზავენეთ იოანე დეკანოზის ხელით, რომელიცა  
 გვქონდა ძღვნად წარღებული ჩვენის მთავრინის ნი-  
 ნა დედოფლისაგან ხატი ვლაქარან ღვთის მშობლი-  
 სა და მიართვა რა, მიიღო შესაბამითა პატივითა  
 და დაასვენა თვისის სახლის ეკლესიასა შინა დი-  
 დის ცერემონიითა: ჩვენ ვიყავით სანკტპეტერბურგსა  
 შინა გამოუთქმელითა ცხოვრებითა ერთსა წელსა  
 და შემდგომად გამოგვისტუმრეს დიდის პატივით ყო-  
 ველითურთ კმაყოფილნი, ყოველივე თხოვნა მთავრი-  
 რისა ჩვენისა ინება მიცემა იმპერატორებითის დი-  
 დებულებამ და ბრძანა აღსრულება: წარმოეგზავნა  
 წყალობად ესენი: შეამკო უძვირფასესად ხატი ვლა-  
 ქარანისა ღვთისმშობლისა და წარეგზავნა კვალად  
 სახლსა შინა დადიანისასა, რათა მუნ განისვენოს წი-  
 ნდად ჩემის საფარველის დიდებისა და თქვენის ჩემ  
 ერთგულებისა; მასთან წარმოატანა ყოვლითურთ  
 დაუკლებელი ერთი ხელი შესამოსელი სამღვდელო  
 და სამთავრო, შესაბამი მისისა ბოძებისა: ბრძანა აშე-  
 ნება ეკლესიისა სახელსა ზედა ვლაქერან ღვთისმშო-  
 ბლისასა სამეგრელოსა შინა ხარჯითა მისის იმპერა-  
 ტორებითის დიდებულებისათა და იქმნეს მუნ ქა-  
 ლაქი და ეწოდებოდეს სახელად ქალაქსა მას გრი-  
 გოლიოპოლი სახსოვრად განსვენებულისა გრიგოლი  
 დადიანისა“.

უფრო გვიან, შემდეგ მთავრის დავითის გარდაცვა-  
 ლებისა დედოფალმა ეკატერინემ კვალად შეამკო რა ხა-  
 ტი მისცა შემდეგი წარწერაც:

„ღღეს მას ოღესცა კეთილდღეობით განიგე-  
ბოდა დიდი სახელმწიფო ყოვლისა რუსეთისა თვით-  
მპყრობელობათა პართლმორწმუნისა იმპერატო-  
რისა ალექსანდრე მეორისათა და ოღესცა მეშურ-  
ნენი დიდებულებისა მისის სახელმწიფოსანი მეფენი  
დასავლეთისანი ქრისტეს ჯვარის მოსავად სახელის  
მღებელნი თავისა თვისისანი თანა შეიკრბენ მოწა-  
ფისა თანა ცრუ წინასწარმეტყველის მახჰმადისა  
ხონთქრისათანა ოსმალთასა კავშირთასა მამობი-  
სათა საენებლად მართლმადიდებლობისა და მაშინ  
ქვეყანაზეცა ჩვენსა განიცდებოდა პირად-პირადთა  
ზედა ამოსვლათაგან. ჰოი, ყოვლად უწმინდესო, დე-  
დაო ღვთისაო, მე მინდობილმან მთარველობასა შე-  
ნისადმი სამეგრელოს მმართველა მთავრინა ეკატე-  
რინა დადიანმან, ასულმან კახეთის თავადის ლენე-  
რალ ლეიტენანტის ალექსანდრე ჭავჭავაძისამან შენ-  
დობისა შ'დ ყ'დ პატიოსნისა ვლადიმერის ხატისა  
შენისა, რომელ და შორის მისსა ნაწილისა წ'ის შე-  
ნის სარტყლისა ძველიდგანვე აქვნდა სახლსა დადიან-  
თასა უღელვოდ ნავთსაყუდელად განსაცდელთა  
შინა, და რომლიცა ჩყვ-სა წელსა შინა, ოღესცა  
სამეგრელო იქმნა მიძღვნილი მენგრელიის მმართვე-  
ლა მთავრინა ნინასაგან, ასულისა საქართველოს  
მეფის გიორგი მეათცამეტისა, ხელმწიფე იმპერა-  
ტორის ალექსანდრე პირველისადმი, გარნა მათმან  
დიდებულმან სათნო ჰყო სახელითა თვისითანვე  
წარმოგზავნა მისვე ნინასადმი მისაქცევად სახლადვე  
დადიანთა ა'დ უმწყალესთასა რესკრიპტთა ლ'ა-ს  
მაისისა მასვე ჩყვ-ს წელსა, რომელსა შინა თქმულ  
არიან შემდგომნი ძვირფასნი სიტყვანი: „იყავნი იგი

ორკერძოვე წინდად და მოწამედ სამარადისოიდასა ჩემდამო თქვენისა ერთგულებისა და ჩემისა განუ-  
შორებელისა თქვენდა მფარველობისა და მიერთგან  
განგრძობასა შინა ერგასთა წელთასა შენითა მეო-  
ხებითა იქმნა დაცულ სახლი სამთავრო დადიანთა  
და სრულიადცა სამეგრელო უშფოთველად ამათმან  
მომხსენებელმან და ძალისაებრთა მადლობათა შე-  
მომწირველმან გიგულსმოდგინე მორთმევა შენდა  
კიდობნისა ამის, რომელშორის ეგებოდეს რა ყდ  
პატიოსანი ხატი შენი წმიდით სარტყლითურთ შე-  
ნით იყავნ იგი ვანმაძლიერებლად მართლმადიდე-  
ბლობასა, აღსამაღლებლად დიდის ჩვენის ხელმწი-  
ფისა სახლისა, წარსამართებლად ძისა ჩემისა ცხრა-  
წლოვანისა მემკვიდრეობით სამეგრელოს მთავრის  
და რუსეთის ხელმწიფის გვარდიის პორუჩიკის ნი-  
კოლოზ დავითის ძის დადიანისა და ყოვლისა სა-  
მეგრელოისა მთავრის სახლისა საოხად ღვთისადმი  
შესვენებულის მეუღლის ჩემის მენგრელოის მთავრის  
და რუსეთის ღენერალ მაიორის და კავალერის და-  
ვით ლეონის-ძის დადიანისა წელსა განხორციელე-  
ბითგან სიტყვისა ღვთისა ჩუნვ-სა იანვრის დ-სა სა-  
ზაფხულოსა სასახლესა შინა გორჯს“.

„Сия киота делана в Москве 1857 году на фабрике  
двора Его Имп. Вел. фабр. церковной утвари Ни-  
колая Даниловича Полтавцева“<sup>1</sup>.

<sup>1</sup> სახატე ესე გაკეთებულია მოსკოვში 1857 წელს მისის იმ-  
პერატორებითის უდიდებულესობის სასახლის ფაბრიკაში საეკლესიო  
სამკაულის მკეთებელის ნიკოლოზ დანიელის-ძის პოლტავცევის მიერ.

\* \* \*

„მთავარს ორმოც და ათზე მეტი სასახლე აქვს, რომელთა შორის უმშვენიერესია ზუგდიდის სასახლე, იგი აგებულია საუცხოვო ქვისაგან და შესანიშნავია, როგორც სიდიდე-სივრცით, ისე ფანჯრების, აივნების და სპარსულის მხატვრობის მშვენიერებით. შემდეგ მთავრისა, ყველა დიდებული მეტ-ნაკლებ, რამდენიმე სასახლე აქვთ და ერთიდან მეორეში გადადიან“<sup>1</sup>.

**ზუგდიდის სასახლე.** სად რა ადგილას იყო ძველად ძველი ზუგდიდის სასახლე მე ვერ მიმიკვლევია. უცხველია, იქ, საცა ახლა ამართულია ეკატერინე დედოფლის სასახლე, რაისის პლანით განახლებული.

მთავარი კორპუსი ამ სასახლისა არის დაფუძნებული თაღებზე, რომლის ქვეშ დავით დადიანის დროს ღვინის სარდაფი იყო მოთავსებული. ამ თაღებზე იდგა ქვა-აგურის სახლი, რომელშიაც ცხოვრობდა მთავრის და პუპი და რომელსაც ამის გამო პუპის სახლად უწოდებდნენ. შემდეგ პუპის გათხოვებისა ამ სახლში დავით დადიანმა დროებითი სახელოსნო მოაწყო, საცა მზადდებოდა პარკეტები ახალის სასახლისათვის. დავით დადიანის გარდაცვალების შემდეგ ეს სახლი დიდხანს იყო მიყრუებული, სანამ ეკატერინე დედოფალმა არ განაახლა ის და არ აღაშენა ზუგდიდის ეხლამდელი მთავარი სასახლე თვისის ფლიგელებით, ფრონტონით და ლამაზის ჩუქურთმებით შემკობილი მოაჯირ-აივნებით ჩრდილოეთის მხარეს.

პუპის სახლის მოშორებით იდგა დავით დადიანის დროებითი სამყოფი სახლი, რომელიც დაიწვა 1836 წელს ერთს წერილში გრიგოლ დადიანთან, 13 იანვარს 1836

<sup>1</sup> სამეგრელოს აღწერა არქანჯელო ლამბერტისა, თარგმანი ლ. ჭყონიასი, გვერდი 39.

წელს, დავით დადიანი სწერს თავის ძმას: „წარსულს წელს, 17 დეკემბერს, მწუთრი სასახლე ჩემი ყოვლითავე ავეჯეულობით დაიწვა. ყოველი ესე დაგვაფიწყა უსასტიკესმან სენკვეთებამან დისა ჩვენისა ნინოსამან, რომელსაცა ეცა ელდა როს იგი აღტყინებასა აღმურისასა უვიცთა მიერ ზახილი იწარმოვა ვითარმედ დავითს ცეცხლი მოეკიდაო“... და მერე განაგრძობს მეგრულს ენაზე: „მუთუნი ვაპჭუ, მარა ოკო ვთქუათ ბრელქ დუმაჭუშო. მუ მენარღებუნა, ვართი ყუდე ორდ მუთუნი, თაში თქვიი, ნამუდა ჯვეში-ჯვეში დიდებაქ დო ხეშნაჭარა წინგეფქ აჭუშო“<sup>1</sup>.

ამ სასახლის სამაგიერო სახლი თითონ დავითმა ააშენა მისგანვე გაშენებულის ზუგდიდის ბაღის ნაპირას, იმ ადგილის მახლობლად, საცა დღეს აგებულია სამეგრელოს თავადის ნიკოს საკუთარი სასახლე.

„ვიწყე ჟკვე შენებათათვის სასახლეთა მზადება ყოველთა გვართა მასალათა და შეწეგნითა ღვთისათა, თუ სადამე ვიმელონე გაისს მომზადება სრულიად. მერმისს ვიწყებ შენებასა ნამდვილ სამთავრო სასახლისასა“ — სწერდა მთავარი მის ძმას გრიგოლ დადიანს ერთს უთარილო წერილში, რომელიც უნდა ეკუთვნოდეს 1837 ან 1838 წელს.

ეს ნამდვილი სამთავრო სახლი მალე აიშენა დავით დადიანმა. როგორც მიაშობ მერაბ გრიგოლიამ, სახლი იყო ორსართულიანი და შეიცავდა 28 ოთახს. შუაგული სახლისა იყო აგებული ქვისაგან, მაგრამ, როცა სახლი ააგეს და ის საკმაო არ გამოდგა, იმას მიაშენეს წაბლის ბალკებით აყვანილი ოთახები. ეს სახლი რომ მოე-

<sup>1</sup> „არაფერი დამწვია, მაგრამ მაინც ასე ვთქვათ: ვითომ ბევრი რამ დაგვეწვა, რა გვენადვლება, არც სახლი წარმოადგენდა მაინც და მაინც დიდ რაიმეს. ასე თქვი რომ ძველი დიდება და ხელნაწერი წიგნები დაეწვა-თქო“.

წყობილი კარგად ისე, როგორც ეკადრებოდა მთავრის სასახლეს, დავით დადიანმა სთხოვა მთავარ-მართველს ვარანცოვს, ნება გამოეთხოვა მისთვის ხელმწიფისაგან საზღვარგარეთილად მოეტანინებია სახლის საჭირო მოწყობილობა უბაჟოდ და როგორცა სჩანს შჩერბინინის წერილიდან,<sup>1</sup> ხელმწიფე იმპერატორმა ნება მისცა მთავარს მოეტანინებია ბაჟგადუხდელად ყულევის ტაშოქინით სასახლის მოწყობილობა 25 ათას მანეთად შეფასებული. სამწუხაროდ, ამ სასახლესაც ის ბედი ეწია, რაც წინა სასახლეს. ომ არცაა დაშამ ზუგდიდი რომ აიღო 1855 წელს, ამ სასახლეში დაჭრილები და ავადმყოფები დააყენა, მაგრამ როცა გრიგოლ დადიანმა ზუგდიდი დაიბრუნა, ის კანდერცა დაშამ სასახლეს ცეცხლი წაუკიდა და დასწვა (1856 წელს). დამწვარი სასახლე ხელ-ახლა განაახლა დიმიტრი ყიფიანმა და შიგ სამეგრელოს მმართველი ჭილიაევი<sup>2</sup> დააყენა, მაგრამ ამ განახლებულ სასახლესაც ის ბედი ეწია, რაც წინა სასახლეს, ცეცხლმა ესეც განადგურა, რის შემდეგ სასახლე არ განუახლებიათ და მისი ნაშთი მასალები მოახმარეს სამეგრელოს თავადის ნიკოს ახალ სასახლეს.

ამ სასახლის მახლობლად, ბალის ყურეში პრინცესა სალომეს ეზოს გვერდით იდგა ოცდა-ოთხ ოთახიანი წაბლის ფიცრული, რომელშიაც ცხოვრობდნენ სასახლის მოსამსახურენი.

სასახლის პირდაპირ, ცაცხვის ქვეშ, იდგა ქვა-ტახტი, რომელზედაც სამეგრელოს მთავრები დასხდებოდნენ, როცა სამართალს აჩენდნენ<sup>3</sup>.

<sup>1</sup> წერილი 19 იანვ. 1853 წ. № 365, ნახე, Дело канцел. влад. Мингр, № 272/42.

<sup>2</sup> ჭილაშვილი.

<sup>3</sup> აღნიშნული ქვა-ტახტი დღემდე დაცულია უვნებლად.

სასახლის ცოტა მოშორებით, ორანჟერეიას გადაღმა, მთავარმა ააშენა სასტუმრო სახლი, რომელიც აწერილი აქვს თავის მოგზაურობაში საქართველოს მეისტორიეს, მარი ბროსსეს. ეს სახლი იყო ორ-სართულიანი, ჯვარედინად აგებული. ქვედა სართულში, რომელიც ქვისაგან იყო გაშენებული, თავსდებოდა მრავალი ოთახი—სტუმრების მისაღებად დანიშნული. ზედა-სართულში იყო la salle de banquets, სასტუმრო, სალხინო ზალა. ამ ზალას, რომელშიაც იყო მოწვეული ბროსსე აღდგომის ღამეს 1848-ს წელს, ის ასწერს ამ გვარად: „ზედა სართულიც ჯვარის მსგავსად არის აგებული ფიჯირისაგან. ერთს ლამაზს კიბეს, რომელიც ასცილდება თუ არა მიწას, მალე იყოფა ორად, აყავს კაცი ზედა ზალაში. ზალის შუაგულ ადგილას არის გაშლილი ჯვარისავე მსგავსად სუფრა, 32 კაცის დასატევი. ეს სუფრა არის გამზადებული მთავრის ოჯახისა და დარბაზის ერისათვის; ზალის ზედაპირი გამშვენებულია კოლოფის მსგავსად გამოწეულის და ჩუქურთმებით გამშვენებულის შავად და ყვითლად შეღებილის ხის ჭერით, რომელზედაც ჰკიდია ხის ჯაჭვი კანდელისთვის გამზადებული. ოთხსავე მხარეს კედლის გაყოლებაზე არის მიდგმული სკამები, რომელზედაც ეტევა სამასზე მეტი კაცი და როცა მაგიდებს მოუმატებენ 500 კაციც. თითოეულ ზალას აქვს მსგავსადვე გამშვენებული ჭერი და სკულპტურა. სახლის გარშემო გაშლილი აივნები გამშვენებულია სვეტებ შუა გაყოლებულის ხისაგან ხელოვნურად ნაქარგით. მეტადრე კარგი სანახავია ეს აივანი შორიღამ, როცა არის განათებული ღამის სიბნელეში. შენობის ხელოვნება თათრულია, რომელსაც სჭარბობს ზემოდამ ვიწროდ შეჭრილი აღმოსავლეთის არკები“<sup>1</sup>.

<sup>1</sup> Voyage archéologique I livraison, VII rapports, 54 83.

ზუგდიდის მთავარი სასახლის მარჯვენა მხარეს, ფერდის გაყოლებაზე, იყვნენ გამწკრივებულნი: მთავრის ძმის გრიგოლ დადიანის სასახლე, მანუჩას, მისი გამზრდელის ბატონიშვილის ნაშენი, წალენჯიხის მხრიდან მოტანილი ზუგდიდს, უზენაესი სასამართლო, მთავრის სასტუმრო სახლი, მაზრის სამდივანბეგო, კაცია ჩიჩუას სასახლე, მთავრის სალოარო და მაღალი სამ-სართულიანი ციხე, შეიარაღებული ზარბაზნებითა და ჯაზვირებით, საიდანაც ყოველ დიდ დღესასწაულზე ციხის უფროსი შენგელაია ისროდა ზარბაზნებს<sup>1</sup>.


სასახლის გვერდით დავით დადიანმა გააშენა მშვენიერი ბაღი. (ამის გამშენებელი იყო ტრიესტიდამ მოწვეული მებაღე ბ. ჟოზეფი გვარად ბაბინი<sup>2</sup>.)

ბაღში იყო დარგული იშვიათი ხეები, მაშინ ჯერ ჩვენში უცნობი: მაგნოლია, ტიულპანი, ბეგონია, მიმოზა, პრობკის ხე, კვიპაროსი, კრიპტომერია, ლაგუსტრემია, სხვა და სხვა ტუიები. ჟოზეფის პლანით გაშენდა ბაღში მშვენიერი ქვის ორანჟერეია, რომელსაც პირი სასახლისაკენ ქონდა მიქცეული და დაინერგა ხეების ლაბირინტი. შემდეგ გაკეთდა ვრცელი აუზი, რომელსაც ასაზრდოვებდა მდ. ჩხოუშიდამ გამოყვანილი არხი. ჩრდილოეთისაკენ ამ აუზის შუა გულში ბაღიდან შედიოდა ალღეია და იქ ამალღებულს ადგილზე იყო გაშენებული მუნვე დანერგულის ხეებისაგან შემდგარი ფანჩატური, რომელშიაც საღამ-საღამოობით სასეირნოდ გამოდიოდა მთავრის ოჯახობა. აქედამ უყურებდნენ ნავით მიმოსვლას აუზში და გედების ცურვას ან ცოცხალ-ცოცხალი თევზების ჭერას სასროლის ბადით.

<sup>1</sup> შენგელაია ზურაბი, პაპა ჩვენი ბელეტრისტის ლეო ქიაჩელისა.—ს. ც.

<sup>2</sup> Дело канц. влад. Мингрелии, №—602/1847.





სამეგრელოს მთავრის (დედოფლისეული) სასახლე ზუგდიდში.

სამხრეთის მხრით იმ ადგილზე, საცა აუზიდან გამოდის წყალი, იდგა თლილის ქვისაგან აყვანილი საყაფე, აქ მთავარი და მისი ოჯახობა წვეულებით მიერთმეგდნენ ყავას.

აუზის მახლობლად იყო მაღალის მესრებით შეკეთებული ადგილი, საცა იყო დამწყვდეული 30 ირემი. ეს ირემები დიდ-ხანს იყვნენ აქ სანამ, ერთმა მათგანმა ვილაც კედია არ მოკლა; ამის შემდეგ მთავარმა წააყვანია ირემები ეწერს, საცა შემოაღობინა მათთვის ორასი ქცევა ტყე-ველი. ამის ღობვაში, როგორც ამბობენ 1500 კაცი ტრიალებდა. ბაღში განუწყვეტლად 60 კაცი მუშაობდა, უმეტეს ნაწილად ლენტეხლები. დავითი მუდამ დღე მოდიოდა მათთან და მუშაობას თვალყურს ადევნებდა. სადილს, რომ მოუტანდნენ მუშებს, ესენი ჭამას ისე ვერ დაიწყებდნენ სანამ მთავარი არ წააკითხებდა მათთვის „მამაო-ჩვენოს“, დაისწავლიანო, იტყოდა.

ბაღის ყურეში, პრინცესა მიურატის ეზოს მახლობლად, იმ ადგილას, საცა იწყება დიდი ალღეია, ბაღს ამშვენებდა მშვენიერი თუჯის კარები, სტამბოლიდამ მოტანილი.

**გორდის სასახლე.** ეს სასახლე ალექსანდრე ჭავჭავაძის რჩევით იყო აშენებული არსიტექტორის ვასილიევის პლანით. ძველად, და ლევანის დროსაც აქ უბრალო ოდა იდგა და მთავრები ამოდიოდნენ სანადიროდ. იმ ადგილას, საცა ეხლა სასახლეა აშენებული, ალექსანდრე ჭავჭავაძის თანდასწრებით გადახდილ იქმნა პარაკლისი და საფუძველი დაედვა სასახლეს 1841 წელს. ამ სასახლეში ატარებდა ზაფხულს თავადი სამეგრელოისა ნიკოლოზ. ამ სასახლეში გარდაიცვალნენ: დედოფალი მართა, დადიანი დავით და დედოფალი ეკატერინე.

სამეგრელოს თავადის მემკვიდრემ ნიკო ნიკო-ლოზის ძემ ამ სასახლეს სულ ჩხირი მიატეხა.

**მურის სასახლე.** ეს სასახლე ვრცელი შენობა იყო. მურის ციხის დაშვებაზე ცხენის წყლის პირად, სასახლეს ისეთი დიდი აივანი თურმე ქონდა, რომ ორას კაცზე მეტი სადილად დაჯდებოდა, ერთი თავი ამ აივნისა აწეული იყო, საცა დაიდგმოდა სუფრა მთავრისა და დედოფლისა და რჩეულთა თავად-აზნაურთა. მთავარმა გრიგოლ დადიანმა<sup>1</sup> ჯვარი რომ დაიწერა, ლხინი ამ სასახლეში გადაიხადა. ამ ქორწილზე ამბობენ: სტუმრებისათვის საგანგებოდ აშენებული სეფა ლავაშით იყო გარდახურულიო.

**სალხინოს სასახლე.** ლევან დადიანამდის სალხინოში სამეგრელოს მთავრებს უბრალო ხის ოდა ედგათ.

როცა კაცია დადიანის სიკედილის შემდეგ სამეგრელოს მთავრობას ედავებოდნენ ერთმანეთს გრიგოლ დადიანი და მანუჩარი, ეს უკანასკნელი, როგორც სალიპარტიანოს ბატონი, სალხინოს იჯდა. ანა დედოფალი, კაცია დადიანის ქვრივი, სწერდა კავკასიის მთავარ-მართებელს, თავ. ციციანოვს სალხინოდამ: სალიპარტიანოს ნუ ჩამოართმევ ჩემ შვილს მანუჩარსო<sup>2</sup>. თითონ მანუჩარი სწერდა მასვე: სალიპარტიანო მამა ჩემმა მე მიბოძა; ჩემ ძმას თუ სამთავროს აძლევთ, მე ამას მაინც ნუ ჩამომართმევენო.

მთავარს ლევან დადიანს არჩილ ბატონიშვილმა და გიორგი გეგელიამ ურჩიეს სალხინოში ფიცრულის ნაცვლად ორ-სართულიანი ქვის სასახლე გაეკეთებინა და მთავარმაც ააშენა ეხლამდელი სასახლე, რომელიც მხოლოდ

<sup>1</sup> დავითის პაპამ.—ს. ც.

<sup>2</sup> წერილი 18 იანვარს, 1805 წ.

ჩვენს დღეებში მისმა შვილის-შვილმა პრინცესა სალომე მიურატმა მოათავა მას შემდეგ, რაც შემდეგ დედა მისი ეკატერინე დედოფლის გარდაცვალებისა (1882) სალიპარტიანო ერგო იმას წილად მემკვიდრეობით. სასახლის მდებარეობა იმ ადგილს ახლო, საცა არის სამშობლო „ოჯალეშისა“ (სასახლიდამ ორ ვერსტზე) მდინარის წაჩხურის ნაპირად, რომელიც იყო და არის განთქმული შესანიშნავის წაჩხურის კალმახებით და თითონ პლანი სასახლისა, რომლის ქვედა-სართულის შუა-გულ ზალაში არის ჩატნეული უზარ-მაზარი ქვევრო, რომლას გარეშე შიგ ზალაში გაკეთებულია სალხინოდ განმზადებული მუხის სვეტებზე აყვანილი ფანჩატური ლამაზად მოქარგულის თალით, სრულად ამართლებენ სასახლის წოდებას „სალხინოს“ და მოწმობენ, რომ ამგვარი სასახლის აშენების აზრი ამ ადგილზე, სწორედ უნდა მოსვლოდა ისეთს მთავარს, როგორც იყო ლევან დადიანი, რომელსაც მთელი მისი სიცოცხლე ლხინში და სიმღერაში გაუტარებია.

90 წლის მოხუცმა ივა ხურცილავამ მიაშო სალხინოს აშენების შესახებ: სასახლეს აშენებდნენ თათრები და ბერძნები. ასი უღელი კამეჩი და ასი უღელი ხარი გვება მარხილებზე (ურმები მაშინ არ იყო) და სახლის საშენებელი მასალა ლეცავედამ დაგეჟონდა. ლამ-ლამე ხარ-კამეჩებს ბეჭვაიებს ვაბარებდით.

სასახლის უფროსი — კამენდანტი იყო ბეჟან დგებუაძე, რომელსაც სადგომი სასახლის ეზოშივე ქონდა. რომ გაჭირდა სახლის აშენება, მთავარი სწყევლიდა იმით, ვინც ურჩიეს მისი აგება.

სასახლის აშენების დროს მოკვდა უფროსი ოსტატი თათარი ოსმანი, რომელიც იქვე სალხინოს ეზოში დამარხეს.

სასახლის უფროსი ხელოსანი ლევანის დროს იყო  
ბოშია ბასილაია.

ქეშიკები: სვანები: გახოლა და გახო.

მებაღე—ანასტა ბერძენი, რომელიც ლაშხიას  
ჩამოესიდა. სალხინოს ხეები ამის დროს არის დარგული.

წაჩხურის კალმახს იჭერდნენ სასახლისათვის ხულორ-  
დავები და ლაშხიები.

ამჟამად სალხინოს სასახლე არის ერთად-ერთი  
ლევან დადიანისაგან აშენებული სასახლე, რომელშიაც  
აღმაშენებელის ჩამომავლობა დგას. მხოლოდ დრონი  
იცვალნენ და ლხინის სასახლე შეიქმნა დღეს შრომის სა-  
სახლედ, ცენტრად სალიპარტიანოს მეურნეობისა და მრე-  
წველობისა. ლევან დადიანისეული ლხინი აქ მხოლოდ ერთ-  
ხელ გაიმართა, მაშინ როცა პრინციმა ლუციანე მიურატმა  
ჯვარი დაიწერა მარიამ როჰანის ასულზე.

სასახლის გვერდით არის აშენებული ეკლესია,  
აგებული მთავრის კაცია II დადიანისაგან 1782 წ. ეკლესი-  
ის ერთსა და ერთს სვეტზე ამოჭრილია მისის ბრძანებით  
შემდეგი წარწერა:

ქრისტეს დედავ,  
მცირე წვლილს ვბედავ  
შენს სახლად იძღვენ ეს ეკლესია,  
შენ მიერს შენდა  
გძღვნობ ვით შეგშვენდა,  
ჩემზე მხედველ ყავ ჩემი მესია,  
მე დადიანმან  
შენგან მოსაგმან  
კაციამ გიგე სახლი ესია  
და მეუღლით და ძით  
მნათობდა მბაძით  
მრჩობლ სუფევა გვეც უმჯობესია.

ეკლესიას გარედამ სპონდიოს ქვა აქვს შემოვლებული. ეს ქვა, როგორც მითხრეს, აბაშის წყალ-ვარდნილიდამ არის მოტანილი. ლევან დადიანის დროს ამ ეკლესიას წინიდან სამრეკლო მიაშენეს.

## VII

სასახლის წყობილება, აღდგომის ღმერთის დასახლის გადახდა

დავით დადიანს თავის სასახლეში უნდოდა შემოელო ევროპული წესები, ის წესები, რომელიც უნახავს თბილისში და პეტერბურგში.

მოუხსენებლად ვერავინ შევიდოდა მასთან.

მოუწვევლად ვერავინ დაჯდებოდა მის სუფრაზე, თვით მახლობელნიცა.

მთავრად ყოფნის დროს სადილზე იწვევდა ის: მდივანბეგებს, მაზრის უფროსებს და ხანშესულ თავად-აზნაურებს.

ხანდახან კი სასახლის ერს თავის მთავრობას აგრძობინებდა.

თავადმა გრიგოლ გურიელმა მიამბო: ერთხელ გიორგი ჩიჩუა და მე მივედით ერთად სასახლეში. სადილობის დროს მთავარმა თავის სუფრაზე მე მიმიწვია და გიორგი ჩიჩუა არა. მე ეს გამიკვირდა, რადგანაც ვიცოდი, რომ გიორგი ჩიჩუა პირველი თავადიშვილი იყო სამეგრელოში და ჩემი გაკვირება მთავარს გაუუზიარე.

—შენ რა გენაღვლებათ, მიბრძანა მთავარმა.

ამ დღეს, დასძინა გურიელმა, ივანე ჩიქვანიც სასახლეში იყო და იმასაც ცალკე სუფრა დაუდგენსო.

სასახლეში მთავარს საკუთარი მხლებლები—კანვოი—რიგის კაცები ყავდა, დამბაჩით და ლეკურით შეიარა-

ლებული. ამათი უფროსი იყო თავ. გრიგოლ ტარიელისძე და დიანი. სალამოს მოხსენდებოდა ამას მეორედღეს ვინ უნდა ყოფილიყო სასახლეში „დეჟურნად“ და იმას წინა-სალამოს შეატყობინებდენ, რომ მეორედღელს ალიონზე სასახლეში ყოფილიყო. რიგის კაცები იყვნენ: პეტრე მხეიძე, გიორგი გელოვანი, თეიმურაზ ახვლედიანი, ხოსია ჩიქვანი, არჩილ ფალავა, დუტუ ბატონიშვილი, გრიგოლ დგებუაძე, ვახუ ფალავა, სოლომონ ფალავა. „დეჟურნები“ გაჩერებული იყვნენ სასახლის ზალაში, ან აივანზე. თუ ვინმე მთხოვნელი მოვიდოდა, ესენი დაუხვდებოდნენ, თხოვნას ჩამოართმევდენ და ბატონს მიაართმევდნენ. თუ სადმე მთავარი წაბრძანდებოდა, ესენი თან ახლდნენ ცხენით, თუ ფეხით.

კავკასიის აქეთა მხრის მმართველობის მეისტორიე ბ. ივანენკო წერს:

„ზუგდიდში გაშენდა სასახლე და მშენიერი ტროპიკული ბაღი. სამხარეულოს განაგებს chef de cuisine შვეიცარიელთაგანი. მთავრის კარზე იმყოფება ზედმიწევნით გაწრთვნილი, ზრდილობიანი, მარდი, თვალტანადობით მოხდენილი ახალგაზრდობა სამეგრელოს თავადთაგან, რომელნიც რუსულად ლაპარაკობენ. ისინი მორიგეობენ და მოახსენებენ მთავარს სტუმრებისა და მთხოვნელების შესახებ, გადაცემენ ბრძანებას და ყველგან ახლავენ მთავარსა და დედოფალს, როგორც ბრწყინვალე ამაღა“.<sup>1</sup>

დავით დადიანის სასახლის ამაღაში, როგორც ძველად, გამოუღვევლნი იყვნენ ხუმარანი.

პირველი ადგილი ამათში ეჭირა ერთს ჯუჯას, რომელსაც ივან იაკოვლევიჩს ეძახდნენ. ეს კაცი რომელიღაც

<sup>1</sup> ნახე ივანენკოს თხზულება, Гражд. управление Закавказьем გვ. 487.



ექსარხოსს ჩამოეყვანა თბილისში სარატოვიდამ და ექსარ-  
ხოსისათვის დავით დადიანს გამოერთმია. 35 წლის  
კაცი, ტანით პატარა, იმ ზომამდის პატარა, რომ როდესაც  
უნაგირზე შესვამდნენ იმას უზანგის სიგრძე 5—6 ვერშოკზე  
უნდა დაეყენებია. მარტველი ივანე იაკოვლევიჩი სულ  
ბაღსა და ვარსკვლავებზე იჯდა, როცა მუსაიფში  
გაერქოდა და დასწავლობდა, როგორც ხანში შესული  
კაცი. ივანე იაკოვლევიჩი მუდამ მთავრის ოჯახში იყო,  
მთავრის სუფრაზე იჯდა, მთავრის მიღების და ცერემონ-  
იების მონაწილე იყო.

ხუმარა ივანე ტარიელის-ძე ქართველთაგანი, ხუმარა  
ხერგიანი — სვანი, სულ მუდამ ართობდნენ დარბაზის ერს.

ხშირი სტუმარი იყვნენ სასახლეში: ხუმარა ნიკო  
ჩარკვიანი, ხუმარა გლახუა მიქელაძე.

უკანასკნელის მოსწრებულ სიტყვად გამიგონია:

მარტვილს მიბრძანდებოდა აფხაზეთის მთავარი—  
მიხეილ შარვაშიძე. ქყონდიდელმა იმის შესაგებებლად  
გაგზავნა რამდენიმე წარჩინებული პირები და მათ შორის  
გლახუა მიქელაძე, რომელიც თურმე ვერ იჯდა კარგს  
ცხენ-უნაგირზე.

— გლახუა, ამისთანა კარგი უნაგირი სად გიშოვია?  
— კითხა დაცინვით მთავარმა მიქელაძეს.

— ბატონო, ბაბუა თქვენი რუხის ომიდამ გაქცეული  
რომ მირბოდა მეფე სოლომონი ამ უნაგირზე იჯდა და ისე  
მისდევდაო, უპასუხა გლახუამ.

სასახლის მოსამსახურეთ-უხუცესი იყო თავ. ივანე  
ჩიქვიანი. იმის ხელქვეით იყვნენ:

უფროსი მოლარე ბეჟუკი დევდარიანი,  
უფროსი მეღვინე ბერუკელა კუხალეიშვილი,  
მეზაღე ავსტრიელი ჟოზეფი.

მზარეული ფრანცუზი სოლომონი.

— ჩემი მზარეული როგორ მოგწონს, კითხა ერთხელ მთავარმა მსაჯულთ-უხუცესს როსთო ჩიქვანს. დახე რა რბილი ხორცია, თითონ აღნება კბილზე.

— სწორედ იმიტომაც მგონია, ბატონო მთავარო, რომ თქვენი მზარეული ყარსი დამ უნდა იყოს მოსულლო, უპასუხა ჩიქვანმა.

უფროსი ქეშიკი—ჩაგუნავა.

ერთი, დავითის წერილი, მიწერილი გრიგოლ დადიანთან მემკვიდრეობის დროს, იხსენიებს თავქეშიკად ამ ჩაგუნავას. „ჩაგუნავა მომიკვდა უეცრად, ძალიან დამაკლდა საწყალი და ძალიანაც ვწუხვარ მის სიკვდილს, შენ ნუ მომიკვდე, ჩინებული მცველი იყო და ვაპირებდი ოცდაოთხ კაცს მის ხელთ ქვეშ ქეშიკებად დაზდას, ის უცხოოდ დაზდიდა, ამ გვარობაშიდ ჩინებული იყო“—სწერს მემკვიდრე თავის ძმას.<sup>1</sup>

მოსამსახურეების და საზოგადოდ დარბაზის ერის კეთილ-ზნეობას დავით დადიანი დიდს ყურადღებას აქცევდა.

ერთხელ, აღდგომის წინაღღეს, დავითმა თვალი მოკრა, რომ ერთი ვიღაც ჯგუშია ძლიერ ახლო და გულს-მოდგინედ ეარშიყებოდა სასახლეში მყოფს ერთს ყმაწვილ ქალს. ეს რომ მთავარმა დაინახა, მოატანია წკნელი, გააწვინა არშიყი ყმაწვილი იატაკზე და გაროზგა. ეს შეურაცყოფა ვერ აიტანა თავმომწონე ყმაწვილმა და იმ დროს, როცა ზარის ხმა იწვევდა ხალხს გაბრწყინებულს ეკლესიაში, ჯგუშიამ დაიდვა შუბლზე დამბაჩა და თავი მოიკლა<sup>2</sup>.

<sup>1</sup> წერილი 13 იანვარი 1836 წ.

<sup>2</sup> გრ. ანჯაფარიძისაგან განაგონი 1896 წ.

მრუშობის გიებას დავით დადიანი არა შემთხვევაში არ დარიდებია.

როცა ლევან დადიანი გაასვენეს, ზუგდიდიდამ სამ-გლოვიარო პროცესიას თმა გაშლილად და ჩვეულებრივის ტირილით და მოთქმით მისდევდა დავით დადიანის მახლობლად მართა დედოფლის პირისფარეში ედემყვავილისა. „შენ მიდიხარ, ბატონო მაგრამ მე უბედურმა რა ვქნა, მე ვის მიტოვებ“, მოსთქვამდა ის და ეს მოთქმა არ თავდებოდა, „მე ვას მიტოვებ, ბატონო, მე ვის მიტოვებ ბატონო, მე ვის მიტოვებ ბატონო“, მთავარი ამაზე გაგულისდა, მიუბრუნდა იმას და თავისებური წვრილის ხმით ხმამაღლა უთხრა პასუხად: „გიორგი ჩიქვანს, გიორგი ჩიქვანს“. თურმე ედემყვავილისას სწამობდნენ გიორგი ჩიქვანთან კარგ განწყობილებას და ეს მთავარსაც სცოდნია<sup>1</sup>.

**აღდგომის დღეობა.** მეტადრე განთქმული იყო გურია-სამეგრელოში და იპერეთში დავით დადიანისაგან აღდგომის დღესასწაულის გადახდა. ყოველგნით მოდიოდნენ ამ დღისთვის ზუგდიდს: გურიელები, ერისთვეები, წერეთლები, ჭავჭავაძენი, თარხნიშვილები, დადიანები, აფხაზეთის თავად-აზნაურნი, რჩეულის მომღერლებით, მოთამაშეებით, საუკეთესო ცხენებით და მორთულ-მოკაზმულობით. ერთჯელ დღესასწაულზე მთავარმა მოიწვია ქუთაისის გენერალ-გუბერნატორი გაგარინი ცოლით და როცა სტუმრები მოახლოვდნენ ზუგდიდს თითონ მთავარი და დედოფალი მიეგებნენ წვეულებს ცხენდაცხენ. წვიმიანი დღე შეიქმნა და დედოფალს წითელი

---

<sup>1</sup> მაიკო კობახიძისაგან (მეუნარგიასი) განაგონი.

შაუდის საწვიმარი ესხაო მიაშხო თავ. კოსტანტინე ერისთავმა — რაც მაშინ მოდა იყო.

ერთის ამგვარი დღეობის დამსწრე იყო 1848 წელს საქართველოს ისტორიკოსი მარი ბროსე. აი რა გვარად ასწერს ის ამ დღესასწაულს:

„შაბათ საღამოს, 10—11 საათზე, დაიწყო ლიტურგია. დადიანი, მდიდრად ჩაცმული, თავის მეუღლით და სხვა თავადნი და მათი ოჯახობა დაესწრნენ წირვას. ეკლესია გაჭედილი იყო ხალხით. სხვათა შორის აქ ნახავდით ქრისტიანობა-მიღებულ აბხაზებს, რომელთაც ვამოიცნობდით მოპარსულის თავებით და მხრებზე გადაგდებულ თეთრი ბაშლაყებით; მეგრელებს და იმერლებს რუსულ სერთუკებში გამოწყობილებს, წითელის საყელოებით და მკერდზე ორდენებით და ქართლებს ფერად-ფერადის ტანისამოსით, ძველის ჩვეულებისამებრ წითლად შეღებილ წვერ-ულვაშებით. ეკლესია იყო ბრწყინვალედ განათებული შიგნით და გარედამ. მლოცველები იყვნენ წირვაზე კრძალვით და აყოლებდნენ ხმას ძილისპირების გალობას. რელიგიური მღუშარება მათი დაირღვა მხოლოდ მაშინ, როცა ბრწყინვალედ შემოსილმა მიტროპოლიტმა გააღებინა აღსავლის კარები და წარმოსთქვა ეს ორი სიტყვა: „ქრისტე აღსდგა“. ეს სიტყვები რომ გაისმა, შეიქნა ეკლესიაში ერთი ყოფა, მხიარულება, მილოცვა, დაუსრულებელი ამბორის ყოფა. ყველანი უახლოვდებოდნენ მთავარს და დედოფალს, რომ მიელოცნათ დღესასწაული და დაემოწმებიათ მათთვის მათი პატივი და ერთგულება, ყველას ეტყობოდა პარის სახეზე და თვალეში მხიარულება... წირვა

გაგრძელდა დილის ხუთსაათამდის: არც დადიანს, არც ქალებს ერთი წამი რა არის არ შეუსვენებიათ შვიდი საათის განმავლობაში.... ნაწირვეს დადიანის სტუმრები და მათ შორის მეც მიგვიწვიეს სუფრაზე სალხინო ზალაში<sup>1</sup>.

„მთავრის სუფრიდამ რომ ავდექით გავემართენით მიტროპოლიტთან, საცა გველოდა სხვა სუფრა, ზოგიერთებს კიდევ შერჩენოდათ მადა და აქაც იგემეს საქმელი, თუმცა აქაური ჭამა-სმა უფრო საინებისა და ჭიქების რახა-რუხი იყო, მაგრამ როცა აქედამ გადავედით მთავრის ძმასთან, გრიგოლ დადიანთან და დავინახეთ სუფრა მძიმედ დატვირთული ჰომერიულის საუზმით, ჩვენ სიცილი ვერ შევიკავეთ.... სულ ყველა ამას, დილის შვიდ საათამდის მოუნდით და შვიდ საათზე კი დავიშალენით მოსასვენებლად.

„სამ საათს შემდეგ სასახლის მაიდანი აივსო ხალხით. მთავარი და მანდილოსნები გამობრძანდნენ სასახლის აივანზე და აქ იღებდნენ დღესასწაულის მილოცვას. უკანასკნელი მეგრელი არ დარჩენილა, რომ არ მოსულიყო მთავართან და დედოფალთან, არ ეამბორნა მათის ტანისამოსისათვის და არ მიერთმია მათთვის წითელი კვერცხები.

„მალე დაიწყო მაიდანზე სხვა და სხვა თამაში და შექცევა. შუაგულ მინდორში ამართეს გრძელი ოთხ-საყენიანი ჭოკა, რომელზედაც დაადეს ერთი მშვენიერი ვერცხლის თასი. ცხენოსნები ჭენებით გამოქანდებოდნენ ჭოკისკენ და რა დაუახლოვდე-

---

<sup>1</sup> ამ ზალის აღწერილობა მოთავსებულია ზუგდიდის სასახლის აღწერაში.

ბოდნენ, ესროდნენ ჯოხს, რომ თასი ძირს ჩამოეგდოთ. თუ ჯოხი ჭოკას მოხვედებოდა და იმის შეწყვეით თასი ჩამოვარდებოდა ჯერი არ იყო, ჯოხი უთუოდ უნდა თასს მოხვედროდა, რომ ამგვარად გადმოგდებული თასი მსროლელს მოეგო, წარმდგარიყო მთავართან მაღლობის მოსახსენებლად და მთავრისაგან მისი სიმარჯვის ქება მოესმინა. ამ თამაშს ეტყვიან ყაბახს. ერთი საათის, საათ-ნახევრის განმავლობაში ორმოცდა ათზე მეტმა ცხენოსანმა სინჯეს თავიანთი მკლავის სიმარჯვე, მაგრამ ამათში მხოლოდ სამმა ისახელა თავი: მალხაზ აფაქიძემ, დავით ფალავამ და ბათუ ფალავამ, რომელთაც ტაში დაუკრეს.

„სხვაგან, ბაზრის მხრით, ამართული იყო სხვა ჭოკა, რომელზედაც დადებული იყო ვერცხლის აზარტაშა. ეს აზარტაშა უნდა ჩამოეგდოთ შორილამ თოფის სროლით, ნაცვლად იმისა, რომ ზეზე მდგარიყვნენ და ისე ამოეღოთ ნიშანში აზარტაშა, ესენი ჯდებოდნენ, თოფის თავს უდებდნენ ორჯოხზე და ისე სროულობდნენ, მაგრამ რამდენიმე საათის განმავლობაში ვერც ერთმა ვერ მოახვედრა ნიშანს, მხოლოდ მეორე დღეს ჩამოაგდეს ეს აზარტაშა და ისიც იმიტომ, რომ ამ დღეს უფრო ახლოდამ დაუწყეს სროლა. ამას მოყვა ცხენების ჭენება...

„ნაშუადღევის ორ საათზე დადიანმა მიიწვია სადილად თავად-აზნაურობა იმ მშვენიერს ზალაში, სადაც გათენებისას ვიჯექით საუზმედ და ხალხი — ბალში. ვინ ჩამოთვლის რამდენი ხარი და ძროხა დაიკლა ამ დღეს და რამდენი ბოჭკა ღვინო დაილია, რომ დაეკმაყოფილებინათ შვიდის კვირის მარხვით

დამშეული წვეულები. სადილი გაგრძელდა 5 საათის განმავლობაში... დიმიტრი გურიელს მოეყვანა აქ განთქმული მომღერლები, რომელნიც ყველას დიდად მოსწონდა და რომელნიც მართლა ღირსნი იყვნენ ყურადღებისა. რა შეწყობილი სიმღერა, რა დაუღალავი ყელები, რა საკვირველი ჰარმონიული ხმა გამრდიოდა იმათის აღყვანებულის მკერდიდგან და ფარავდა ამ ვეებერთელა ლხინის ხმაურობას. უნდა ვთქვათ მეგრელთა პატივ-საცემად, რომ გარდა ხმაურობისა და სიხარულით აღტაცებისა თითოეულს ისე ზრდილობიანად ეჭირა თავი, რომ ქალები დაუბრუნებლად იღებდნენ მონაწილეობას. საერთო მხიარულებაში. (არც ზალაში, არც ბალში, არსად, არსად მე არ შემინიშნავს ერთი კაციც, რომელსაც ღვინოში დაეხრჩოს თავისი ჭკუაგონება და ღმერთმა კი იცის რა ნექტარიც რამ არის ოჯალეში.) მეტადრე ახალი, სხვა ღვინოებთან გარეული მთავარმან მოატანია ჩვენთვის 18 წლის ოჯალეში. სასმელად ცოტა მაგარი, მაგრამ კარგი, მე არ შემიძლიან არ შევადარო ის საუკეთესო ბორდოს; საქართველოში იმის მეტოქედ მე არ ვიცნობ სხვა ღვინოს, გარდა ატენის ღვინისა. მთელ დედამიწაზე იმას მართო ტოკაის ღვინო თუ სჯობია.

„მაგრამ კმარა ამაზე ლაპარაკი. მეორე დღეს ორშაბათს, იმავე ადგილს შეიკრიბნენ წინადლის წვეულები და გაიმართა ლხინი მიტროპოლიტის სახელით, მესამე დღეს წვეულება იყო სახლთ-უხუცესისა.

„ყოველ საღამოს ხალხი იკრიბებოდა მინდორზე და იმართებოდა მეგრული ნაციონალური

თამაში—ფერხული. ფერხულს იწყებენ ორი-სამი წყვილი ერთიმეორესთან მკლავებ გაყრილი ან ხელებ ჩაკიდებული რითმიული მოძრაობით—ჯერ უკან დაწევით, მერე წინ წამოწევით და სიმღერით „ო, ა, ო, გორა და შარა“<sup>1</sup>, რომელსაც იმეორებენ განუწყვეტლად. ცოტ-ცოტად დამწყებ წყვილებს ემატებიან სხვები და მალე იშლება ვეებერთელა მრგვალი წრე...

„ოთხშაბათს, 14 აპრ. ერთმა, დადიანის ძმამ გამართა ნადირობა, რომელსაც დაესწრო 200 ცხენოსანი კაცი...“

„ხუთშაბათს 15 აპრ. მე წავედი ზუგდიდიდან აბხაზეთს...“

ბროსსეს აღწერილობას აქ უნდა დავუროთო ზედ ის ორი—სამი მცირე რამ, რომელიც მე ჩამიწერია ჩემს დღიურში სხვა და სხვა პირთაგან განაგონად.

ჯერ ერთი, მთავრის ძმის გრიგოლ დადიანის ნაამბობი: „ჩემი ძმა დავით სააღდგომოდ ხალათს გასცემდაო: აღმოსავლეთის წესის მიმსგავსებით ხალათს ეტყოდნენ ჩოხას, ახალუხს, შალს, ბაშლაყს და სხვ., რომლითაც ის აჯილდოებდა მისს მეგობრებს და ერთგულებს.“

თავ. დათა სალიკის-ძე ჩიქვანმა მიამბო: დათა გუგუნავას შეკაზმულ ცხენზე გალესილს ლეკურს დაუდებდენ პირ-აღმა და გუგუნავა იმას გადაახტებოდაო.

მანვე მითხრა: აღდგომის ლხინში, როცა ყოველი კაცი იძახოდა ურა—ურას, სიკოია გიგინეიშვილი ყვიროდაო: „გავხედნი, გავხედნიო“.

---

<sup>1</sup> მეგრულად მდებრიან „გოო, რაშა“ და არა „გორა და შარა“, როგორც მოსმენია ბროსეს.



## VIII

საბარეო საქმეები. რუსის მთავრობასთან განწყობილება. მხოვლის რიდი. საიღუმლო წერილი დავით დადიანისა. მთავრის ვეჟილები სამეზაფლოს ბარეთ,— მათი იურისდიქცია.

რუსის მთავრობასთან, რომლის მფარველობის ქვეშ იმყოფებოდა სამეგრელო, დავით დადიანს კარგი განწყობილება ქონდა, ბევრად უკეთესი ვიდრე მამა მისს ლევან დადიანს, რომელმანც არ დარიდა და მთავარ-მართველისაგან გამოგზავნილი მოხელე სმიტტენი, რაღაც ურჩობისა გამო, გააწვინა და გააწკებლინა ნოჯიხევის სასახლეში, მარტვილის ახლო<sup>1</sup>.

დავითის დროს კავკასიის მთავარ-მმართველად იყვნენ: ბარონი როზენი, გოლოვინი, ნეიდგარდი და ვარანცოვი. ყველა ამათთან დაახლოვებული იყო დავითი.

ბარონი როზენი, რომელიც დავითის გამზრდელად ითვლება, ეწვია სამეგრელოს მთავარს ლევან დადიანს 1836 წელს. დავითმა დააწყო თბილისში მთავარ-მმართველის მოგზაურობის მარშრუტი და გასწია ზუგდიდს, რომ აქ მოეწყო მართვებული შეყრა მეფის მოადგილისა.

„12 ამ თვისას ვემგზავრები მე წინამსროლად ბარონისა მენგრელიად,—სწერდა დავითი თავის ძმას გრიგოლ დადიანს 12 სექტ. 1836 წელს.—სამის დღის უკან

<sup>1</sup> გრ. დადიანისაგან განაგონი.

ბარონიც წამობრძანდება, თანხლებული ვასილ ბებუთო-  
ვით“.

ბარონ როზენი ჩამოვიდა ზუგდიდს და დაჰყო აქ  
სამი დღე. მისი სამეგრელოში ყოფნამ ის ნაყოფი არ  
მოიტანა, რასაც, ეტყობა, ელოდა დავით დადიანი.

ის სწერდა თავის ძმა გრიგოლს: „გეკითხა მთავარ-  
მმართველის იქ ყოფნამ რა შესძინა მენგრელიასაო და  
რა საკითხავია? მე გეკითხავ მგელი რომ შეიპყრა და  
ოცდა-ათ წელს ღრამატიკა ასწავლო, რას ისწავლის, არა  
თუ სამდღეობით ბარონის მენგრელიად ყოფნამ გამოი-  
ღოს ესე ვითარი სასწაული. რას მკითხავ, დადექ შენ-  
თვის, ჯერ ღმერთს ჩვენზედ არ მოუცლია და როცა მო-  
იცილის მაშინ კიდევ გავეკეთდებით. რაიცა გიხილავს იგი  
არს და მომეტებული“<sup>1</sup>.

1837 წ. მოვიდა ზუგდიდს ხელმწიფე იმპერატო-  
რის ნიკოლოზ პავლეს ძე. კავკასიის მის-  
ტორიე ივანენკო წერს ხელმწიფეს მოსვლაზე:

1837 წ. ის (მთავარი ლევანი) შეხვდა იმპერატორს  
ნიკოლოზ პავლეს ძეს თავის სამფლობელოს საზღვარზე  
ჩვეულებრივი ჩოხით გამოწყობილი, მაგრამ გენერლის  
ეპოლეტებით მხრებზე და ფრთით დაშვებული სამკუთ-  
ხიანი ქუდით. ის და დედოფალი მუხლ მოყრილნი მიეგებ-  
ნენ დიდებულ სტუმარს. ხელმწიფემ ორსავე აკოცა და  
მათი ერთგულებითა და გულუბრალოებით კმაყოფილმა  
მთელი სამი დღის განმავლობაში დარჩა ზუგდიდს, ლე-  
ვანთან სტუმრად<sup>2</sup>.

<sup>1</sup> წერილი 18 დეკ. 1836 წ.

<sup>2</sup> Гражд. упр. Закав. В. П. Иваненко, стр. 486.



სამეგრელოს მთავრის ძმა გრიგოლ დადიანი (1814–1902) — მწერლობაში კოლხიდელის ფსევდონიმით ცნობილი.

თუმცა დავითი მაშინ მთავარი არ იყო, მაგრამ ხელმწიფის დიდი ზემოთ მიღება მისი საქმე იყო და მისის ხარჯით იყო მორთული.

1838 წელს დავითი წავიდა თბილისს ბარონ როზენის გასაცლილებლად და ახალის მთავარ-მართველის გოლოვინის შესაყრელად. დავითი დიდად ნაღვლობდა, რომ როზენმა დასტოვა კავკასია. ერთს წერილში გრიგოლ დადიანთან (რომელსაც გაშავებულ ადგილზე წერტილები უზის), მთავარი სწერდა:

„სულო ჩემო გრიშა! მე ჩამოველ თბილისს, გასაცლილებლად უძვირფასესის ბარონისა, რომელიცა არის.... პატროსანი, ხოლო სოფლის ამაოებისაგან... და კაცთაგან მისგან ნაკეთილმოქმედე[ბთა] დატევებული, გიობილი, განბასრული. ესთავე [შესაგებე]ბელაუ ღოლოვინისა. ხოლო რამდენსამე დღეს... მისის მოსვლისა უნდა წავიდე ექსპედიციად... საცა მიდის მხედრობა მენგრელთა რიცხვით ას ერგასი“<sup>1</sup>.

რუსეთის მფარველობის ქვეშ მყოფს დავით დადიანს გარეშე მტრის შიში არ ქონდა, მაგრამ რამდენადაც არის აბხაზეთის რიღი ქონდა. შიგ სამთავროში იმას სამეგრელოს ძლიერი ფეოდალები ეურჩებოდნენ, ეწყობოდნენ რა ესენი აბხაზეთს და აბხაზეთის მთავარს. ამათში პირველი ადგილი ეჭირა თავ. გიორგი ნიკოს ძე დადიანს და მერე თავადთ ჩიჩუებს. ჯერ კიდევ 1836 წელში, მემკვიდრეობის დროს, ის სწერდა თავს ძმას გრიგოლს:

„გიორგი აბხაზეთში აბრაგად რეეს მიხაილს და ბუნტობს აბხაზეთი, ქედ-ფიცხლობს ჩემზედ და ორნივე მექადიან სუკედილს. გიორგის დადიანობა უნდა და თავიც მიაკარგა. როგორც უკუდო ვირი წა-

---

<sup>1</sup> წერილი 24 თებერვ. 1838 წ.

ვიდა კუდის საძებრად და ყურებიც მიაჭრეს ისრე მოუვიდა“<sup>1</sup>.

ორი წლის შემდეგ ის სწერდა მასვე:

„ჩიჩუები ერთიანად აბუნტდნენ. რასაკვირველია გიორგი ნიკოს შვილი შუაში ურევია და დიდი აყალ-მაყალია სამეგრელოში. ჟთავესი დამწყებნი არიან კაცია ჩიჩუა და გიორგი, ჩვენი დედიდაშვილის ქმარი“<sup>2</sup>.

მას შემდეგ რა რომ დავით დადიანი გამთავრდა, მთავარსა და ფეოდალებს შორის თითქო ზავი ჩამოვარდაო, მაგრამ ბოლო დროს, ეტყობა, მათი განწყობილება ხელ-ახლა აიშალა. გარდაცვალებამდის ორი თვის წინად მთავარი სწერდა მის ძმას გრიგოლ დადიანს შემდეგ საიდუმლო ბარათს:

ასლი

საიდუმლოდ

**უფალს ღვარდიის პოლკოვნიკს და კავალერს  
თავადს გრიგოლ ლევანის-ძე დადიანს**

მივიღე ცნობა რ'ლ ნიკოს-ძეთ თ'დი გიორგი და პეტრე დადიანოვებთ აქვთ თურმე საიდუმლოთ გზავნა კაცებისა აფხაზეთში და საქმობა რაჟმე რომელთანა მე პირთა თანა და საეროდცა იხმიანებენ წინააღმდეგ აზ'სა აწინდელისა მართულეობისა სამეგრელოს სამთავროჲსასა და ვითომც ექმნასთ წინადადება, რომელთაჲე პირთადმი რაჟმე წინააღმდეგომისა სჯულიერისა უფლებისა გარნა არა

<sup>1</sup> წერილი თბილისიდან გრ. დადიანს, 20 აგვ. 1836 წ.

<sup>2</sup> წერილი გრ. დადიანთან, 6 ოქტ. 1838 წ.

ჰყოლოდნენ, აგზავნიან თურმე აფხაზეთს ხშირათ  
თაღს რომელღაც ჩიჩუას, და ჩაჩიბაიას და ერთსაც  
ბერიძე ხუციის შვილსა თუ ძმის წულს და კიდევ  
ორს სხვას ვისმეს, რომელნიც თურმე ხშირად და  
განუწყვეტლად დაიარებიან, აწინდელისა მართვე-  
ლობისა მეგრელიის სახალხოდ ურიგოდ გახმიანება  
ადრევე ქონიათ მათ განსუწებულს ანტონ ჭყონ-  
დიდელთან და შემდგომ შინაგან სამთავროდსა თუ  
გარეგან ხშირათ, ხო, რაღაც წინადადება სხუათა  
შორის თღს საჭილაოს მაზრის 2 კლასის მდივან-  
ბეგს თღს გიგო ფალავასთან, რომელიც თურმე ყო-  
ფილა წასულს მაისის თვეში საღაც სატირლად სა-  
მურზაყანოში და იქედან გამოუარია მას გიგო ფა-  
ლავას გიორგისას და იქ ქონიათ მოუბნება თღს  
ბერ ჩიქოვანთან, თღს ალექსი ჩიქოვანთან, თღს  
ელიზბარ დადიანოვთან და ოთხს ხუთს სხუა თავა-  
ლებთან. შემდგომად ამისა ერთს მათგანს თღს  
გიგო ფალავას, იმერეთში ყოფილან იქ ზოგნი ჩვე-  
ნებურებიც, ულაპარაკნია სხუა და სხუა საწინააღ-  
მდეგო აზრი; ესე ყოველივე მოწვენილი ჩემდამ  
გარემოება გეუწყებისთ თქუენ რათამცა ყოთ ამა-  
ზედ ბეჯითი კუალში ჩამდგომი და შეტყობა  
რათა არა განძლიერდეს ბოროტი აზრი ბოროტის  
მოქმედთა და ჟამსა თვისსა იქმნას მოსპობოლი.

მთავარი მეგრელიისა ღაკით დადიანი

№—905

ივნისის 27-ს  
1853 წელსა

იმავე წელს, რა წელსაც ეს წერილი დაიწერა ატყდა აღმოსავლეთის ომი. ამ ომმა დაამტკიცა, რომ დავით დადიანს ტყუილად არ ქონია ფიქრი აფხაზეთის მტრობაზე.

სამეგრელოს მთავარი შინაური საქმეების გამგეობაში დამოუკიდებელი ბატონი იყო, რომელსაც მხოლოდ პოლიტიკური ერთგულება ეთხოვებოდა რუსეთისა. ამის გამო სამეგრელოს ქვეწევრომთა ინტერესების დასაცველად სამეგრელოს გარეშე, მთავართა—ლევან და დავით დადიანებს ყავდათ იმ ადგილებში, საცა უფრო მიდიოდნენ მეგრელები სამუშაოდ, ან საცხოვრებლად, როგორც მაგ. თბილისში და კასპიის მხარეში, ქუთაისში, სოხუმს, მათი წარმომადგენელნი, ან როგორც მაშინ უწოდებდნენ იმათ, ვეჟილები, რომელთა ვალად ედვათ გაეწიათ სამეგრელოსთვის იგივე სამსახური, რა სამსახურსაც ეწევიან სხვა ქვეყნებში კონსულები. ასეთი წარმომადგენლები ყავდათ მთავრებს თბილისში, ქუთაისში, სოხუმს.

არსებობდა თუ არა დებულება მთავრის ვეჟილთა სახელმძღვანელოდ, ამაზე ცნობა არ მაქვს. მაგრამ ვგონებ, რომ ეს დებულება არ უნდა ყოფილიყო, რადგანაც ერთ წერილში, რომლითაც დავით დადიანი აუწყებდა თავ. ლევან ჩიქვანს ვეჟილად დანიშვნას ის აძლევდა ახალ დანიშნულ ვეჟილს ვრცელ დარიგებას, თუ როგორ უნდა ემსახურნა იმას. მომყავს აქ ამის გამო ეს წერილი უკლისად:

ჩემს ვეჟილს, პორუჩიკს თავადს ლევან ჩიქოვანს.

აღვირჩიეთ და ამასთანავე დაგნიშნეთ რა ვეჟილად ჩემად, საქართველოში და სხვათა კავკასიის გარდმოღმა ადგილებთა შინა გასრულთა სამეგრელოს

მცხოვრებელთა, ვალათ ვდებთ გაქვნიდესთ გულს-  
მოდგინება სიწრფოებით აღსრულებასა ზედა ამის  
დიდის ჩემის მინდობილობისათა, რომელზედაცა  
სრულიად იმედნეულ ვარ პირადი მთნობი თქვენი  
მარად შემისწავებებს რა თქვენ შორის სიწრფოება  
და ერთგულება სრულ ყოფთ ჩემს მოლოდინებას,  
ხოლო ხელ სამძღვანელად მოქმედებათა თქვენთა-  
თვის მოგცემთ შემდგომს დარიგებას.

ა) პირველად უნდა გამოცხადდეთ თქვენ თა-  
ნამდებობისამებრ თქვენისა უფალს სამოქალაქო  
ნაჩაღნიკთან და მიიღოთ მასთან წარწერილობანი  
რწმუნებულთა მისდამი მხარეთა ადგილობრივ მე-  
უფროსესთან რომელ მიგიღებდენ თქვენ ვექილათ  
ჩემსა და მოქცემდენ ჯეროვანს შემწეობას ვითა  
წინამოადგილესა თქვენსა, რა ამისათვის ამასთანავე  
ვწერე მისს ბრწყინვალებას უფალს სამოქალაქო  
ნაწილის ნაჩაღნიკს და ტფილისის სამხედრო გუ-  
ბერნატორს.

ბ) რომელნიცა მცხოვრები ჩემის სამთავროისა  
არიან ან გასრულნი სავაჭროთ თუ სხუათა საქართვე-  
ლოში მათი სია იქონიეთ და მისცემდეთ წლიურს  
ბილეთს მათგანს თითოეულს და უბილეთოთ ნურავინ  
ნუ დაგიჩეხათ.

გ) ვინაიდგან გასვლითა მცხოვრებთასა ადგი-  
ლობრივის სამსახურისათა გვაკლდების სამსახური  
მის წილ ვისაც მისცემდეთ წლის ბილეთს, გამოართმი-  
დეთ ფულს უკეთუ მოჯამაგირეთ ლყოს თქვენის  
მიხედვისამებრ სამის მანეთიდან ხუთ მანეთს და  
სხვათა შემძლებელთა ხუთის მანეთიდან ათამდის.



დ) საბატონო ყმანი, რომელნიც იქნებიან მუნ და ისურვებენ მოქცევასა თავის ყმისას უნდა მაშინვე მიიღოთ საშვალეება მოქცევისა მათისა უკეთუ არ ექნებათ მიზეზი ჯეროვანი.

ე) უნდა იქონიოთ წიგნი-რვეული, რომელშიაც უნდა ჩაიწერებოდეს თითოეული ბილეთის ნომერი და ქვეშ უნდა მოაწეროს მან, რომელსაც ბილეთი მიეცემა თავის სახელი და გვარი და რამდენი ფულიც შემოუტანია და ვინიცობაა თუ წერა არ იცოდეს იმ შემთხვევაშიდ მან ჯვარი უნდა დაასვას და მისს მაგიერ ვინც წერა იცოდეს მან ხელი მოაწეროს ორითა მოწმითა დამოწმებული.

ვ) ბილეთის შემოსრული ფულისაგან ხუთის თავი დამინიშნავს სარჩოთ თქვენისა.

ზ) ანგარიშს ბილეთისას და აგრეთვე თქვენის მოქმედებისას ყოვლის ოთხის თვის თავზედ წარმომიდგენდეთ.

ც) არიან რომელიმე ადგილობრივი მოსახლენი, რომელიც იძლევიან და ანუ უნდა იძლიონ ხარჯი და თავთავის დროს არ იძლევიან და უმეტეს საეკლესიოთ მიჩემებულთა რამდენიმე და ამაზედ თქვენის მიხედვისამებრ მომახსენებდეთ გარემოებასა ამათსა რაიცა ჩემდამო მოსაწვთნელ იყოს შემდგომის ჩემის განკარგულებისათვის.

თ) არიან მრავალნი ესე ვითარნიცა, რომელთაც დაუტოვებიეს ცოლშვილი და იქ სხვა ცოლი შეურთავს, გინა სხვა ღანაშაულობაში შეცვნილან, რომელთაც სჯული სდევნის საზღვეულათ და სახელი და გვარი გარდაუსხვაყვებით ამათი გარჩევა ხამს რათა მიეცეს კანონიერი განკარგულება.

ბ) იქონიეთ მკაცრი მხედველობა, რომელ თვინიერ ვაჭრობისა და ჯამაგირს ქვეშ ყოფნისა და სხვათა სასარგებლოდ წასრულთა უბრალოდ და უსაქმოთ რომ არვინ დაწოწილობდეს და თუ შეხვდეს ესრეთ ყოფა ვისმეს წარმოგზავნიდეთ თვისად ადგილად და თუ ბრალეულათ აღმოჩნდეს და შეეწამოს ურიგო ყოფა-ქცევა ადგილობრივ მართებლობას წარუდგენდეთ ესე ვითარცა მოქმედებისამებრ მისისა განსაკითხველად.

ია) უკეთუ შეხვდეს ვისმეს საქმე მცხოვრებთა ჩემის სამთავროისათა რომელ შეავიწროვოს ვინმემან წართმევით, ან ფულის დაკავებით, ან როგორმესხუა, თქვენი პირადი ვალია რომ შეხვიდეთ მის მდგომარეობაში და ადგილობრივ მთავრობასთან უშუამდგომლოთ.

იბ) არავის თავისთვისით არ ემძლავროთ არცლა შეავიწროოთ ვინმე, არამედ უკეთუ შეგხვდეს ვისმესგან უსმინარობა ან ესრეთი რამ საქმე ყოველსავეზელ მიიქცეოდეთ ადგილობრივი მეუფროსებთადმი და მათის განკარგულებით იქმოდეთ ჯეროვან შესახებელს.

იგ) აგრეთვე დაწესებულ სასამართლოებში შეიტანდეთ უკეთუ სასამართლო რამე საქმეებში შეგხვდებათ ესე იგი ადრევე გარდასრულის კაცის ამოყვანა მოახლოებით ისე რომელნაც ჩაწერილან უმართლოდ და მიჩენილა თუ სხვანი მსგავსნი ამისნი.

იდ) რომელიც გუბერნატორის შესახებელი საქმე იქნეს გუბერნატორთან მიიქცეოდეთ და საჭირო და მძიმე საქმეზელ თვით მთავარ-მართებელთან საქმის გარემოების მიხედვით.

მთავარი მენგრელიისა, ღენერალ-მაიორი და კავალერი დავით დადიანი

1851 წ. ზუგდიდი, აპრ. დღესა.

<sup>1</sup> Дело канц. влад. Мингр. № 602/1847.

თბილისში და კასპიის მხარეში სხვა და სხვა დროს იყვნენ ვეჟილებად ბერი ჩიქვანი, ლევან ჩიქვანი, გიორგი ხახუსძე ჩიჩუა და ბეჟან აფაქიძე, სოხუმს—ნიკო ხოფერია.



დავით დადიანის ვეჟილი ბეჟან აფაქიძე

## IX

მთავრის შემოსავალ-გასავალი. გადასახადები. სამთავრო,  
ფინანსები.

ღარიბ ქვეყანას მთავარიც ღარიბი ყავდა.

ჩემს ხელთ არის ნინო დედოფლის ბეჭდით დამოწმებული და შემდეგში ლევან დადიანისაგან დამტკიცებული თამასუქი (უთარილო), რომლისაგან სჩანს, რომ მთავარს გრიგოლ დადიანს აუღია სესხად გიორგი გუგუშვილისაგან ორი ქესა და ორასი მარჩილი (ექვსას სამოცი მანეთი) და თვით ნინო დედოფალს მართებია მისივე (გუგუშვილის) ვალი სამი ქესა და ოთხას სამოცი მარჩილი (ქესა სამასი მანეთია და მარჩილი ექვსი შაური).

ლევან დადიანის და დავითის დროს მთავრების სიღარიბე უფრო გამწვავებული იყო. თითონ დავით დადიანი აგვიწერს თავის სიღარიბეს და გაჭირვებას. იგი სწერს თავის ძმას გრიგოლ დადიანს:

„მოგეწერა ფულისათვის ჩემთვისა. შენსა სიყვარულს ვფიცავ, როგორც მილიონი ისე ერთი აბაზის მშოვნელი მე ოდიშიდამ და სრულიად სამეგრელოდამ არ ვიყო, არც მშობელთაგან ვიცოდე რამე. აქამდის თუ რასმეს გიგზავნიდით, ჩემგან ნაშოვნნი იყო, ზოგს ვაჭრობაში, ზოგს სხვა რამეებში პოდრატულს საქმეებში ვერეოდით და მათგან ვპოვნილობდი... მე თუ რამე მქონდეს ვისთვის მიიღა, თუ არ შენთვის, რომელიც კვერთხად მე

<sup>1</sup> ეს თამასუქი გადმოცა ალექსანდრე დიმიტრის ძე გუგუშვილმა.

გულეები. თუთხმეტი ათასი მანათი მქონდა, ნინოს მზითევად მინდოდა, ხელმწიფის მოსვლაზე დაეხარჯე. ეს ფული ვაჭრობით და პოდრატით მოვიღე. ერთი აბაზი არ დაუხარჯავს მამას და დახარჯვამ შენი ჭირი წაიღოს, არც შემეწია მუშაობაზე და სწორედ გითხრა ჩვენს უბედურებით ვერც მოიცლიდა ოჯალეშისაგან... სამეგრელოდამ, მემოწმოს ამაზე სვინდისი და ქეშმარიტება, ასი მანათი არ მეწონოს რაა შენ მოგშორებივარ. მე ვსცხოვრობ ჩემის ჯამაგირით და აწ ნივთებს უნდა დაეუწყო ყიდვა, საათს და ამისთანებს, რომ გამოვიკვებო თავი“<sup>1</sup>.

სხვა დროს დავით დადიანი სწერდა გრიგოლ დადიანს:

„ფულის საქმე თეიმურაზსაც მოეწერა რომ გჭირია. მივსწერე შინ თუ გამიგონეს. მე ერთი გროში არ მაქვს ღმერთმან იცის. სანამ მქონდა არც მამას და არც დედას არ ვაწუხებდი, მოგართმევდი ხოლმე. ახლა რააკა აღარ მაქვს რა გამოგიგზავნო, როგორც შენ ასი მილიონი, ჩემი სახლიდამ თუმანი არ ვიცოდე, ღმერთია მოწმე. ახლა ვეცადე ბევრი, მაგრამ აღარავინ მასესხა და ერთს ადგილს მაქვს იმედი რამდენიმე ვიშოვო. მანამ, თუ გჭირია, ისეხბე ქუთისოვიდგამ ან კორსაკოვიდამ და სააღდგომოდ მოგიხერხებ. ამაზე რატომ მამას არას სწერ წიგნს. არა თუ ფული, სულიც არა მშურს თქვენთვის და რათ მინდა რამე თქვენს გარეშე. ამისთვის გწერდი ჩამოდი მეტეი და ნახე აქაურობათქო.

იქნება მე შემდუროდე, დავითი ფულს არ მიგზავნი-სო. საიდამ და სიდგან გამოგიგზავნო. სამეგრელოს შე-

<sup>1</sup> წერილი გრ. დადიანთან 14 სექტ. 1838 წ.

მოსავლიდამ არა თუ ეხლა რამ შამომდიოდეს, არც აბა-  
ზი ვიცი შემოსრული: თქმა არ დამიკლია, მაგრამ საქ-  
მათ ბინა არ გაქვს მიცემული და ღმერთია მოწმე და-  
მე ძილი არ მქონდეს მწუხარებით. ერთი რომ თქვენს  
საკადრისად არ ხართ, მეორე ნაკლულევენებაშიაც ხართ.

აი ამისათვის გწერდი ჩამოდითქო. შენს მერე ჩვენ  
თუ რამე დაგვაკლდა თორემ არა გაგვიკეთებია რა. ასე  
ქენი, მანამ ეგებ მოიხერხო და მაშინ უკანასკნელად ნიე-  
თებს გაგყიდი და მოგართმევ, თუ სხვა ვერ ვიშოვე“<sup>1</sup>.

ამას წერდა დავით დადიანი მემკვიდრეობის დროს.  
შემდეგ, როცა ის გახდა სამეგრელოს მმართველად, ის  
სწერდა გრიგოლ დადიანს იმავე კილოზე:

„მწერ ნუ ხარ პირშავიო და თუ მქონდეს და არ  
გიგზავნიდე მაშინ ვიქნები შენთან პირშავად. ეხლა თუ  
ვისესხებ თორემ არაით ღონე არ მაქვს შენ ნუ მომიკვდე-  
ეს ქალების დათხოვება, აზდენი სტუმარი, მასპინძელი,  
მტერი და მოყვარე მე დამაწვა ყველა. რომ იცოდე ჩე-  
მი ამბავი შეგებრალეები. იმ საზომზე მივალ ხოლმე, ნეტა-  
ვი შორს მქნა სადმე-თქო. შენი მოძულეებული მოგვკვდე  
თუ ჩემი ცოლის ძმა მეწვია და ერთი სატევრის მეტი  
რამე მქონოდა მისაცემი, ან მით არ გამესტუმრებოდა.  
შენ რძალს მინისტრის მოსვლისთვის კაბა არა აქვს ძვე-  
ლის მეტი ის შენი რძალი ნუ მომიკვდეს და ის ვერ უყი-  
დე, დამიჯერე“<sup>2</sup>.

ევროპიულად განათლებული ქალის, ალექსანდ-  
რე ჭავჭავაძის ასულის სამთავრო სახლში დედოფ-  
ლად შემოსვლამ, თითონ დავით დადიანის თბილისში  
დიდხანს ცხოვრებამ, დაბადეს სამთავრო სახლში სხვა და

<sup>1</sup> წერილი გრიგოლ დადიანთან 25 ნოემბერს 1883 წ.

<sup>2</sup> წერილი გრიგ. დადიანთან სუჯუნிடან, 31 მარტს 1842 წ.

სხვა არაჩვეული ოდიშ-ლეჩხუმისთვის მოთხოვნილება, რომლის დაკმაყოფილებამ დიდ-ძალი ხარჯი მოითხოვა და ამ ხარჯს ულეველი წყარო უნდოდა.

და სად იყო ეს წყარო?

დავით დადიანამდის სამეგრელოს მთავარი პირველი მებატონე იყო ოდიშ-ლეჩხუმისა და როგორც ესრეთს იმას მარტო გლეხების გადასახადი და სამსახური ყოფნიდა სარჩოდ. 1860 წლის კამელიარიის აღწერით სამთავრო გლეხები ითვლებოდა სამეგრელოში 14 ათასი სული<sup>1</sup>, რომელნიც ერთი მეორეზე შეადგენდენ 3 ათასს ოჯახს. თითოეული ოჯახი იხდიდა მთავრის სასარგებლოდ ბევარას: საკლავს (ღორს, თხას, ცხვარს) ღვინოს ერთიდან ათ კოკამდის. ღომს—ერთიდან ხუთ ქილამდის<sup>2</sup> და ქათმებს. ამასთან ამავე გლეხებს ემართათ: საკურზუალო, საბაზიერო, სამეჯოგო, სამეჯინიბო, საკულუხო, საბოჭი ქათამი<sup>3</sup> და სხვა ამგვარი გადასახადი და სამსახური, რომლითაც მდიდარი იყო ფეოდალური ქვეყანა არა მარტო ჩვენში. სულ ყველა ესენი, ფულად ნაქცევი საკმაო სახსარს აძლევდა სამეგრელოს პირველ მებატონეს ცხოვრებისათვის.

გარნა სამეგრელოს პირველი მებატონის სალაროს ზოგი სხვა შემოსავალიც ქონდა, რომელიც ეკუთვნოდა სამეგრელოს მთავარს საერო საქიროებათა დასაკმაყო-

<sup>1</sup> ამ აღწერილობით მთავარს ჰყავდა 14 ათასი სული, ეკლესიას 15 ათასი, ბატონიშვილებს 22 ათასი და დანარჩენ თავად-აზნაურებს 60 ათასი. მაღალწოდებას შეადგენდნენ: თავადობას 1309 სული, აზნაურობას 10361 სული და სამღვდლოებას 2340 სული.

<sup>2</sup> ქილა—ორი ბათმანი ანუ ერთი ფუთი.

<sup>3</sup> რაფაელ ერისთავის გამოკვლევით ლეჩხუმში მთავარს გლეხები ყოველთვეში თითო ქათამს აძლევდნენ (ნახ. Кавказская Старина № 6).

ფილებლად. ამ შემოსავალს შეადგენდნენ გლეხთა ზოგადი გადასახადი:

**საური:** ნახევარი მანეთი ფულად ოდიშში და მანეთ ნახევრის—ორი მანათის საკლავი ლეჩხუმში.

**სახური:** ერთი ბურაკი, ერთი თხა, ერთი კოკა ღვინო, ორი ბათმანი—ერთი ქილა ღომი, ერთი ქათამი. ეს გადასახადი შემოიღო ლევან დადიანმა ზუგდიდის ეკლესიის აღშენების დროს და სანამ მთავრობა იყო, ხდებოდა ყველა გლეხებს.

**საციხა:** ერთი კოკა ღვინო, ერთი ქილა ღომი, ერთი ქათამი (ეს ხდებოდა ციხის რაიონში).

ამას გარდა მთავრის სალაროს შემოსდიოდა: ნავების ბაჟი, პარომის ბაჟი, ტყის ბაჟი (თუ ტყეს სამთავროს გარეთ გაიტანდნენ ბაჟი ათის-თავი იყო), პირუტყვის ბაჟი (ათისთავი) და ტამოჟნის ბაჟი. მას აქეთ რაც ანაკლია და ყულევი ლევან დადიანმა დაუთმო რუსის მთავრობას, ამ ადგილებში რუსებოსაგან გაკეთებული სადამოჟნო ზასტავებისათვის რუსის ხაზინა აძლევდა სამეგრელოს მთავარს წლისთავზე თორმეტ ათას მანეთს.

მაგრამ დავით დადიანს სულ ყველა ეს შემოსავალი ეკოტავებოდა და იმან მთავრის უფლებით დაბეგრა მთავრის სასახლის სასარგებლოდ საბატონო და საეკლესიო გლეხები, შეაწერა ამ გლეხებს ახალი გადასახადი—**საუდიერო**, რომელსაც ერთი მეორეზე შეადგენდნენ: ერთი ღორი, 10—15 კოკა ღვინო, ერთი—ხუთი ქილა ღომი და ერთი ქათამი. ვ. ნ. ივანენკოს ამოუკრეფია მთავარ-მართველის კანცელარიიდან ცნობა, რომლისაგან სჩანს, რომ დავით დადიანს შეუწერია საუდიერო ექვსი ათასი საბატონო გლეხთა ოჯახისათვის<sup>1</sup>.

<sup>1</sup> იხილეთ Гражданское управление Закавказья. В. Н. Иваненко, გვ. 488.



თუ რა შეაწერა სახელდობრ საბატონო და საეკლესიო გლეხებს დავით დადიანმა ამის მაგალითად და ნიმუშად მომყავს აქ ერთი საბატონო გლეხის და ერთი საეკლესიო გლეხის გადასახადის აღწერილობა იმ სიილამ, რომელიც შეადგინა 1-ლ მარტს 1848 წ. სახლთუხუცესმა თავადმა დათა ჩიქვანმა სოფელს ცაიშში. ამ აღწერილობილამ ჩანს, რომ ცალ-ცალკე იყვნენ აღნუსხვილნი: ცაიშის მონასტრის მიჩემებული გლეხები, რიცხვით 94 და საბატონო გლეხები, რიცხვით 45. სიებში გლეხები და მათი გარდასახადი ამ გვარად არიან აღწერილნი.

ცაიშის მონასტრის მიჩემებული გლეხი ქუჩუია ქირია (№ ა) „არს მამრითი სქესი ექვსი სული, რომელსაც მართებს სამთავრო გარდასახადი ერთი ბეგარა ლორი, ერთი ქილა საუდიერო ლომი, ორი ქილა ბეგარა ლომი, აგრეთვე ხუროს ხარჯი მართებს ერთი საკლავი, ერთი ქილა ლომი და ერთი კოკა ღვინო, ექვსი კოკა ბეგარა ღვინო და ერთი კოკა საუდიერო ღვინო, ერთი კოთხო ლობიო, ამასთან ერთი ლანდი აბრეშუმი მართებს ცაიშის ეკლესიისა, ეგრეთვე, ახლის პურის ძღვენი მართებს ოთხი დედო-პური, ოთხი სულუგუნი, საბოჭი ქათამი, ცხენის ჩაბმა, ტვირთობა, ნადობა და მუშაობა“.

საბატონო გლეხი ქვატა წიწავა (№ ა).

„არს მამრითი სქესი სამი სული, რომელსაც მართებს სამთავრო გადასახადი ერთი საუდიერო ლორი, ერთი ქილა ლომი და ერთი კოკა ღვინო საუდიერო, აგრეთვე ხუროს ხარჯი მართებს ერთი საკლავი, ერთი ქილა ლომი, ერთი კოკა ღვინო, ერთი ლანდი აბრეშუმი მართებს ცაიშის ეკლესიისა, საბოჭი ქათამი, ცხენის ჩაბმა, ტვირთობა, ნადობა და მუშაობა“.

სრულიად საეკლესიო გლეხთა გარდასახადმა სოფ. ცაიშში შეადგინა სახლთუხუცესის აღწერილობით: სამი დიდი ძროხა, სამი ქაბულა<sup>1</sup>, ორი ხბო, 84 ბეგარა თუ

<sup>1</sup> ქაბულა—უშობელი.

საუდიერო ღორი, 127 ქილა ღომი, 199 კოკა ღვინო, 8<sup>1</sup>/<sub>2</sub> ქილა ღომი. აგრეთვე ხუროს ხარჯი 19 საკლავი, 19 ქილა ღომი, 19 კოკა ღვინო, 68 ლანდი აბრეშუმი ცაიშის ეკლესიისა.

საბატონო გლეხთა სამთავრო გარდასახადმა შეადგინა: ოცი საუდიერო ღორი, 24 ქილა ღომი, 24 კოკა ღვინო, აგრეთვე ხუროს ხარჯი: 11 საკლავი, 11 ქილა ღომი, 11 კოკა ღვინო, ცაიშის ეკლესიისა 22 ლანდი აბრეშუმი.

საეკლესიო გლეხები დავით დადიანს სულ უნდოდ ჩამოერთმნა სამღვდელთა სათავის, მაგრამ ეს იმან ვერ მოახერხა. მარტვილის ეპისკოპოსს, რომელსაც დიდი მამული ქონდა საჭყონდიდლოში, მთავარმა შეაძლია იჯარით 12 ათასი მანეთი იმ პირობით, რომ გლეხები სულ შემოსულიყვნენ მთავრის უწყებაში, მაგრამ თითონ საჭყონდიდლოს გლეხებში ასტეხა ამან უკმაყოფილება და მისი განზრახვა ჩაიშალა. >

სახლთ-უხუცესმა დათა ჩიქვანმა მიამბო: დავითის ისეთი კარგი მრჩევლები ყავდა, როგორც იყვნენ ალექსანდრე ჭავჭავაძე, ივანე და გიორგი მუხრან-ბატონები, ბარონ ნიკოლაი და ვასილ ბებუთოვი და იმათგან იცოდა, რომ სამეგრელოს სამთავრო დიდ-ხანს არ დარჩებოდა დამოუკიდებელ სამთავროდ, რომ საბოლოოდ ამას და მისს შვილებს მარტო ის დარჩებოდა, რაც ექნებოდა ხელში სამეგრელოს სამთავროს გაუქმების დროს და ამის გამო დავითმა მამულის და სხვა ქონების შეძენას მაგრად მიჰყურებოდა. მთავრის ამგვარმა სამეურნეო პოლიტიკამ ასტეხა დიდი უკმაყოფილება, როგორც თავად აზნაურთა შორის, ისე სამღვდელთაში და გლეხ-კაცობაში და ამ უკმაყოფილების შედეგი იყო გლეხების ამბოხება ჯერ საჭყონდიდლოში და შემდეგ მისის სიკვდილისა მთელს სამეგრელოში. ამ ამბოხებას მოჰყვა მისგან გამოწვეული სამეგრელოს ავტონომიის გაუქმება.



კონსტანტინე დადიანი (1819—1889) უმცროსი ძმა დავითისა.

## X

მიწის მეურნეობა: სიმინდი, პურის ჯიშები, მებაბრეშუმეობა.  
სხვადასხვა კულტურები.

თუ არა უმეტესი ნაწილი სამეგრელოს სამთავროს ნიადაგისა, ნახევარი მაინც ხომ დღესაც მოთენილია გვიმრით, ეკალით, ბარდ-მაყვალით, ბუჩქნარით, ისლით, ტყე ტევრით. დავით დადიანმა სამთავროს გამგეობას რომ მიჰყო ხელი ამ სამოცდა ათი წლის წინათ კაცის ხელით მოწვენილი მიწა ბევრად უფრო ნაკლები იყო, ვიდრე ახლა არის, (დავითის მამა ლევანი ზუგდიდის ნაპირას ირმებს ნადირობდა.) იმ დროს ხალხიც ცოტა იყო სამეგრელოში და სიმინდს — ამ უმთავრეს საზრდოს ხალხი სას — მარტო თავის სარჩოდ იწვედნენ, რადგანაც მაშინ გარეშე ქვეყნებში სიმინდს არ ეზიდებოდნენ, როგორც დღეს.

ხშირად სამეგრელოს ჭაობიანი და ცოტად დამუშავებული მიწა სამეგრელოს მკვიდრთ საკმაოდ საზრდოსაც არ აძლევდა. სამეგრელოს მთავრის კანცელარიის საქმიდამ ჩანს — ხსენებული კანცელარიის საქმეები დღეს ქუთაისის გუბერნიის სამმართველოში ინახება, — რომ 1851 წელს სამეგრელოში სიმინდი ნაკლებ მოსულა და დავით დადიანს კაცები გაუგზავნია სათათრეთში სიმინდის მოსატანად<sup>1</sup>.

<sup>1</sup> Дело канц. влад. Мингр. № 1188

იმ ქვეყანაში, სადა არც გზები იყო, არც არხები, არც ფაბრიკები და ქარხნები, დადიანისათვის ცხადი იყო, რომ სამთავროს მკვიდრთა წინ-წაწევა კეთილდღეობისადმი შეეძლო მხოლოდ მიწის მუშაობას და მოავარმა ამ მიწის მუშაობას მიაქცია განსაკუთრებული ყურადღება.

შემოიღო სამეგრელოში კომბოსტოს თესვა და კარტოფილის მოწევა<sup>1</sup>.

კუბილამ მოაყვანია მცოდნე კაცები და სენაკის მიდამოში დააწყებინა ენდროს პლანტაცია<sup>2</sup>.

აბასთუმანში გააშენებია ზეთის-ხილი.

ხელი მიჰყო სამთავროში თუთის გაშენებას და 1850 წელს ზუგდიდში ააშენებია აბრეშუმის ამოსახვევი ფაბრიკა<sup>3</sup>.

გამოაწერია კავკასიის სამეურნეო საზოგადოების საშუალებით სამი ამერიკული გუთანი<sup>4</sup>.

ცდილობდა კარგი ჯიშის ხარი და ძროხა გაემრავლებია სამთავროში<sup>5</sup>.

ერთს შესანიშნავს „უსტარში“, რომელიც არის შედგენილი 1852 წელს და გადასწორებული თითონ დავით დადიანის ხელით, არის აწერილი დაწვრილებით, თუ რა მოიწეოდა სამეგრელოში მეცხრამეტე საუკუნის პირველ ნახევარში. ეს „უსტარი“ არის დაწერილი 1852 წელს პასუხად თავადის ვასილ ბებუთოვის წერილისა. 28 დეკემბერს 1851 წელს ბებუთოვი სთხოვდა სამეგრელოს

1 Дело канц. влад. Мингр. 1852 № 1443.

2 Дело канц. влад. Мингр. № 1128.

3 იქვე.

4 იქვე 1443.

5 დათა ჩიქვანისგან განაგონი.

მთავარს—გაეგზავნა „რუსეთის გეოგრაფიულ საზოგადოებისათვის“ სამეგრელოს მოსავლის და ვაჭრობის აღწერილობა, რომელიც ამ საზოგადოებას უნდა მოექცია რუსეთის ვაჭრობის აღწერილობაში.

ამ წერილის პასუხში აი, რა გვარად არის აღწერილი სამეგრელოს მიწის მეურნეობა: <sup>1</sup>

„ლომი: ძველთა ჟამთა შინა, უხსოვარის დროიდგან სამეგრელოს სამთავროსა შინა მიღებულ არს თესვა ღომისა; ამას სთესენ სიხშირით და ხმარობენ პურის წილ, ხოლო გარემოებასაცა შინა სყიდიან მებრ-საჭიროებათასა, აფხაზეთს, გურიას და იმერეთს. რიცხვი გასაყიდელთა რაოდენობისა მიზეზის გამო ცნობასა არ მოყვანილებიასა შეუძლებელ არს, ხოლო ნაყოფი ესე არს სიუხვით მომცენარე და თავსა შორის თვისსა ხუთასჯერ მამრავლი.

ღომის ჩალასა თივისა წილ ხმარობენ საზამთრო საკვებად უსიტყვოსათა და ყანასა მარგვლენ მცხოვრებნი თოხითა ორგზის, ვიდრემდე მოიკრიფებოდეს. ტომი ღომისა ორგვარობენ: ერთი ზედ იწოდების მოცოროზათ. ესე მოცოროზი არს საადრეო, გარნა უმცირესსა ნაყოფისა გამომღებელ, ხოლო მეორე ღომი მოგვიანებო, რომელი ოქტომბერში მოიწვევის განალა უუხვესი და ითესების ივნისის განსაშვალებამდე.

სიმინდი. სიმინდისა თესვა სამეგრელოსა შინა, ვითა მასმიეს მოხუცებულთაგან, იქნების ოთხმოცდა-ხუთი წელი რაც შემოუღიეს დუნაიას სამფლობელოთაგან<sup>2</sup>,

<sup>1</sup> ნახ. გუბერნ. სამმართველოში: Дело. канц. влад. Мингрелин № 1443/52.

<sup>2</sup> ამრიგად სიმინდის თესვა უნდა იყოს შემოღებული სამეგრელოში 1767 წელს. მაგრამ ეს ასე არ არის. იტალიის მისიონერი ლამბერტი, რომელმაც 1633 წლიდან 1653 წლამდე—18 წე

რომელიც მოზავებისა ძალით ავასა და ნოტიოსა შინა უგამძლისობითსა ფესვისა და კაკალთა სიუხვისა ჟამად-ჟამად განუვრცელებიათ მცხოვრებთა მოწევა მისი და აწ გარეშე იმისა რომელ ზოგად იზრდებიან ამა ნაყოფითა, რომელსაც აცხოებენ პურსავით და აგრეთვე ლომებრცა შებოლვენ. ჟამსა კეთილ ნაყოფიერებისასა საზღვარგარეთსა სათათრეში სყიდიან, რაისაცა რაოდენობა არა ეგრეთ ცნობილი არს ესთავე მეზობელთა ქვეყნებთა ქველყოფენ მიხედვისამებრ მუნ შინათა მოსაველისა და მათ შორის საჭიროებათასა, ნაყოფი ესე თავისა შორის თვისსა მიხედვისამებრ პოხიერისა აგარაკისა, გინა მწირისა ერგასითგან ვიდრე ორასამდე თავისა შორის თვისისა გამომღებელობით მამრავლობელ არიედ: ყანისა გამარგლილობასა სამეზის მოითხოვს—ესე მცენარე მოიწევის დამღვე ეკენისთვიდან ოქტომბრის შვამდის და მაშეინ მოსტეხენ ხოლო ნაქრცველთა ინახვენ საზამთრო საკვებად ძროხათა და თხათა და აგრეთვე ჩალასა სიმინდისასა მოსჭრიან ესე ვითართა თვის საჭირო სახმეველთა: მსუხე ადგილთა შინა აღიზრდების ესეოდენ სიმალღეზედ რომელ ცხენოსანი კაცი ჩალასა შორის ვერ გამოჩნდების, ხოლო ოთხსა და ზოგი ხუთსაცა ტაროსა გამოიღებს თითოეული ლერწამი და არს ორგვარი: ერთი საგვიანო და უხვად გამომცენარე მოყვითანო, მეორე თეთრი პაწაწა ტარო, გარნა ორმოცს დღეზედ მოიწევის დათესვის შემდეგ.

პურის: იფქლსა და პირად პირადთა ხორბალთა სთესენ მხოლოდ ზემო მეგრელიისა შინა მხარესა,

ლი იცხოვრა სამეგრელოში, წერს თავის სამეგრელოს აღწერაში: „პირველს წელიწადს აქ სთესენ ლომს, მეორეს სიმინდს და მესამეს პურს, ნახე (ალ. ჭყონიას გამოცემა გვ. 58) მაშასადამე, სიმინდი სამეგრელოში 184 წლით ადრე იყო ცნობილი.

რომელსა ეწოდების ლეჩხუმი, რამეთუ ქვეყანასა მენგრელიის ქვეყნებთა აღგილებს იფქლსა ძნადრე და ვერა მარადის მოიყვანენ რამეთუ სინოტიისა ძალით კერძო —ესე ექვემდებარება გაზაფხულის წვიმიერობასა და წყალდიდობასა, ესთა რა მზე მოიქცევა გაზაფხულისა იწყებს ხშირთა წვიმათა ადიდროვდებიან მდინარენი და ლანქერი ჩამომავალნი მათთაგან საშინელისა ოხვრითა ჩამოედინებიან მიდამოთა ველთა ზედა და მორწყავენ ყოველთა ვაკეთა, ხოლო მთის კალთისა ფერდობთა ჩამორეცხენ და მოხვეტს. ესე გაგრძელდების უხშირესათ მარტის ცხრიდან მაისის შუამდე. ამისთვის მცხოვრებნი შემდგომად გაზაფხულის წვიმებისა რაც ჩამოიდინებიან ლანქერი, დასთესვენ სიმინდს ვიდრე ათს ივნისამდე და ღომს პირველ რიცხვს ივლისამდე, რომელიც არღა უკვე ქვემდებარებიან შიშსა წალანქერვისასა გარნა ზემოსა სამეგრელოსა ლეჩხუმისა მდებარეობა ესე ვითარ არს, რომელ არც ეგოდენ ხშირად წვიმს როგორცა ქვემოსა მეგრელიასა ოდიშს და არცა მდინარენი ჟამსა ადიდროებისა გარდივლენ, რამეთუ აქვს დივილნი ლოდნაროვანსა შორის კალაპოტსა. ქვემოსა მეგრელიასა ოდიშს ჩამოდენიმე ითესვის იფქლი, განა სხვა ხორბალი ზემოთქმულთა მიზეზთა გამო უხშირესათ შორს ვერ გამოიტანენ აღდგინებსა ნაშრომთასა ხოლო ზემოსა მეგრელიასა ლეჩხუმს ითესებიან ხორბალი შემდგომისა ტომისანი: (ა) იფქლი, ბ) მახა, გ) ზანდური დ) ხულუგო ე) ქუბა.) იფქლი მისცემს ხუთგზის სიმრავლით და ითესების შემოდგომაზედ, მახა ითესების შემოდგომაზედ და ერთი სამათ ნაყოფიერ არს მზგავსათ იფქლისა, ფქვილი მისი არს სპეტაკი, მარცვალი მსხვილი და მოკლე და არ მომკიან მას არამედ მოსჭრიან ხუვლსა და კოროლსა მისსა ხმარობენ დასახუ-



რავათ სახლთა და საბძელთა ხოლო უადრეს იფქლისა მოიწვევის და არ გაერევის მანებელი ვითარ იგი ღვარძლი და მსგავსნი. ზანდური ითესვის მარტში გაიზრდების სიმალლით ვიდრე ორ ალაბ ნახევარი, თავი აქვს მობრტყელო მოიწვევა აგვისტოში მოკრეფენ მახსაებრ და ნაყოფიერობს ერთი ოთხათ. ხულუგოს სთესვენ მარტში მარცვალი აქვს სხვილი, გალწვენ იფქლსავით, მოსავალი აქვს ერთი ხუთათ და ოდეს ცუდის ზამთრის ძალით იფქლის მოსავალი დაზარალდება, მაშინ უმეტეს დასთესვენ მარტის თვეში, გარნა უხმს-ყე ფრიალი სიმკაცრე და დარაჯი რაშეთუ დათვს მწიფეთ უყვარს და სჭამს მას. ქუბა, რომელ არს არჟანოი. ქუბასა სთესენ სამეგრელოსა სამთავროსა სვანეთსა, აქვს ნაყოფი მომცემლობა უხვი ვითა ერთი ათათ, თავი მსხვილი და მოგრძო და არს შავი ფქვილი მისი, ამისათვის სთესვენ მრავალსა. არა უწყებულ არს რიცხვი თუ რაოდენ ისყიდება, ხოლო სყიდიან იმერეთში და უმეტეს რაჭაში და ზემოსვანეთსაც სიმრავლით გააქვს. ქერსა სთესვენ ზემო მეგრელიასა შინა ლეჩხუმსავე და უხვს თავსა შორის თვისსა ერთს ათ თუთხმეტამდე, სყიდიან რაჭასა და სვანეთში.

**მუხუდო, ოსპი, ლობიო და სხვა.** მუხუდოს სხვა და სხვა გვარს, ოსპს, ზანდურს სხვა და სხვა გვარს, ლობიოს სხვადასხვა გვარს, დოკვს სთესენ ლეჩხუმში მრავალს, აგრეთვე ქვემო ოდიშს მეგრელიას ხანდურს ლობიოს, ხანჯკოლას მრავალს სთესვენ და სყიდიან იმერეთში, რაჭასა და გურიას. (კომბოსტო ყვავილოიანი, კარტოფილი და სხვანი მებრნი საბახჩეულო მრავალი ახლად შემოდებული არიან და გამოცდილება ქმნილ არს თვით მთავრის დადიანის მიერ და მარჯვეთ მოეზავა ავასა, გარნა ჯერეთ არა განუვრცელებელ არიან ესენი საზოგადოდ მცხოვრებთა შორის.)

ბ რ ი ნ ჯ ი ს თესვასა განირთვიან სამეგრელოს სამთავროსა შინა ძველთაგან ძველ უხსოვარის დროიდან მხოლოდ ორი, ზუგდიდის მაზრის სოფელს ხეთისა და ხორგის მცხოვრებნი; ბრინჯსა ამას არა რწყვენ, არამედ უძებნიან ნოტიო ალაგს და არს ფერით მოწითანო, ნოვა. გათ გემრიელ წვრილი მარცვლები, სთესენ დამლევე მარტს, მოიწევის ოქტომბერში, ნაყოფ გამოძლებლობა ერთი ათათ და ისყიდება ყოველსა მეგრელიას მკვიდრთა შორის და უმცირეს ნაწილს იმერეთსა შინა.

ფ ე ტ ვ ს ა სთესენ დალა თუ ზოგათ მცხოვრებელნი, არამედ უმეტეს საკენკად ბუმბლართა და ნაკლულეევანების დროს გამოაცხოვენ ფქვილს პურებ, გარნა არა ეგოდენ ნოყიერ და გემრიელ არს, ვითარ სიმინდისაგან ქმნული უცომოთ. ორი გვარი არს ფეტვი თეთრათ და შავათ წოდებული, თეთრი ფეტვი უფროს შავისა ნაყოფიერ არს არამედ შავს აქვს თვისი სასარგებლო ხასიათი, რომელ თვენახევრით უადრეს თეთრსა მოიწევის.

კ ვ ა ხ ი . კვახს უწოდებენ გოგრაათასა და არს სხვა და სხვა გვარისა ძლიერ დიდ-დიდისა და მცირე-მცირესი და სთესვენ ზოგად მცხოვრებნი სამეგრელოსანი და ხმარობენ საზრდოთ სხვა-და-სხვა მაგვართ, ხოლო არს გემრიელი ნოყიერი და შემრგე.

ვ ა ზ ი . სავენახე არს ორ გვარი: დობილო და სავენახე. დობილოდ უწოდებენ ვაზთა მათ აშვებულთა მაღალთა ხეთა ზედა, რომელთაცა აშვებიდგან ხეზედ არღა გასხვლენ ათ-თორმეტი წლის და ადგილ-ადგილ ათ-თუთხმეტის წლისაც განმავლობაში და მერმე გადაჭრიან რტოთა რომელნი ნამეტნავათ აღორძინებულ იქნებიან და დამარჩრდილობელ ვაზთა და თვით ვაზთაცა გასხვლენ და მესამეს წელს კვალადვე გამოიღებს ნაყოფსა ნასხლე-

ვი იგი და ადგილთა მათზედა დასთესვენ მას წელიწადს  
ლომს თუ სიმინდს და ესრეთითა სახითა ისხვლების მარა-  
დის ვაზი და ესრეთ ყოფენ ამას, რამეთუ კერძო ქვემოი-  
სა მეგრელიისა არს დაბლობი და ქვემდებარე სარწყუ-  
ლობათა და ამათ ძლით ნამოანთა ბულთა, რომელსაც და-  
ლათუ უმაღლეს ძლიერისა ბულისა ამოორთქლილის ქენჭყო-  
ბთაგან არა იქნა: ისურში (?) ერთიან გაშავქანდებიან  
და მით დასნეულებულ ჩამოცვივდებიან, მაგრამ რა მალ-  
ლობზედ იქნება მტევანი ვაზისა მას მზე და ქარი  
უადვილესათ გააშრობს და მის ძალით დაცამწიფდის  
ჟამსა თვისსა, სხვები, ყურძენი ექვემდებარება ყოველსა  
გვარსა სნეულებასა ვითარცა ევროპასა შინა და სხვათა  
მხარეთა. ვენახი ეწოდების მას სადაც ქვემდებარება  
ადგილი უმცირესსა სინესტეს და არს აერი მშრალი მუნ  
დაბალს ვენახს აშენებენ ვითარ იგი ზემო მეგრელიაშიდ  
ლეჩხუმს უმეტეს ნაწილში ადგილებთა ბანძისათა ქვემო-  
მეგრელიაშიდ და მას წელს, რომელსაც გვალა იქნების  
საკმაო მოსავალი მოიწევის და უპირველესი ღვინო არს  
ოჯალეშისა, რომელიცა მოდის სალხინოს მაღალს ხურმის  
ხეებზედ შეშვებულს ვენახის ნაყოფთაგან. აგრეთვე სხვა  
ღვინოებიც კარგი ზოგ-ზოგ ალაგს და ზოგ-ზოგ ალაგს  
მდარე, გარნა ყოველგან მრავალი და სყიდიან იმერეთს და  
შავს ზღვის ნაპირას ციხეებში და შინაგან სამთავროისა  
მცხოვრებელნიცა დიდძალსა სმენ, ასე რომე არცა დიდი, არ-  
ცა მომცრო მოხუცებამდის ყმათაგან არ არიან დარჩენილი  
რომ ყველანი არა სვამდენ საკმაოდ, აგრეთვე მთხლისა და  
ჭაჭისაგან ხდიან ოტკას, რაოდენობა გასასყიდელისა და  
მოსავლისა განსაზღვრა შეუძლებელია, ხოლო სთელვენ  
ყურძენს ოჯალეშისასა დეკემბერს პირველს რიცხვში სხვა  
ყურძენთა უადრეს ვითა და სად რა ჟამს მოიწევის, არიან

კვალად თეთრი ღვინოცა ნაქები: ჭკვიშური, წილანჯიხური, ჭაქვიშური და ჭიტლოური.

ა ბ რ ე შ უ მ ი : ძველთა დროითაგანვე გამოაკეთებდინ მომცრო მომცრო თავის ოჯახის საჭიროებისათვის ჩასაცმელათ, გარნა ეს მეშვიდე წელიწადია განამრავლეს თუთის ხეები მცხოვრებთა და ეს მეორე წელიწადია ფაბრიკაც გაკეთდა ზუგდიდს გრაფ როზმორდუქის მიერ, რომელიც სყიდულობს პარკსა და ახვევს ფრანციულ გვარათ. ამან მოიყვანა თან ორი დედაკაცი ფრანციიდან აბრეშუმის ამოხვევის ოსტატნი და პირველ წელიწადსვე ასწავლეს ამათ სხვათა ქალთა აქაურთა გვარი ხვევისა და აწ უკვე არიან ათ-თუთხმეტი მცოდნე ქალი აქაური, რომელნიცა მსგავსათ ფრანციული ქალებისა ახვევენ. ეხლა შენდება დიდი ფაბრიკა, სადაცა დაიდგმის თავის გამართულობით სამოცი მაშინა და წელსავე იწყებს მოქმედებას. შარშან პირველათ ამოიხვა ათსა-მეტი ფუთი ძაფი აბრეშუმისა და გაისყიდა ლიონსა შინა ორას ერგასის მანეთად თითოეული ფუთი. წელს ამონახვევი ათის გორგლისაგან შეაწევს ოცდა-ათ ფუთამდე; მცხოვრებთა უწინ არ ესია მოუნებოდათ ფაბრიკის გაჩენა ზუგდიდს, რამეთუ არა იცოდენ ნაყოფი სარგებლობისა მისისა და იყვნენ დიდი წინაამდგომი, გარნა რა გასინჯეს ორის მოსავლის პარკათ გასყიდვის სარგებლობა, ახლა განამრავლეს მოწევა პარკებისა და ქალნიც წადიერათ გამოდიან მხვევლებათ, ხოლო მცხოვრებთა ოჯახში გაკეთებული აბრეშუმი ისყიდება თბილისს, გააქვსთ ოსმალში, აგრეთვე აფხაზეთში ვიდრე სამი ათას ფუთამდე კარგს მოსავალზედ ფასი ორმოცის მანეთიდან ფუთში ვიდრე ერგასისამდე უმეტეს ნაწილს ხმარობენ მცხოვრებნივე გამოიქმან მისგან დარაიას, სამალაჯას, ქათანას

ქვეშაგებათ, პერანგებათ, კაბებათ და სარტყელებათ, სამალაჯა ისყიდება ორ მანეთად და სამათ, ქათანა შვიდ აბაზათ, დარაია მანეთათ. თვალსაჩინოა განდიდებასა თანა ს ახვეველს ფაბრიკის გრაფის როზმორდუქისა, მცხოვრებელთა და მსყიდველობასა პარკთაგან მრავლებისათა, მცხოვრებელნი განამრავლებენ მოწევასა მისსა. რამეთუ წასულ წელს მცხოვრებთა მარტო სოფელს ზუგდიდისათა მოუვლინეს მოციქულნი გრაფს როზმორდუქს თხოვნად მისსა, რათამცა მარტო იმათგან ისყიდოს პარკი რაც ზაოდისათვის დასჭირდებოდის მაშინ.

თ ა მ ბ ა ქ ო . თამბაქოს თესვა მცხოვრებელთა შორის მოღებულა სათათრეთაგან მთავრის დადიანის კაცის ბატონობაშიდ. და აწ ჟამთა ჟამად ვრცელდების. საუმჯობესო თამბაქო მოდის მხარეთა წალენჯიხისა და ჯგალისათა და გაისყიდების წელიწადში ვიდრე თუთხმეტის ათასიდან ოცს ათას ფუთამდე; ეხლა წესდება სიგარის ფაბრიკა ზუგდიდსა შინა ზედა-მხედველობასა ქვეშე, გრაფის როზმორდუქისა,

ენ დ რ ო . ენდროს ოსტატი მოყვანილ არს მთავრის მიერ კუბიდგან ხელოვანი ოსტატი ებრაელი ნათესავით, და თესლი დაბარებული კუბითგან რომელმანც დაბასა სენაკს გააკეთა ენდროს პლანტაცია, და იპოვა მარჯვე და ვარგისათ რამეთუ აქა ავაცა შესწევს ესე ვითართა ნაყოფ გამოძღვებლობათა, ვინაიდგან ველური ენდრო მრავლათ აღმოცენდებიან ველსა და სოფლისანი სთხრიან და ხმარობენ თავიანთ საჭიროებისათვის.

კ ა ნ ა ფ ი ს ე ლ ი და ბ ა მ ბ ა . კანაფს სთესვენ ლეჩხუმში ყოველი მცხოვრებელნი და სყიდნიან იმერეთს და რაჭას. სელს მრავალს ადგილს სთესვენ და ხმარობენ ძაფათ თუ ტილოთ და არ ისყიდება გარეშე. ბამბა, ითე-

სება არა მრავალთა შინა სოფელთა, მოდის კეთილად და თავიანთ საჭიროებათ ხმარობენ.

ხეხილი. ნიგოზი, ზეთისხილი, ბრეწოული, კომში, ვაშლი, მსხალი, ქლიავი, ტყემალი, ლოღნაშო, შინდი, წაბლი, ჯონჯოლი, თხილი, ხურმა; ნიგოზს სყიდნიან კაკლათ, ხდიან მისგან საუცხოვო ზეთს და აგრეთვე თვით ნიგოზის ხესაც სყიდნიან: ზეთის ხილი მოდის მთასა ზედა ურთისასა, სადაც ძველთაგანვე უხსოვარს დროიდან ყოფილა ნერგოული გარნა არ ისყიდება გარეშე სამთავროსა, აწ მახლობელ ზუგდიდისა სოფელს, აბასთუმანს, კუთვნილსა სამეგრელოს მთავრინასა, კეთდება დიდი პლანტაცია ზეთისხილისა. კომში, ვაშლი, მსხალი სხვა და სხვა გვარისა ისყიდება იმერეთს და რაჭას; ქლიავი სხვა და სხვა გვარის კეთდება ჩირად და ისყიდება და ტყემალისა, ლოღნაშოსა და შინდისაგან კეთდება ტყლაპი და ჩურჩა, ხოლო ისყიდება იმერეთს და უმეტეს სათათრეში. ჯონჯოლი შინაგან იხმარება, თხილი ოსმალში, ხურმა დიდძალი ისყიდება სათათრეში, აგრეთვე წაბლის ხე.

ხენი არიან: მუხა, წიფელი, დაფნა, ბზა, ურთხველი იგივე ულპობელი, ძელქვა, ნაძვი, ფიჭვი, თელა, ლიფონი, ცაცხვი, რთხმელა, და სხვანი. ამათგან ბზა ისყიდება და იზიდება ზღვის ნაპირს, დაფნა ისყიდება ფურცლათ და კაკლებათ და არს გაცემული მთავრის საკუთარი ტყენი დაფნისსანი იჯარათ, <ცაცხვისაგან აკეთებენ საწნახელებს და სყიდნიან იმერეთს. >

პირუტყვი და თევზი. პირუტყვი: ჯოგები ძროხის ქვეშოსა მეგრელიისა ყავსთ სიმრავლით უმეტეს ზუგდიდის მაზრას შინა, სადაც გლეხთა ყავს ასობით უმეტესი და უნაკლესი ძროხები აგრეთვე ლორები და თხები, ცხვარი მკირედ, კამეჩი საკმაოდ.

თ ე ვ ზ ნ ი : თევზის სიმრავლე არის ტბასა შინა პალ-  
ასტომისასა, რომელიცა ეკუთვნის სამეგრელოს მთავრინას  
და იჭირვიან: ზუთხი, კობრი, მაზიდა, კაპარჭინა და ის-  
ყიდება იმერეთს გურიას და შინაგან სამთავროსა, აგრე-  
თვე პირად პირადთა მდინარეთა შინა იჭირვიან: ზუთხი,  
ფოროჯი, კალმახი, ორაგული, წვერა, ტოფი, რცამი  
ღლაფი და სხვა და სხვა ტომი თევზთა.

ს ა ნ თ ე ლ ი და თ ა ფ ლ ი . მრავალთა ყავს ფუტ-  
კარი და გამოიღებენ ტყით გინაცა ველურსა თაფლსა  
და სანთელსა და სყიდიან ყულევს გურიას და იმერეთს.  
ხოლო თაფლისაგან იქმონან თაფლუჭას და რამდენიმე,  
გამოდის კიპრუჭი..

ბ ე წ ვ ე უ ლ ე ბ ა ნ ი . კვერნას, წავს, მელას და  
დათვს, მოინადირებენ და სყიდიან სიმრავლით“.

## XI

გზები და არხები. არხის გაყვანაზე მომუშავე გლეხთა  
გასამრჯელო.

დავით დადიანის დროს ოდიშში შემდეგი გზები  
იყო:

შუა სამეგრელოს გზა: ზუგდიდი—ჭაქვინ-  
ჯი—ლესიჭინე—ჯოლევი—ნოჯიხევი—ხონი. ამ გზით წა-  
ვიდა ზუგდიდიდამ ქუთაისს ხელმწიფე იმპერატორი  
ნიკოლოზ პავლეს-ძე 1837 წელს და ამის გამო ეს გზა  
მაშინ ძლიერ კარგად იყო შეკეთებული.

ზუგდიდი — ცაიში — ხეთა — ნოჯიხევი.  
აქედამ ერთი ხაზი მიდიოდა ყულევს და მეორე საჭილაოს.  
საშუალო სამეგრელოს გზა მთავორიანი იყო და მთავ-  
რობას უნდოდა უფრო სწორის გზით შეერთებია ზღვა  
ხონთან, ქუთაისთან და იქით. ჩვენი ქვეყნის მეისტო-  
რიეს ბროსეს შეხვედრია 1848 წელს ხობის წყალზე პოლ-  
კოვნიკი თავ. გალიცინი, რომელიც განაგებდა მაშინ  
ამ გზის კეთებას<sup>1</sup>, ხსენებული პოლკოვნიკი სწერდა დავით  
დადიანს 10 მარტს 1847 წელს: „მთავარ-მართებლის  
მონდობილებით ვაკეთებ გზას ყულევიდამ სურამამდის.  
გთხოვთ თქვენი სამთავროდამ დღეში 150 მუშა დამახმა-  
როთ და 60 ურემი. მუშებს საჭმელი ექნებათ და მიეცე-

<sup>1</sup> Rapports sur un voyage archéologique dans la géorgie.  
ნაწილი პირველი, მეშვიდე მოხსენება, გვერდი 52.



მათ დღეში თითო შაური. საქმლის ჰმევა აქვს მინდობილი აკოფოვს. წელს მუშაობა უნდა მოხდეს ცხენის წყლიდამ ნოჯიხევამდის და რის გამოგზავნასაც ინებებთ ნოჯიხევს უნდა მოვიდეს“<sup>1</sup>.

ზ უ გ დ ი დ ი — რ უ ხ ი — ო ც ა რ ც ე — ო ქ უ მ ი — ბ ე დ ი ა — ო ჩ ა მ ჩ ი რ ე. ენგური გაჭედილი იყო რუხის ციხესთან. ჯერ კიდევ მემკვიდრე დავით დადიანი სწერდა მისს ძმას გრიგოლს: „გზა კი ჩინებული კეთდება, ხიდიც ჩინებული ოცარცეს, რუხის მახლობლად უჩინებულესი“<sup>2</sup>.

ზ უ გ დ ი დ ი — დ ა რ ჩ ე ლ ი — ა ნ ა კ ლ ი ა —

ს ე ნ ა კ ი — ნ ო ქ ა ლ ა ქ ე ვ ი — მ ა რ ტ ვ ი ლ ი —  
ბ ო მ ბ უ ა ს ხ ი დ ი — გ ო რ დ ი .

ნ ო ქ ა ლ ა ქ ე ვ ი — ს ა ლ ხ ი ნ ო .

**ღეჩხუმში:**

ო ყ უ რ ე შ ი — ც ა გ ე რ ი — მ უ რ ი .

მ უ რ ი — ლ ე ნ ტ ე ხ ი — ჩ ო ლ უ რ ი — ლ ა შ ხ ე თ ი .

მ უ რ ი — ლ ა ი ლ ა შ ი — ჟ ო შ ხ ა — ჭ რ ე ბ ა ლ ო . . .

დავით დადიანის დროს განახლდა არხი, რომელიც ერთ დროს აერთებდა ხობას-წყლის ტოტებს ცივს და ციას (ცივა) რიონთან ახლანდელ ჭალადიდს ახლო. როგორც მოწმობს კავკასიის პირველი მთავარ-მართველი თავ. ციციანოვი (1802—1806), ამ არხის გაყვანის აზრი დაებადა თავდაპირველად სამეგრელო-იმერეთში გაგზავნილს რუსი მოხელეს ლიტვინოვს. რადგანაც იმ დროს ფოთი თათრების ხელში იყო და ჯარების პროვიანტისა და სხვა საქონლისათვის მეტი გზა არ იყო მარჯვე მოწვენილიყო ორპირამდის, ლიტვინოვმა მიანდო

<sup>1</sup> ნახე Дело канц. влад. Мингр. № 497/47.

<sup>2</sup> წერილი 13 იანვ. 1836 წ.

ინჟენერს ლაშქარევეს შეერთებია ყულევი ჭალადიდთაბ არხით, რომ ამ გზით ეზიდნათ ზღვით მოტანილი საქონელი იმ ადგილამდის, საიდანაც ადვილად შესძლებოდათ დაერიგებიათ პროვიანტი, როგორც სამეგრელოს სხვადასხვა ნაწილებში ისე, თუ დასჭირდებოდათ, გურია-სამეგრელოშიაც. თუ მართალია ბ. მორენასის ცნობა, ეს არხი დაუმთავრებია საბოლოოდ სამეგრელოს მთავარს ლევან დადიანს 1824 თუ 1825 წელს. აი რას სწერდა ეს კაცი კავკასიის მთავარ-მმართველს პასკევიჩს (1827-1831) 5 აპრილს 1830 წ.: „ჩემის აზრით უფრო შესაფერისი იქნება ფაზისი (რიონი) ზღვას შეეუერთოთ მდინარე ხობისწყალისა და ცივის საშუალებით. ცივი—პატარა და ღრმა მდინარეა და შეერთვის ხობის წყალს და ამ ადგილიდან თოფის სასროლი მანძილია ზღვამდე. ამ წყალზე შეიძლება მოეწყოს ნაგებით ზიდვა საქონლისა, თითო ნავს 3000 ფუთამდე ტვირთის გადატანა შეეძლება. მენავეობა ამ მდინარეზე შეიძლება ჭალადიდამდე ვერსნახევრის მანძილზე. თვით ჭალადიდი რიონის მარჯვენა ნაპირზეა, 25 ვერსზე ზღვასთან შესართავიდან. თავადმა დადიანმა ცივიდან ფაზამდე 1824 თუ 1825 წელს არხი გააყვანინა მდინარე ცივიდან რიონამდე, რომლითაც წყალდიდობის დროს დადიოდნენ ნაგები 2500 ფუთამდე საქონლით დატვირთულები. ამ ნაგებით დღეს გადააქვთ სახელმწიფო ფქვილი ფოთიდან მარანში. ამ არხს მარტო შეკეთება და მოვლა დასჭირდებოდა, რომ თხელი წყლის დროსაც შესაძლებელი ყოფილიყო იმით სიარული“<sup>1</sup>.

ამას სწერდა მორენასი მაშინ, როდესაც ფოთი უკვე რუსების ხელში იყო.

<sup>1</sup> Акты арх. комиссии— ტ. VII გვ. 210, 1878 წ.

არა სჩანს საქმიდამ რა განზრახვით მოკიდა ხელი ვარანცოვმა ამ არხის განახლებას, მაგრამ ეს კია რომ მთავარ მმართველი დიდ ყურადღებას აქცევდა ამ არხის განახლებას და მთავარი დავით დადიანი დიდად ხელს უწყობდა ამ განახლებას.

მთავრის კანცელარიის საქმიდამ ჩანს, რომ დავით დადიანისაგან დანახმარ მუშებს დღეში ეძლეოდათ სამსამი შაური. ამ ფულით თითოეული მუშისათვის ყიდულობდნენ დღეში ორ გირვანქა ღომს, ნახევარ გირვანქა ხორცს, ნახევარ გირვანქა ლობიოს, და ერთ მანერკა ღვინოს. და რაც ფული გადარჩებოდა ამათ სყიდვას, მუშებს იქვე ურიგებდნენ<sup>1</sup>.

ამგვარი დახმარებისათვის მაღლიერი ვარანცოვი სწერდა დავით დადიანს:

„პოდპოლკოვნიკმა პოტოცკიმ შემატყობინა, რომ თქვენ სურვილი გამოგიცხადებიათ გამოგვიგზავნოთ მეგრელები მუშებად არხისა და მდინარე ხობის წყალის კალაპოტის გასაწმენდად ყულევსა და რიონს შუა, დღეში სამ შაურად. ჩემს თავს მოვალედა ვსთვლი თქვენს უგანათლებულესობას უდიდესი მაღლობა გამოვუცხადო დახმარებისათვის ამ ყველასათვის სასარგებლო საქმეში.

მთავარ შტაბის უფროსმა თქვენ უკვე მოგახსენათ ჩემის მხრით რა და რა განკარგულებაა გაცემული იმის თაობაზე, რათა თქვენს ქვეშევრდომებს, ვინც აქ იმუშავენ, ქირა მაშინათვე მიეცეთ, მე ვუბრძანე სამუშაოთა ხელმძღვანელს პარუჩიკს ცილლეს მუშებს ქირა ყოველდღე მისცეს პირადად ხელში.

გაუწყებ რა ამას თქვენს უგანათლებულესობას,

---

<sup>1</sup> ნახე შტაბის ნაჩაღნიკის კოცებუს წერილი დავით დადიანთან. 28 იანვარ. 1847 წ. Дело канц. влад. Мингрелии № 442/1846 г.

გთხოვთ მიიღოთ რწმუნება ჩემის თქვენდამი პატივისცემისა და ერთგულებისა, თავადი მ. ვორონცოვი“<sup>1</sup>.

ამ არხის რიონთან შესართავზე იყო საბაჟო, საცა მთავრის მებაჟეები გუკოჩია ჭოჭუა, იესიკა ჭოჭუა და მახუია გვიჩია ახდევინებდენ მთავრის სასარგებლოდ ბაჟს.

ამას გარდა დავით დადიანის დროსვე განიზრახა კავკასიის მთავარ-მმართველმა ვარანცოვმა გაეუმჯობესებია ნავთ-სვლა რიონით იმ ადგილიდამ, საცა ამ მდინარეს ერთვის გუბის წყალი ცივის არხამდის და ფოთამდის<sup>2</sup> მთავარ-მმართველმა დააწესა „Комиссия для устройства судоходства по р. Риону“ და ამ კომისიის მხედველობის ქვეშ სწმენდნენ რიონს, იღებდნენ იმისგან შიგ ჩასილულს და ჩაძირულს ხეებს, აშიშვლებდნენ წყლის ნაპირას ხე-ტყილად 10—12 საჟენის სიგანეზე, რომ დაუბრკოლებლად ეტარებიათ იქედამ ნავები. რომ მიწის პატრონები ზარალში არ შეეყვანათ ხეების მოჭრით, კომისიას ფასი ქონდა დადებული თითოეულ ხეზე, რომელიც მოიჭრებოდა რიონის ნაპირად, — შეფასებული იყო:

კაკლის ხე	. . . . . 6	მანეთად
ბულის	. . . . . 1	„
მსხალი	. . . . . 2	„
ვაშლი	. . . . . 2	„
ბია	. . . . . 3	„
ბროწეული	. . . . . 2	„
ვაზი	. . . . . 3	„
ატამი	. . . . . 1	„
ლელვი	. . . . . 2	„

<sup>1</sup> Дело канцелярии влад. Мингрели, № 442/1846 г.

<sup>2</sup> ნახე Отчет кн. М. С Веронцова, 1849—1851 г. Акты арх. комиссии ტ. X გვ. 890.

29 იანვარს 1847წ. თავ. ვარანცოვმა გამოუგზავნა დავით დადიანს მიწის პატრონთათვის დასარიგებლად 1903 მანეთი<sup>1</sup>.

მთავრობისგან არხების გაყვანით წაქეზებულმა დავით დადიანმა თითონ განიზრახა გაეყვანა არხი ჯუმიდამ ქუჩიას შტომდის, რომ ამგვარად გაედვილებია საქონლის მოტანა ზუგდიდს და რამდენიმე ვერსტი კიდევ გაათხრევინა ეს არხი, მაგრამ იმის დამთავრება მას არ დასცალდა.

არხებში მუშაობა ერთობ მძიმე მუშაობა იყო, იმ დენად მძიმე, რომ იქ გაგზავნილ კაცებზე ამბობდნენ კატორლაში გაგზავნესო. ერთხელ აღდგომის წინა დღეს ამ არხის გაყვანის დროს ერთი საჭყონდიდოელი კაცი ჩამოვარდა ზიდამ და მოკვდა. მკვდარი ნოჯიხევს გაგზავნეს ბეჩუნა ჯორჯიკიასთან, მოურავთან. მან მაშინვე გაგზავნა განსვენებული თეკლათს ჯარუკია თევზაიასთან და ნიკოლა სალაყაიასთან. აღდგომის დღე იყო, როცა სხვისი გარდაცვალებულისთვის მოცალეობა არავის ქონდა და ამათ მკვდარი ისევ უკან დაუბრუნეს ჯორჯიკიას. ეს, რომ მოხსენდა მთავარს, დიდად განრისხდა და ბოქაულთ-უხუცესს კონსტანტინე დადიანს უბრძანა თევზაიასთვის გადაეხდევინებია ასი მანათი და სალაყაია საზაგალითოდ დაესაჯა.

---

<sup>1</sup> იხ. Дело канц. влад. Мингрелии № 477/18747 წ.

## XII

ადმინისტრაცია. დავით დადიანის მიერ ოდიშ-ლექსუმის ჰმა მაზრად დაყოფა. ამ მაზრების ხელისუფალნი.

დავით დადიანმა ოდიშ-ლექსუმი დაყო რვა მაზრად (დღეს ოდიშ-ლექსუმი არის დაყოფილი 9 საპრისტაოდ). ამ მაზრებს შეადგენენ:

**ზუგდიდის მაზრა სოფლებით:** ზუგდიდი, ცაიში, ხობი, ნოჯიხევი, ბია, ხორგა, აბასთუმანი, ლედგებიე, კორცხელი, ახალდაბა, ყულისკარი, ხიბულა, კირცხი, ოჩხომური, ჭაქვინჯი, შამგონა, დიდი-კოკი, კახათი, დარჩელი, ჭითაწყარი, განარჯიას-მუხური, ორსანტია, პატარა-კოკი, ანაკლია.

**ჯვარის მაზრა სოფლებით:** ჯვარი, ხუდონი, ღია, ნაგუროუ, კუხეში, საჩინო, ჯგალი, წალენჯიხა, ობუჯი, ზუბი, ჯუმითი, ლეწურწუმე, ალერტი, გურძემი, ნამიკოლოუ, თამაკონი, ყინოთა, ლეცავე, წაჩხური, კურზუ, ხანჭკი, ოცინდალე, ჭოლა, მუხური, ლექარჩე, ნაკიკიანო, ნაჯაგოუ, ახუთი, სავეკუო, ლეგერსამე, დოშაკი, კიწია, მოიდანახე, ნოლა.

**ზუბის მაზრა სოფლებით:** ზუბი, ზენი, ქვალონი, საგვასალიო, ხორში, საგაბესკირიო, ახალ-დოხორე, ციხეთი, მეორე ხორში, მაცხოვრის-კარი, საჩიჯავო, ზანა, საწულეისკირიო, ეკი, იმანიერი, საფადავო, უფალ-კარი, უშაფათი, ლეძაძამე, ნასაჯოგუ, ფოცხო, მოხაში, ლესი-ჭინე, ოჩხომურის-პირი, სააფაქიო ზანა.

**სუჯუნის მაზრა სოფლებით:** სუჯუნა, ეწერი, ესაკეთი, ზანათი, მთავარ-ანგელოზი, მაცხოვარ-კარი ანუ კაპანა, რობა, ონტოფო, სეფიეთი, კადარი, აბაშა, გულუხეთი, სამიქაო, ონოლია, ნაგიბეროუ, ბანძა, ორქა, ჯოლვევი, კვაუთი, ნოქალაქევი, კოტიანეთი, სორტა, სენაკი, გეჯეთი, წყემი, ნოსირი, შხეფი, თეკლათი, სახარბელიო.

**საჭილაოს მაზრა სოფლებით:** ილორი, ნაფალოუ-ური, სანავარდო, ნაჩხიტური, ქვიშანჭალა, ქორეისუბანი, ტოლები, ეკალე, გულეკარი, კეთილარი, ნაფარცხევი, ტყვირი, ცილორი, კოდორი, შვაქალაქი, კვათანა, წალიკარა, სირიაჩქონი, საქოჩაქიძო, წყარიძგა, მუხური, სავამიჩაო, ჭალადიდი, პატარა-ფოთი.

**მარტვილის მაზრა სოფლებით:** მარტვილი, გორდი, იჩხური, ხუნწი, ჟუშქი, კინჩხა, დიდღვაბუნა, ბალდა, საელიავო, ქვაითი, სუჩხე, საწისქვილო, რონდიში, ღვედი, ბომბოთი, ნალეუსოუ, I ნახუნოუ, II ნახუნოუ, III ნახუნოუ, აბედათი, ნაჯავახოუ, I ნაგვაზოუ, II ნაგვაზოუ.

**ლაილაშის მაზრა სოფლებით:** ლაილაში, ლაჯანა, ლუ, სურმუში, თაბორი, გენდუში, ჭყვიში, საირმე, ლაბეჭინა, ჟოშხა, ზედა-ღვარდია, ზოგიში, ცაგერი, ალპანა, აჯარა, დღნორისა, საჩხეური, ჩორთისა, ჭამლეთი, ონჭყიში, მექვენა, ვანი, ქორენიში, ტვიში, ორხოვი, დერჩი, სასაში, მედეცი, ჭახუნდერი, ჩუკული, ხერია, ახალშენი, ჩიხარეში, შექედი, ნაცველი, მელე-მახაში, საყდარი, შვიდილა, ჭველიერი, მამა-ტვიში, მოწდი, და

**მურის მაზრა,** ორმოცდა ხუთი სოფლით ლეჩხუმ-სვანეთში.

მაზრების უფროსებად იყვნენ დანიშნული მაზრის მდივანბეგები, ან მეორე ხარისხის მდივანბეგნი. სხვადასხვა დროს მაზრის მდივანბეგებად იყვნენ:

ზუგდიდს—თეიმურაზ აგიაშვილი, კაცია ჩიჩუა, დუტუ დადიანი.

სუჯუნას—ალექსი ბატონიშვილი, ტაია (ტარიელ).

მარტვილს—ანტონ ახვლედიანი, მაქსიმე ქოჩაქიძე<sup>1</sup>.

ლაილას—ფარნაოზ გელოვანი, მურს—ალექსი ჩიქვანი, დუტუ ფაღავა.

საქილაოს—გიგო ფაღავა, ზუბს—ანტონ ჩიქვანი.

წერილობითი დებულება, რომელსაც უნდა განესაზღვრა მაზრის მდივანბეგების მოვალეობა არ არსებობდა. მაზრის მდივანბეგებს თითქმის იგივე მოვალეობა აწვათ, რის მოვალენიც არიან დღევანდელი პრისტავეები. განსხვავება იმაში მდგომარეობს, რომ მაზრის მდივანბეგები წერილმან საქმეებსაც სწყვეტდენ, რომლის გარჩევა დღეს ეკუთვნის სოფლის სასამართლოს და მომრიგებელ მოსამართლეს.

თითოეული მაზრა იყო დაყოფილი რამდენიმე სამოურაოდ. ბროსსე წერს თავის მოგზაურობაში, ოდიშ-ლეჩხუმში სულ 12 მოურავი იყო, მაგრამ მითხრეს, იმათი რიცხვი მეტი იყო. თითოეულ დიდ სოფელს და რამდენსამე წვრილს თითო მოურავი ყავდა. მოურავები, ან როგორც დავით დადიანი უწოდებდა მათ საქართველოს მიმსგავსებით, ნაცვლები, სამოურაოში იცავდენ წესიერებას და ასრულებდენ უმაღლესის მთავრობის მოწერილობას. წერილობითი დებულება არც მოურავების მოვალეობას საზღვრავდა, მაგრამ რა ევალეობდა ნაცვალს ეს სჩანს ერთს წერილიდამ, რომელიც მიუკია დავით დადიანს 1847 წელს ხობის სოფლის ნაცვლის ბეჩუნა ჯორჯიკიასათვის. აი რას ავალებს მთავარი მისგან ახლად არჩეულს თანამდებობის პირს:

<sup>1</sup> მამა პოეტი გ. ჭალადიდელისა.—ს. ც.



კეთილშობილს, ხობის სოფლის ნაცვალს  
ბეჩუნა ჯორჯიანი

აღმოვიჩინეთ რა ნაცვლად გიორგი ჯორჯი-  
კიასი ნაცვლის წოდებაშიდ ხობის სოფელში, გაძლევთ  
შემდგომს დაჩივებას:

ა) აღასრულებდეთ სიმართლით და გარდაუხვევლად  
ბრძანებათა და წონდობილებათა ჩემთა და მაზრის მდი-  
ვანბეგის თქვენდა რწმუნებულ სოფელში.

ბ) რომ დღესასწაულზედ და ვნებათ კვირაში წირვა-  
ლოცვას არ დააკლდეს ერთი მცონარებით, თუ არ შე-  
ხედეს დამაბრკოლებელი მიზეზი.

გ) იქონიეთ თვალ-ყური, რომ უზიარებელი არავინ  
მოკვდეს, და თუ წირვა-ლოცვის გაცდენა ან უზიარებლად  
ვინმეს სიკვდილი მოხდეს და ბრალი დარჩეს მღვდელს,  
მაშინ არქიმანდრიტს აცნობეთ პირდაპირი მიწერილობით.

დ) უკეთუ სნეულება რაიმე გაჩნდეს კაცთა შორის  
თუ პირუტყვთა შორის, მაზრის მდივანბეგს მოახსენეთ  
და მეც მომახსენეთ მაშინვე დაუყოვნებლივ.

ე) ქურდობისა და მსგავსის მოქმედებისაგან დაი-  
ფარე ხალხი და თუ იმისთანა მოხდეს რაიმე, პირდაპირ  
მომახსენე მაშინვე.

ვ) გლეხი-კაცი არაფელზე შემოწუხო დე-  
ბულ გარდასახადის გარდა, აგრეთვე დაუნაშავლათ არა-  
ვინ დაისჯება, კაცს თავის დანაშაული დასჯის ღირსე-  
ბისამებრ. თუ ამას გარდახვედი ჩემთან საშველი აღარ  
გაქვს, ვერავინ ვერ გიშველის ჩემგან.

ზ) მუშათა გამოწვევა თუ საზოგადო რამე შეხვეთება  
მოთხოვნილება სოფელს, ზომიერათ იქმნას გაყოფილი, რომ

აქამდი იცოდენ, ზოგს ხელს უფარავდენ და არ გამო-  
ყავდათ და ზოგი გამოყავდათ, ამათ ჯაფა მეორეთ ეღე-  
ბოდა და სიმძიმით უჩნდათ, ამიერიდგან ეს არ მოხ-  
თეს, თორემ ყოფაცხოვრებისაგან განგაყენებ.

ვ) ჩემი შემოსავალი არაფერი დამაკლდეს, უმცი-  
რესიც.

თ) თუ ვინმე გაიქცეს სადმე გლეხი კაცი, გაქცევის  
მიზეზი, აგრეთვე სად წავიდენ, მყისვე მომახსენე რა რიცხვ-  
ში და რამდენი სახელდობ.

ი) რაზედაც დათხოვილი ხარ თუ ის ქენი, ჩემი ორ-  
გულება იქნება და როგორც ორგულს ისე მოგეპყრობი  
და თუ აღასრულებ, მაშინ ერთგულება იქნება და რო-  
გორც ერთგულს ისე წყალობას და სიბრალულს მიიღებ  
ჩემგან.

მთავარი მენგრელიისა დავით დადინი<sup>1</sup>.

№—1941. ჩემს-ს წელსა კზ-ს ივნისს, გარდს.

მოურავების ხელ-ქვევით მსახურებდენ მოხელეები.  
ესენი იყვნენ დაბალი ხარისხის ხელისუფალნი, რომელ-  
თაც მოყავდათ სისრულეში სხვადასხვა გვარი განკარგუ-  
ლებანი მთავრობისა. მოხელენი, როგორც მოურავნი,  
უმეტეს ნაწილად კეთილშობილთა წოდებას ეკუთვნო-  
დნენ.

დუბროვინის და ივანენკოს გამოკვლევით ქართლ-  
კახეთში და იმერეთში „საბატონო სოფლების სამსაჯუ-  
ლო და საპოლიციო გამგეობა ებარა ბატონს, მემამულეს,  
ხოლო ქალაქებსა და სახელმწიფო და საუფლისწულო სო-  
ფლების—მოურავებს. ეს პირნი ან თვითონ არჩევდენ საქ-

---

<sup>1</sup> დედანი ამ წერილისა იპოვება ქუთაისის დეპუტატთა საქ-  
რებულოში.

მეებს, ანდა მომჩივან-მოპასუხეთ ურჩევდენ მედიატორებთან მიმართვას. სასამართლოს ასეთი გადაწყვეტილებით უკმაყოფილოდ დარჩენილ პირს შეეძლო საქმე მეფესთან გაესაჩივრებია“.

დავით დადიანმა ამის მიმსგავსებით დააწყო სამეგრელოს დაბა-სოფლების ადმინისტრაციული გამგეობა. მოურავებზე საჩივარი ან მაზრის მდივანბეგთან შეჭქონდათ ან მთავართან.

სამეგრელოს უმაღლესი სამმართველო დაწესებულება იყო, „უზენაესი სასამართლო“, რომელიც შესდგებოდა მდივანბეგებისაგან. ეს სასამართლო უფრო სამსაჯულო დაწესებულება იყო, ვიდრე ადმინისტრაციული, მაგრამ როგორც მოხსენებულია ამ წიგნის XIII თავში ამ სამსაჯულო დაწესებულებას ადმინისტრაციული მოვალეობაც აწვა. 1842 წელს, როდესაც დავით დადიანი თბილისს წავიდა, სამეგრელოს უმაღლესი მმართველობა მიანდო უზენაესს სასამართლოს. წასვლის წინ მთავარმა შემდეგი ბრძანება გაუგზავნა ხსენებულს სასამართლოს:

### **მენგრელიის უზენაესს სასამართლოს**

ჩემის ტფილისს წარსვლისა გამო ვიდრე ჩემს შემოსვლამდე ჩემს სამფლობელო მენგრელიაში მოგანდობ მას სასამართლოს შინაგანთა საქმეთა მართვიდან ერთად რომლისათვის ამასთანავე მივსწერე ყოველთა მაზრის მდივანბეგებთა, რომელ იგინი მოხსენებითა მას შინა მიიქცნენ საქმეთა თვითცა სამმართველოისა ვიდრე ჩემს მობრუნებამდე, ხოლო სასამართლო უაღრესთა საქმეთა თვისისა შესახებელისა-

თა წარმომიდგენდეს მე ტფილისსა შინა უკეთუ  
შეხედეს რაიმე ესრეთი საშური.

მემკვიდრე მენგრელიისა დავით დადიანი <sup>1</sup>.

№ 1159. ა-ს მაისს ჩემზ წ. ზუგდიდს.

როგორც სხვა ადგილას გვაქვს მოხსენებული ამ  
წიგნში დავით დადიანის დროს უზენაეს სასამართლოს  
წევრებად იყვნენ მდივანბეგნი: სიკო ჩიქვანი, ანტონ  
ჩიქვანი, ანტონ ახვლედიანი, გიგო ფალავა, ივანე ჩიქ-  
ვანი და ვახტანგ ჩიქვანი.

უზენაესი სასამართლოს თავმჯდომარე იყო, მსა-  
ჯულთ-უხუცესი თავ. როსტომ ჩიქვანი.

ადმინისტრაციაზე ლაპარაკი არ იქნება სრული თუ  
აქ არ მოვიხსენიეთ რა გვარად სდევნიდა, დავით დადი-  
ანი ქურდობას.

დავით დადიანის დროს სამეგრელოში ქურდებად  
ასახელებდნენ: ბანძაში ზურაბ ფალავას, ონოლიაში რო-  
მელილაც გაბუნიას, ნოჯიხევში უჩა ჯორჯიკიას, ცაიშში  
გიორგი ჟორდანიას. მოპარული ხარ-კამეჩი და ცხენი  
ამათ ეკითხებოდათ. მათი გზა იყო: ხონი, ბანძა, ნოჯი-  
ხევი, ცაიში, და სამურზაყანო <sup>2</sup>.

წერილობითი საბუთი არ ეთანხმება ამ ცნობას,  
თუმცა ეს ცნობა ეკუთვნის უზენაეს სასამართლოს წევრს  
თავ. პეტრე დადიანს. ქუთაისის გუბერნიის სამმარ-  
თველოში არის საქმე დაწყებული 1852 წ. № 455 სამეგ-  
რელოს უზენაესი სასამართლოსი, რომლისაგან სჩანს,  
რომ იმ წელს მარტო ზუგდიდის მაზრიდამ დაუბარებიათ  
104 კაცი და ამათ ფაც ქვეშ უჩვენებიათ მაზრაში 50 კა-

<sup>1</sup> Дело канц. влад. Мингр. № 37/1842.

<sup>2</sup> პეტრე დადიანისაგან განაგონი.

ცი ქურდობით განთქმული, რომელთა სია ამ საქმეშია მოყვანილი.

თუმცა ლევან დადიანის დროიდან სისხლის სამართალი, როგორც ეხლა, სამეგრელოს დამნაშავეთათვის სწარმოებდა ქუთაისის ოლქის სასამართლოში, „В кутаисском областном суде“ დავით დადიანმა ქურდობას ადმინისტრაციულის სასჯელით დაუწყო დევნა.

კორცხელის მცხოვრებს მაკარაძეს დაუცხრომელის ქურდობისთვის მთავარმა, ვახტანგის კანონის ძალით, ხელი მოსჭრა.

სენი თოფურია, ფალავას გლეხი, გავარდნილი ქურდი, მთავარმა ჩამოახრჩო ხეზე ქვატახტს, ჭაქვინჯის საზოგადოებაში. რომ დასჯა სამაგალითო ყოფილიყო, მთავარმა თოფურიას ჩამოხრჩობაზე დიდძალი საზოგადოება შეკრიბა. თოფურია, რომ მოკიდეს იმას ხელი მალლა ასაყვანად, დაიწყო მთავრის გინება და ამ გინებაში იმას სული ამოხდა.

რუსის მთავრობამ დავით დადიანს ამ სასჯელის გამო პასუხი მოსთხოვა. მთავარმა მოკლედ მოახსენა: ქურდი ხალხმა დასაჯაო.

ქურდობის ასალაგმავად დავით დადიანმა უბრძანა ზუგდიდის მაზრის მდივანბეგს კაცია ჩიჩუას, დაეწვა ოჯახი ქურდებისა: დავით სოლომონის-ძის ჩიჩუასი, ბასა ლოლუასი და უტა ლოლუასი<sup>1</sup>.

ქვალონელი დავით ჩიჩუა დასტუქსა მთავარმა: წუწუკი ხარ, ქვეყანა შეაწუხეო და როცა ჩიჩუამ სიტყვა შეუბრუნა, ჯაჭვი შეაბა იმას და ციხეში გაგზავნა.

1842 წელს მსაჯულთ-უხუცესს თავ. ნიკო დადიანს წარმოუდგენია მემკვიდრისათვის სოჭაში ჯარის ცხენის

<sup>1</sup> მინა ჩიჩუას და დავით გვათუას ნაამბობი.

ქურდი უტა ლოლუა, მემკვიდრეს რეზოლუციად დაუდგია: „ლენტებს გაიგზავნოს და ეცნობოს ნიკოს“<sup>1</sup>.

ერთხელ ყულევში ტამოქნის მოხელე გოგი ჯანოევისას, საცა იყო ჩამომხტარი, დავით დადიანს ორი მისი ნათესავი ყმაწვილი კაცი მოგვარეს: ნიკო და იოსებ ჯანიანი, რომელთათვის მოხსენდა, რომ ქურდობენო. ამის გამგონე დადიანმა წამოავლო ხელი ჩიბუხის ტარს და ორივე ძალზე დაზილა<sup>2</sup>.

ზუგდიდის მაზრის მდივანბეგის თანაშემწეს თ. პეტრე მხეიძეს სწერდა მთავარი საკუთარის ხელით:

„ეს რამდენიმე ხანია გაძლიერდა ისევე ქურდობა ანაკლიის გზაზედ და ქურდობის გარდა მგზავრთ რომ დაიხელებენ ხელ-გამოუღებლად წაართმევენ რამეებს. უმეტეს სხვათასა უწესობანი წარმოებენ გზაზედ მცხოვრებელთა ჭითაწყარელთა და დარჩელთაგან. გარეშისაქცევლად გულვებათა უწესობისა განუფრცელობათა და უსმინარობათა მოგიწერთ, თქვენო ბრწყინვალეზაჲ, სოფლის ანაკლიის და ჭითაწყარის სამზღვარზედ, სადაც დათარჯულია განსვენებულის ბატონის მამის ჩემისაგან და მიჩენილი ორთავე სოფლების ადგილები, იქ გააკეთეთ კარგი ჯიხური ვიწრო გასავალში და დააყენეთ რიგიანი და სიმართლის მქონებელი კაცები დარაჯად, რომ ვინც ნახონ საეჭვო კაცები წარმადენელი ცხენტა და რქიან პირუტყვთა შეაკავებენ და არ გაუშვებდნენ გარემოების შეტყობამდე და

---

<sup>1</sup> Дело канц. влад. Мингр. о разн. предметах по донесению верх. правл. на—7 акт. 32.

<sup>2</sup> ბესარიონ ხოფერიასაგან განაგონი.



### XIII

სასამართლო. ძველი და ახალი კანონები. როსტოჲ ქულა.  
რუსული კანონის შემოსვლა. პანკრატიევის რაკობტი.

სამეგრელო რომ შეუერთდა რუსეთს, პირობა და-  
იდვა, სამთავროში იგივე სამართალი დარჩენილიყო, რა  
სამართალიც იყო ძალაში წარსულის საუკუნის დამდეგს.  
ცოტა შემდეგ, 1816 და 1825 წ. აღიძრა საკითხი: კაცის  
კვლა, ტყვეთა ყიდვა და ავაზაკობა გარჩეულიყო რუსის  
კანონის ძალით ქუთაისში, სამხედრო-სამსჯავრო კომი-  
სიაში და მთავარმა ლევან დადიანმა ამაზე თავისი თანხ-  
მობა განუცხადა რუსის მთავრობას.

სამოქალაქო საქმეების და წვრილმანი დანაშაულებ-  
ის სამართლის გაჩენას ეწეოდა ოდიშ-ლეჩხუმში, ისე  
როგორც იმერეთში, მდივანი, ან რჩევა, რომელსაც და-  
ვით დადიანი უწოდებდა ჯერ საგანზრახოს<sup>1</sup>, და ბოლოს  
უზენაეს სასამართლოს.

უზენაეს სასამართლოს იურისდიქცია წერილობით  
არ იყო დაწვრილებით დაკანონებული. სხვადასხვა საქ-  
მეებიდამ სჩანს რომ უზენაესი სასამართლო სამართლის  
გამჩენი დაწესებულებაც იყო და ადმინისტრაციულიც.

---

<sup>1</sup> წერილი გრ. დადიანთან 29 ტირისკონს 1834 წ.



დავით დადიანი თბილისს რომ წავიდა 1842 წელს, სამთავროს უმაღლესი მმართველობა უზენაესს სასამართლოს მიანდო<sup>1</sup>.

ხუთი-ექვსი ოფიციალური საქმეებიდამ, რომელიც სხვათა ხელ-ნაწერთა შორის მე გადმომეცა მთავრის დავით დადიანის ძმის გრიგოლისაგან, სჩანს, რომ უზენაეს სასამართლოს ქონდა მინდობილი გამოეძია რამდენად მართალი იყო გრიგოლ ტარიელის ძის დადიანისაგან ხალხში გავრცელებული ხმა სამეგრელო აღრეულ-იყოს, საჩივარი გაგზავნილ იყოს მთავრინაზედ და თითონ ის, გრიგოლ ტარიელის ძე დადიანი დაყენებულ იყოს მთავრისაგან სამეგრელოში ჟანდარმად.

სასამართლოს წევრებს ანტონ ჩიქვანს და გიგო ფალავას ქონდათ მინდობილი 1857 წელს გამოეძიათ, რატომ ატყდა ხალხის ამბოხება სალიპარტიანოში.

სასამართლოს წევრს ანტონ ჩიქვანს ქონდა მინდობილი გამოეძია ხვარძიკიების და ჩიქაქეების საჩივარი პეტრე მხეიძეზე, რომელმაც აიკლო მათი ოჯახი მაშინ, როცა ზუგდიდი აიღო სკინდირ ფაშამ.

სულ ყველა ამგვარი საქმეები უფრო ადმინისტრაციული თვისების საქმეები იყო ვიდრე სამსჯავრო.

პირდაპირი დანიშნულება კი უზენაესი სასამართლოსი იყო სამართლის გაჩენა მომჩივან - მოპასუხეთა შორის.

უზენაეს სასამართლოს წევრებს, მდივანბეგებს ირჩევდა მთავარი.

სანამ თანამდებობას მოკიდებდა ხელს მდივანბეგი, იმას უნდა მიეღო ფიცი ძლიერ ხატზე.

<sup>1</sup> Дело канц. влад. Мингр. № 37/1842

მდივანბეგების სხდომას თავმჯდომარეობდა მდივან-  
ბეგთ - უხუცესი ან მსაჯულთ - უხუცესი, დავითის დროს  
ამ თანამდებობას ასრულებდა თავ. როსტომ ჩიქვანი.  
მდივანბეგებად იყვნენ: სიკო ჩიქვანი, ანტონ ჩიქვანი,  
ანტონ ახვლედიანი, გიგო ფალავა, ივანე ჩიქვანი, ვახტანგ  
ჩიქვანი.

უზენაესი სასამართლოს მდივანი იყო ოქროპირ  
ასათიანი.

როგორც გადმომცა მსაჯულთ-უხუცესად ნამყოფმა  
თავ. პეტრე დადიანმა, საქმის გარჩევას ესწრებოდნენ  
ხან სამი, ხან ოთხი, ხან ხუთი მდივანბეგები. სასამართლოს  
სხდომა უმეტეს ნაწილად ინიშნებოდა იქ, საცა ბრძანდე-  
ბოდა მთავარი, რომლის სასახლიდამ იმათ ყოველდღე მო-  
სდიოდა ულუფა, როცა გარემოება მოითხოვდა, მდივანბე-  
გები მიდიოდნენ სხვადასხვა ადგილს სესსიად და იქ აჩე-  
ნდნენ სამართალს. ხშირად მოურავები ატყობინებდნენ  
მდივანბეგებს რა საქმეები იყო მათ სამოურავოში გასა-  
რჩევი.

მომჩივან-მოპასუხეს უზენაეს სასამართლოში ახდე-  
ვანებდნენ „საბჭოს“ ათის-თავს.

მომჩივან-მოპასუხე გლეხები და აზნაურები უზენა-  
ესს სასამართლოს მოახსენებდნენ თავიანთს საჩივარს და  
საჩივრის პასუხს დაჩოქილად, როგორც ჩინეთში. ვინც  
მოისურვებდა, შეეძლო თავის მაგიერ სასამართლოში  
წაეყენებია ადვოკატი, მაშინდლურად, ასაბია. განთქმულ  
მოლაპარაკედ დაუსახელებიათ ჩემთვის აბაშელი მ ა ძ ი ნ ი ა  
ქო ი ა ვ ა და ქალადიდელი გ უ კო ჩ ი ა ქოჭუა <sup>1</sup>.

პეტრე დადიანმა მიაშბო: ვახტანგის კანონი დიდი  
ხანია შემოღებულია სამეგრელოში, ოტია დადიანის დროს

1. ბესარიონ ხოფერიასაგან განაცხადი.

მაინც (1744 წ.). გაგონებით ვახტანგი სიძე იყო დადიანის და მისგან დაწერილი კანონი სიძეობის დროს გამოუგზავნა მთავარს. ერთი უსამართლოება ამ კანონისა ეს იყო: ძმა რომ უმემკვიდროდ მოკვდებოდა მისი მამული მებატონეს მიქონდა. კარგი მხარე ეს ქონდა კანონს: საქმე მოწმის ფიცით თავდებოდა, მოწმე იკითხვოდა მართლის მთქმელი, არა ქურდი, კარგი ყოფაქცევისა, არც მტერი, არც მოყვარე. ამისაგან ტყვილად ფიცის მიღება შეუძლებელი იყო და საქმე სიმართლით წყდებოდა.

დავით დადიანის დროის სასამართლოზე ლაპარაკს, უმართებულო იქნება არ დავსძინო აქ რამდენიმე სიტყვა თვით იმ კაცზე, რომელიც უდგა მართლ-მსაჯულების სათავეს მთელი მისი მთავრობის განმავლობაში. მე ვამბობ თავ. როსტომ ჩიქვანზე.

როსტომ ჩიქვანი არის იშვიათი ფიგურა წარსულის დროებისა მთელს ჩვენს სამეგრელოში. „დიდ-ნიკო“ დადიანს შემდეგ, რომელმაც დაუწერა ლევან დადიანს „დასტურლამა“, ანუ მოძღვრება სამთავროს გამგეობისა, სამეგრელოს სამთავრო მმართველობაში სხვა არავინ მეგულება მასზე მეტად დიდ მნიშვნელოვანი და სახელგანთქმული. მოსწრებულ სიტყვის პატრონი, დიდებულთა წინაშე უშიშარი, თვით მთავრის ურჩი, როდესაც ამას მოითხოვდა მართლ-მსაჯულება. როსტომ მთელი ხალხის საყვარელი კაცი იყო. ფიზიკურად კოჭლს, იმას ხალხში მოკლედ „როსთო ქულას“<sup>1</sup> ეძახდნენ.

როსტომ ჯერ კიდევ 1819 წელში იყო დანიშნული „მდივანბეგად მთელისა სამეგრელოსისა“. მერე, 1838 წელს ლევან დადიანისაგან დაინიშნა ის სახლთ-უხუცესად და ამ თანამდებობაში დაჰყო იმან 1847 წლამდის. ამ წლის

1. კოჭლი როსთომ

1 მარტს მთავარმა დავით დადიანმა მისცა მას ახალი თანამდებობა მსაჯულთ-უხუცესისა ახლად მისგან დაწესებულს უზენაესს სასამართლოში. ის სწერდა მას: „თქვენ, ვითარცა დიდი ხნის ნამსახურს და ერთგულს ჩვენის სამთავრო სახლისა და ცნობილს, როგორც ჩვენგან, ისე სრულიად ჩვენის სამთავროსაგანაც დიდ მისანდო და სამართლიან პირად, აღვირჩიეთ ღირსეული და სათანადო აღვილიცა და დაგნიშნეთ ჩვენს სამთავროში უზენაესი სასამართლოს მსაჯულთ-უხუცესად და თან ბოქაულთ-უხუცესად“. როსტომმა ბოქაულთ უხუცესობაზე უარი განაცხადა და მიიღო მსაჯულთ-უხუცესობა, რომელშიაც ის დარჩა სიკვდილის დღემდის, 1854 წლამდის.

ნიმუშად როსტომის პირუთენელის სამართლიანობისა, მისს შვილის - შვილს, გუდა ჩიქვანს მოყავს ბაბუა მისის ცხოვრების აღწერიდამ შემდეგი ამბავი: სამთავრო აზნაური უჩიოდა მამულს ხაზინას, ე. ი. მთავარს. საქმე განიხილა უზენაესმა სასამართლომ და განაჩენი დაადგინა როსტომის აზრზე: მამული გამოირიცხა ხაზინიდან, ჩამოერთვა მთავარს და დაუბრუნდა მომჩივანს სასამართლოს განჩინებით. საქმე, როგორც წესი ითხოვდა, წარუდგინეს მთავარს ხელმოსაწერად და დასამტკიცებლად. მთავარმა არ დაამტკიცა განჩინება და წერილობით დაუბრუნა როსტომს. მთავარი სწერდა: „ამ განაჩენს ბრალი ედება ხაზინის ზარალისა, ამისათვის მოგანდობთ თქვენ და გთხოვთ ამ საქმეს კარგათ დახედოთ, დაკვირვებით გაარჩიოთ და თქვენი აზრი მომახსენოთ მეო“. ამის პასუხად როსტომმა მისწერა მთავარს: „ამ საქმეს დავხედეთ, დავაკვირდით და გავარჩიეთ, სამართალმა სადაო მამული არგო მომჩივანს და უკეთუ თქვენის უფლებით ჩამოართმევთ, ეგ თქვენი საკუთარი ნება იქნება და

არა სასამართლოსი“. ამ მიწერ-მოწერის შემდეგ განჩინება თავის ძალაში შევიდა.

უზენაეს სასამართლოში მარტივად საქმის წარმოება და საჩივრის ხან-დაუზმელად გადაწყვეტილება ხალხს დიდად მოსწონდა. შემდეგში, როცა რუსის საქმის წარმოება შემოვიდა სამეგრელოში, დაუღვეელი ფორმალისტობა გაჩნდა, ძველი დროის კაცები ძველ დროს უფრო შენატრიდნენ. ერთი ვიღაც გუთუ აფაქიძე, რომელსაც ბრალდებოდა მენიკი დადიანის ასულის გაპარვა, დიდხანს თურმე იჯდა ციხეში, სანამ მის საქმეს ახალი სამართალი გაარჩევდა და ამასობაში ის ხშირად დაყავდათ გამოძიებელთან და სასამართლოში. ამ ფორმალისტობით მოთქინებიდამ გამოყვანილმა აფაქიძემ გამოთქვა ხალხში დღემდის დარჩენილი ლექსი, რომელშიაც ის აქებს როსტომ ჩიქვანს. აი იმ ლექსის ნაწყვეტი:

ხასილას კანი ვეგებდ,  
ფიცარიში გინანჯირა...  
მინილენან, დოჭარუნა,  
გიმილენან, დოსოფუნა,  
ხოლო ღორონთქ ნუ მოლას  
გუმარჩქინეთ როსთო—ქულა..<sup>1</sup>

ამას უნდა თავსძინოთ, რომ თუ უზენაეს სასამართლოს განაჩენი არ აკმაყოფილებდა რომელსამე მხარეს, უკმაყოფილო პირს შეჰქონდა საჩივარი მთავართან, მთავარი ეცნობოდა გარემოებას და თუ საჩივარი პატივდებაში იყო მისაღები წინადადებას აძლევდა სასამართლოს

1. თარგმანი:

ხურგზე ტყავი აღარ შემრჩა ფიცარხედა გორაობით...  
შევლენ წერენ განაჩენებს გამოვლენ და ისევ ხევენ,  
კვლავ ღმერთმა ნუ მოგვიშალოს მოსამართლედ კოჭლი როსთომ.

ს. ც.

ხელ-ახლა გაერჩია საქმე და ახალი მსჯავრი დაედვა საქმისათვის. წინააღმდეგ შემთხვევაში განჩინებას ბეჭედს ასვამდა და ამ განჩინებას ამის შემდეგ ეძლეოდა ღრამოტის ძალა.

**რაპორტი გენერალ პანკრატიევისა გრაფ ჩერნიშევთან,  
1831 წლის ივლისის 2-ს, № 375.**

სენატორებმა, რომელთაც ამიერ-კავკასიის მხარეში რევიზია მოახდინეს, თავიანთს მოხსენებაში გრაფ ივანე თედორეს ძის მიმართ, ამა წლის აპრილის 1-ს, განმარტეს, რომ იმათ ყურადღება მიაქციეს ყველა იმ უფლებათ, რაც ამ მხარეს ჰქონდა მინიჭებული იმ დღიდან, რაც რუსეთს შეუერთდა და დაინახეს, რომ ზოგიერთ პროვინციას განსაკუთრებული უპირატესობა ჰქონდა, ამიტომ საჭიროდ და სასარგებლოდ დაინახეს განეხილათ ადგილობრივის რუსის მთავრობის მოქმედებანი ამ უფლებათა შენარჩუნების შესახებ.

მაგალითად, სამეგრელოს, რომელმაც რუსეთის ქვეშევრდომობა 1803 წელს მიიღო, მანამდე მისი მთავარი მართავდა იმ მოთხოვნილებათა პუნქტების თანახმად, რომლებიც უმაღლესად დამტკიცებულ იქმნა იმავე წელიწადს. ამ პირობათა მესამე პუნქტის ძალით სამეგრელოს მთავარს უფლება აქვს სამართალი თვითონ აწარმოვოს თავისს სამთავროში. მაგრამ რადგან საკვდილით დასჯის ან სხეულის ასოების მოჭრის უფლება რუსეთის ქვეშევრდომთა შორის არავის უნდა ჰქონდეს, ამიტომ საჭიროა მთავარს მიეცეს სახელმძღვანელოდ ისეთი კანონები, რომლებიც უჩვენებენ, თუ როგორ უნდა დაინსაჯნენ კაცის კვლისათვის, ტყვეს გაყიდვისათვის, ქურდობისა და ყაჩაღობისათვის; სანამ ასეთს კანონებს მიე-

ცემდეთ, მთავარს ნება ჰქონდეს ძველებურის წესით გაასამართლოს დამნაშავენი, რათა ბოროტმოქმედებას გასავალი არ მიეცეს, რადგან ხალხი შეჩვეული არ არის ლმობიერ სამართალს.

დღემდე სამეგრელოს მთავრებს არა ჰქონიათ რუსეთის კანონები ხსენებულ ბოროტებათა დასასჯელად; მაგრამ მიუხედავად ამისა, სიკვდილით ან სხეულის ასოს მოჭრით, სამეგრელოს მთავრების ლმობიერების წყალობით, აქ არავინ დასჯილა. ეს უფლება შეიცვალა თანახმად საქართველოს მმართველთა ბრძანებისა, რომელიც გამოეცხადათ ადგილობრივს ხელისუფლების წარმომადგენელთა გენერალ რტიშჩევის მიერ 1816 წ. და გენერალ-მაიორის ველიამინოვის მიერ 1825 წ. და ამ ბრძანებათა თანახმად ბოროტმოქმედნი უნდა გაესამართლებინათ რუსეთის კანონებით.

საქართველოს მმართველთა მიერ გაცემულ განკარგულებაში სამეგრელოში სიკვდილით დასჯის გაუქმების შესახებ, ალბათ, აზრად აქონდა მათს მართვა-გამგეობაში მყოფ მხარის მცხოვრებთა კეთილდღეობა; მაგრამ ეს განკარგულებანი ეწინააღმდეგებიან სამეგრელოს მთავრის მოთხოვნათა პუნქტების მე-3 მუხლს და სამეგრელოს მთავართან შეუთანხმებლად მისთვის უმაღლესად ბოძებულნი უფლებანი შელახულნი არ უნდა იყვნენ. მთავარს ამ პუნქტების ძალით შეეძლო თავის ნებით დაესაჯა დამნაშავე სიკვდილით და სხეულის ასოს მოჭრით; მაგრამ კეთილგონიერების და ლმობიერების გავლენით ასეთის სასჯელისაგან თავს იკავებდა და თვითონ მას 15 წლის განმავლობაში ერთხელაც არ განუცხადებია უკმაყოფილება თვისთა უფლებათა დარღვევის შესახებ.

ამიტომ სენატორებს შესაძლებლად მიაჩნიათ სამეგრელოში ჩადენილი სისხლის სამართლის დანაშაულობათათვის დამნაშავენი გაასამართლონ სამხედრო სასამართლოს ქუთაისის კომისიაში. მაგრამ რათა შემდეგშიაც არ ჰქონდეს სამეგრელოს მთავრებს მიზეზი მე-3 მუხლში გამოთქმულ უფლებათა დარღვევის გამო უკმაყოფილების გამოცხადებისა, საჭიროა ეს კითხვა გამოირკვეს მასთან ოფიციალურ მიწერ-მოწერით.

მისმა ბრწყინვალეებამ საქართველოს მთავარსარდალმა ყოველივე ეს სამეგრელოს აწინდელ მთავარს გენერალ-ლეიტენანტს თავადს დადიანს გამოუცხადა და სთხოვა: თქვენ რა აზრისა იქნებით იმის შესახებ, რომ სისხლის სამართლის საქმეები ქუთაისის სამხედრო სასამართლოს კომისიაში გაირჩესო.

ამაზე სამეგრელოს მთავარმა თავადმა დადიანმა უპასუხა: მე თანახმა ვარ ხელი ავიღო იმ უფლებაზე, რომელსაც მანიჭებს უმაღლესად დამტკიცებულ—პირობათა მე-3 მუხლით დავსაჯო ჩემი ქვეშევრდომნი სიკვდილით ან სხეულის ნაწილების მოჭრითა, ხსენებულ პუნქტში ჩამოთვლილ დანაშაულთათვის და ამიერიდან არ მოვიტხოვო ამ მუხლით მონიჭებულ უფლების აღდგენა. მაგრამ მისი უგანათლებულებობა ამასთანავე დასძენს, სამართალში მიცემა ჩემთა ქვეშევრდომთა, რომელთაც ავაზაკობა ძვალსა და რბილში აქვსთ გამჯდარი, ხელს ვერ ააღებინებს ხსენებულ ავაზაკობათა ჩადენაზე, რადგან ამათ დედის მუცლიდანა აქვსთ გამოყოლილი ურჩობა; ამათ იმედი ექნებათ ამა თუ იმ საშუალებით თავი დააძვრიონ სასჯელს და ამასობაში განაგრძონ ავაზაკობათა ჩადენა. ამიტომაც, დასძენს მთავარი, ჩემის აზრით, თუ გვინდა ჩემს სამთავროში მშვიდობა და სიწყნარე სუფევ-



დეს, უკეთესი იქნება ასეთი დამნაშავენი, ჩემის წარდგენილების თანახმად, სამშობლოდან გაშვებულ იქმნენ და გაიგზავნონ რუსეთში სამუდამოდ საცხოვრებლად ან და მანამდე, სანამ სრულებით შეინანიებენ თავიანთს დანაშაულს. ასეთის გზით ავაზაკობა სრულებით ამოიფხვრებაო.

ყოველისავე ამის განხილვის შემდეგ, ჩემის ფიქრით საჭიროა დავადგეთ ამ გზას: რადგან სამეგრელოს მთავარი მას შემდეგ, რაც ის რუსეთის ქვეშევრდომად გახდა, არ იყო აღჭურვილი იმ კანონებით, თანახმად მასთან დადებულ პირობათა მე-3 მუხლისა, რომელთა ძალით მას შესძლებოდა სისხლის სამართლის დამნაშავენი გაესამართლებინა ისე, რომ სიკვდილით არ დაესაჯნა ან სხეულის წევრების მოჭრა არ მიესაჯნა, და რათგან საქართველოს მთავარ-მართველების განკარგულებათა თანახმად თავის-თავად გაუქმდა მთავრის უფლება (თავის შეხედულებით დაესაჯნა დამნაშავენი) და ამ უფლების გაუქმებისათვის უკმაყოფილება არავითარი განუცხადებია, — ამიტომ ამიერიდან სამეგრელოს მკვიდრნი უნდა დაისაჯნენ: კაცის კვლისა, ტყვეების გაყიდვისა, ათ თუმნის ზევით საღირალის ქურდობისა და ყაჩაღობისათვის რუსეთის კანონების თანახმად ქუთაისში დაარსებულ სამხედრო კომისიის მიერ და ეს მით უფრო, რომ ფვით სამეგრელოს მთავარმა ამაზე თანხმობა გამოაცხადა, ხოლო დანარჩენ დანაშაულისათვის დამნაშავეთ დასჯის მთავრის სასამართლო. ამ შემთხვევაში, არ უნდა დავიფიქსოთ ის გარემოებაცა, რომ რადგან სამეგრელოში რუსი მოხელენი არ მოიპოვება, შეუძლებელია უამათოთ კანონიერის წესით გამოძიება დამნაშავეთა მიერ ჩადენილ დანაშაულისა, უამისოდ კი სამხედრო სასამართლოს მეტად გაუჭირდება კეშმარიტების აღმოჩენა და სასჯელის გან-

საზღვრა. ამიტომ ძალაუვნებურად უნდა დასჯერდეს სასამართლო სამეგრელოს მთავრის გამოძიებას. ეს გამოძიება სრულ გამოძიებად ჩაითვალოს. ამ გამოძიებაში უნდა დასახელებული იყოს: ვინ და როგორი დანაშაული ჩაიდინა, მოწმეები დაესწრნენ თუ არა, არის თუ არა ცხადი და სახელდობ როგორი საბუთები,—ერთის სიტყვით, ეს გამოძიება რამდენად—კი შეიძლება, უნდა უახლოვდებოდეს წესიერ გამოძიებას.

ყოველსავე ამას წარმოვუდგენ თქვენს ბრწყინვალე-ბას კეთილგანსახილველად და თან პატივთ მამქეს დავს-ძინო: იქნებ კეთილინებოთ და ამის ასასრულებლად გამოითხოვოთ უმაღლესი დამტკიცება რათა ამით შეესე-ბულ იქმნეს სამეგრელოს მთავართან, როცა იმან რუსის ქვეშევრდომობა მიიღო, დადებული პირობა, და მომავალ-ში აცილებული იქმნეს ყოველგვარი გაუგებრობა ამ საქ-მის შესახებ<sup>1</sup>.

---

<sup>1</sup> АКТЫ арх. комиссии, т. VII, № 399, 1878 №.

## XIV

სახალხო პანათლება. პასკევიჩის წერილი. სკოლები. დავით  
დადიანი მწიგნობარი. დავითი შინაურობაში.

1852 წელს მთავარი დავით დადიანი შეეკითხა  
ოდიშ-ლენხუმის მდივანბეგებს მოეხსენებიათ მისთვის,  
სხვათა ცნობათა შორის, ისიც თუ რამდენი სასწავლებე-  
ლი იყო რწმუნებულს მათდამი მაზრებში. ამ კითხვაზე  
რვა მდივანბეგიდამ შვიდმა მოახსენა, რომ მათ მაზრებ-  
ში სასწავლებელი — არ მოიპოვებოდა და მხოლოდ ერ-  
თმა მარტვილის მდივანბეგმა მოახსენა, რომ მის მაზ-  
რაში არსებობდა ერთი სასწავლებელი — მარტვილის სა-  
სულიერო სასწავლებელი<sup>1</sup>. ამ სასწავლებელში, როგორც  
სჩანს მოხსენებიდან, ამ დროს სწავლობდნენ სასულიერო  
მოსწავლენი 37 და სამოქალაქონი 5, მასწავლებელი  
იყვნენ ორნი.

მარტვილის სასწავლებლის დაფუძნებაზე მთავრის  
კანცელარიის საქმეებში დაცულია შემდეგი ცნობა, 8 თე-  
ბერვალს 1830 წ. კავკასიის მთავარ მმართველი პასკევიჩი  
სწერდა:

**მოწყალეო ხელმწიფევ, თავაღო**

**ლევან გრიგოლის-ძევ!**

განვითარებისათვის სასულიერო ყრმათა თქვე-  
ნის უგანათლებულესობის სამჯლობელოთა შინა

<sup>1</sup> Дело канц. влад. мингрелии № 1583/1852.

წინასწარ დადებულ არს გახსნა სასწავლებლისა, რომელსაცა ზედა თქვენც მოწყალევე ხელმწიფევე განაცხადეთ მზა-ყოფნა თქვენი მგონებელმან, რომელ უმჯობეს და უადვილეს არს ამისადმი ხელის ყოფა და წარმოგზავნა მენგრელიასა შინა მასწავლებლისა მაშინ ოდეს შევალს სამეგრელოს ეპარხიის მმართველობასა შინა მიტროპოლიტი დავით.

ესე ვითარი თქვენის უგანათლებულესობის პასუხი ვაუწყე მე საქართველოს ექსარხოსს და მივიღე აწ მისის მაღალ ყოვლად სამღვდელთაგან ცნობა, რომელ სახელობითის უმაღლესის უქაზითა სახელსა ზედა უწმინდესის მმართველის სინოდისასა წარსულის 1829 წ. ივნისის 23-სა დღესა მენგრელიასა შინა დაცარიელებულსა არქიერის ადგილსა ზედა შემდგომად სიკვდილისა მუნებურის მიტროპოლიტის ბესარიონისა ყოვლად უმოწყალესად განწესებულ იქმნა მმართველი იმერეთისა შინა ჯრუჭის მონასტერისა მიტროპოლიტი დავით. საქართველო-იმერეთის სინოდალნის კონტორას უქმნიეს უკვე ჯეროვანი განკარგულება შეყვანისათვის ამა ყოვლად სამღვდელოსი სამეგრელოს ეპარხიის მმართველობასა შინა. ამის გამო საქართველოს ექსარხოსი დაფუძნებული ხსენებულსა თქვენის უგანათლებულესობის პასუხსა ზედა, გონებს უკვე შესაძლებლად ხელის ყოფასა თქვენს სამფლობელოსა შინა სასწავლებლის გახსნისასა და წარმოგზავნასა მანდ თბილისის სემენარიის მიერ დანიშნულის მასწავლებლისა რომან ბორისოვისა. გარნა არა ხელის მყოფელი ამისადმი ითხოვს ჩემსა და თქვენსა ამა-ზედ თანხმობასა რათამცა მისმან მაღალ ყოვლად

სამღვდელოებამან შეიძლოს ქმნად განკარგულებისა წარმოგზავნისათვის აღმორჩეულის მასწავლებლისა და გამოტანებისათვის საჭიროს რიცხვისა სასწავლებელთა წიგნთა მაუწყებელი ამისი თქვენის უგანათლებულესობისადმი. უმორჩილესად გთხოვ პატივი მცეთ მე შეტყობინებითა თანახმანი იქმნებით ამ წარმოგზავნისა თქვენის უგანათლებულესობის სამფლობელოსა შინა აღმორჩეულის მასწავლებლის და საჭიროთა წიგნთა სასულიეროს სასწავლებლის განხსნისათვის.

ქეშმარიტითა პატივისცემითა და სრულიადითა გულსმოდგინებითა მაქვს პატივი ყოფად თქვენის უგანათლებულესობის უმორჩილესი მოსამსახურე: გრაფი ივან პასკევიჩი ერევანისკი<sup>1</sup>. მარტვილის სასულიერო სასწავლებელი გაიხსნა 1830 წელს. პირველი ზედამხედველი სასწავლებლისა იყო დეკანოზი რომანოზ ბარისოვი. მას მოჰყვნენ შემდეგში დეკანოზი დავით მაჭავარიანი, ივანე ჭიჭინაძე.... რამდენად მარტივი იყო ამათი დროის ზნე ეს იქილამ სჩანს, რომ, როდესაც ამ უკანასკნელს გაქცევია სასწავლებლიდამ შეგირდი, ის სწერდა პირდაპირ მთავარს დავით დადიანს რუსულს ენაზე: „სასწავლებლიდამ გამექცა მოსწავლე თავადი ასლან აფაქიძე, გთხოვ კეთილ-ინებოთ და ბრძანოთ იმისი სასწავლებელში დაბრუნება“<sup>2</sup>.

მარტვილის სასწავლებელი იყო გახსნილი „განვითარებისათვის სასულიეროთა ყრმათა“. მთავარმა ლევან

<sup>1</sup> Дело канц. владет. Мингрелии № 2406/1830.

<sup>2</sup> Дело канц. влад. Мингрелии № 1545.

დადიანმა აღძრა შუამდგომლობა, რომ ესრეთივე სასწავლებელი გახსნა იყო სამეგრელოში „თავად აზნაურთა ყრმათათვის“. ის სწერდა გენერალ ადიუტანტს სტრეკალოვს 4 აგვისტოს 1830 წელს:

„მსურს რა, სამეგრელოს სარგებლობა მოჰქონდეს ხელმწიფე იმპერატორისათვის, რომლის მზრუნველობითაც ამიერკავკასიის მხარე განათლებას ღებულობს, მე ვსთხოვ თქვენს აღმატებულებას სამეგრელოს ახალმოზარდ თავად-აზნაურთათვის დაგვინიშნოთ მასწავლებელი. ეს ჩვენი საყოველთაო სურვილია. ამისათვის მივუჩენ შესაფერ სახლს, მოსამსახურეს, გავუჩვენ საკმელად პურს, ღვინოს, ხორცს და გარდა ამისა 200 მანეთს ვერცხლის ფულს. სასწავლებელს დავაარსებთ ისეთს ადგილას, სადაც ყველაზე უკეთესი ჰაერია.

თქვენის აღმატებულებისაგან სანამ სასურველ პასუხს მივიღებდე, მე შევუდგები წინასწარ განკარგულების გაცემას, რათა, მასწავლებელს, ჩამოვა თუ არა, ხელად შეეძლოს შეუდგეს თავის თანამდებობის ასრულებას<sup>1</sup>.

რა შედეგი მოჰყვა მთავრის შუამდგომლობას სათავადაზნაურო სასწავლებლის დაფუძნებაზე ეს არ ვიცი, მხოლოდ ეს კია, რომ 1852 წელს, მაშასადამე შუამდგომლობის აღძვრიდამ 20-წლის შემდეგ, როცა, როგორც ვთქვით, დავით დადიანი შეეკითხა მაზრის მდივანბეგებს სასწავლებლებზე, სამეგრელოში მარტო მარტვილის სასწავლებელი იყო და მაშასადამე სათავად-აზნაურო სასწავლებელი არ არსებობდა.

ამბობენ, დავით დადიანი, თუმცა თითონ კარგი მწიგნობარი, არ იყო მოყვარე სახალხო განათლებისა. წერა-კითხვის გავრცელებაზე უფრო ის სცდილობდა

<sup>1</sup> Акты арх. комиссии, т. VII стр. 398, 1878 г.

გაევრცელებია თავის სამთავროში სხვა და სხვა ხელობის ცოდნა. ამის გამო, ამბობენ, ის ყოველ წლივ ვზავნიდა 12 ყმაწვილ კაცს თბილისში, რომ ესწავლებია მათთვის სხვა და სხვა ხელობა, ამათშორის იყვნენ: სოლომონ დგებუაძე, პავლე მეუნარგია, ნიკო ბასილაია.

### დავით დადიანი მწიგნობარი

დავით დადიანს ქართული ენა დეკანოზის დიმიტრი ალექსეევ მესხიევისაგან უსწავლია. „ხშირად შევიყრებით ხოლმე: 1. მიმბაში, 2. დიმიტრი, 3. ნაზირი, 4. მამა ეგნატე. 5. დეკანოზი, 6. მე, და ვართ ერთ ბაასში და ყოფაში“ — სწერდა დავითი თავის ძმას გრიგოლ დადიანს<sup>1</sup>.

დავითის ენა იყო, როგორც ძველად ამბობდნენ, უფრო „მწიგნობრული, ვიდრე უბნობითი“, ანუ მარტივი, ყოველ-დღიური სალაპარაკო ენა. ამ ენაზე სთარგმნა იმან ტაციტის ისტორია. მისი თარგმანი გრიგოლ დადიანის თქმით, ასე თურმე იწყებოდა: „მოიწია ამბავი რომად, რომელ პირად ბრძოლა დაბოლოვდა და პომპეოს მიმოდავლის ქალაქებთა შინა თავისუფლად სამხედროთა წინამიღებათაგან. მაშინ მანალოს ერთმან ტრიბუნთაგან-მან წინა დასდვა შემდგომი დაწესება: პომპეუსმან დაიპყრას ყოველი მხარე, რომელსა ფლობდა ღლაბირონ, შეაერთოს მას ბითვინია და წინაეწყოს მიტრიდატს და ტიგრანს მმართველი ზღვაურთა ძალთა და ხელმწიფებული...“ და სხვა.

„შენსავთ დამემართა, შენ იცი ასე პრტყლად წერა“-ო — ეტყოდა მთავარი მის ძმას გრიგოლს, „კოლხიდელად“ ცნობილს ქართულს მწერლობაში.

1. წერილი 20 აგვ. 1836 წ.

დავითი დიდი მოყვარე იყო ქართულის მწიგნობრობისა. მისი ქართული ხელთნაწერი ბიბლიოთეკა, რომელიც შემდეგში მისმა შვილმა, სამეგრელოს თავადმა ნიკომ „წერა-კითხვის გამავრცელებელ საზოგადოებას“ შესწირა, ერთი საუკეთესო ბიბლიოთეკათაგანი იყო, თუ არა ერთად-ერთი საქართველოში. დავითი სულ მუდამ იმის ცდაში იყო, რომ ამ ბიბლიოთეკისათვის ახალი და ახალი ხელთნაწერი წიგნები შეეძინა „გმაღლობ ლექსიკონებისა, სალიუსტოს და ტიტა ლივიასთვის,“ — სწერდა დავითი თავის ძმას გრიგოლს <sup>1</sup>. „ჩემი კვინტოს კურციოს, სახლი რომ დამეწვა სხვათა შორის ისიც დამეწვა“ — სწერდა მთავარი მასვე <sup>2</sup> „ჩინებული წიგნი ვიშოვე გადასაწერად კნენასაგან რეზანს, იონას კალმასობა“, — სწერდა მასვე <sup>3</sup>.

დავითს დიდი განწყობილება ქონდა ქართული ენის და მწერლობის მოყვარეებთან. მისნი მახლობელნი იყვნენ მისი დროის ფილოსოფოსი პლატონ იოსელიანი და ისტორიკოსი ბროსსე.

პლატონი რომ ათონის მთაზე წავიდა, დავით დადიანს გამოუთარა, რომელმაც ის დიდის პატივით მიიღო, — მიამბო გრიგოლ დადიანმა.

— პლატონ, ეს რა ამბავია ამის სიშორეზე მიდიხარ და ბიჭი არ გახლავს, კითხა დადიანმა.

— თქვენმა მზემაცა, კუდის ამწევი რად მინდა, განა მარტო ვერ წავალ? უპასუხა ფილოსოფოსმა.

— ვერა, ვერ წახვალ, უთხრა მთავარმა და ერთი კაცი აახლა მომსახურედ.

<sup>1</sup> წერილი 29 ტირისკანს 1834 წ.

<sup>2</sup> წერილი 18 დეკ. 1836 წ.

<sup>3</sup> წერილი ვარონეჟიდან 7 ივნისს 1835 წ.



— ათონიდან დაბრუნებულზე პლატონმა დავით დადიანს ტიბიკონი მოუტანა, რომელიც მთავარმა ისე კარგად იცოდა, რომ თუ მღვდელს ეკლესიაში შეეშლებოდა რამე, მაშინვე გაუსწორებდა.

ბრისსე მოვიდა სამეგრელოში 1848 წელს სააღდგომოდ. მთავარმა ის დიდის სიამოვნებით მიიღო და სამეგრელოში მოგზაურობის დროს აახლა მას თავადი სიკო დგებუაძე.

ერთხელ, მოგზაურობიდან დაბრუნებული ბროსე, მთავარმა მიიწვია ვახშმად და სუფრაზე გვერდით მოისვა. დაღლილი თურმე იყო მსწავლული და ორი-სამი ჭიქა ოჯალეშის შემდეგ იმას იქვე სუფრაზე მიეძინა და იქედამ საწოლ ოთახში გაიყვანესო, — მიამბო მე მთავრის ძმამ გრიგოლ დადიანმა.

დავით დადიანი მოცლილ დროს ლექსსაც თურმე ეწყობოდა, 1835 წელს ის სწერდა, თავის ძმას გრიგოლ დადიანს:

„თუთხმეტ დეკემბერს მეჯლიში გადვიხადე დღესა  
ნინოს დაბადებისასა ჩემს სახლში. დიდი ამბავი მქონდა  
მრავალი შეყრილობა და საღამოს ტრანსპარატები. ტრანსპარატში იყო გამოხატული ვენზელი გვირგვინით ნინოსი.  
მარცხნით ლექსი ესე ჩემ მიერ შეთხზული და მარჯვნით ღობტურის შპრინგელის მიერ შეთხზული <sup>1</sup>.

აჰა ასული მთავრისა,  
დღესავე ამას შობილი.  
ქვეყნისა მაშვენებელად,  
მბადისა მიერ შექმნილი,  
მით მოკვდავთ აღმოეჩინა,  
შვენვა სათნოებით სრული  
სისრულე დაბადებულის,  
ნინო სიკეთით აღმკული,

<sup>1</sup> წერილი გრ. დადიანთან ზუგდიდიდან 17 დეკ. 1835 წ.

## დავით დადიანი შინაშრობაში

ერთმა მთავრის მახლობელმა კაცმა დავით დადიანის გარეგნობა ამგვარად ამიწერა: „ხმელი, ოდნავ განზე ცხვირმოხრილი — პატარაოპისას დაცემულაო მითხრეს — დიდის მრგვალის თვალებით, რომელნიც ორბიტიდამ გარს იყენენ გამოწეულნი“.

განსვენებულმა გრ. დადიანმა მიაშბო: „ჩემს ძმას დავითს ისეთი დიდი ძლიერება ქონდა თვალში, რომ მძინარე კაცს თვალს რომ გაუშტერებდა, იმას ჯერ გააზმორებდა და მერე გამოეღვიძებოდაო. სიარულის დროს იმას ყოველთვის მოკაკული ჯოხი ეჭირა და ამ ჯოხზე დაყრდნობით იცოდა ლაპარაკი. ბურნუთის კოლოფი სულ მუდამ თან ქონდა“. — „ბურნუთს მომეხმარე მალე, ნუ დასტანჯე ჩემი ცხვირიო“ — სწერდა დავითი მის ძმას გრიგოლს.

22 წლის რომ იყო დავითი, ის, როგორც მემკვიდრე მთავარ-მართებელმა ზარონ როზენმა წაიყვანა პეტერბურგს, საცა ხელმწიფე იმპერატორმა უბოძა მას სტანისლავას ორდენი მეორე ხარისხისა, რომელსაც მაშინ ვარსკვლავი ქონდა.

ახალგაზრდა მემკვიდრეს ეს ორდენი დიდად შეეწონდა და იმას გარეშე ქვეყნის პრინცს ეძახდნენ პეტერბურგში.

## XV

### ეკლესია და სამღვდელმობა. თავად-აწნაურები.

დავით დადიანის დროს სამეგრელოს სამწყსო შეადგენდა ერთს ეპარხიას, რომლის კათედრად იყო მარტვილის სობორო. მეცხრამეტე საუკუნის ორი სხვა ეპარხიები სამეგრელოსი — ცაგერისა და ცაიშის — მამამისის ლევან დადიანის დროს იყვნენ გაუქმებულნი.

სამეგრელოს სამთავროში — ოდიშ-ლეჩხუმს დავითის დროში იყო:

სამრევლო ეკლესიები-242

სასახლის ეკლესიები... 32

სასაფლაო ეკლესიები... 6

ზედმიწერილი ეკლესიები 28

ამათ რიცხვში: ქვითკირის ეკლესია 150

ფიცრისა . . . . . 148

სამეგრელოს ეპისკოპოსი ანტონ ჭყონდიდელი რომლის მოხსენებიდამ მოგვეყავს ეს ცნობები<sup>1</sup> არ იხსენიებს თუ რა მდგომარეობაში იყვნენ ეს ეკლესიები, მაგრამ სულ ყველასფრიდამ სჩანს, რომ ეს ეკლესიები მეტად ღარიბნი იყვნენ. ის დრო ჯერ კიდევ არ იყო შორს, როცა დიდი ნიკო დადიანი (+ 1834 წ.) სწერდა მთავარს ლევან დადიანს: „ფიცხლად აღეკრძალა მღვდელთათვის

<sup>1</sup> მოხსენება ანტ. ჭყონდიდელისა, დაწერილი 17 ოკტ. 1852 წელსა № 865. ნახე: Дело канц влад. Минтр. 1852 № 1583.

ჩალით შეხურვილის ეკლესიაში საღრმთო ლიტურგია“. <sup>1</sup> არა ნაკლებ გაუხარებელ მდგომარეობაში იყო დავითის დროს სამეგრელოს სამღვდელოება.

სოფლის ღარიბ ეკლესიას ან ვინ ემსახურებოდა თუ არ ისევ ღარიბი გლეხ-კაცი. ანტონ ჭყონდიდლის გამოანგარიშებით თითოეულ მრევლს ამ დროს ას-თერთმეტზე მეტი კომლი არ ყავდა და ამ ას-თერთმეტ კომლს უნდა შეენახა თავის ხარჯით — რადგანაც სხვა წყარო არ მოიძებნებოდა — ეკლესიაც, მღვდელიც, დიაკვანიც, მაგრამ სამრევლოს თითონ რომ არა გააჩნდა რა, საქმღვდელოებას თავის ოფლით უნდა ერჩინა თავი, ე. ი. იმ დროის ენით რომ ვილაპარაკოთ უნდა თითონ ემუშავა თავისი ყანა, რადგანაც სხვა გზა არ იყო, ჭონებით უზრუნველყოფელი. ეს კიდევ არაფერი, სამღვდელო პირნი გლეხთაგანნი იყვნენ და რადგანაც გლეხები თავად-აზნაურთა მსახურებდნენ, ხშირად ესენი მებატონის ყანაზედაც მუშაობდნენ და მებატონეთ ახლდნენ მოგზაურობაში იმათი ხურჯინებით. ასე იყო ქართლ-კახეთში, იმერეთში გურიაში, ასე იყო სამეგრელოშიაც.

მიიღო თუ არა დავით დადიანმა სამეგრელოს მმართველობა, იმან პირველსავე წელს მიაქცია ყურადღება სამეგრელოს სამღვდელოების ამ გვარს მდგომარეობას და სასულიეროთა დამოკიდებულება მებატონეთაგან მოსპო თავის სამთავროში შემდეგის უქაზით უზენაესს სასამართლოსადმი:

### მინგრელიის უზენაეს სასამართლოს.

ღირს პატივის-ცემა სახლისადმი უფლისა და მის გამო დაუფასებელი კეთილობა ვალად სდებენ.

<sup>1</sup> იხ. „დასტურ-ლამა“ ნიკო დადიანისა, ქართველთა ამხანაგობის გამოცემა 1897, № 41, გვერდი 36.

ჩვენ ზედა, რათამცა სამღვდელონი, ვითარცა მსახურ-  
ნი საკურთხევლისანი, იყვნენ ჩემს სამფლობელოს  
შინა თავისუფალნი მონებისაგან მებატონეთასა.  
ამისათვის ყოველნი სამღვდელონი მიიღებენ დღეი-  
დამ თავისუფლებას შემდგომთა სცფუძველთა ზედა;

ა) სამღვდელთა მათ ეძლევისთ თავისუფლება ერ-  
თად მათითა შვილებითა, რომელნიცა იშკებიან  
ამა ათას რვაას ორმოცდა ერთის წლიდან; ბ) შვი-  
ლნი მღვდელთანი, ამა წლამდე შობილნი, სურვი-  
ლისაებრ მათისა შესვლად სამღვდელოდ ვისდაცა  
უნდა კუთვნილ იყოს, პირადის თავის დახსნისათვის  
მოვალე იქნებიან მისცენ თავიანთ მებატონეს ოცდა-  
ხუთი მანეთი, მაშინ ოდენ უნდა მიეცესთ მათ თავი-  
სუფლება თავიანთ მებატონეთაგან და აქვსთ ნება  
შევიდნენ სამღვდელო წოდებაში; ხოლო იმ შვილთა  
სამღვდელთაგანთა, რომელნი შობილნი არიან  
ჩემსა-სა წლამდე და არ მდგომარეობენ სამღვდელო  
ხარისხოვანებასა შინა დაშაებთან სრულსა მფლო-  
ბელობასა შინა მებატონეთასა და ადგილმამულნი  
და ყმანი, რომელნი მოპოებულ არიან განთავისუფ-  
ლებულთა სამღვდელთა მიერ უნდა დაშაეს მათსა  
კუთვნილობასა შინა, ხოლო სხვანი ადგილ-მამულ-  
ნი და ყმანი, რომელნი მისცემიან მათ ან მებატო-  
ნეთ მიერ ანუ სხვათა სახითა შესულან მათსა სარ-  
გებლობასა შინა მებატონეთ განკარგულებისამებრ  
ან წოდებასა ქვეშე მემკვიდრეობისათა ეპყრათ მათ,  
შეირაცხებიან საკუთვნელად მებატონეთასა და რო-  
მელთა სამღვდელთა ექნებათ მათზედ მდგომარეო-  
ბა ანუ სარგებლობა თანამდებ არიან აძლიონ მებატო-  
ნეთა ყოვლისა გამოსვლისა ათის თავი; ე) შენობა

ნი სახლკართა ვითარ აქვსთ სამღვდელთა მათ  
ეგრეთვე ეკუთვნიან მათ შეუხებლად ვისამე პირისა;  
ვ) ესრეთსა საფუძველთა ზედა მიეცათ რა თავი-  
სუფლება სამღვდელთა, სხუებრ ვერ განვლიან  
ამათ ჩვენის მთავრობრივის დამოუკიდებულობისა-  
გან იგინი თანამდებარიან ეგნენ მფლობელობასა  
შინა სწორეთ იმ სახით, ვითარცა სხვანი ქვეშევრ-  
დომნი ჩვენნი თავისუფალისა მდგომარეობისანი. გან-  
კარგულებისა ამის ჩვენისათვის ვაცნობებ რა მინგ-  
რელიის უზენაესს სასამართლოს წინადაუდებ რათა  
ცხად-ჰყოს ესე ყოველთა მათდამი მისდამიცა ჯერ  
არს, ხოლო საჭირო შემთხვევათა შინა იხელმძღვა-  
ნელოს. ამინ.

მართველი მემკვიდრე მენგრელისა დავით  
დადიანი.

№ 300 კვ იანვრის ჩყმა-სა წელსა,  
ზუგდიდი.

მთავრის საქმეებიდამ, რომელნიც არიან დაცულნი  
ქუთაისის გუბერნიის სამმართველოში, სჩანს:

სამეგრელოს ეპისკოპოსი გიორგი გარდაიცვალა  
1842 წ.. თანახმად უმაღლესის ბრძანებისა 14 ნოემბრიდამ  
1842 წ. ცაგერის არხიმანდრიტი ანტონი ეკუთრება სამეგ-  
რელოს ეპისკოპოსად სიონის სობოროში 14 თებერვალს,  
1843 წ.. ხსენებული ეპისკოპოსი გარდაიცვალა 9 დეკემბერს  
1852 წ. და დაასაფლავეს 19 დეკემბერს დავით მიტრო-  
პოლიტმა, გურიის ეპისკოპოსმა ექვთიმემ და აფხაზეთი-  
სა — გერმანემ.

მთავარმა ითხოვა ეკუთრებიათ მის ადგილზე ცაი-  
შის არხიმანდრიტი ზაქარია, მაგრამ სანამ ნამესტნიკს  
ამაზე ქალაქი მიუვიდოდა, ისიღორე ექსარხოსს იგი  
უკვე წარედგინა სინოდში კანდიდატად და შემდეგს 1853

წელს 7 ივნისს, იგი ხელ-დასმულ იქმნა სამეგრელოს ეპისკოპოსად სიონის სობოროში.

ზაქარია ეპისკოპოსი გარდაიცვალა სალხინოს სასახლეში 5 მარტს 1854 წელსა.

8 სექტემბერს 1854 წელს მის ადგილზე ხელ დასმულ იქმნა სამეგრელოს ეპისკოპოსად არხიმანდრიტი თეოფანე.

### თავად-აზნაურები

მოაზნაურე არა აზნაურები არ უყვარდა მთავარს.

თეკლათელმა ნიკო გრიგოლიამ, წმიდა გიორგის კავალერმა დავითს თხოვნა მიართვა, რომელშიაც თავი აზნაურად მოიხსენია. თხოვნაზე დავითმა დასდვა რეზოლიუციად, რომელიც გაეგზავნა მაზრის მდივანბეგს: მთხოვნელს გადახდეს ათი მანათი უზენაესი სასამართლოს ქალღმერთისა და მელნის ფასად და გამოეცხადოს ახალი თხოვნა შემოიტანოს, საცა აზნაურად არ იხსენიებდეს თავს.

ანდრი ხუბუნს, რომელმაც მსგავსივე თხოვნა მიართვა, მთავარმა გაუჩინა 50 წკებლა. ხუბუნის დასჯილამ როსტომ ჩიქვანმა იპატივა, მაგრამ სამაგიეროდ იმას ათი სტაქანი წყალი დაალევიეს და „ალაიაში“ გარონინება გადაუწყვიტეს. „ალაიაში“ ე. ი. ზუგდიდის ალღეიაში გაატარებდენ იმას, ვინც რამე სამარცხვინო საქმეს ჩაიდენდა.

ერთმა ვილაც მელიამ ქაქუჩია თოფურის თხოვნა დააწერია დადიანის მისართმევად. თხოვნაში თოფურის მელია აზნაურად მოიხსენია. დადიანმა მისცა ბრძანება მაზრის მდივანბეგს თხოვნის დამწერს თოფურის ჯარიმა გადახდოდა და თხოვნის მიმართმევს მელიას ზურგზე საგზალი აეკიდნა და კატორლაში წასულიყო სამუშაოდ.

კატორღად იხსენიებოდა მაშინ არხის გაყვანა ცაიშიდამ ცივის ტოტამდის<sup>1</sup>.

აზნაურობის წოდების გაცემაზე დავითი ერთობ ხელმოჭერილი კაცი იყო. მთელს მის მთავრობაში იმან მარტო სამ კაცს ძისცა აზნაურობა: დათაია ქედისა, გიორგი ხაბურჯანისა და ბობოხიძეს. უკანასკნელს მთავრის მემკვიდრის ნიკოს აღზრდისათვის. აზნაურობა მის დროს ერთობ ღარიბი იყო და დასუსტებული. 1850 წელს, როცა ქუთაისში აპირებდა ჩამოსვლას მემკვიდრე ცესარევიჩი, დავითმა მასთან წარსადგენად მოიწვია: 53 თავადი და მარტო 9 აზნაური, ეს აზნაურნი იყვნენ: ზალიკა, სიკო და გიგო კორძაიები, გლახუა ახვლედიანი, პეთოდე ხოშთარია, ივა გაწერელია, ლომკაცი გუგუშვილი, ფილიპე იოსელიანი და ნიკო ხოფერია<sup>2</sup>.

1831 წელს მთავარ-მართებელმა პასკევიჩმა იშუამდგომლა ხელმწიფას წინაშე განესხვავებიათ სამეგრელოს ხალხი ბაირალით იმ მონაწილეობისათვის, რომელიც მიიღეს მეგრელებმა თურქებთან ომში. ხელმწიფემ დააკმაყოფილა ეს შუამდგომლობა და უბოძა მეგრელებს ბაირალი შემდეგი გრამოტით:

**წყალობითა ღვთისათა ჩვენ, ნიკოლოზ პირველმა, იმპერატორმა და თვითშეპყრობელმა რუსეთისამა და სხვათა და სხვათა და სხვათა**

**ჩვენს სამეგრელოს ხალხს.**

იმ გულმოდგინებამ და ვაჟკაცობამ, რომელიც გამოიჩინა სამეგრელოს ხალხმა 1828 და 1829 წლების განმავლობაში წარმოებულ ომში ოტომანის პორტას წინააღმდეგ, მიიპყრო ჩემი განსაკუთრებული მოწყა-

<sup>1</sup> ბესარიონ ხოფერიასაგან განაგონი.

<sup>2</sup> Дело канц. влад. Мингрелии. №1027



ლება ამ ხალხისადმი და ამის აღსანიშნავად მე უმოწყალესად მიბოძებია მისთვის ამასთან ერთად წარმოგზავნილი საპატიო დროშა და გვიბრძანებია: ეს დროშა, როგორც ნიშანი ჩვენის ხელმწიფებრივის ყურადღებისა სამეგრელოს ხალხის ერთგულებისა და სამსახურისათვის, სამეგრელოს ხალხმა ლაშქრობის დროს უნდა ატაროს, თუ ვინცობაა კიდევ მოუხდა გალაშქრება ჩვენის იმპერიის წინააღმდეგ ამხედრებულ ხალხზე.

ვგიებთ ჩვენის იმპერატორებითის მოწყალებით კეთილგანწყობილი ამ ხალხისადმი.

„ნიკოლოზი“.

ა ლ ე ქ ს ა ნ დ რ ი ა, პეტერჰოფის მახლობლად,  
1881 წ. ივნისის 25.

ბარონ როზენის განკარგულებით ეს ბაირალი და გრამოტა უნდა ყოფილიყვნენ დაცულნი სამეგრელოს მთავრის სასახლეში.<sup>1</sup>

---

<sup>1</sup> ამჟამად ინახება ზუგდიდის სამხარეთმცოდნეო მუზეუმში.  
რედ.

## XVI

ვაჭრობა. ვაჭრები. იარმარკები. სავაჭრო ადგილები.  
მრეწველობა.

დავით დადიანი ძალიან მონდომებული იყო სამეგრელოში ვაჭრობა განეგრცო და ვაჭრებს დიდად მფარველობდა. მისი დროის თავი ვაჭრები იყვნენ: ცხაკუნია და აბრამა მიხაილაშვილები, დათაია და ერისთო ჭედიები, გიგო ჯანუაშვილი, ოსმან შერ-ოლლი, ხუშუტ საინ-ოლლი. უფრო უმეტესად სამეგრელოში თათრები ვაჭრობდნენ.

ვაჭრობა უფრო სტამბოლთან ქონდათ გამართული. დათაია ჭედია მომეტებულს ხანს სტამბოლს იყო და რასაც აქედამ ვაჭრები შეუთვლიდნენ იმას გზავნიდა. სამეგრელოდამ გაქონდათ სტამბოლს: აბრეშუმი, სელის მარცვალი, თაფლი, თაფლის სანთელი, ტყავი.

სავაჭრო ადგილები იყვნენ: ზუგდიდი, სენაკი, სუჯუნა, ლაილაში, ანაკლია, ყულევი.

იარმარკები დავითის დროს იმართებოდა: სენაკს — ფერისცვალების კვირაში, ცაგერს — ენკენობას. ჯვარში — გიორგობისთვის 10-ს, ხობში — მარიამობისთვის 15-ს.

სავაჭრო ადგილებში და იარმარკებზე, გარდა გარედამ მოტანილი საქონლისა, იყიდებოდა: აბრეშუმი — რა მოიწევდნენ, ივნისსა და ივლისში; აბრეშუმის ნაქსოვი — შემოდგომაზე; ბეწვეულობა — ზამთარში, დეკემბერში, იანვარში და თებერვალში; სიბინდი — გაზაფხულში; ლომი — ზამთარში; თამბაქო — ზამთარში; სამთელი — მარტში. ეს ცნობები არის მოთავსებული დავით დადიანის უსტარში,



დათაია ჭედია (1821—1901). პირველი მეგრელი ვაჭარი. სოფ. ონტოფოდან ზუგდიდს გადმოსახლებული. ვაჭრობაში განსაკუთრებული უნარისათვის დავით დადიანმა დააჯილდოვა აზნაურობის წოდებით. 1852 წელს სათანადო ნდობით აღჭურვილი რუსეთის მეფის მთავრობის მიერ—გაიგზავნა სტამბოლს სამეგრელოს სავაჭრო წარმომადგენლად.

რომელზედაც არის ლაპარაკი ამ წიგნშივე სოფლის მეურნეობის აღწერაში.

დავით დადიანს ვაჭრობილამ შემოსავალიც კარგი ქონდა მისი დროის კვალობაზე. გოგისა ყიფიანს ზუგდიდის, ანაკლიის და ყულევის ვაჭრებისაგან შემოსული კაპიტალი ებარა,—ის ახდევინებდა ვაჭრებს დაწესებულს გადასახადს; გიგო გობეჩიას ებარა სენაკის კაპიტალი. ამას წლის თავზე შემოუვიდოდა 5 — 6 ათასი მანათი.<sup>1</sup>

ვაჭრობის მთარველს, დავით დადიანს დაზარალებული ვაჭრები დიდად ებრალებოდა. ერთხელ ვიღაც გაკოტრებულის ვაჭრისთვის ხელის მოსამართავად დავით დადიანმა უბრძანა სახლთ-უხუცესს დიდი წვეულება და სადილი გაემართა. ამ სადილზე დადიანმა ხელის-მოწერა ჩამოურიგა წვეულებს. ყველამ შესწირა რამდენიმე, გარდა მდივანბეგის ვახტანგ ჩიქვანისა.

—მე თუ გიყვარდე, მოაწერე რამე უბრძანა დადიანმა. არა, თქვენ ნუ მომიკვდეთ, ჩვენ თითონ იმდენი ღარიბები გვყავს, რომ ვერ აუდივართ.

-- მოაწერე მეტქი!

— არ მომიკვდეს შენი თავი.

— როგორ თუ არა, გაიყვანეთ აქედამ, გაზი, გაზი. წვეული სადილიდამ გააგდო, მდივანბეგობა ჩამოართვა და სოფელში გაგზავნა.<sup>2</sup>

მრეწველობასაც მიჰყო ხელი დავით დადიანმა, მაგრამ, საცა გარშემოზღუდული პირობები ხელს არ უწყობენ მრეწველობას, იქ მარტო სურვილს, თუნდ მთავრისას, ან რა უნდა გაეკეთებია.

<sup>1</sup> გიორგი გელოვანისაგან განაგონი.

<sup>2</sup> სახლთუხუცესის დათა ჩიქვანისაგან განაგონი.



**ნიკოლოზ დავითის-ძე დადიანი (1847—1902), სამეგრელოს სამთავროს ტახტის მემკვიდრე, რომელმაც ხელი სრულიად აიღო ამ ტახტზე. 1886 წელს რუსეთის მეფის კანდიდატი იყო ბოლგარეთის მთავრის თანამდებობაზე.**

1848 წელს მთავარმა მოიწვია ზუგდიდს გრაფი როზმორდუკი, ტომით ფრანგი. ამან თან მოიყვანა აბრეშუმის ამოღებაში დახელოვნებული ფრანცუზის ქალები და გამართა ზუგდიდში ქარხანა. 1852 წელს ამ ქარხანაში 15 მეგრელი ქალი მუშაობდა. ქარხანამ დაამუშავა 1851 წ. 13 ფუთი ძაფი, რომელიც გაიყიდა ლიონში ფუთი 250 მანეთად<sup>1</sup>. 1852 წელს ქარხანამ დაახვია 30 ფუთი ძაფი. მთავარი დიდად ხელს უწყობდა აბრეშუმის მოწვევას. ეს ახალი საქმე იყო ჩვენს მხარეში და თვით მთავარ-მართველმა თავ. ვარანცოვმა მიაქცია ყურადღება ამ წარმოებას. იმ ანგარიშში, რომელიც მთავარ-მართველმა წარუდგინა ხელმწიფეს 1849 — 1851 წლებზე, ვკითხულობთ შემდეგს:

„სამეგრელოს მთავარმა დავ. დადიანმა დიდად ხელი შეუწყო აბრეშუმის მრეწველობას იმით, რომ ერთს პატივცემულ, საფრანგეთის ქვეშევრდომს გრაფ როზმორდუკს სამეგრელოს მთავარ დაბაში, ზუგდიდში მოეწყო სამაგალითო ქარხანა, რისთვისაც როზმორდუკმა გამოიწერა რამდენიმე ფრანგი — ქალი, ეს ორი წელიწადია, ამ მრეწველობას დიდი სარგებლობა მოაქვს. აღსანიშნავია ისიც, რომ ზოგი ამ ფრანგ ქალთაგანი აქაურებს გაჰყვა ცოლად და ეს უეჭველია ხელს შეუწყობს ხალხში უფრო გავრცელებს აბრეშუმის ამოღების გაუმჯობესებული ხერხები.“<sup>2</sup>

სამწუხაროდ, არც ამას და არც არყის გამოსახდელ ქარხნებს, რომლებიც დავით დადიანმა ააგო ზუგდიდში და სალხინოში, დიდხანს არ უარსებნიათ.

<sup>1</sup> Дело канц. влад. Мингр. 1852 წ. № 1443

<sup>2</sup> Акты арх. комиссии т. X, стр. 886, 1878 г.

## XVII

დავით დადიანის ბარდაცვალება და დასაფლავება.  
ეკატერინე დედოფლის მმართველად დანიშვნა.

თავადმა გრიგოლ დადიანმა მიაშბო:

დიდი მარხვა იყო. დავითი, ჩემი ძმა, კაბინეტში იჯდა ზუგდიდს და რაღაცას წერდა. ხელიდამ კარანდაში გაუვარდა, დასწვდა, აიღო და რომ აიხედა, კარი გაიღო და კაბინეტში დავით მიტროპოლიტი შემოვიდა, რომელიც დიდის ხნით გარდაცვალებული იყო. აჩრდილი მიუახლოვდა და მთავარს, დაჰკრა მხარზე ხელი და უთხრა:

— დავით, მაისის თვეში უნდა წამოხვიდეო და გავიდა. დავითი წამოდგა, გაიხედა გარეთ და კითხა მოსამსახურეს:

— აქედამ ხომ არავინ გასულა?

მასუხად რომ მიიღო, არავინ გასულაო, გაჩუმდა და არავის არა უთხრა რა მოჩვენებაზე.

მაისი რომ გავიდა, დავითმა ეს ამბავი მე მითხრა.

— არაფერია, მაისში მოკვდებო, გითხრა მიტროპოლიტმა, მაგრამ ის კი არ უთქვამს, რომელს მაისში უნდა მოხდეს ეს — დავაიმედე მე.

ეს ამბავი მიაშბო მე დავითმა ჭანის-წყლის პირად, საცა დავისვენეთ გორდიდამ ზუგდიდს მიმავალთა.

ვარანცოვს მოეწერა მისთვის, წაეყვანა სოხუმს სამეგრელოს მილიცია და მთავარი მიეჩქარებოდა ზუგდიდს, რომ აქ გამოეწყო ჯარი. მაგრამ დაეწია იმას შიკრიკი, რომელმაც მოუტანა ამბავი, რომ მილიციის გაგზავნა არ

შეიქნა საჭირო. მთავარი მაინც წავიდა ზუგდიდს და რომ აქედამ ამობრუნდა გორდს, ავად გახდა მუცელ-კეთილით.

17 დღე იყო ავად, ქუთაისის გუბერნატორმა გაგარინმა თავისი ექიმი გამოუგზავნა და ავადმყოფი მორჩა, ფერისცვალებისათვის მთავარმა მოიწვია გორდს ანტონ ჭყონდიდელი და ეპისკოპოსი იმერეთისა გერმანე. სწორედ ამ დღეს მთავარი ხელ-ახლა გახდა ავად და 30 აგვისტოს 1853 წ. გარდაიცვალა გორდის სასახლეში.

მთავრის ძმამ გრიგოლ დადიანმა, ეკატერინე დედოფლის მინდობილებით, შემდეგის სიტყვებით აუწყა მთავრის გარდაცვალებაზე სამეგრელოს საზოგადოებას.

„მწუხარე და მგლოვიარე მთავრინა მენგრელიისა ეკატერინე ალექსანდრეს ასულა და სახლი ესე სამთავრო გაცნობებთ: რომელს ესვიდა დიდებად თვისად სამეგრელო, მთავარი მისი დავით დადიანი გარდაიცვალა თვესა აგვისტოსა ოცდაათსა. პოლკოვნიკი გრიგოლ დადიანი“


სამეგრელოს ეპისკოპოსმა ზაქარიამ დაუგზავნა ოდიშ-ლეჩხუმის სამღვდელოებას ცირკულიარი, რომლის შემდეგი ნიშნის ვნახე მე ცაიშის ეკლესიაში.

„ბლალოჩინის თანამდებობის აღმასრულებელს მღვდელს მიხაილ მეუნარგიას“<sup>1</sup>

„მთავარი ჩვენი დავით დადიანი გარდაიცვალა დღევანდელს რიცხვში, რაზედაც თქვენ გაცნობებთ რა, წარმოგიწერთ თქვენის საბლალოჩინოდამ წამოიყვანოთ ათი მღვდელი ფილონით და ოლარითა, მოხვიდეთ გორდს ერთად. აუცილებლად სამს რიცხვსა სექტემბერსა, ხუთშაბათ საღამოს. მენგრელიის ეპისკოპოსი ზაქარია. 30 აგვისტო 1853 წ.“

<sup>1</sup> მიხეილ მეუნარგია, ამ წიგნის ავტორის — იონა მეუნარგიას ძმა — ს. ც.





ბრინცი აშილ მიურატი. შვილისშვილი. ნეპოლიტანის მეფის  
ილაჩიმ მიურატისა, რომელსაც ცოლად ჰყავდა ნაპოლეონ პირველის  
და—გაროლინა. აშილმა შეერთო დავ. დადიანის ასული სალომე.  
დასახლდა სამეგრელოში სამემკვიდრეოდ მიღებულ მამულში და ხე-  
ლი მიჰყო სოფლის მეურნეობას. გარდაიცვალა 1895 წელს 50 წლისა.

ამგვარი წერილები დაიგზავნა სოფლითი-სოფლად მთელს ოდიშ-ლეჩხუმში და გასვენების დღეს მარტვილის გზაზე შეკრბა ურაცხვი საზოგადოება, სოფელოფელ ჩამწკრივებული განუწყვეტელის ლენტად გორიდან მარტვილამდის. როცა პროცესია, რომელსაც იუძღვოდა წინ ფეხით სამეგრელოს ეპისკოპოსი და სამკდლოება, მიუახლოვდებოდა თუ არა რომელსამე სოფელს, სოფლის მკვიდრნი იტყოდნენ ზარს — იმართებოდა ჩვეულებრივი ტირილი.

\* \* \*

დავით დადიანი დასაფლავებულია მარტვილის ტაძარში. მის საფლავს შემდეგში მისმა ქვრივმა ეკატერინემ დაადგა მშვენიერი ძეგლი. საფლავს ადევს მარმარილოს ფიქალი, რომელს ზემოდ მშვენივრად გალესილ მრგვალს სვეტებზე არის აყვანილი მარმარილოსეე კალდახინი ბალდახინის შუა ადგილზე არის ჩამოშვებული საუკუნო ლამპა — და, იმ კედელზე, რომლის ძირით არის აყვანილი ეს ძეგლი გაკრულია მარმარილოს ფიცარი შემდეგის ქართულ-რუსულის წარწივით:

„მფლობელი სამეფელოისა მთავარი დავით ლევანის ძე დადიანი შვა კვანთ იანვარს ჩვიგ-სა წელსა, აღსრულდა ლ-ს აგვისტოს ჩვიგ-სა წელსა.“

„აჰა ესერა ღმერთი შემწე ჩემდა და უფალი შემწყნარებელ სულისა ჩემისა.“

ფს. ნგ.

„მოიხსენე უფალო სული შესვენებულისა მონისა ამისა შენისა.“ —

„Владетель Мингрелии, Князь Давид Леванович Дадiani родился 26-го Января 1813 года, скончался 30-го Августа 1853 года.“



დავით დადიანის ასული სალომე (1848—1913)—მეუღლე  
აშვილ მიჟრაჭისა.

„Сѣ Бог помощник мой и Господь заступник души моея.“

„Помяни Господи душу усопшаго раба твоего.“

დავით დადიანის გარდაცვალების გამო კავკასიის მთავარ-მმართველმა მ. ს. ვარანცოვმა ხელმწიფე იმპერატორს 20 სექტემბერს 1853 წ. შემდეგი მოხსენება გაუგზავნა:

**უქვეშევრდომილესი რაპორტი თავ. ვორონცოვისა 1853 წლის სექტემბრის 20-სა, № 887.**

„წარსულ აგვისტოს 30-ს გარდაიცვალა სამეგრელოს მთავარი თავადი დავით დადიანი. უქვეშევრდომილესად მოგახსენებთ რა ამას თქვენს იმპერატორებითს უმაღლესობას, ჩემს თავს მოვალედ ვთვლი დავსძინო, რომ თანახმად იმ გრამოტისა, რომელიც თქვენ, უმოწყალესო ხელმწიფეო, უბოძეთ სამთავროს, მემკვიდრეობა ეკუთვნის მის უფროს შვილს ნიკოლოზს, მაგრამ რადგან იგი ჯერ 7-ის წლისაა და საჭიროა, როგორც იმისთვის მზრუნველი, ისე წმართველები სამთავროს სამართავად, სანამ სრულწლოვანი გახდებოდეს. მე ვკადნიერდები მოგახსენოთ უქვეშევრდომილესი ჩემი აზრი, რათა იმნაირადვე, როგორც იყო განსვენებულის ბებიის, ნინოს დროს და აგრეთვე როგორც იყო გურიაში 1827 წ., როცა გურიის მთავრის თავ. მამია გურიელის გარდაცვალების შემდეგ, სანამ მემკვიდრე სრულწლოვანი არ შეიქნებოდა, დაწესდა საბჭო თავადის სოფიო გიორგის ასულის თავმჯდომარეობით, ახლაც განსვენებულის თავ. დავით დადიანის მეუღლე, თავადი ეკატერინე ალექსანდრეს ასული, ყოფილად ღირსეული ზნეობრივის თვისებებითა, ჭკუითა აზრ-შეხედულებითა, დაინიშნოს შვილის მზრუნველად და სამეგრელოს დედოფლად, სანამ შვილი 20-ის წლისა

ვახდებოდეს, ეკატერინეს დასახმარებლად და რჩევისათვის დაენიშნოს: ძმები განსვენებულისა პოლკ. თავ. გრიგოლი და მისის იმპერატორობითის უმაღლესობის ხელმწიფის მემკვიდრის პოლკის როტმისტრი თავ. კონსტანტინე დადიანი და ჭყონდიდელი ყოვლადსამღვდელო ზაქარია.

ამ ჩემს მოხსენებას თქვენს იმპერატორობითს უმაღლესობას ფეხქვეშ გავუგებ და გამოვითხოვ თქვენს უმოწყალესს ბრძანებას, უბოძოთ ინვენსტიტურა განსვენებულის უფროსს ვაჟის და მის კანონიერ მემკვიდრის, თავ. ნიკოლოზის სახელობაზე. ვკადნიერდები ამას დავსძინო თხოვნა: უკეთუ თქვენ, უმოწყალესო ხელმწიფეო კეთილსინებებთ და დაამტკიცებთ ნიკოლოზის დედას, თავად ეკატერინე დადიანს, თავის შვილის მზრუნველად და სამეგრელოს დედოფლად, უმოწყალესად უბოძოთ წმ. მთავარმოწამის ეკატერინეს პირველი ხარისხის ორდენის კავალეროსანი დამობა.

ეს უმდაბლესად მირთმეული მოხსენებანი საგსებით ეთანხმებიან სიკვდილის წინათ გამოთქმულ სურვილს მთავრის დავით დადიანისას, რომელიც თავის სიცოცხლის უკანასკნელ წამამდე აღივსებოდა ცხოველის სურვილითა განემტკიცებინა თვისნი ქვეშევრდომნი წმინდა სარწმუნოებაში, რომელიც მტკიცე კავშირია სამეგრელოსი მართლმადიდებელ რუსეთთან, ეს ნათესაობა უფრო გაეძლიერებინა და თავიანთ ქვეშევრდომთათვის ჩაეგონებინა იგივე გრძობანი რუსეთის ტახტისადმი უქვეშევრდომილეს ერთგულებისა, რომლითაც იგი მარად-ჟამ იყო გამსჭვალული“.<sup>1</sup>

ამის პასუხად თ. ვარანცოვს მოუვიდა შემდეგი წერილი ჩერნიშევისა 8 ოქტომბრიდამ 1853 წლისა.

<sup>1</sup> Акты кавк. арх. комиссии т. X стр. 261, 1885 г.

**მიმართვა თავ. ჩერნიშევისა თავ. ვორონცოვისადმი,  
1853 წ. ოქტომბრის 8-ს № 1536.**

„ხელმწიფე იმპერატორმა წაიკითხა თქვენის ბრწყინვალეების უქვეშევრდომილესი რაპორტი წარსულ სექტემბრის 20, № 887, სამეგრელოს მთავრის, გენერალ-მაიორის დავით დადიანის გარდაცვალების შესახებ, თანახმად თქვენის მოსაზრებისა უმოწყალესად კეთილინება და ბრძანა: რადგან მთავრის მემკვიდრე, უფროსი შვილი მისი, თავ. ნიკოლოზი, მცირეწლოვანია, განსვენებულის ქვრივი, თავადი დადიანისა დაინიშნოს მზრუნველად შვილისა და სამეგრელოს დედოფლად, სანამ შვილი 20-ს წლისა გახდებოდეს, დამხმარეებად და მრჩეველებად მიეცეს: განსვენებულის ძმანი, რომლებიც იმყოფებიან ცალკე კავკასიის კორპუსთან: ლეიბ-გვარდიის—პრეობრაჟენსკის პოლკის პოლკოვნიკი თავ. გრიგოლ დადიანი და მისი იმპერატორებითი უმაღლესობის ხელმწიფის მემკვიდრის ატამანის პოლკის როტმისტრი თავ. კონსტანტინე დადიანი, აგრეთვე ყოვლადსამღვდელო ჭყონდიდელი ზაქარია. ამასთანავე მისი იმპერატორებითა უმაღლესობამ კეთილინება ებრძანებინა საინვენსტიტურო გრამოტა გადაიგზავნოს თავ. ნიკოლოზ დადიანის სახელობაზე.

ამასთან ერთად ხელმწიფე იმპერატორმა თვისის კეთილგანწყობილების აღსანიშნავად კნეინა დადიანის მიმართ, უმოწყალესად ინება ებოძოს მას დიდი მოწამის წმ. ეკატერინეს კავალერ-ქალის პირველი ხარისხის ორდენი <sup>1</sup>.

---

<sup>1</sup> Акты кавк. арх. комис. т. X, стр. 262, 1885 г.



ანდრია დადიანი—უმცროსი ვაჟი დავითისა. იყო განთქმული მოჭადრაკე, რომლის პარტიებს დღესაც დიდი ინტერესით ეკიდებიან ცნობილი მოჭადრაკენი. გარდაიცვალა 1910 წ.

\*  
\* \*

დავით დადიანს დარჩა სამი შვილი: ნიკოლოზი, შემდეგში სამეგრელოს თავადი (დაიბ. 4 იანვარს 1847 წ., გარდაიცვ. 24 იანვ. 1902 წ.), სალომე, შემდეგში პრინცესა მიურატისა (დაიბ: 20 ივლ. 1848 წ. გარდაიც. 10 ივლისს 1913 წ.) და ანდრია, შემდეგში თავადი დადიანი სამეგრელოისა (გარდაიც. 1910 წ.), ამათ გარდა, იმასვე ყავდა და სიცოცხლეშივე დაეხოცა შვილები: მართა (დაიბ. თებერვ. 1840 წ., გარდაიცვ. იმავე წელს), ლევან (დაიბ. 17 თებერვ. 1842 წელს, გარდ. 1844 წ. 28 აპრილს), ალექსანდრე (დაიბ. 22 მარტს 1843 წ., გარდაიცვ. იმავე წელს 15 დეკ.) და თამარი, უმრწემესი მისი შვილი, პეტერბურგში გარდაცვლილი.

---



# დამატებანი

წინასიტყვაშივე აღვნიშნეთ იმის შესახებ, თუ როდის დაუმთავრებია ავტორს წინამდებარე ნარკვევი, რომლის პირველ გვერდებში ჩადებული იყო დავ. დადიანის სურათი ზურგზე წარწერით „კლიშე ჩემს უჯრაშია“. ცხადია, ყველაფერი ეს ნიშანია იმისა, რომ შრომის ბეჭდვა ახლო მომავალში უნდა დაწყებულიყო. და თუ ეს ვერ მოხერხდა, შეჭვოდ, მსოფლიო ომის დაწყებასთან დაკავშირებით გართულებულ და შეცვლილმა საერთო პირობებმა შეუშალეს ხელი. არც შემდგომ პერიოდს შეუწყვია ხელი ავტორის ამ მხრივ ზრუნვისათვის—და მისი გარდაცვალების (1919) შემდეგაც რამდენიმე წელს კიდევ ხელუხლებლად იყო იმავე უჯრაში აღნიშნული წიგნი და კლიშე.

ამ მნიშვნელოვანი დოკუმენტის მზის სინათლეზე გამოტანა მხოლოდ საბჭოთა სინამდვილეში მოხერხდა, როცა მარქსისტულ-ლენინური თვალსაზრისით ხდება წარსულის ყველა კუნჭულის შესწავლა და გადაფასება. ამ მიმართულებით მუშაობისათვის აუცილებელია ასეთი ხასიათის მასალებიც, ნარკვევები იქნება ის თუ დოკუმენტები, მოგონებანი, მემუარები თუ რაიმე შენიშვნები, თავის დროზე და ადგილას თავისებურად შესაფერი მნიშვნელობის მქონეა ზოგიერთი ფაქტისა და მომენტის ანალიზის და ზუსტებისათვის.

ამ წიგნის დამუშავების პროცესში ავტორს რომ ბევრი მასალა უგროვებია, ამის უტყუარი მოწმე ავიტ ეს ნარკვევია, მაგრამ ყველა მასალა ამ წიგნში მაინც როდია შესული თავისი პირვანდელი სახით. ეს ასეც უნდა მომხდარიყო. ნედლი მასალის უსისტემო გროვა ნარკვევს ვერ წარმოგვიდგენდა. მაგრამ ზოგიერთი მასალის, — ხანდაზმულობისა და არქივის

მტვერის მეოხებით უკვე დოკუმენტად ქცეულის — ამ ნარკვევებზე დამატებაც სასარგებლოა.

ჩვენც ამ თვალსაზრისით შევხედეთ ქვემოთოყვანილ ორპატარა მასალას. რომელთა გაჩენა ი. მეუნარგიას არქივში წინამდებარე შრომით არის გამოწვეული. პირველი, შენიშვნის სახით ჩაწერილია ფანქრით (როგორც ეს ავტორს სჩვეოდა) რვეულის ქაღალდზე, ხოლო მეორე, გადაწერილია მელნით: სუფთა ხელით და შეკრულია ცალკე რვეულად. ხელი და მართლწერაც სხვა ავტორისაა. ცხადია, ეს რვეული გადაწერილია ი. მეუნარგიას დავალებით, რომ უკანასკნელს ნათელი წარმოდგენა ჰქონოდა იმ პირზე, რომელიც „დადიანის შემდეგ სამეგრელოში პირველ კაცად ითვლებოდა“ და რომლის ღვაწლისა და პიროვნების დახასიათებაც წინამდებარე ნარკვევში თვალსაჩინო ადგილი უკავია.

როგორც არქივის მასალა—ორივე ნარკვევი მოგვყავს ქვემოთ, პირვანდელი სახის ყოველმხრივ შენარჩუნებით:

ს. ც.

## I

### სამეგრელოს მთავართა (დადიანთა) საგვარეულო ნუსხა (1323 — 1853)

1) გიორგი I დადიანი, + 1323 წ. ამან ნარინ დავითის შვილის კოსტანტინეს დროს დაიპყრო ცხუმში, ოდიში ანაკოფიამდე. მეფეს დიდად არ ემორჩილებოდა. გახდა დამოუკიდებელი, როგორც აფსახეთი, გურია... კოსტანტინეს ძმამ წაართვა: რაჭა, ლეჩხუმი, არგვეთი და მუდამ ომში იყვნენ.<sup>1</sup>

2) მამია I დადიანი, + 1345 წ.

3) გიორგი II დადიანი (1345-1384). დაკრძალულია ხობს.

<sup>1</sup> უძველესი დადიანების შთამომავლობითი სია ცნობილი არ არის, მხოლოდ მოხსენებულნი არიან;

1. იოვანე, ბაგრატ IV დროს (1027-1072)

2. შააშე, გიორგი III დროს (1154-1184)

3. ვარდან, თამარ მეფის დროს (1184-1212)

4. ცოტნე, რუსუდან დედოფლის დროს (1223-1247)

5. ბედიანი, დავით IV დროს (1243-1259).

6. მამია, გიორგი V დროს (1318-1346). — რედ.

4) ვამიყ I დადიანი, (1384-1396)<sup>1</sup> ამას დამირჩილება მოუნდომა გიორგი მეფემ. ჩამოვიდა ოდიშს, იძლია, მოკლეს აქ. დაკრძალულია ხობს.

5) მამია II დადიანი, (1396-1414) მოკლეს აფხაზთა-

6) ლიპარიტ I დადიანი, (1414-1470)

7) შამადავლე, (1470-1474). დაკრძალულია ხობს.

8) ვამიყ II, ბიძა შამადავლესი (1174-1482). ამას არ უნდოდა ბაგრატ მეფის გაძლიერება. ბაგრატ მიუხნდა 1477 წ. და სძლია ამას, მაგრამ დადიანად დატოვა. შემდეგ ამან უღალატა ალექსანდრე მეფეს და მიეპხრო ქართლის მეფეს კონსტანტინეს, რომელმაც დაიპყრო ქუთაისი.

9) ლიპარიტ II ძმა შამადავლესი, 1512... ამან ხელახლა ჩამოიყვანა კონსტანტინე მეფე და გააძევეს ალექსანდრე. კონსტანტინე დაჯდა ქუთაისს სანამ სპარსები არ მოვიდნენ თბილისს.

10) მამია III დადიანი. 1532 წ. მოკლეს ჯიქებმა..

11) ლევან I დადიანი (1532-1572), ამან გურიელთან ერთად შემწეობა მისცა ბაგრატ მეფეს ათაბაგის წინააღმდეგ. მეორეჯერ არ დაეხმარა თათრების წინააღმდეგ. რადგანაც მაშინ გურიელს აჭარა და ჭანეთი მისცა და მე არაო. ამის გამო მიიწვია მეფემ სადარბაზოდ. ხონის ტყეში ნადირობისას დაიჭირა და გელათის სამრეკლოში დაამწყვდია. ამისმა შვილმა გიორგიმ განუტყვევ ცოლი ასული როსტომ გურიელისა და წაართვა ბიძა მისს ბათულის ცოლი სიკეკლუცისათვის. ლევანმა მისცა თავისი ქალი გიორგი გურიელს. გურიელმაც გაუშვა სამაგიეროდ და შეირთო იმერეთის მეფის ბიცოლა. გურიელი და მეფე რომ დამეგობრდნენ იწყეს მტრობა დადიანზე. ლეონ წავიდა სტამბოლს და ამათ ოდიში დაიპყრეს. ხონთქარმა ლეონს მისცა ჯარი. გურიელს შეეშინდა და ზავი სთხოვა და 100 ათასი დრაკანი მისცა. ლევანი კვლავ ხდება ოდიშის ბატონი. ლევან დადიანს ნადირობაში თავ. ჯაიანმა ცხენი დაატაკა და მოკვდა.

12) გიორგი III დადიანი (1572-1582). გიორგის და ცოლად შეირთო იმერეთის ტახტის მემკვიდრე ბაგრატმა. გურიელს

<sup>1</sup> ყველგან ნაჩვენებია გამთავრებისა და გადადგომის ან გარდაცვალების თარიღები. იხ. მ. ბროსე, საქართველოს ისტორია ნაწ. II ტფილისი 1900 წ. „შთამომავლობითი სია სამეგრელოს დადიანთა“. —

რედ.

ეს ეწყინა და გიორგი დადიანის ძმა მამია, მოიყვანა თუ არა მისცა მას და, მიუხდა ზუგდიდს და გააქცია გიორგი. გიორგიმ ჯარი მოიყვანა აფხაზეთიდან მაგრამ გურიელმა ხელმეორედ გარეკა. შემდეგ გიორგი შეევედრა იმერეთის მეფე გიორგის დაებრუნებია სამეგრელო... მეფე დათანხმდა მაგრამ 10 ათასი დრაკანი დააბრუნებია გურიელისთვის. სანამ გადაიხდიდა ხობი დაუვირავა... ამან ბათულია მოაკვლევინა.

13) მამია IV დადიანი, ძმა გიორგისა, (1582..) გიორგი გურიელმა მოიპარა გიორგი დადიანის შვილი ბავშვი ლევან და შეხფის ციხეში დაანწყევლია,<sup>1</sup> საიდანაც გადმოხტა და გაიქცა. ამის მაგიერ მამია დადიანი მიუხტა გიორგი გურიელს, გადააგდო და დასვა ვახტანგი. ლევან დადიანის ქალი მარეხ შეირთო ლევან იმერეთის მეფემ. რომ არ დაეხპარა მამია ლევანს წინააღმდეგ სიმონ მეფისა, მტრობა დაუწყო. მამია მოვიდა იმერეთს ეომა დაიჭირა ლევან მეფე (1590) და შეხფის ციხეში ჩასვა, საცა მოკვდა.

14) მანუჩარ I, დადიანი. ძმა მამიასი, 1590-1611. ამას სთხოვა როსტომ იმერეთის მეფემ სვიმონ მეფის წინააღმდეგ შემწეობა. მოვიდა იმერეთს და გადაგდებულნი როსტომი დასვა. სვიმონმა ხელახლა გააქცია როსტომი, რომელიც კვლავ სამეგრელოში ჩავიდა. მანუჩარმა შეუთვალა: დაუბრუნე სამეფო როსტომს და დაგმორჩილდიო, ეს სვიმონმა იწყინა, როგორ გამიბედა გაქუცულმა მეგრელომ. მანუჩარმა ხელახლა დასვა როსტომი. 1591 წელს მანუჩარის ცოლმა ნესტან-დარეჯანმა შვა წული ლევანი. კახეთის მეფე ალექსანდრემ 1597 წ. თხოვა მშობლებს ლევანი გასახრდელად. გაუგზავნეს და 6 წელი იქ ყავდათ. დაბრუნდა 13 წლისა. 1611 წ. ირმის ხრომ წარიტაცა და მოკლა მანუჩარ.<sup>2</sup>

15) ლევან II,<sup>3</sup> (1611-1657). დედა—ალექსანდრე კახთ მეფის ქალი, ბოროტი, ხვანჯიანი, ამაყი; მზაკვარი. ამან სძლია გიორგი მეფე იმერეთისა — და მრავალი ალაფი წაიღო ოდიშს. მისი და ჰყავდა სიმონ გურიელს. ამან რომ მამა მოკლა მამია, ლევანი მიუხტა ლანჩხუთს, ეომა, სძლია, წაართვა და, თვალეზი დასთხარა და

<sup>1</sup> ეტყობა ეს მოგონილია, სხვაგან წერია მამიამ დაამწყვდიო.

<sup>2</sup> ნადირობაში მოკვდაო. ფარუხია გოჩაძემ ცხენი დაატაკაო, — ილორის ხატზე სწერია.

<sup>3</sup> მისი პორტრეტი არის ხობს და კორცხელს.

ქაიხოსრო გურიელის შვილი ვახტანგი დასვა. როსტომ მეფემ შეერთო მისი და სიმონის ქვრივი. ჯარით წაიყვანა, სამტრედიამდე რომ მივიდა და როსტომს ჩააბარა, დაბრუნებულზე გიორგი მეფეს უნდოდა დაცემა, მაგრამ ლევანმა დაიჭირა ის და სამეგრელოში წაიყვანა. გიორგის შვილმა მისცა გამოსასყიდად ჩიხორის და ჩხარის სომხები და ებრაელები. ლევანი ისე ხშირად ეცემოდა ქუთაისს, რომ ალექსანდრემ ციხე შემოივლო, პაატა წულუკიძემ ცოლი დააბეჭა მეწდეს ჰყვარობსო. ჩატენა ხარბახანში და გაისროლა. შემდეგ სხვა ცოლი შეერთო ერთს ომში იმერეთის მეფის ძმა მამუკა დაიჭირა და წაიყვანა ტყვედ. მერე პაატას რჩევით თვალები დათხარა. „ჰოხვრიდა კვლიდა კაცთა ქრისტიანეთა“, მოკვდა 1657 წ. დასაფლავებულია წალენჯიხას.

16) ლიპარიტი III, (1657 — 1658) ძმა ლევანისა. ამას მიუხედა იმერეთის მეფე ალექსანდრე, დაარბია და დიდის ალაფით ქუთაისს დაბრუნდა. ლიპარიტი გაიქცა სტამბოლში. დადიანად დაჯდა მამიას ძე ვამიყ.

17) ვამიყ III (1658 — 1660), ამან გუბის-წყლამდი დაიჭირა იმერეთი. გაღმა ვახტანგს, საქართველოს მეფეს მისცა. დაემძახლა ვახტანგს, მაგრამ ცოლის რჩევით ქალი მიათხოვა ბეჟან დოღობერიძეს. ეს იწყინა ვახტანგმა, მოეხმარა ხოსია ლასხისშვილი — თავი ლეჩხუმისა, ვამიყ წავიდა ოდიშს და იქ რომ ქართლელები და იმერლები ჩავიდნენ გაიქცა სვანეთს, საცა მოაკვლევინა ხოსიამ. დასვეს დადიანად ლევან.

18) ლევან III (1660 — 1680), 1663 წ. ლევანი წავიდა იმერეთში ბაგრატის წინააღმდეგ. მაგრამ ბაგრატმა სძლია, ჯარი დაუხრცა. მოაყვანია მისი ცოლი თამარ და თვითონ შეერთო. ლევანს მისცა შისი და გოშაძის ნაცოლარი. სეხნია ჩხეიძესთან იძლია ბაგრატისაგან ჩხარს. ცოლისთვის ხელახლა მოვიდა იმერეთს და ბაგრატი გაიქცა რაჭას. ლევან დადგა ვეგუთს. რაჭა-ლეჩხუმელებსაც სძლია, დაიჭირა მაგრამ გაუშვა, რადგან სიძე იყო. ამის დროს გაძლიერდა ჭყონდიდელი ჩიქოვანი, ამან მოაყვანია ძმა კაცია,<sup>1</sup> რომელსაც მისცა სალიპარტიანო. ლევანი მოკვდა გურიაში.

<sup>1</sup> ლევან IV-ის გარდაცვალების შემდეგ მოიხსობ დადიანთა ძველი დინასტია და გადადიანდა კაცია ჩიქოვანის შთამომავლობა. კაცია ჩიქოვანი იყო გორდელი ღარიბი აზნაური. პირველად საზოგადო-

19) ლევან IV (1681—1691) უკანონო წვილი იყო ლევან III-სა. 1681 წელსვე გააგდეს მისი ცოლი, და იმერეთის მეფე ბაგრატ მე-6-სა, მონახენად შედგა და რუსეთში წავიდა, ვანტანგ მე-VI-სთან.

20) გიორგი IV (ლიპარტიანი). დადიანად დაჯდა 1681 წელს. ამის შემდეგ დადიანობა გადადის კაცია ჩიქვანის ხელში.

### ჩიქოვანთა უთამომავლობა

21) კაცია I (ჩიქვანის გვარისა), დადიანად დაჯდა 1704 წ. გარდაიცვალა 1710 წ.

22) ბეჟან, (1715 — 1728).

23) ოტია, (1728 — 1744). ყავდა ცოლად გულქან, შოშიტა III, რაჭის ერისთავის ქალი.

24) კაცია II (1744 — 1788).

25) გრიგოლ (1788 — 1804).

26) მანუჩარ II, ძმა იყო გრ. დადიანისა, მთავრობდა 1791 — 1796 წ.

27) ტარიელ (ტაია), 1802 წელს იჯდა დადიანად. შემდეგ გააგდეს.

28) ლევან V (1804 — 1840) გარდაიცვ. 1846 წ. 30 ივლისს. დაკრძალულია მარტვილის მონასტერში.

29) დავით (1840 — 1853), უკანასკნელი მთავარი სამეგრელოსი, დაკრძალულია მარტვილს.

ებრივ-პოლიტიკურ ცხოვრებაში დაწინაურდა მისი ძმა ვედომოსი, რომელმაც მიიღო ჭყონდიდობა. ძმის დანმარებით ჩქარა კაციაც გაძლიერდა. იგი გახდა ლეჩხუმის მეზატონე და იმერეთის მეფის ბაგრატ III ვეხილი. ჭყონდიდელი ვედომოსის რჩევით კაცია უახლოვდება ლევან III დადიანს, რომელმაც მას უბოძა სალიპარტიანო და თავისი ვეხირობაც. უკანასკნელი დადიანის ლევან IV დროს არეულობამ და შფოთმა სადადიანოში მიიღო მწვავე ხასიათი, კაცია ამ გარემოებით სარგებლობდა, ამოხოცა წარჩინებულები და თვითონ შეიქმნა სამეგრელოს ფაქტიური მმართველი. კაციას შემდეგ მისმა შეიღმა გიორგამ დაიჭირა სალიპარტიანო და იგი მართავდა მთელ სადადიანოს. მაგრამ გიორგის ჩქარა აუშხედრდნენ მისი შვილები, უფროსმა ბეჟან ჩიქოვანმა იმერეთის მეფეს გიორგი VI სთხოვა დადიანობა და შეაძლია მას 4000 მარჩილი. მეფემ გამოილაშქრა ოდიშზე და გააბატონა ბეჟანი, რომელმაც მიიღო დადიანის წოდება 1715 წელს.

## II.

### როსტომე ჩიქოვანი

როსტომი იყო ძე თ-დის გიორგი ჩიქოვანისა, რომელიც მსახურებდა მეგრელიის მთავრის გრიგოლ დადიანის სახლთუხუცესად. ესევე გიორგი იყო, რომელმანც ერთად მთავარ გრიგოლთან ფიცი მისცა რუსეთის მეფეს საქვეშევრდომო საერთოგულოდ 1803 წ, და ხელი მოაწერა ფიცითი ფურცელზედ.<sup>1</sup>

დედა როსტომისა (მეორე ცოლი გიორგისა) იყო აფხაზეთის მთავრის შარვაშიძის ასული—ასტანდარ, რომელიც იყო დისწული მეგრელიის მთავრის კაცია დადიანისა; ასტანდარ უწინ ცოლად ყოლია თავადს ხახუ ჩიჩუას, ხოლო დაქვრივების შემდგომ წამოუყვანია მთავარს ბიძა მისს კაციას თავის სასახლეში და ცოლად მიუთხოვებია გიორგისათვის (ესე ზემოთქმული ყოველივე სჩანს წერილობით საბუთებიდან).

გიორგი ჩიქოვანი მამა როსტომისა, გარდაიცვალა 1804 წელს.

როსტომი იყო გიორგის მეოთხე ვაჟი-შვილი, რომელიც დაბადებულა 1767 წელს; ეს გარემოება უფრო იმით აიხსნება, რომ როსტომი გარდაიცვალა 1854 წელს შობიდან 87 წლისა.

როსტომმა ქართული წერა კითხვა ისწავლა თავის სახლში, მშობლებთან.

ცოლი როსტომისა იყო იმერეთის თავადის დავით მიქელაძის ასული—გულქან. შვილები ყავდა სამი ვაჟი: ლევან, ტარიელ და დავით, რომელთაცან დღეს ტარიელილაა ცოცხალა. (მიმრქმელნი წმიდის ემბაზიდან ლევან როსტომის ძისა იყო მთავარი დადიანი ლევან, ხოლო დავით როსტომის ძისა მიმრქმელი იყო მთავარი დავით; მთავრებმა თავთავისი სახელი დაარქვეს ნათლულებს).

პარველი შვილი როსტომისა ლევანი სწავლობდა ტფილისის იმ დროის საკეთილშობილო (გიმნაზია) სასწავლებელში, სწავლის

<sup>1</sup> სიტყვიერი გარდმოცემით გაგვიგონია, რომ სახლთ-უხუცესი გიორგი იყო სარდალ-მოურავიც გრიგოლ დადიანისა.

დამთავრების შემდგომ სამსახური დაიწყო სამხედრო ნაწილში, სადაც მიიღო გვარდიის პორუჩიკობა, ხოლო შემდგომ დავით დადიანის თხოვნით გარდმოყვანილ-იქმნა (პრიკამანდიროვკა) მასთან უფროს მოხელედ (ჩინოვნისკად) საკუთარის მინდობილებისა; მუსიკა ძლიერ უყვარდა ლევანს და კიდევ მშვენიერად უკრავდა ფორტოფიანოს, სკრიპკას, გიტარას და სხვ. ლევანი გარდაიცვალა სიყმაწვილეში, შობიდან 33 წლისა, 1852 წ.

მეორე შვილი როსტომისა ტარიელ იყო მაშინდელს რუსის მთავრობის სამსახურში; ჩინი ქონდა არმიის კავალერისა, დანიშნულ იყო ქუთაისის გუბერნატორის კანცელარიაში. მესამე შვილი როსტომისა დავით იყო მექანი მილიციის ჩინისა, მსახურებდა მთავრინა ეკატერინას მმართველობის დროს თანაშემწედ მაზრის უფროსისა (ნაჩალნიკის) ერთს სამაზრო დაწესებულებაში.

როსტომმა დაიმსახურა რუსეთის ჩინი—შტაბს კაპიტნობისა და ორდენები: ვლადიმერისა, ანნასი და სტანისლავისა სხვადასხვა ხარისხის. როსტომი იყო მშვენიერი შეხედულების ქერა კაცი, ტანად ახოვანი, მაღალი და სრული, თუმცა კოჭლი იყო, მაგრამ შესახედაობა—სწორე და უტყუარი, სახე წმიდა, ფართო შუბლი და ლამაზი მსხვილი თვალები, ეს ყოველივე შთაუწერგავდა მნახველს რიღსა და პატივისცემას მისდამი.

მისი სამსახურის პირველად დაწყების წელს ნამდვილად ვერ აღვნიშნავთ; ვიცით კი: რომ როსტომის საჩინო თანამდებობანი იწყება ლევან დადიანის მთავრობის დროიდან.

მთავრის ლევან დადიანის საბუთებიდან, ბოძებულის როსტომისადმი, როგორც სჩანს 1819 წელს როსტომი იყო „მდივანბეგად სრულიად სამეგრელოსა“, (ამ ლექსით სწერია თითონ საბუთში) და მსახურებდა ამ თანამდებობაში 1838 წლამდე; ამ უკანასკნელს 1838 წელს 11-აგვისტოს დაინიშნა სახლთ-უხუცესად მთავრის ლევან დადიანის სასახლისა; ამ დროიდან სამსახური განაგრძო სასახლეში და განაგებდა ყოველ შინაურს და გარეშე საქმეებს გიდრე სხვა უდიდესი ადგილი არ მოელოდა მას. უკანასკნელად 1847 წელს 1-ს მარტს დანიშნულ იქმნა მთავრის დავით ლევანის ძის დადიანისაგან თავმჯდომარედ მეგრელოის უზენაესის სასამართლოსა. მთავრის „პრიკაზ“-ში მოხსენებულია ესრედ: „თქვენ, ვითარცა დიდის ხნის ნამსახური და ერთგული ჩვენის სამთავრო სახლისა და ცნობილი როგორც ჩვენგან ისე სრულიად ჩვენის სამთავროსაგანაც



დიდ მისანდო და სამართლიან პირად, აღვირჩიეთ ღირსეული და სათანადო ადგილიცა და დაგნიშნეთ ჩვენს სამთავროში უზენაესი სასამართლოს მსაჯულთ-უზუცესად და თან ბოქაულთ-უზუცესად. „ეს მოწერილობა, რომ მიიღო როსტომმა ორის თანამდებობის ერთად მიღებაზედ ვარი ჰყო და მოხსენებით შევიდა მთავართან და სთხოვა: რომ ბოქაულთ-უზუცესად სხვა აღმოვჩინათ; ამასთანავე როსტომი მადლობას სწირავდა მთავარს ასეთი ღირს-შესანიშნავი ყურადღებისათვის მისდამი და პირდებოდა შეძლებისადაგვარად შეეწირა თავი თვისი მთავრისა და მისის ერის სამსახურად. ეს კიდევ აღასრულა ღირსეულად. ამ თანამდებობაშიდ სამსახურის დროს, როგორც ყოველთვის, აქაც უმეტესი შესანიშნავი ენერგიული და სამართლიანი თვისებანი გამოიჩინა როსტომმა, რომელიც შერჩა მისი სიკვდილის დღემდე—1854 წლამდე.<sup>1</sup> ბოქაულთ-უზუცესად მთავარმა დავითმა დანიშნა მისი ძმა კონსტანტინე, როსტომის მაგიერ.

როსტომის სწავადასხვა სამსახურის ყოველს დროს, როგორც პირველში, ეგრეთვე შემდეგშიაც—მისი მოქმედებაში, მსჯელობაში, ლაპარაკში, წერაში; კერძოდ გინა საზოგადოდ ყოველს დროს აღინიშნებოდა სიწირფელე გულისა, ენერგიული თვისება სულისა, გამჭირიანი გონება, მიუდრეკელი და ჭეშმარიტი სისწორე-სიმართლე. ესენი შეადგენდენ მისს თვისებასა, ეს ღირსება იზიდავდა მისდამი ყოველს პირს პატივისცემისა და სიყვარულის გრძნობით.

ყოველი იმ დროის კაცი—მამად, მზრუნველად და კეთილის მყოფელად ხადიდა როსტომს თავისი საჭიროებაშიდ და საზოგადოდ მოყვსურს მოვალეობაშიდ.

როსტომს სძაგდა უდიერი, მცონარე და დაუდევარი. ჯასეთ პირს შემთხვევის დროზედ არიგებდა, ამხილებდა და ამცნებდა—თუ ვითარ უნდა იქცეოდეს კაცი ცხოვრებაშიდ—სულიერად გინა ხორციელად, კერძოდ გინა საზოგადოდ, კიდევ უნაყოფოდ არ ჩაივლიდა ეს მხილება, ვინაიდგან ზოგნი თავით თვისით ჩაინერგავდენ ამ კეთილს მცნებას გულში და ზოგნიც (როსტომისადმი) მორიდებისა და კრძალვის ძალით ეჩვეოდენ კეთილის გზისკენ მიდრეკილებას. მთავრები მეგრელებისა ყოველთვის განსაკუთრებულს ყურადღებით და პატი-

<sup>1</sup> ზემოთქმულნი თანამდებობანი როსტომისა და ჯილდო რუსეთის ხელმწიფისა ყოველივე წერილობითი საბუთებიდან აღინიშნებიან.

ვისცემით ეპყრობოდა როსტომს, როგორც მისანდო და საჭირო პირს სამთავროში და პირველი ადგილიც სასამართლოებში როსტომს ეჭირა.

ძვირად, სულ ძვირად თუ მოხდებოდა, რომ როსტომის განაჩენზედ ვინმეს უყაბულობა განეცხადებინოს; ყოველი მართალი პირი იწვევდა მის წინააღმდეგს როსტომის სამართალში იმ დარწმუნებით, რომელ მასშიდ იპოვიდა ჭეშმარიტს სამართალს. მოხდებოდა ისეც, რომ მტყუანი პირი ხშირად გამოუტყდებოდა თავის დანაშაულში მოსარჩლეს, ოღონდ კი როსტომთან არ მიეყვანათ განსასჯელად. იცოდა მან, რომ როსტომი არ შეარჩენდა მას სიმტყუნეს, მისი განაჩენი სიმართლის წყაროდან ნაკურო იყო და მისი ნაშხეფი ყველას ერგებოდა თავის დროზედ-რიგ-რიგად. ეხლაც იმ დროის პირები ფიცით დაგარწმუნებენ, რომ როსტომი პირველის შეხედვისთანავე იცნობდა მართალს და მტყუანსაო და მისთვისაც შიშობდენ უმართლონი მასთან წარდგომასო. ასე იტყოდენ: „მისს (როსტომის) თვალებში ნათელი არ დაიფარება და მტყუანი დაუსჯელად თავს ვერ დაახწევსო“.

როსტომის პირადმთქმელობა და სიმართლეში მოურიდე-ბლობა ყველასთან ყოველს საქმეში თანასწორად იჩენდა თავს, ვინც უნდა ყოფილიყო. მოხდებოდა ხოლმე ისიც, რომ თითონ მთავრებს, რომლის ქვეშევრდომი თვით იყო, მოურიდებლად ეტყოდა, ამხილებდა მათს შეცდომას გინა უსამართლობას და ეცდებოდა დაჩაგრულ-თათვის სიმართლის კარი გაეღო; მისთვის სულ ერთი იყო ვინც მასშიდ საჭიროებდა, — ნათესავი, ნაცნობ-მეგობარი, გინა კერძო პირი, რა გინდ სხვა ჯურის ყოფილიყო, როდესაც საქმე სიმართლეს მოითხოვდა. აი, აქ,—ამ მართლის კვალზედ მსვლელს დაინახავდით მას თვისის განაჩენით. (პირადი პატივისცემა, ჯილდო, მისი მხრით მაშინ ერგებოდა კაცს, როდესაც ამას დაიმსახურებდა, ესე იგი თუ დაიცავდა თავს რიგიანად და დაინახავდა მიმართულს კეთილის გზისკენ. კერძო ყურადღება მოყვასისადმი—ნათესაობაში და მეზობლობაში მისი სულის თვისება იყო: ეწეოდა ღარიბ-გაჭირვებულს, ქვრივსა და ობოლს და მთელი მეზობლობა და მისი ახლობელნი ხომ მისით იბრუნებდნენ სულს კერძო ცხოვრებაში.

როსტომი ითვლებოდა იმ დროში კარგი ყმა-მამულის მექონ მებატონედ; ყოველი დიდ კაცობა—მაღალწოდებისა—სასულიერო გინა სამოქალაქო, შემოსრული მეგრელიაშიდ სტუმრად გინა საქმი-

სთვის—უთუოდ როსტომს ესტუმრებოდნენ, ხშირად საქმეც მოითხოვდა, რომ მასთან მისულყვენენ, მაგრამ უფრო მისთვის დაწდიოდნენ მასთან, რომ სტუმართ-მოყვარე კაცი იყო და კარგი ოჯახიც ქონდა, სათნოების გულთ მიიღებდა და ღირსეულადაც დაუბნებდებოდა. მთავრები მეგრელებისა, გურიისა, აფხაზეთისა და სვანეთისა ხომ ხშირი სტუმარი იყვნენ როსტომისა (ამას ხელს უწყობდა საზოგადოება, რომელიც როსტომისა სახლს ახლო უვლიდა).

როსტომის სახლი შედლებულ ოჯახად ითვლებოდა მეგრე-ლიაშიდ და ცხოვრებაც მორთული ქონდა მაშინდელი დროის ბატონურის წესწყობით; ყავდა თავისი მოურავი, გამგებელი სახლისა, შინაყმა (მხლებელნი ესენი იყვნენ როსტომის აზნაურები) ხელოსნები და ქეშიკები, ხოლო ამათი ხელქვეითნი სასახლის მოსამსახურენი ორმოცზე მეტი კაცი.

როსტომს, როგორც კარგ დროის მექონს, მთავართაგან მისა-ნდო პირს—შეძლო კიდევ ბევრი შეეძინა ნივთიერად, როგორც მთავრებთაგან ეგრეთვე კერძო პირებთაგანაც, მაგრამ შეუძლებელი საქმე იყო „უწესრიგო და უზამსი“ (როგორც თვითონ იტყოდა ხოლმე) ვისმესაგან ესარგებდნა. ხშირად ესეც მომხდარა, რომ როცა რომელიმე მთავარი წყალობას შეაძლევდა (სოფლებს, მცხოვრებთ) მაშინ მოახსენებდა როსტომი: „ბატონო მე დვთისა, და თქვენის წყალობის კმაყოფილი ვარ, სხვანიც არიან, რომელნიც საჭიროებენ თქვენს წყალობას და ყურადღებას, უმჯობესი იქნება იმათ უბოძოთ და სხვებიც თქვენი შევრდომნი უფრო მადლობელნი და ერთგული მოსამსახურე გეყოლებიანო“ (ეს სიტყვები ეხლა ვგონებ არავის მოუვა თავში, რადგან ეს ძველებური დიდებული ხასიათი „დრომ წაიღო და ჩაყლაპა.“) მართალია, როსტომს ბევრი რამ შეუძენია მთავრების წყალობა—გლეხები და მამული, მაგრამ, გარდა პირადი ერთგულებითი სამსახურისა სამაგიეროდ ნივთიერი სამსახურიც დიდი მიუძღოდა მთავრის სახლისადმი და ამისდა მიხედვით აჯილდოვებდნენ მას.

როსტომი, როგორც ვიცით, უსწავლელი კაცი იყო, მაგრამ ვახტანგ მეფის კანონი საფუძვლიანად შესწავლილი ჰქონდა და „ვეფხვის-ტყაოსანი“ ესე ქართუელთა ერის დიდება და თავმოწონება წიგნი—ხებირად იცოდა თითქმის; ეს ისე უწყობდა ხელს მის მოქმედებას მწერლობაში, (თუმცა მისი ხელნაწერი ძნელი ამოსაკითხავი იყო) საფუძვლიან განაჩენში, წყობილს და წუნდაუდებელს სიტყვებში, რომ

ვისაც უნდა გარდაეკითხა იგი—ყოველი მცოდნე პირი დასახავდა როსტომს ნასწავლ კაცად და ღრმა ჰაზროვნების მექონად. მისი განაჩენის შერყევა ცოდვად ითვლებოდა ხალხში, რადგან დარწმუნებული იყვნენ, რომ სიმართლეზე იყო დამყარებული. ძვირად თუ მთავრები შეეხებოდნენ განაჩენის დარღვევას, და, თუ მოხდებოდა ისრეთი—ისიც ძლიერ იშვიათად.

მომხდარა ესეც: ვილაც სამთავრო აზნაური უჩიოდა მაშულს ხაზინას—მთავარს. საქმე განიხილა უზენაეს სასამართლომ და განაჩენი დაადგინა როსტომის აზრზე: მამული გამოირიცხა ხაზინიდან, ჩემოერთვა მთავარს და დაუბრუნდა მომჩივანს სასამართლოს განჩინებით. საქმე, როგორც წესი ითხოვდა, წარუდგინეს მთავარს ხელმოსაწერად და დასამტკიცებლად. მთავარმა არ დაამტკიცა განჩინება და წერილობით დაუბრუნა როსტომს. მთავარი სწერდა: „ამ განაჩენს ბრალი ედება ხაზინის ზარალისა, ავისათვის მოგანდობთ თქვენ და გთხოვთ, ამ საქმეს კარგათ დახედოთ, დაკვირვებით გაარჩიოთ და თქვენი აზრი მომახსენოთ მეღ“. როსტომმა, როგორც მიიღო ეს წერილი მთავრისა დაუყოვნებლივ მისცა პასუხი: ამ საქმეს დავხედეთ დავაკვირდით და გავარჩიეთ, სამართალმა სადაო მამული არგო მომჩივანს, და უკეთუ თქვენის უფლებით ჩამოართმევთ ეგ თქვენი საკუთარი ნება იქნება და არა—სამართლისაო. ამის შემდეგ ამაზე საქმე არ შემდგარა, განჩინება მოვიდა თავის ძალაშიდ.

ხალხში საზოგადოდ ისე გავრცელებული იყო ქება-დიდება როსტომისა, მისი განსხვავებულის სამართლიანი მსჯელობისა და კეთილდღეობისათვის, რომ მეგრელებმა ლექსიც კი შეთხზეს თავიანთებური ვნით როსტომის მოსამართლეობაზედ.<sup>1</sup>

ეს, იმ დროის წრფელი გულის გამონახატი სიტყვები, კიდევ დარჩენილია აქამომდე. დღესაც, მოხუცი იმა დროისანი ამ სიტყვებს (ლექსს) სიხარულით და თან ოხვრითაც იგონებენ მათდა თავმოსაწონებლად, რომ პირველს ხანებში მათ ოქროვან დროს მსახურებდნენ ოქროს პირი კაცებიც.

როსტომი, დროზედ ხუმარიც იყო, რომელშიდაც ყოველთვის აზროვანი სიტყვები გამოითქმოდა. მოაზრებული სიტყვები ხომ ხანდაუზმელად და დაუბრკოლებლად ამოსდიოდა პირიდან. ეს ნიჭი

---

<sup>1</sup> ეს ლექსი იხილეთ ამავე წიგნის 127 გვერდზე.—რედ.

იმას ბაღნობიდან დაჭყვა; თვით მთავრის ურიგოლ დადიანის დროსაც კი (მაშინ ყმაწვილი იყო) ხშირად გამოიჩინდა თავს ასრეთისნიჭით ამხანაგობაშიდ. ხანდისხან ბატონი გრიგოლიც განკვირდებოდა როსტომის ნიჭიერად წარმოთქმულს სიტყვებზედ, ამისათვის ხშირად უბრძანებია კიდევ, რომ ეს ყმაწვილი (როსტომი) თავის დროზედ სასარგებლო კაცი გამოდგება ქვეყნისთვისაო,—აი, ამ წინასწარმეტყველებამ მთავარი გრიგოლისამ კვალიც იჩინა და კიდევ ამ გზაზე დააყენა როსტომი; მისი ამ ქვეყნიერი ცხოვრება შეიქმნა ყველასათვის სასარგებლო და კეთილსახსლოვარი. <sup>1</sup>

სხვათა შორის ამასაც ამბობენ: „როდესაც როსტომი და ორი სხვა მდივანბეგები.... ერთად არჩევდნენ საქმეს მაშინ ერთი იმათგანი იტყოდა მეორეს—აცა (როსტომს), მეორე იტყოდა—გვაცა (მე და როსტომს) მესამე—კი როსტომი იტყოდა—მაცა, ამ მოსამართლეების სიტყვებს ხალხი ამნაირს მნიშვნელობას აძლევდა:—პირველის სიტყვაში იხატებოდა რწმუნება და უპირატესობა როსტომისადმი, მეორეში—როსტომთან ერთად აზრის შეერთება—ანუ—მეც ვიყო და მესამის სიტყვაში სჩანდა უფლება და თან რწმუნება—ნდობა ხალხისა და თან დანდობაც თავის-თავზედ; ამ აზრში როსტომი სრულიად მართალი იყო, ვინაიდან მისი მსჯელობა წრფელი, მიუდრეკელი და სწორი და ამ თვისებების გამონაწვევი განაჩენი—რა-თქმა უნდა—სამართლიანიც იყო“.—

მოგვყავს აქვე ზოგიერთი მოსწორებული სიტყვა, წარმოთქმული როსტომისაგან სხვა და სხვა დროშიდ:

## 1

მთავარს დავ. დადიანს თურმე ჩვეულებად ქონდა ბაყაყის ჭამა, ამას უმზადებდა ერთი ფრანცუზი გვარად „ლეტარი“. ეს ამბავი როსტომმა შეიტყო და ძლიერ იუცხოვა,—მოუვიდა გული და სთხოვა მთავარს, რომ საწახურიდან გაენთავისუფლებინა, (მაშინ სახლთ უხუცესად იყო). დავითს ეწყინა როსტომის სამსახურიდან გასვლა და გამოკითხა ამისი მიზეზი.

—სახლთ-უხუცესი და მმართველი სახლისა უნდა განაგებდეს სხვათა შორის მთავრის სუფრასაც, და რადგან მე ბაყაყების ულუ-

<sup>1</sup> როსტომმან საჩინო თანამდებობაშიდ ემსახურა მთავრებს. და მისს ქვეყანას—ორმოც წელიწადზედ მეტი.

ფის გამრიგედ არ გამოვდგები ამისათვის ვანებებ თავს სამსახურსო. ასეთი წესწყობილებისათვის სხვა უფრო გამოგადგებათო, უპასუხა როსტომმა.

## 2

მთავარმა დავითმა კითხა როსტომს: „როსტომ, მეცნიერები ამბობენ, რომ მზე გაჩერებულია და ქვეყანა ბრუნავსო, ამაზე რას იტყვიო“. როსტომმა შეხედა იქვე მდგომს თავადს ქოჩაქიძეს და სთქვა: მართალი უნდა იყოს სწორედ, მართალიო.

—ბატონო, ჩემს სახლში (გორდში) ყველას აციებს ეხლა და ჭალადიდელი კი ასე მრთელად არისო, გავს რომ ჩვენი გორდი ეხლა ჭალადიდში უნდა იყოს მოქცეული და ჭალადიდი კი, გორდშიო,— მოახსენა როსტომმან.

## 3

დადიანი დავით მინდვრათ—ცაცხვის ჩრდილში დაბრძანდა. აქვე ახლდნენ როსტომი და სხვა თავადაზნაურობა. ბაყაყი ხეზედ გასულიყო და ყიყინებდა. იქვე მყოფმა თ. გ. ფალავამ სთქვა: რამ გაიყვანა ეს ოხერი ამ დიდ მაღალს ხეზეო.

—როსტომმა წამოიძახა: გაჭირვებამო.—

მინდორზე არ დააყენა კაცმა და წყალში არ ჩააყენა, დასდევენ საწყალს და ხეზედ გავიდა თავის საშველადაო, უთხრა როსტომმან.

დადიანი მიხვდა რისთვისაც ამბობდა ამას როსტომი და გაეცინა.

## 4

მთავარს დავითს ყავდა მდივნად „ივა-ბერი“, გვარად ხოშთარია. ეს ბერი ცუდი თვისების იყო, ხშირად ასმენდა მთავართან მოსამსახურე პირებს და როსტომის საყვედურსაც კი ეტყოდა თურმე. ეს გარემოება როსტომმა იცოდა და ამისათვის არ იყო კმაყოფილი ივა ბერის, რადგან ცუდ ხასიათის კაცად იცნობდა. აღდგომა დღეს, როდესაც მთავარმა დავითმა გაანსხვავებული და შესანიშნავი დღესასწაულობა იცოდა, აქ შემოკრებული იყვნენ დიდი საზოგადოება სხვა და სხვა მხარისა. სხვათა შესაქცევართა შორის იყო ამართული ყაბახიც, ვინც ყაბახს ჩამოიღებდა საჩუქრად დიდი სირმის თასს მოაღებდა.

ბევრი ესროლეს ყაბახს, მარა ვერ მოახვედრეს. როსტომმა მოატანია თავისი თოფი, გატენა, ესროლა და ყაბახი ჩამოიღო. ყველამ მიულოცა გამარჯობა როსტომს. შემდგომ წარსდგა მთავართან იმ იმედით, რომ ისიც „ვაშა“-ს ეტყოდა და გამარჯობას მიულოცავდა. დავითმა იოხუნჯა, შესძახა როსტომს: „როსტომ, ვგონებ მარცხად მოგივიდა ყაბახის ჩამოღება“.

—მარცხი ის იქნებოდა, რომ ყაბახს აცდენოდა და ივა ბერს მოხვედროდაო, უპასუხა როსტომმა.

## 5

როსტომი იჯდა მთავარ დავითთან სადილად. შემოიტანეს „ზაკუსკა“ ბოსტნეულით. სადილის შემოტანამდის ამას შეექცნენ სხვები და როსტომი კი ელოდა ხორცეულ საჭმელს. ბოლოს, მოთმინებიდან გამოსულმა დაუძახა თავის დალაქს, მთავარმა კითხა რათ გინდა დალაქო.

—ბატონო! მე ბალახს არ გიახლებით და ჩემს ჯორს მაინც გაუგზავნიო, უთხრა როსტომმან. დადიანს გაეცინა და ბრძანა—სადილი მოერთმიათ. სუფი შემოიტანეს, ყველამ გულიანად შეხვლიპა წვენი და გადვიდნენ მეორე პორციაზედ. როსტომს ჯერ ვერ გაეთავებინა სუფი და კითხა კიდევ დავითმა: როსტომ, რას შვრები, რატომ არ მიირთმევ სუფსო.

—თქვე, დალოცვილო, უშველებელ ტბაში ორინჯერი ხორცი ჩაუგდიათ, მოგეხსენება გლახა ქვეითი განხლავარ, ვსდევ ამ ტბაში ხორცს მარა ვერ დავიჭირე და იმას შევრჩიო—მოახსენა როსტომმან. მთავარმა, სხვა არჩეული საჭმელი მართმევიანა როსტომისათვის.

## 6

მთავარმა ლევან დადიანმა გასცა ბრძანება, რომ ჩემს სამთავროში ყაბალახი არავინ დაიხუროსო. სამაგიეროდ „ფაფანაკი“ ან „ბოხონი“ უნდა დაეხურათ. დუტუ მანუჩარის ძე დადიანი (ბიძა-შვილი მთავრის ლევანისა) გარდაუდგა ამ ბრძანებას;—მას და მის მსლებლებს ყველას ყაბალახი ეხურათ. ეს მთავარმა შეიტყო და მეტად გულმოსული იყო დუტუზედ. ერთს დღეს,—სასახლემიდ მოიყვანეს დუტუც. ყველას ჰგონია, რომ დაუსჯელად ვერ გადაურჩება მთავარს დუტუო. როგორც, დაინახა დუტუ მთავარმა, მივარდა განრისხებული და უბრძანა: როგორ გაბედე ჩემი ბრძანების

გარდამავლობაო“. ასეთი გულმოსრულ კითხვაზედ დუტუმ შემკრთა-  
ლად მოახსენა: „ბატონო, ქუდი მე არ მქონდა, რა უნდა მექნა,  
ყაბალაზი მიტომ მეხურაო“ როსტომმა ვერ მოითმინა ასეთი უსა-  
ფუძვლო პასუხი და უცებ უთხრა დუტუს: თქვე დალოცვილო, ხომ  
იცი სიცრუეს მოკლე ფეხები აქვსო, სხვა არა იყოსრა, ეგ თქვენი  
ყაბალაზი ხომ ასე ფართეა, დაგეჭრა და თორმეტი „ფათანაკი“  
გამოვიდოდო. მთავარს როსტომის სიტყვამ ღიმილი მოგვარეს,  
გაბრუნდა და სახლში შევიდა, იქ გული მოიღმობიერა და დამნა-  
შავეც გარდურჩა სასჯელს.

## 7

მთავარმა დადიანმა ლევანმან საქართველოს მეფეთან გაგზა-  
ვნი საქმის გამო მოსალაპარაკებლად როსტომი და სხვა წარჩინებული  
პარები. მეფემ პატივისცემით მიიღო სტუმრები და რიგიანის პასუ-  
ხით გამოსტუმრა. კარის კაცებმა როსტომი—როგორც კოჭლი,  
აიხირავეს და ერთმა იმათგანმა დაილაპარაკა: „ეს კოჭლი რომ  
გამოუკზავნიათ უთუოდ დადიანს კაცი არა ჰყოლიაო“. როსტომმა  
ყური მოკრა ამ სიტყვას და უთხრა: „კაცები კიდევ კაცებთან არიან  
გაკზავნილიო და მე აქ, თქვენთანაო“.

აქვე, სხვა შემთხვევაშიდ ბევრი რამ ილაპარაკეს მეფეზე  
და დადიანზედ სტუმრებმა და მასპინძლებმა. ერთმა ქართლელმა  
ჰკითხა როსტომს: თქვენი მთავარი რას ნადირობსო,—დადიანი ნადი-  
რობს დრო-დროთი ირემს, შველს, არჩვს, ტახსო, უპასუხა როსტო-  
მმან. ქართლელმა დაცინვის კილოთი უთხრა: „მე რომ ტახი ვიყო და  
თქვენს დადიანთან დამსვა, რას მიზამსო?—... გაჭმევს, სხვა რა პატი-  
ვისცემის ღირსია ღორიო, უცებ მოუჭრა სიტყვა როსტომმა და გა-  
შორდა.

## 8

მთავარი ლევან გარეთ აივანზედ იჯდა და თან ახლდა რო-  
სტომი. ორი უცხო კაცი ამოვიდა აივანზედ, მთავარს სალამი მისცეს  
მდაბლად და როსტომს გულზე ეამბორნენ. როსტომს გაუკვირდა  
იმათი მოქცევა და კითხა, ვინ ხართო.—თქვენი გამზრდელები განლა-  
ვართ, ხუბუტიები, მიუგეს იმათ. როსტომმან უცებ უპასუხა: უმა-  
დური გამყოფათ ღმერთმან—შუაძვალი მოგიტვრევიათ ჩემთვისო<sup>1</sup>

<sup>1</sup> როსტომს გამზრდელის სახლში ქონდა ფეხი ნატკენი, აკვან-  
ში ჩაკვრის დროს.



და რანაირი გამზრდელობა არის ესაო და წაიყვანა კი თავის ბინაში. მთავარი სახლში გაბრუნდა და დედოფალსაც კი უამბო ეს სასაცილო შემთხვევა.

## 9

მთავარი გრიგოლ დადიანი და სასახლის კარის კაცები ზაასობდნენ. აქ, სხვათა შორის იყვნენ ოტია ჯაიანი და სიკო კორძია. მთავარმა ბრძანა, რომ ძველოდესმე ისეთი უსჯულოება ყოფილა, რომ კაცები—მიცვალებულს სჭამდნენ თურმეო, მაგრამ თავისი სახლის მკდარს იმავე სახლში მყოფი არ სჭამდნენ, მეზობელს გაუგზავნიდა, ასესხებდა და ისინი შესჭამდნენო, სამაგიეროშიდ, როცა მეზობელი მოკვდებოდა გარდაუხდიდნენ, მაგიერს მკვდარს გამოუგზავნიდნენო. აქვე როსტომიც იდგა და უყურებდა (მაშინ ყმაწვილი იყო). ეს რომ გაიგონა როსტომმა დაილაპარაკა: რამდენი უსამართლობა გაერეოდა ამ აღებმიცემობაშიო. მაშინ მთავარმა კითხა როსტომს; რა სთქვი ყმაწვილო, რაზე ამბობ მაგასო? როსტომმა გარდახედა იქ შემოკრებულთ და მოახსენა მთავარს: „ბატონო! მე რომ ოტია ჯაიანი მომიკვდეს და გავასესხო და სამაგიეროდ სიკო კორძია გამომიგზავნონ არ მივიღებო, ეს ნამეტანი ხარალიც იქნება და უსამართლობაცაო“.<sup>1</sup> მთავარს გაუკვირდა ყმაწვილისაგან ასეთი შენიშვნა და გაეცინა კიდევ.

## 10

როსტომის მსაჯულთ-უხუცესობის დროს, დაუცხრომელ ქურდად შენიშნულ იყო ა. ჯაიანი, რომელსაც მთავრობა სდევდა ავკაცობისათვის. ერთს დღეს როსტომმა გარდინებდა თავისი სახლიდან მდინარე ტეხურის პირად, <sup>2</sup> რომელიც ძლიერ მომატებული იყო, დაინახა ვილაც მისცურავდა ცხენით ამ საოცარს აღელვებულს წყალში დიდის გაჭირვებით აი აგერ წაიქცევა და აი აგფრაო. როცა გაიგო როსტომმა თავისი მოურავის ფ. გუგუნავასგან, რომ ა. ჯაიანი არისო, მაშინ შესძახა მდინარეს: „აბა ჰა, ტეხურო! გამოიჩინე სასწაული, ნუ გადაარჩენ ამ ბოროტს, დაახრჩვე, მოსპე ეს ქვეყნის მტერიო“. ამ დროს კიდევ გასცურა მგზავრმა კიდეში და გაქუსლა თავისი ცხენი.

<sup>1</sup> ოტია ჯაიანი იყო მაღალი და სრული ტანის კაცი, სიკო კორძია კი პატარა ტანის იყო.

<sup>2</sup> მდინარე ტეხური უვლიდა როსტომის სახლის გვერდით.

როსტომმა მწარე სიტყვებით შეუტია მდინარეს:

„შე უსამართლოვ, ბერს ახრჩობ, მონაზონს ახრჩობ <sup>1</sup> და ეს ქვეყნის მავნებელი რათ გადაარჩინე, რათ არ მოსპე სხვების სამაგალითოდო“, და გულმოსული ესროლა თავისი ჯოხი მდინარეს.

## 11

როსტომმა ცოლი შეირთო, თავადის მიქელაძის ქალი. დიდი ქორწილი გადაიხადა. ქორწილში დაესწრო მეგრელიის მთავარი და სხვა წარჩინებული პირები, როგორც სამეგრელოდან ისე გარეშე ქვეყნებიდანაც. მეორე დილას როსტომს წინ შეხვდა დიდი ნიკო დადიანის „სიმონა გლახა“, სიმონამ კითხა: „როსტომ, კიდო კოკლობო? — შე სულელო, თურმანიძე <sup>2</sup> კი არ შემირთავს, მიქელაძის ქალი შევირთეო, უთხრა როსტომმა.

## 12.

როსტომს აფხაზი ესტუმრა. მიიღო როგორც სტუმარი და პატივი სცა. შემდგომ გაცნობისა აფხაზმა ჩვეულებრივად დაუძახა როსტომს: „ვო, როსთო, ანბეე—შვანბეე (როსტომ, ანბავი რა იციო).—როსტომმა ჩაილაპარაკა: მოგეცა ღვთის წყალობა, დადიანის საიდუმლოებანი მე შენ გიამბოო. მერე უამბო როსტომმა: „ქურდობა-მტაცებლობას თავი დაანებეთ, ცხოვრება კაცური იქონიეთ და აი საჭირო ამბავიც ეს არისო, როცა ასე მოიქცევით, ყოველი რიგიანი კაცი თქვენი მადლობელი და პატივისმცემელი იქნებაო“. შემდგომ სტუმარმა კითხა თავისი „მაყალეს“—(მზღებელი—ამზანაგი) „ჩქიმი ბარგი სოჩვიი“, (ჩემი ბარგი სად შეინახეთო). როსტომს ეს ბარგი ხურჯინი ეგონა და უბრძანა მსახურს სალაროშიდ შეეტანათ და იქ შეენახათ, მაშინ აფხაზმა უჩვენა თავისი ლეკური, რომელსაც ბარგს უწოდებდა. ამაზე კი გაეცინა როსტომს და უთხრა: „შე კაი კაცო, პირველ საკეთილშობილო იარაღს—„ლეკურს“, რომ ბარგს ეძახი, სხვა რალა დაგრჩენია უკეთესი სავაჟკაცო კეთილშობილსაო.

<sup>1</sup> ამის წინა დღეს ერთი ბერი და ერთი მონაზონი დამხრჩვალისყვნენ ტენურში.

<sup>2</sup> თურმანიძენი იმ დროში გამოჩენილი ექიმები იყვნენ.

## 306 რუმელ გვირღვია მოხსენებული.

არლოვი—33.

ანჯაფარიძე გრიგოლ—34.

ალექსანდრე I, 47, 49, 50, 52.

ალექსანდრე IV—50.

ალექსანდრე II—52.

ანასტა (ბერძენი)—63.

ახვლედიანი თეიმ.—66.

აფაქიძე—72.

აფაქიძე ბეჟან—85.

აკოფოვი—107.

აგიაშვილი თეიმ.—114.

ახვლედიანი ანტ.—114, 118, 124.

ასათიანი ოქროპირ—124.

აფაქიძე გუთუ—127.

აფაქიძე ასლან—135.

ალექსეევ-მესხიევი დ.—137.

არხიმანდრიტი ანტ.—144.

არხიმანდრიტი ზაქარია—144.

არხიმანდრიტი თეოფანე—145.

ახვლედიანი გლახუა—146.

ათაბაგი—165.

აფხაზი დავით—15.

ბებუთოვი ვასილი—3, 4, 76, 92, 95.

ბარონ როზენი—4, 5, 14, 46, 75, 15, 78, 140, 147.

ბარონ ნიკოლაი—13, 92.

ბარათაშვილი ტატო—13.

ბროსსე მ.—29, 45, 57, 70, 74, 106, 114, 138, 165.

ბესტუჟევი—32.

ბერ-მონაზანი ბენედიქტე—40.  
 ბლუდოვი—45.  
 ბატონიშვილი ვახუშტი—45.  
 ბატონიშვილი (დადიანი) მანუჩარ—58.  
 ბაბინი—58.  
 ბატონიშვილი არჩილ—61.  
 ბეჭვაია—62.  
 ბასილაია ბოშია—63.  
 ბატონიშვილი (დადიანი) დუტუ—66, 114. 177.  
 ბერიძე—80.  
 ბატონიშვილი ალექსი—114.  
 ბატონიშვილი ტაია—114.  
 ბორისოვი რომან—134.  
 ბასილაია ნიკ.—137.  
 ბობოხიძე—146.  
 ბედიანი—164.

გოლოვინი—9, 16, 75, 78.  
 გრიბოედოვი ალ.—13.  
 გეგეჭკორი ანდრი—29, 33.  
 გურიელი გრიგოლ—33, 65.  
 გრიგოლია მერაბ—34, 40, 55.  
 გეგელია ბაკიჩია—40.  
 გურიელი გიორგი—50.  
 გეგელია გიორგი—61.  
 გახოლა } სვანები—63.  
 გახო }  
 გელოვანი გიორგი—66, 149.  
 გაგარინი—69, 153.  
 გურიელი დიმიტრი—73.  
 გუგუნავა დათა—74.  
 გიგინეიშვილი სიკ.—74.  
 გუგუშვილი გიორგი—36.  
 გუგუშვილი ალ.—86.  
 გალიცინი—106.  
 გვიჩია—110.

გელოვანი ფარნ.—114.  
გაბუნია—118.  
გვათუა დავით—119.  
გრიგოლია ნიკო—145.  
გაწერელია ივა—146.  
გუგუშვილი ლომკაცი—146.  
გობერია გიგო—149.  
გურიელი მამია—156.  
გურიელი როსტომ—165.  
გურიელი გიორგი—165, 166.  
„ ვახტანგი - 166, 167.  
გორაძე ფარუხია—166.  
გურიელი სიმონ—166.  
გურიელი ქაიხოსრო—167.  
გოშაძე—167.  
გუგუნავა ფ.—179.  
გაბლიანი გივი—15.

დადიანი დავით 3—180.  
დადიანი ლევან 3, 5, 10, 16, 45, 51, 69, 86, 168, 177.  
დადიანი გრიგოლ—3, 6, 54, 56, 58, 70, 79, 156, 160.  
დედოფალი ეკატ.—19, 51, 52, 54, 60, 153, 156, 160.  
დედოფალი მართა—3, 7, 60, 69.  
დადიანი კაცია—4, 61, 63.  
დადიანი გიორგი—10, 78, 79.  
დიდი-ნიკო (დადიანი)—10, 50, 119, 125, 141.  
დედოფალი ნინო—12, 18, 47, 50, 86, 156.  
დადიანი ნინო—14, 55.  
დადიანი გრიგოლ (მთავარი)—21, 47, 61, 86.  
დუბროვინი—31, 116.  
დგებუაძე ევგენი—33, 34.  
დადიანი კ.—36.  
დადიანი კონსტ. (წიწა)—41, 111, 156, 160, 171.  
დადიანი ბეჟან—50.  
დადიანი მანუჩარ—61.  
დადიანი ნიკოლოზ—53, 55, 60, 138, 157, 160.

დადიანი ნიკ ნიკ—ზის ძე (პატარა)—61.

დედოფალი ანა—61.

დგებუაძე ბეჟან—62.

დადიანი გრიგ. ტარიელის-ძე—66.

დგებუაძე გრიგოლ—66.

დევდარიანი ბეჟუკი—67.

დადიანი პეტრე—79, 118, 124.

დადიანოვი ელიზბარ—80.

დადიანი ოტია—124, 168.

დადიანი მენიკი—127.

დგებუაძე სოლ.—137.

დიმიტრი—137.

დეკანოზი—137.

დგებუაძე სიკო—139.

დადიანი ანდრია—161, 162.

დადეშქელიანი მურზაყან—14, 15.

„ ციოყ—14.

„ დიგორხანი—14, 15.

„ დარეჯან—14, 15.

ერმოლოვი—4.

ერისთავი გიორგი—14.

ესპეხო—16, 17.

ეპისკოპოსი გიორგი—16, 144.

ედემევაგილისა—69.

ერისთავი კონსტ.—70.

ერისთავი რაფ.—89.

ეპისკოპოსი ექვთიმე—144.

ეპისკოპოსი გერმანე—144, 153.

ექსარხოსი ისიდორე—144.

ეპისკოპოსი ზაქარია—153.

ერისთავი შოშიტა—168.

ვარანცოვი—24, 25, 27, 29, 35, 56, 75, 109, 110, 151, 156, 158.

ვასილიევი—60.

ველიამინოვი—129.

თვალთვაძე სამ.—39.  
თევზაია ჯარუკია—111.  
თოფურია სენი—119.  
თოფურია ქაქუჩია—145.  
თურმანიძე—180.  
თარხნიშვილი აღ.—14.

ივა-ბერი—13, 32.  
იოსელიანი პლ.—49, 50, 138.  
იოსელიანი იოანე—50.  
ისკანდერ ფაშა—56.  
ივანენკო—66, 76, 90, 116.  
იაკოვლევჩი—66, 67.  
იონა—138.  
იოსელიანი ნიკო—146.

კედია—60.  
კუხალეიშვილი ბერუკელა—67.  
კობახიძე მაიკო—69.  
კორსაკოვი—87.  
კოცებუ—109.  
კოლხიდელი—77, 137.  
კორძაია ს.—146, 179.  
კორძაია ზ.—146.  
კორძაია გ.—146.  
კაროლინა—155.

ლატარი—34, 175.  
ლარაძე—41.  
ლამბერტი არქანჯელო—44, 54, 96.  
ლაშხია—68.  
ლიტვინოვი—107.  
ლაშქარევი—108.  
ლოლუა ბასა—119, 120.  
ლოლუა უტა—119, 120.  
ლასხიშვილი ხოსია—167.

მუხრან-ბატონი ივ.—14, 92.  
 მეუნარგია ი.—24, 28, 155, 157.  
 მეფე ვახტანგ VI—30.  
 მაჰმადი—52.  
 მეფე გიორგი XIII—52.  
 მიურატი—60, 62, 157.  
 მხეიძე პეტრე—66, 120, 123.  
 მიქელაძე გლახუა—67.  
 მეფე სოლომონ—67.  
 მუხრან-ბატონი გიორგი—92.  
 მორენას—108.  
 მაკარაძე—119.  
 მიტროპოლიტი დავ.—134, 144, 152.  
 მიტროპოლიტი ბესარ.—134.  
 მაჭავარიანი დავ.—135.  
 მეუნარგია პავლე—137.  
 მიმბაში—137.  
 მამა ეგნატე—137.  
 მიტრიდატი—137.  
 მელია—145.  
 მიხაილაშვილი ცხაკუნია—148.  
 მიხაილაშვილი აბრამ—148.  
 მეუნარგია მიხ.—153.  
 მიურატი იოაჰიმ—159.  
 მეფე ბაგრატ IV—164, 165.  
   „ გიორგი III—164, 165.  
   „ თამარი—164.  
   „ დავით IV—164.  
   „ გიორგი V—164.  
   „ ალექსანდრე—165, 167.  
   „ კონსტანტინე—165.  
   „ ლევანი—166.  
   „ სიმონი—166.  
   „ ვახტანგი—167.  
 მიქელაძე დავითი—169.  
 მიქავა უტუ.—VII—VIII.  
 მაკალათია ს.—IV—XI.



ნესელროდე—15, 46.  
ნეიდგარდი—75.  
ნიკოლოზ პავლეს-ძე—76, 106, 146.  
ნაზირი—137.  
ნაპოლეონ I—159.

ორბელიანი გრიგოლ—13.  
ორზოლია—3.  
ომარ-ფაშა—56.  
ოსმანი—62.

პასკევიჩი—4, 5, 103, 133, 146.  
პოტოცკი—32, 109.  
პრიბილი—41.  
პოლოვეცევი—53.  
პუპი—54.  
პრინცესა სალომე—56, 62.  
პანკრატიევი—128.

ჟორდანიას პეხუ—42.  
ჟორდანიას გიორგი—118.  
ჟოზეფი—58.

რაევსკი—39.  
რაისი—54.  
როჰანი—63.  
რტიშჩევი—129.  
რაზმორდუკი—102, 151.

სტალინი—IX.  
საბინინი—50.  
სმიტტენი—75.  
სალაყაია ნიკ.—111.  
სკინდირ (იგივე ისკანდერ) ფაშა—123.  
საინ-ოღლი ხუშუტ—148.  
საბოკია თედო—XI.

ტაციტი—137.

ტიგრან—137.

ფალავა ნიკო.—39, 43.

ფალავა ბათუ—42, 72.

ფალავა არჩილი—66.

ფალავა გახუ—66.

ფალავა სოლომონ—66.

ფრანცუზი სოლომონ—68.

ფალავა დავით—72.

ფალავა გიგო—80, 114, 118, 123, 124.

ფალავა დუტუ—114.

ფალავა ზურაბ—118.

ფალავა გ.—176.

ქავთარაძე—43.

ქიაჩელი ლ.—58.

ქუთისოვი—87.

ქირია ქ.—91.

ქოჩაქიძე მაქს.—114, 176,

ქოიავა მაძინია—124.

ლოლობერიძე ბეჟან—167.

ყოფიანი დიმ.—56.

ყოფიანი გოგი—149.

შჩერბინინი—56.

შენგელაია—58.

შარვაშიძე მიხ.—67.

შპრინგელი—139.

შერ-ოლდი ოსმან—148.

ჩიჩუა პეპუ—3.

ჩერნიშევი—5, 16, 27, 128, 158.

ჩიჩუა კაცია—10, 58, 79, 114, 119.

ჩიქვანი დათა—37, 74, 91, 95, 149.  
 ჩიქოვანი ალექსი—42, 80, 114.  
 ჩუბინოვი დ.—45, 50.  
 ჩიჩუა გიორგი—65, 79, 85.  
 ჩიქოვანი ივანე—65, 67, 118, 124.  
 ჩიქოვანი ხოსია—66.  
 ჩარკვიანი ნ.—67,  
 ჩიქვანი როსთო—68, 118, 124, 125, 126, 145, 169.  
 ჩაგუნავა—68.  
 ჩიქვანი გიორგი—69.  
 ჩაჩიბაია—80.  
 ჩიქოვანი ბერი—80, 85.  
 ჩიქოვანი ლევან—81, 85.  
 ჩიქოვანი ანტ.—114, 118, 123, 124.  
 ჩიქოვანი სიკო—118, 124.  
 ჩიქოვანი ვახტანგ—118, 124, 149.  
 ჩიჩუა დავით—119.  
 ჩიჩუა მიხა—119.  
 ჩაქავა—123.  
 ჩიქოვანი გუძა—126.  
 ჩხვიძე სეხნია—167  
 ჩიქოვანი გიორგი—169.  
 ჩიჩუა ხახუ—169  
 ჩიჩუა ასტანდარ—169.  
 ჩიქოვანი ლევან—169.  
 ჩიქოვანი ტარიელ—169.  
 ჩიქოვანი დავით—169.  
  
 ცაიშელი—3.  
 ცხვიტარია გიორგი—32.  
 ციციანოვი—61, 107.  
 ცილლე—109.  
  
 წერეთელი ზურაბ—3.  
 წერეთელი ექვთიმე—34.  
 წიწავა ქვ.—91.  
 წულუკიძე პაატა—167.

კავჭავაძე ალექსანდრე—13, 15, 52, 60, 88, 92.  
კავჭავაძე ნინო—13.  
კავჭავაძე ეკატერინე—13.  
კავჭავაძე გულბათ—41,  
კყონია ალექს.—44. 54, 96.  
კყონდიდელი გიორგი—18, 23.  
კილიაევი (კილაშვალი)—56.  
კყონდიდელი ანტ.—80, 141, 153.  
კოჭუა გუკოჩია—110, 124.  
კოჭუა მახუია—110  
კოჭუა იესიკა—110.  
კალადიდელი—114.  
კიკინაძე ივ.—135.  
ჭედია დათაია—146, 148, 149.  
ჭედია ვრისთო—148.  
კყონდიდელი ზაქარია—156.  
კყონდიდელი ევდომოსი—168.

ხოშთარია ივ.—32, 176.  
ხოშთარია თევდორე—32.  
ხოფერია ბეს.—33, 120, 124, 146.  
ხურცილავა ივა—52.  
ხულორდა(ვა)—63.  
ხერგიანი—67.  
ხოფერია ნიკო—85, 146.  
ხვარციკია—123.  
ხუხუნი ანდრი—145.  
ხაბურზანია გიორგი—146.  
ხოშთარია მეთოდე—146  
ხუბუტია—178  
ჯანოევი—35, 120.  
ჯგუშია—68.  
ჯორჯიკია ბერ.—111, 114, 115.  
ჯორჯიკია გიორგი—115.  
ჯორჯიკია უჩა—118.  
ჯაიანი ნიკო—120.  
ჯაიანი იოსებ—120.  
ჯანუაშვილი (იგივე ჯანოევი)—148.  
ჯაიანი ოტია—179.  
ჯაიანი ა.—179.

ჭერაკლე—50.

## ს ა რ ჩ ე ვ ი


83

წინასიტყვა . . . . .	V
I. დავით დადიანის დაბადება. მისი გაგზავნა აღსაზრდელად ქუთაისს და თბილისს. სამეგრელოს მემკვიდრედ დამტკიცება. დავით მოურავთა-ზედა მოურავი. სამეგრელოს არევ-დარევა . . . . .	2
II. დავით დადიანი სამეგრელოს მმართველი. მისი ჯვარისწერა. მთავრობის გადაცემის ცერემონია ზუგდიდში . . . . .	12
III. ლევანის გარდაცვალება. დავითის წერილი ნიკოლოზ I-თან. დავით დადიანის ტახტზე ასვლა. ინვენსტიტურა . . . . .	25
IV. ბროსეს აზრი დავით დადიანზე. მთავრის კანცელარია: ქართული და რუსული. ივა-ბერი. ანდრი გეგეჭკორი. ვარანცოვის ბეჭდის ძებნა . . . . .	29
V. დავითის საქმეთა აღწუსება. სხვადასხვა მოგონებანი . . . . .	37
VI. სატახტო ქალაქი და სასახლეები. ზუგდიდის ბაღი. ვლაქერნის ხატი . . . . .	44
VII. სასახლის წყობილება. აღდგომის დღესასწაულის გადახდა . . . . .	65
VIII. საგარეო საქმეები. რუსის მთავრობასთან განწყობილება. მეზობლის რიდი. საიდუმლო წერილი დავით დადიანისა. მთავრის ვეჭილები სამეგრელოს გარეთ—მათი იურისდიქცია . . . . .	75
IX. მთავრის შემოსავალ-გასავალი. გადასახადები. სამთავრო ფინანსები . . . . .	86
X. მიწის მეურნეობა: სიმინდი, პურის ჯიშები, მებაბრეშუმეობა. სხვადასხვა კულტურები . . . . .	94
XI. გზები და არხები. არხის გაყვანაზე მომუშავე გლეხთა გასამრჯელო . . . . .	106

XII.	ადმინისტრაცია. ოდიშ-ლეჩხუმის რვა მაზრად დაყოფა. ამ მაზრების ხელისუფალნი . . . . .	112
XIII.	სასამართლო. ძველი და ახალი კანონები. როსთო ქუ ლა. რუსული კანონის შემოსვლა. პანკრატიევის რა- პორტი . . . . .	122
XIV.	სახალხო განათლება. პასკევიჩის წერილი. სკოლები. დავ. დადიანი მწიგნობარი. დავითი შინაურობაში . . .	133
XV.	ეკლესია და სამღვდელოება. თავად-აზნაურები . . . .	141
XVI.	ვაჭრობა. ვაჭრები. იარმუკები. სავაჭრო ადგილები. მრეწველობა . . . . .	148
XVII.	დავ. დადიანის გარდაცვალება და დასაფლავება. ეკა- ტერინე დედოფლის მმართველად დანიშვნა . . . . .	153

**დამატებანი:**

I.	სამეგრელოს მთავართა საგვარეულო ნუსხა . . . . .	154
I.	როსტომ ჩიქოვანი . . . . .	169
	მოხსენებულ პირთა საძიებელი . . . . .	181



11/30  
15  
10/12

11/30  
15  
10/12